

COMPENDIUM
PHILOSOPHICO-THEOLOGICUM

PRO DIVERSO, ET EODEM
AD TYRONES BACCONISTAS UTILISSIMUM

Juxta Scripta

DOCTORIS RESOLUTI

JOANNIS BACCONII

Philosophorum, & Theologorum sui temporis
Principis,

AUTHORE

FR. EMMANUELE
IGNATIO COUTINHO

Ulyssiponensi

*Ordinis Carmelitarum antiquæ observantiæ Regulari, In
Conimbricensi Academia Sacræ Theologiæ Doctore,
olim in Regio Carmelitano Collegio, & Eborensi Cæ-
nobio Artium Lectore, nunc Sanctæ Theologiæ
Professore.*



ULYSSIPONE ORIENTALI,
EX TYPOGRAPHIA AUGUSTINIANA.
Anno M. DCC. XXXIV.


Cum facultate Superiorum.

CONTENDIUM


THE FIRST PART OF THE
HISTORY OF THE
LIFE OF THE
LORD OF THE

OF THE

THE SECOND PART OF THE
HISTORY OF THE
LIFE OF THE
LORD OF THE



THE THIRD PART OF THE
HISTORY OF THE
LIFE OF THE
LORD OF THE



PRÆCLARISSIMO DOMINO
D. ANTONIO
 VELHO DA COSTA.

Christi militiæ publico Equiti, Cæsareæ Juris-
 prudentiæ Præceptori litteratissimo, Sena-
 tori Regio, Pontificii, Regalisque Collegii
 Conimbricensis Collegæ Ornatissimo, & non
 semel Reçtori Vigilantissimo, ad suprema di-
 gnitatum fastigia omnium votis, & propriis
 meritis sublimando.




*E, Domine præcla-
 rissime, Mæcenatem
 invoco, & Protectorem adprecor; non
 enim potui hanc occasionem præterire, sed*
 * ij *eam*

*eam opportunam judicavi , ad testandum
meum erga Te studium , & affectum ; ta-
lis namque est voluntatis propensio , atque
impetus , quo in Te feror , ut opus istud ,
quod afferro , projectioni Tue retardare non
possim. Egregiæ profectó sunt Tui animi
dotes , inter quas liberalitas , & benevolen-
tia micant Splendorem Tui Sanguinis , &
Tuae Sapientiae copiam illustrantes. Hec
ita Tibi conciliant , ut fama Tui nominis ,
Tuarumque virtutum , omnium Lusita-
norum , præcipué Academicorum Conim-
bricencium animos , voluntatesque devin-
xerit. Ob Tuam modestiam laudes effun-
dere prohibeor ; nec tamen ego afferre ali-
quid possum , quod Tuis meritis ulla ex
parte respondeat. Unicum peto : Fave be-
gnine huic operi , & me Tibi addictum ,
obstrictumque habe in æternum.*

Servus tuus devinctissimus , & obloquentissimus

Fr. Emmanuel Ignatius Coutinho.

PRO-



PROLOGOMENON

AD SCHOLARES CARMELITANOS.



RO difficili, arduâque materiâ de Diverso, & Eodem peculiarem compilarunt tractatum cujuscumque Scholæ sectatores. Ad mentem Divi Thomæ, Bartholomeus Mansolius: ad mentem Scoti, Antonius Sirectus: Ad mentem Ægidii, Augustinus Musæus: ad mentem Averroes, Archellinus: Aureolus tandem, Gabriel, & cæteri Nominales de Diverso, & Eodem suam utique tradiderunt sententiam. Hæc me movent, ut pro-dire faciam hoc Compendium ad mentem Bacconii nostri elaboratum, ut tribuere possitis quod suum est unicuique. Adhæreo vestigiis nostrorum Magistrorum præcipué Antesignani Commentatorum, omniumque discipulum esse venerabundé de-

monstro ; dissimulare tamen non potui ullas
difficultates, quæ mihi, contra aliquos ejus-
dem D. Commentatores , dum huic operi
incumberem , occurrebant. Animus erat
prælo parare Compendium pro universâ
Baconii Philosophiâ ; verûm non veloci-
tate, & celeritate res magnæ geruntur, sed
consilio, maturitate, & labore. Pro nunc
sufficiat Compendium hoc vobis , ut arbi-
tror, utilissimum, fortassé temporis decur-
su, integrum dabo cursum Philosophicum,
favente Divinâ Gratiâ.



V I T A
DOCTORIS RESOLUTI
JOANNIS BACCONII,
C A R M E L I T Æ

EX PTISEO DE ILLUSTRIBUS

*Angliæ Scriptoribus, & Lesana tom. 4. An-
nal. Carm. sub anno Christi 1329. 33. &*

*36. quam referunt Hieronymus Aymus,
& Josephus Zagaglia.*



JOANNES de Baccone ex Ba-
condorpio in Norfolcensi re-
gione pagonatus, & non lon-
gè à natalitio loco in ipsa ado-
lescentia Carmelitanus Mo-
nachus in Cœnobio Nigrensi, vulgò Blan-
chney quinque circiter passuum millibus à
Valsingano, uti scribit Lelandus, intra pri-
vatos parietes sub optimis Ordinis sui Ma-
gistris litteras humaniores, disciplinam
Monasticam, omnemque pietatem, atque
virtutem humiliter didicit. Tandem in-
genii specimen tantum dedit, ut iis, quo-

Vita Doctōris Resoluti

rum regimini subijciebatur, expedire visum sit, eum Oxonium ad altiora studia capescenda mittere. Illic igitur Philosophicum cursum terminavit, Theologicum inchoavit. Sed inde missus Lutetiam perrexit, ut quæ in patria sæliciter inceperat, apud Exteros sælicius perficeret, & finiret. In omnibus nullius bonam de se opinionem conceptam fefellit, omnino omnem plane omnium spem longè superavit. Ibi utriusque Juris, & Theologiæ Doctōr creatus est, admirantibus omnibus stupendum hominis ingenium, multiplicem doctrinam, & solidum judicium. Omnes Averrois sententias (*in iis, quæ orthodoxæ Fidei non adversantur*) mordicus tenuit, & illius Scholæ suo tempore quasi Princeps haberi voluit, cognomentum etiam accepit Doctōris Resoluti. Collecto igitur undique instar apis sedulæ dulcissimo scientiarum melle, in patriam reversus est, & non multo post tempore Anno Dñi 1329. Londini in publico suorum Conventu communibus omnium suffragiis in Provincialem totius per Angliam Ordinis ordine duodecimo electus est. Post quartum an-

num

num sui Provincialatûs Romam vocatus est super gravissimis de Matrimonio dubiis. Et tunc cœpit fama hominis apud Italianos, utî prius apud Gallos, magis, magisque indies clarescere. Erat quidem ut alter Zaccheus statura pusillus, sed ingenio magnus, ut mirum sit in tam exili corpusculo tantas habitasse virtutes, & naturam in tantillo homuncione tam sublimé collocasse ingenium. Post Italiam, & Galliam peragratam ad propria reverlus terris moritur, Cælis victurus. Tam ingentia scripsit volumina, ut corpus non tulisset quod ingenium protulerat, nam si moles librorum ejus composita sarcina Authoris humeris imposita fuisset, homulum sine dubio comprimere suffecisset. Ex illo ordine [quantumvis doctissimorum Carmelitarum ferax Anglia] vix huic unquam produxit parem, imò vix orbis Christianus illa ætate doctiorem. Nemo doctiùs confundebat Judæos. Nemo nervosiùs confutabat Turcas, vel quoscunque infideles: Nemo fæliciùs expugnabat Hæreticos: Nemo solidiùs Christi veritatem dilucidabat: Nemo manifestiùs Antichristi falsitatem, & imposturas

Vita Doctoris Resoluti

posturas detegebat, suisque coloribus depingebat: Nemo subtilius difficiles nodos solvebat: Nemo clarius obscura Sacrae Scripturae loca explanabat, & sensus reconditos, & arcana mysteria dilucidius aperiebat: tales enim laudes ei, nec immerito tribuit Paulus Pansa Doctor Italus. Sed quid hominis virtutes omni laude maiores, hic laudare aggredior? loquantur pro Authore opera ejus, & illi praebeant copiosam laudandi materiam, qui de eo prolixam laudationem instituere cupiunt. Satis nobis est dicere eum ex suis Scriptis apud omnem posteritatem tam immortalē famam esse consequutum, ut illam nulla unquam delere oblivio, vel obscurare valeat vetustas: unde, ut inquit ille, casurum nullo tempore nomen habet. Quae veró, vel quot volumina à Baccone conscripta sint, quia laboriosum est singula recensere, summatim perstringemus. Scripsit autem

In Universam Sacram Scripturam libros
90.

De Aeternitate Dei l. 1.

In S. Aug. de Civit. Dei lib. 22.

In

Joannis Baconii.

In eundem de Trinit. l. 15.

In S. Anselmum de Inc. l. 1.

In eundem cur Deus homo? l. 2.

De Fide, & Baptismo l. 1.

Sermonum l. 3.

De Adventu Messiae l. 1.

Comp. leg. Christi l. 1.

De Dominio Christi l. 1.

De Concept. MARIE l. 4.

De Cessatione legalium l. 1.

De Regulis Christianae Fidei l. 1.

De Præceptis, & Consiliis l. 1.

Compendium vitæ Christianæ l. 4.

De Peccatis, & Remediis l. 1.

De Perfectione Justitiæ l. 1.

De Sanctif. Festarum l. 1.

In Canones Pontificum l. 1.

De Generali judicio l. 1.

De Beatorum Visione l. 1.

In Mag. sententiarum l. 4.

Quæstiones ordinarias l. 1.

Placita Theologica l. 3.

Determinationum l. 1.

De Jurisdictione Claustralium l. 1.

Tractat. de suo ordine l. 1.

In Regulam Carmeli l. 1.

Com-

Vita Doct̃oris Resoluti

Compendium Jurium Carmelit. l. 1.

De non ducenda patria l. 1.

Contra superstitiones l. 1.

Contra vanitates sæculi l. 1.

Contra Idolatriam l. 1.

De Sphæra Judiciali l. 1.

De Astrorum Scientia l. 1.

Contra Joannem de Poliacō l. 1.

De Judæorum perfidia l. 1.

Ration. contra Judæos l. 1.

In Universam Philosophiam Aristotelis
l. 80.

Ex quibus elicitur ipsum inter maiores totius Ecclesiæ Scriptores jure nominandum fore. De ipso ut præclarissimo sui sæli viro agunt nec dum Historici Carmelitæ, sed alii quamplures honorifico ipsum titulo honestantes. Inter alios Evernerus Ro-
velink , Jacobus Philippus Bergomenfis, Guilelmus Einsgrineus, eum Sanctum appellans , Joannes Tritemius, Jacobus de Plebe Servita , Sixtus Sennenfis, á quo appellatur Theologorum sui temporis Princeps , Bellarminus , Possëvinus, Harpsfeldius , Fabianus Justinianus , Paulus Panfa, & alii.

AD MONITIO NECESSARIA
ex Constitutionibus Ordinis correctis decreto
Capituli generalis celebrati anno 1625.
Relictis antiquioribus.

INCōventibus solemnioribus,
& in illis, qui sunt in Univer-
sitatibus, non solū deputentur
apprimé docti, & resoluti Ma-
gistri, qui legant quotidie Artes,
& Theologiam solemniter, & di-
sputationibus quotidianis præ-
sint; sed etiam deputetur conve-
niens numerus studentium, &c.
Et studeant omnes in primis Do-
ctorum nostri Ordinis determi-
nationes sustinere, & allegare, &
præsertim Joannis Bacconii Do-
ctoris Resoluti, &c.



ORDINIS FACULTAS.

CENSURA REVERENDISSIMI P. M.

Fr. Josephi de Lima Carmelitani, antiquæ observantiæ Regularis, olim Carmelitane gentis Chronographi, hujus Provinciæ Definitoris Maximi, in Ulyssiponensi Censurio studiorum Regentis, & in statu Marananiæ Provincialis, illiusque Diocesis Provisoris dignissimi, nunc Summi Pontificis Protonotarii Apostolici, & Sanctæ Cruciatæ doctissimi Consultoris, in Sacra Theologia Magistri emeriti.

Nostri adm. R. P. Provincialis Mag. Fr. Jacobi de Sampaio jussui obtemperans hunc recognovi librum sub titulo *Compendium Philosophico-Theologicum pro Diverso, & Eodem juxta Scripta Doctoris Resoluti Joannis Baconii, &c.* elaboratum a Reverendo admodum P. Fr. Emanuele Ignatio Coutinho in Conimbricensi
Aca-

Academia Sacræ Theologiæ Doctore olim
in Regali Conimbricensi Carmelitano Col-
legio , & in Eborensi Carmelitano Con-
ventu Artium Lectore ; modò in Regio
Eliano Athenæo Sacræ Theologiæ Profef-
fore , & nihil in hoc Opere reperitur cen-
surâ dignum ; imò potiùs omnes illius pa-
ginæ , né dicam apices , panegyristen jure
optimo expostulant : in eo enim refulget,
cum singulari ingenii acumine , mira cla-
ritas in proponendo , profunda peritia in
probando , pulchra subtilitas in arguendo,
ac in diluendo quidquid contra probatas
assertiones objicitur , summa felicitas. Un-
de absque , vel levi , offendiculo , in lucem
valet prodire , ut Tyronibus , quibus para-
tur , possit prodesse. Ita censeo , &c. In
hoc Regali Ulyssiponenſi Occidentali Car-
melo 20. Februarii an. 1734.

Fr. Josephus de Lima.

CEN-

CENSURA REVERENDISSIMI P. M.

Fr. Georgii de Carvalho Carmelitani antiquæ observantiæ Regularis . olim in Conimbricensi Collegio non semel Artium Lectoris, in Sacra Theologia jubilati, & quondam Maurensis Conventus Prioris vigilantissimi, & dignissimi.

DE mandato Nostri admodum R. P. Provincialis Magistri Fr. Jayme de Sampaio omni cura, maioriq; curiositate perlegi hoc opus sub nomine: *Compendium Philosophico-Theologicum pro Diverso, & Eodem juxta Scripta Doctoris Resoluti Joannis Bacconii*, adeo disertè apprimeque conscriptum à Reverendo admodum Patre Magistro Fratre Emmanuele Ignatio Coutinho Sanctæ Theologiæ Doctore in Athenæo Conimbricensi; inspecta perspicuitate, qua R. admodum Pater Magister in hoc opere elucidat mentem Nostri sapientissimi Doctoris Resoluti, indubitatum habeo, quod sit utilissimum non solum Tyronibus, sed omnibus literarum studiosis Nostræ Sacræ Religionis, quapropter multum proficuum erit maximè in hac Provinciâ Lusitania, ut absque cun-

**

ctatione

statione ulla typis mandetur. Ulyssiponenſi Occidentali Carmelo 22. Martii 1734.

Fr. Georgius de Carvalho.

V Iſis approbationibus RR. PP. MM. Fratrum Joſephi de Lima, & Georgii de Carvalho de mandato noſtri Reverendiſſimi Patris Generalis M. Fr. Ludovici Benzoni concedimus licentiam, quantum ad nos ſpectat, Patri Reverendo Fr. Emmanueli Ignatio Coutinho noſtræ al- mæ Provinciæ alumno, ac in Conimbricenſi Academia candidato, pro typis mandando ſuo ſubtili codice intitulato: *Compendium Philoſophico-Theologicum pro Diverſo, & Eodem*. Datum in hoc Regali Ulyſſiponenſi Carmelitarum Conventu die 6. Aprilis de 1734.

Fr. Jayme de Sampaio Provincialis Carmelitarum.



FACULTAS

CONCILII GENERALIS S. INQUISITIONIS.

CENSURA REVERENDISSIMI P. M.

Fr. Emmanuelis de Cerqueira præclarissimæ, pariterque insignis Augustinianorum Familiæ Filii, Sancti Officii Consultoris dignissimi, & Sacræ Theologiæ Lectoris jubilati literatissimi, &c.

EMINENTISSIME DOMINE

Compendium Philosophico-Theologicum pro difficili materia de *Diverso*, & *Eodem* egregiè concinnatum à Reverendissimo P. ac sapientissimo Doctore Fr. Emmanuele Ignatio Coutinho Ordinis Carmelitarum ad mentem Doctoris Resoluti Joannis Bacconii Carmelitæ, jussu Eminentissimæ V. eaqua potui diligentia vidi, & perlegi. Est opus sane aureum; Bacconistis non solum valde utile, sed necessarium; omnibus gratum, & ma-

gni ponderis ~~apud~~ doctos ; & cum nihil
contineat contra Fidem ; aut morum pro-
bitatem ; prælo , aut cedro dignum si
Eminentissimæ V. placuerit Ulyssipone.
In **C**onventu Dominae nostræ de Gratia
20. Aprilis 1734.

Magister Fr. Emmanuel de Cerqueira.

CENSURA REVERENDISSIMI P. M.

*Josephi Troiano doctissimæ Congregationis
Ulyssiponensis Congregati, Philosophiæ
olim, & Theologiæ Professoris, Sanctique
Officii Qualificatoris.*

EMINENTISSIME DOMINE

C Um librum, cui titulus est: *Compendium Philosophico-Theologicum, pro Diverso, & Eodem a Reverendissimo P. D. Fr. Emmanuele Ignatio Coutinho Ordinis Carmelitarum antiquæ observantiæ Regulari compositum, accurata lectione, & maturo judicio recognoverim, nil in eo Fidei præceptis dissonum, vel á probis moribus alienum reperi: imo potius propter uberem rationum apparatus, solida Baccanistarum, & eorum facile Principis, auctoritate munitum, & continuo ordine digestum, penum dixerim omni provisione refertum, ex qua literati viri ex eadem augusta Carmelitana familia indies florentes, possint arma depromere ad sophismatum ambages enodandas, & veritates Philosophico-Theologicas persuadendas. Quare hoc Compendium dignissimum judico,*

dico, quod in lucem prodeat, & typis mandetur. Si Eminentissimæ V. videbitur. Ulyssipone Occidentali, in Congregatione Oratorii, die 2. Junii an. 1734.

Josephus Troianus.

Vistas as informaçoes, pôde-se imprimir o livro intitulado: *Compendium Philosophico-Theologicum*, pro *Diverso, & Eodem*: Author o Padre Fr. Manoel Ignatio Coutinho; e depois de impresso, tornarà para se conferir, e dar licença que corra, sem a qual não correrà. Lisboa Occidental 4. de Junho de 1734.

Lancastre. Teixeira. Sylva. Soares.



ORDINARI FACULTAS.

PO'de-se imprimir o livro de que se tratta, e depois de impresso tornarà para se conferir, e dar licença para que corra.

ra. Lisboa Oriental 7. de Junho de
1734.

Pereira de Carvalho.



FACULTAS REGII SENATUS.

CENSURA REVERENDISSIMI P. M.

*Joannis Baptistæ, eruditissimæ, piissimæ-
que Congregationis Oratorii Ulyssiponen-
sis Congregatæ Philosophiæ, & Theologiæ Pro-
fessoris Sapientissimi.*

D O M I N E.

Librum, qui *Compendium Philosophico-
Theologicum, pro Diverso, & Eodem*
inscribitur, Authore P. M. Fr. Im-
manuele Ignatio Coutinho Ordinis Car-
melitarum antiquæ observantiæ, diligen-
ter evolvi; nihilque a legibus, jureque
Regni in illo abhorrens notavi, inò ni-
hil Philosophiæ ipsi, ac Theologiæ non
utile, non decorum; ut pote qui novam lu-
cem, novamque firmitatem doctrinæ Ma-

** iij

gni

gni M. Joannis Bacconii mirificè affert; quapropter facultatem, quam postulat, libentissimè faciendam Judico. Ulyssipone Occidentali in Congregatione Oratorii die 11. Junii anno 1734.

Foannes Baptista.

QUe se possa imprimir vistas as licenças do S. Officio, e Ordinario, e depois de impresso tornarà à mesa para se conferir, e taxar, e dar licença que corra, e sem isso não correrà. Lisboa Occidental 21. de Junho de 1734.

Pereira. Teixeira.

Q U Æ S T I O III.

*Utrum ea, quæ sunt separabilia arguant
etiam Distinctionem Realem? p. 37.*

Q U Æ S T I O IV.

*Quale sit adequatum signum Distinctionis
Realis? p. 44.*

S E C T I O II.

De Distinctione Graduali.

Q U Æ S T I O I.

*Utrum inter essentiam, & existentiam
creatam detur Distinctio Gradualis?
p. 52.*

Q U Æ S T I O II.

*Utrum inter naturam substantialem crea-
tam, & subsistentiam detur Distin-
ctio Gradualis? p. 76.*

S E C T I O I I I.
De Distinctione Modali.

Q U Æ S T I O I.

*Utrum Distinctio Modalis sit propriè
Distinctio Realis? p. 95.*

Q U Æ S T I O I I.

*Utrum Distinctio Modalis sit maior Di-
stinctione Reali? p. 106.*

D I S P U T A T I O I I I.
*De Distinctione Formali Scotica, & Bac-
conica.*

S E C T I O I.
De Distinctione Formali Scotica.

Q U Æ S T I O I.

*Utrum inter gradus metaphysicos creatos
sit Distinctio formalis Scotica? p.*

I.

QUE-

Q U Æ S T I O II.

Utrum inter Essentiam Divinam comparatam cum Attributis, vel inter Attributa ad invicem comparata detur Distinctio formalis Scotica? p. 126.

Q U Æ S T I O III.

Utrum inter Essentiam Divinam comparatam cum Relationibus detur Distinctio formalis Scotica? p. 141.

S E C T I O II.

De Distinctione Formali Baconica.

Q U Æ S T I O I.

Utrum inter gradus metaphysicos creatos detur Distinctio formalis Baconica? p. 152.

Q U Æ S T I O II.

Utrum inter Essentiam Divinam comparatam cum Attributis, vel inter Attributa ad invicem comparata detur Di-

Distinctio formalis Baconica ? p.
179.

Q U Æ S T I O III.

Utrum inter Essentiam Divinam comparatam cum Relationibus detur Distinctio formalis Baconica ?

DISPUTATIO IV.

De Distinctione virtuali, & Distinctione Rationis.

S E C T I O I.

De Distinctione virtuali.

Q U Æ S T I O I.

Utrum Distinctio virtualis sit maior Distinctione Reali ? p. 209.

Q U Æ S T I O II.

Utrum Distinctio virtualis Maxima admittenda sit increatis ad salvanda aliqua contradictoria physica ? p. 214.

QUÆ-

Q U Æ S T I O III.

Utrum Distinctio virtualis Maxima admittenda sit in creatis ad salvanda aliqua contradictoria intentionalia? p. 230.

Q U Æ S T I O IV.

Utrum Distinctio virtualis Maxima admittenda sit in Divinis inter Essentiam, & Relationes ad salvanda aliqua contradictoria physica, sive absoluta? p. 234.

Q U Æ S T I O V.

Utrum Distinctio virtualis Maxima admittenda sit in Divinis inter Intellectum, & voluntatem ad salvanda aliqua contradictoria physica, sive absoluta? p. 251.

Q U Æ S T I O VI.

Utrum in creatis detur Distinctio virtualis

tualis Minima! pagin. 261.

Q U Æ S T I O VII.

Utrum in Divinis detur Distinctio virtualis Minima? p. 265.

S E C T I O II.

De Distinctione Rationis.

Q U Æ S T I O U N I C A:

Utrum Distinctio Rationis sit etiam ex parte objecti? p. 272.

D I S P U T A T I O V.

De Quidditate, & Quotuplicitate Identitatis.

S E C T I O I.

De quidditate Identitatis.

Q U Æ S T I O U N I C A:


In quo consistat Identitas? p. 290.

SECTION II.

De Quotuplicitate Identitatis.

QUESTIO UNICA.

Quotuplex sit Identitas? p. 294.



ERRATA GRAVIORA Sic corrigenda.

N. indicat paragraphum. L. lineam significat.

Errata

Corrigenda

N. 13. l. 4. A, & C.	A, &c.
N. 29. l. 3. fiat	faciat
N. 61. l. 8. & distinctio	& distantia
N. 121. l. 11. <i>pro nunc</i>	<i>sit ita</i>
N. 197. l. 2. n. 108.	n. 208.
N. 252. l. 12. aliquid, & unum quid, & unum &c.	aliquid, & ali-
N. 279. l. 17. & generans	est generans
N. 282. l. 8. es singularis	res singularis
N. 304. l. 9. esse physicum	esse physico
N. 305. l. 3. Responder	Respondeo
Ibid. l. 13. n. 212.	292.
N. 315. l. 11. unita est	unitas est
N. 339. l. 7. quo	quos
N. 342. l. ult. n. 211.	n. 291
N. 398. l. 7. possunt	possunt
N. 471. l. 1. Intellectus	Intellectus
N. 494. l. 8. puré	puré rationis

Hæc statim, cætera ad libitum, corrige,

L I C E N C A S.

C Ohaeret cum suo originali. Ulyssipone Orientali in Conventu Dominae nostrae de Gracia, die 5. Novembris 1734.

Magister Fr. Emmanuel de Cerqueira.

V Isto estar conforme com o original, pôde correr. Lisboa Occidental 9. de Novembro de 1734.

*Fr. R. Alencastre. Teixeira. Silva. Cabedo.
Soares. Abreu.*

D O U licença para que corra. Lisboa Oriental 10. de Novembro de 1734.

Pereira de Carvalho.

Q Ue possa correr. Lisboa Occidental 15. de Novembro de 1734.

Teixeira. Rego.

* * *

IN-

NOBILISSIMI DOMINI
D. ANDREÆ DE OLIVEIRA
In Diœcesi Vilenſi Canonici Magiſtralis,
EPIGRAMMA
AD AUCTOREM.

ECce tuo, Emmanuel, magna includente libello
Nobiscum Deus est, Trinus, & Unus adest.
Cum de Diverſo, ſimul & pertractet Eodem;
Explicat in triplici nomine Numen idem.
Idem Præceptor, Diverſus & ipſe videris,
Dum capit augmentum mens benè culta novum,
Spiritus afflatu loqueris Divina Superni;
Ignitum eloquium Spiritus intus agit.
Quæ loqueris, ſcribis; verbis tua ſcripta cohærent:
Idem Diverſis rebus & ignis ineſt.
Quod cognomen habes, Ignatius indicat ignem,
Flamine qui Supero creſcit in ore, manu.
Quid de te dignum, libroque, quid amplius addam?
Auctori nomen conciliabit opus.
Angelicus Doctor toto celebratur in Orbe,
Subtilis nomen, quod Reſolutus, habet.
Quæ diſtincta tibi Diſtinctio nomina debet,
Diſtinctum meritò nomen & ipſa dabit.
Egregios inter, quos noſcimus, Orbe Magiſtros,
Diſtinctus Doctor jure vocandus eris.



INDEX

DISPUTATIONUM, SE-
ctionum, & Quæstionum, quæ
in hoc Compendio conti-
nentur.

DISPUTATIO I.

*De Quidditate, & Quotuplicitate Di-
stinctionis.*

SECTIO I.

De Quidditate Distinctionis.

QUÆSTIO UNICA.

IN quo consistat Distinctio, pagin.
I.

S E C T I O II.
De Quotuplicitate Distinctionis.

Q U Æ S T I O U N I C A.

Quotuplex sit Distinctio? p. 17.

D I S P U T A T I O II.
*De Distinctione Reali, Graduali, &
Modali.*

S E C T I O I.
De Distinctione Reali.

Q U Æ S T I O I.

*Utrum oppositio producentis, & produ-
cti, causantis, & causati arguant
Distinctionem Realem?* p. 25.

Q U Æ S T I O II.

*Utrum ea, quæ sunt in pluribus rebus,
seu subjectis realiter distinctis sint
etiam signa Distinctionis Realis?* p.



COMPENDIUM PHILOSOPHICO-THEOLOGICUM PRO DIVERSO, ET EODEM,

QUINQUE INVOLVENS DISPUTATIONES.

Prima agit de Quidditate, & Quotuplicitate Distinctionis.

Secunda de Distinctione Reali, Graduali, & Modali. Ter-

tia de Distinctione Formali Scotica, & Baconica Quar-

ta de Distinctione Virtuali, & Distinctione Rationis.

Quinta de Quidditate, & Quotuplicitate

Identitatis.

DISPUTATIO I.

De Quidditate, & Quotuplicitate Distinctionis.

S E C T I O I.

De Quidditate Distinctionis.

QUÆSTIO UNICA.

In quo consistat Distinctio?

I



ESOLUTIO : Distinctio stat forma-

liter in negatione identitatis. De-

ducitur ex Doctore (quidquid

garrulent moderni Baconistæ)

in 1. dist. 33. q. 1. art. 2. §. 4. X.

Item. Hac est intentio Philoso-

phi, ubi hæc habet : Sed certum est quòd diversum,

A

dis-

Bacon.

Bona-Spes.
Lumbier.
Zagaglia.

Garcia.
De Castilla.

dissimile , & inaequale sunt privationes , & in rei veritate privatio unitatis. Hanc tenent Mag. Bona-Spes in Log. disp. 2. de Distinctionibus dub. 1. n. 108. Mag. Lumbier tom. 1. Theologiae q. 14. art. 5. §. 1. n. 786. Mag. Zagaglia tom. 4. tractatu 2. disp. 7. sectione 1. n. 8. ad illa verba : *Dico , quod distinctio ut sit non dicit perfectionem , cum consistat in negatione.* Haec videtur mens Mag. Garciae in Me. galogica dist. 2. q. 1. art. 3. §. 1. n. 479. Et est in re doctrina Mag. de Castilla , noviter , sed doctissime explicantis Resolutum , tom. 1. tract. 2. q. 3. n. 46. ad illa verba : *In quo consistat distinctio , clarè constabit attentè legenti Resolutum in 1. & c. ubi satis insinuat , quomodo se habeant unum , & plura : sed unum , asserit , consistere in positivo quo , & plura in negativo : ergo distinctio pro formali negationem dicit ex mente Doctoris.* Antequam resolutionem probem.

2 Prænoto primò , distinctionem aliam esse positivam , aliam negativam , & mixtam aliam , (de his sermo erit sectione seq.) quæ quidem partitio magis data est ex parte extremorum , quàm ex parte ipsius distinctionis ; distinctio namque , vel positiva , vel negativa , vel mixta , semper explicatur per negationem identitatis.

3 Prænoto secundò , distinctionem negativam , & mixtam tantum esse distinctiones per analogiam ad distinctionem positivam , de qua , illis ommissis , tanquam de verâ , & propriâ distinctione agitur in præsentî , & definitur : *Negatio identitatis unius cum alio.* Verum hæc definitio solum est descriptiva ; distinctio enim in rigore definiri non potest , sicut de identitate , suo loco , dicam.

4 Prænoto terriò, distinctionem sibi dare essentialiter esse distinctam à quocumque, à quodatu suo subjecto etiam accidentaliter distinguì; & consequenter, si in negatione consistat, se ipsà essentialiter distinguì à quocumque subjectum distinguì. Ut enim hîc advertit Mag. Bona-Spes, omnes formæ habent essentialiter quod aliis dant, etiam accidentaliter: sic unio seipsam suo subjecto unit, sicut suo subjecto dat sibi uniri; aliter daretur processus in infinitum. *Bona-Spes.*

5 Prænoto quartò (nota bene) non sufficere quòd unum à parte rei non sit aliud, ut distinguatur à parte rei ab illo; relatio enim rationis non est à parte rei ens rationis, & tamen nec à parte rei est distincta ab ente rationis: quia, cum non detur à parte rei, nec à parte rei est eadem, nec distincta. Unde ut unum distinguatur ab alio, requiritur, quòd illud, quod distinguitur, detur, & supponat juxta genus distinctionis, scilicet, si distinctio est realis, detur realiter, si verò rationis, detur objectivè, & quòd unum non sit aliud. His prænotatis.

6 Probo resolutionem, & primò sic. Quotiescumque desinit aliquid præcisè ablatà tali formalitate, id in eà formaliter consistit: atqui præcisè ablatà negatione identitatis, tollitur distinctio: ergo in negatione identitatis distinctio formaliter consistit. Maior est certa. Probo minorem. Si ex hac propositione, *homo non est leo*, præcisè tollatur negatio, tollitur distinctio: ergo. Probo antecedens. Si ex hac propositione præcisè tollatur negatio, manet identitas subjecti cum prædicato: ergo tollitur distinctio. Probo antecedens. Si ex hac propositione præcisè tollatur negatio, manet hoc modo propositio,

fitio, *homo est leo* ; sed verbum *est* identificat subiectum, & prædicatum : ergo si ex hac propositione præcisè tollatur negatio, manet identitas subiecti cum prædicato. Nec dicas, multa explicari per negationem, quæ negationes non sunt, ut irrationale, & similia ; siquidem hæc non sunt, positâ præcisè negatione, nec tolluntur, illâ præcisè ablatâ.

7 Probo secundò resolutionem sic. Ens nequit intelligi distinctum ab alio, nisi per negationem identitatis cum alio : ergo. Probo antecedens. In tantum posset intelligi distinctum, in quantum posset distinguiper suam entitatem positivam ; sed per suam entitatem positivam non : ergo. Maior conceditur. Probo minorem. Distinctio pro formali consistit in eo, quòd ex duobus entibus positivis unum non sit aliud ; sed unum non esse aliud formalissimè est negatio : ergo.

8 Probo tertio resolutionem sic. Pro priori ad negationem, etsi non detur identitas, nec non identitas datur : ergo non datur distinctio pro illo priori. Antecedens est certum. Probo consequentiam. Distinctio repugnat cum identitate ; sed quod datur pro illo priori, nec repugnat cum identitate, nec cum non identitate : ergo non datur distinctio pro illo priori. Maior est certa. Probo minorem. Quod pugnat cum identitate, est non identitas ; & quod pugnat cum non identitate, est identitas ; sed pro illo priori (juxta dicta) nec datur identitas, nec non identitas : ergo quod datur pro illo priori, nec repugnat cum identitate, nec cum non identitate ; adeoque, cum distinctio identitati opponatur, non datur pro illo priori, sed solum quando ponitur negatio, & ideo in negatione identitatis formaliter consistit distinctio.

Pro.

Proponuntur objectiones, & dissolvuntur.

9 **N**ostræ resolutioni opponuntur varii Do-
ctores in duabus sententiis distributi,
quarum prima distinctionem ponit in positivo tali;
secunda verò in relativo. Pro prima pugnant Ga- *Gabriel.*
briel in 1. dist. 2. Okam. in 2. q. 2. Bagatta in suo Cursu *Okam.*
Philosoph. disp. 3. de Universalib. in communi, sc^{et}. *Bagatta.*
4. x. *Supp. est autem.* Compton. in Log. disput. 19. *Compton.*
1. c^{et}. 2. Pro secundâ stat Scotus in 2. dist. 3. q. 1. quem *Scotus.*
citât, & sequitur Maffrius in Metaph. disp. 6. de Pal- *Maffrius.*
sionibus Entis q. 7. art. 1. n. 146. Pro Authoribus
primæ sententiæ objicies primò. Licet tollatur di-
stinctio, præcisè ablatâ negatione identitatis, non
sequitur, distinctionem consistere formaliter in ipsâ
negatione identitatis: ergo. Probas antecedens.
Conditio, *sine qua non*, non est constitutivum rei, &
tamen ablatâ præcisè conditione, *sine qua non*, tolli-
tur res: ergo licet tollatur distinctio, præcisè abla-
tâ negatione identitatis, non sequitur, distinctio-
nem consistere formaliter in ipsa negatione identi-
tatis. Probas antecedens. Applicatio est conditio,
sine qua non, ad combustionem; sed deficiente præ-
cisè applicatione, deficit combustio: ergo.

10 Respondeo ad objectionem negando ante-
cedens; ad cujus probationem, concessâ primâ par-
te antecedentis, nego secundam; ad cujus proba-
tionem concessâ maiore, nego minorem. Nam li-
cèt deficiat combustio, quando deficit applicatio,
ideo est, quia præter applicationem, deficit actio
ignis, vel passio correspondens, quæ est formale
constitutivum combustionis. Unde nulla conditio

est id , quo præcisè deficiente , deficit res , cæteris omnino permanentibus. Et hinc fit , negationem identitatis esse distinctionis constitutivum; cum, istâ præcisè ablatâ , tollatur distinctio, adhuc permanentibus cæteris , ut liquet ex resolutionis fundamentis.

II Objicies secundò. Potest res deficere , quin deficiat aliquod ejus constitutivum : ergo non sequitur , quòd distinctio consistat in negatione identitatis , licèt illa deficiat, deficiente istâ. Probas antecedens. Potest homo deficere , quin deficiat corpus , & anima ; (deficiente tantùm unione) sed corpus , & anima sunt de constitutivo hominis : ergo. Respondeo ad objectionem , negando antecedens , ad cujus probationem, concessa maiore , & minore, nego consequentiam. Quia licèt possit homo deficere existente corpore , & anima , tamen non potest deficere, existente corpore, anima , & unione , quæ etiam intrinsecè constituit hominem. Igitur in tali casu semper deficeret aliquod hominis constitutivum, aliter non deficeret homo. Itaque aliud est, constitutiva posse existere , quin actu constituent, loquendo de constitutivis signatis , & in actu primo; aliud verò , constitutiva posse existere , quin actu constituent , loquendo de omnibus constitutivis, ita, ut etiam comprehendatur constitutivum modale exercitum , quod est constitutivum intrinsecum ut quo, & ipsum exercitium constituendi. Quare bene sequitur , negationem identitatis constituere distinctionem, semel quòd , illâ præcisè ablatâ , tollatur ista.

Compton. 12 Objicies tertio pro laudato Comptono. Potest dari distinctio , quin sit negatio : ergo distinctio non consistit in negatione. Probas antecedens. Ca-
tu

tu, quò calor *A* ponatur in quantitate *A*, vel visio in oculo, adhuc quantitas illa distingueretur ab illo calore, & oculus a visione; atqui in tali casu nec quantitas *A* diceret negationem caloris *A*, nec oculus diceret negationem visionis: ergo potest dari distinctio, quin sit negatio. Maior est certa. Probas minorem. Si quantitas *A* (et idem dicendum de oculo respectu visionis) diceret negationem caloris *A*, simul existerent duo contradictoria; hoc non: ergo. Probas sequelam. In primis verum esset dicere, *quantitas A* habet calorem *A*; deinde verum esset dicere, quantitas *A* non habet calorem *A*; sed hæc sunt contradictoria: ergo. Maior, quo ad primam partem supponitur. Probas quo ad secundam. Dicere negationem caloris *A* est non habere calorem *A*: ergo si quantitas *A* distingueretur à calore *A* per negationem caloris *A*, non haberet calorem *A*: ergo haberet, & non haberet calorem *A*, sicque simul existerent duo contradictoria.

13 Respondeo ad objectionem, negando antecedens; ad cuius probationem, concessa maiore, distinguo minorem: in tali casu nec quantitas *A* diceret negationem caloris *A*, & C. negationem identitatis cum calore *A*, nego minorem: aliam negationem, quidquid sit. Ad probationem minoris distinguo maiorem: si quantitas *A*, diceret negationem identitatis cum calore *A*, simul existerent duo contradictoria, nego maiorem: aliam quamcumque negationem, quidquid sit. Ad probationem sequelæ, concessa maiore quo ad primam partem, illam nego quo ad secundam; ad cuius probationem distinguo antecedens modo explicato, eodem modo consequens, & nego ultimam consequentiam. Igitur

in tali casu verum erat, quòd in 'quantitate *A* esset calor *A*; falsum tamen, quòd daretur negatio caloris *A* in quantitate *A*. Negatio ergo, quæ tantum daretur, solum esset negatio identitatis quantitatis *A* cum calore *A*; cum distinctio solum in hac negatione consistat; non enim aliter est homo à leone distinctus, nisi per negationem identitatis cum illo.

Compton,

14 Instabis pro eodem Comptono. Si unum distingueretur ab alio per negationem identitatis cum illo, homo distingueretur à leone per negationem chimæræ, sed hoc non; cum homo per negationem chimæræ solum distet à chimæra, & non à leone: ergo. Probas sequelam maioris. Identitas hominis cum leone est chimæra: ergo si homo distingueretur à leone per negationem identitatis cum illo, distingueretur per negationem chimæræ.

15 Respondeo ad instantiam, distinguendo maiorem: Si unum distingueretur ab alio per negationem identitatis cum illo, identitatis scilicet, quæ datur inter unum, & alterum, homo distingueretur à leone per negationem chimæræ, concedo maiorem: si unum distingueretur ab alio per negationem identitatis, quæ daretur inter unum, & alterum, si ibi non esset negatio, homo distingueretur à leone per negationem chimæræ, nego maiorem. Hinc fit, negare identitatem inter hominem, & leonem non esse negare identitatem chimæricam; nam ibi non nego nisi illam identitatem similem illi, quæ datur inter enslem, & gladium, quasi dicam, inter hominem, & leonem non dari identitatem illam, quæ inter enslem, & gladium invenitur; cum autem identitas inter enslem, & gladium non sit chimærica, inde negatio identitatis inter hominem, & leonem

nem non est negatio identitatis chimæricæ.

16 Replicabis. Identitas inter hominem, & leonem similis illi, quæ est inter ensem, & gladium, est impossibilis, & chimærica; sed juxta concessa, negatur identitas inter hominem, & leonem similis illi, quæ est inter ensem, & gladium: ergo negatur identitas chimærica. Respondeo ad replic. concessa maiore, distinguendo minorem: negatur identitas, quæ daretur, si ibi non esset negatio identitatis, concedo minorem: negatur identitas, quæ ibi datur, nego minorem. Quare, identitas chimærica independentè à negatione est chimærica (nota hoc) & adhuc hâc ablatâ est impossibilis, & chimærica; at verò identitas, de qua loquitur, ideo præcisè non est, quia præcisè datur negatio ipsius identitatis: ergo non datâ negatione ipsius identitatis, jam ipsa identitas chimærica non esset, adeoque negatio talis identitatis non est negatio identitatis chimæricæ.

17 Objicies quartò pro eodè Comptono. Homo non solùm distinguitur à leone, à lapide, & cæteris entitatibus positivis, sed etiam à negationibus ipsarum; atqui ab ipsis negationibus non potest homo distingui per negationem: ergo saltem à negationibus non distinguitur homo per negationem. Maior est certa; siquidem formæ positivæ non sunt negationes. Probas minorem. Si homo distingueretur ab ipsis negationibus per negationem, distingueretur ab ista negatione per aliam, & sic in infinitum; sed hoc admitti non debet: ergo neque id, ex quo sequitur. Compton.

18 Respondeo primò ad objectionem, nihil probare contra nostram resolutionem, quæ tantùm procedit de distinctionis constitutivo inter duas formas

mas, seu entitates positivas. Ut enim jam supra prænotavi, distinctio negativa, & mixta non sunt distinctiones, nisi per analogiam ad distinctionem positivam. Quare non potest unum propriè distingui ab aliquo, quin ipsum aliquid, etiam propriè, distinguatur ab illo; negatio ergo propria inter unum, & alterum consequitur necessariò formas positivas, quæ non reperiuntur inter unicum tantum ens positivum, & negationem.

19 Respondeo secundò ad objectionem, concessa maiore, negando minorem; ad cujus probationem nego maiorem. Homo namque licèt distinguatur non solum à leone, à lapide, sed etiam à negationibus, non tamen distingueretur à negationibus per aliam negationem, sed per easdemmet negationes, à quibus distinguitur. Unde à leone distinguitur homo per negationem, & à negatione distinguitur per eandemmet negationem, quæ quidem negatio sicut per se ipsam distinguit hominem à leone, & per se ipsam distinguitur ab ipso homine; ita facit hominem distinctum à se ipsâ per se ipsam.

20 Hoc liquet exemplo unionis; nam unio non solum unit unum extremum alteri, sed per se ipsam se unit extremis, & facit, quòd extrema per se ipsam uniantur sibi ipsi, ne detur processus in infinitum in modis. Unde quemadmodum unio, utpotè causa formalis uniti, se ipsa extremis unitur, & extrema se ipsis illi uniantur; sic similiter dici potest respectu negationis, (est enim dicta causa formalis distincti) illa extrema à negatione per ipsam negationem distingui. Arbitror tamen Comptonum, hoc argumento, absurdum inferre contra se ipsum; cum, in *Physica* dipt. 46. sect. 4. n. 5. defendat, dati

de facto infinitum in negationibus, tam quoad multitudinem, quàm magnitudinem, & aliquo modo quoad intensiorem.

21 Objicies quintò. Antequam in homine intelligatur negatio leonis, jam homo est distinctus à leone; atqui non per negationem: ergo distinctio non consistit formaliter in negatione. Probas maiorem. Antequam in homine intelligatur negatio leonis, jam intelliguntur homo, & leo, utpotè fundamenta istius negationis; sed non intelliguntur utpotè fundamenta istius negationis, nisi sint distincti: ergo. Maior est certa. Probas minorem. Semel quòd homo, & leo intelligantur pro illo priori, tanquam fundamenta negationis, verum erit dicere pro illo priori, *homo est non leo*, & è contra, *leo est non homo*; sed hoc stare nequit, quin homo, & leo intelligantur distincti: ergo.

22 Respondeo ad objectionem, negando maiorem; ad cujus probationem, concessa maiore, nego minorem. Aliud namque est, hominem esse non leonem. & aliud, hominem non esse leonem. Primum dicit tantùm id, quod homo est, præscindendo ab eo, quod homo formaliter non est, secundum verò non dicit id, quod homo est, sed id, quod homo formaliter non est: unde licèt sit vera ista propositio, pro illo priori, *homo est non leo*, non sequitur quòd sit vera ista, *homo non est leo*.

23 Instabis. Ista propositio, *homo est non leo* est propositio affirmativa de prædicato infinito; ista verò, *homo non est leo* est propositio negativa de prædicato finito; sed, apud Logicos, ex propositione affirmativa de prædicato infinito valet consequentia
ad

ad negativam de prædicato finito : ergo si pro illo priori est vera hæc, *homo est non leo*, ita etiam vera erit ista, *homo non est leo*. Respondeo ad instant. concessa maiore, & minore, distinguendo consequens : ita etiam vera erit ista, *homo non est leo*, si talis propositio faciat hunc sensum, *homo fundamentaliter, & expositivè non est leo*, concedo consequentiam : si faciat alium sensum, nempe, *homo formaliter non est leo*, nego consequentiam. Igitur ex valore illarum propositionum, solum sequitur, quod secunda faciat sensum primæ ; cum autem prima in illo priori non ponat formalem negationem identitatis hominis cum leone, sed solum fundamentalem, id ipsum ponit secunda ; & in hoc sensu erit vera.

24 Replicabis. Pro illo priori verum est dicere, *homo est formaliter homo* : ergo etiam, *homo non est formaliter leo*. Antecedens est certum. Probas consequentiam. Hominem esse hominem est formaliter idem, ac hominem non esse non hominem ; sed hominem non esse non hominem idem est, ac hominem non esse leonem : ergo si pro illo priori est verum dicere, *homo est formaliter homo*, ita verum erit dicere, *homo non est formaliter leo*. Probas maiorem. Duplex negatio non lædit propositionem, ac proinde reddit illam in suo statu : ergo. Probas minorem. Non homo includitur in leone, sicut in cæteris, quæ homo non sunt : ergo hominem non esse non hominem, idem est, ac hominem non esse leonem.

25 Respondeo ad replicam, concessa antecedente, negando consequentiam ; ad cuius probationem nego maiorem, ad cuius probationem distingo antecedens :

recedens: duplex negatio non lædit propositionem, si sit duplex negatio negans, concedo antecedens: si una sit negans, & altera infinitans, nego antecedens. Unde quanvis in illa propositione ponatur duplex negatio, secunda non negat; cum non sit præfixa copulæ, sed solùm infinitat, adeoque positâ primâ negatione, non manet propositio affirmativa, sed negativa, ex quo patet, non esse idem, hominem esse hominem, ac hominem non esse non hominem; quia non est idem, rem non esse aliam, ac rem esse id, quod est; nam casu, quo omnia essent idem, non esset verum dicere, rem non esse aliam, bene quidem, rem esse id, quod est.

26 Objicies sextò fundamento principali partis adversæ ponentis distinctionem in positivo. Constitutivum alicujus rei est ipsius rei distinctivum; sed constitutivum rei est quid positivum, & non negatio: ergo distinctio non consistit in negatione, sed est aliquid positivum. Respondeo ad objectionem disting. maiorem. Constitutivum rei formaliter est distinctivum rei fundamentaliter, concedo maiorem: constitutivum rei formaliter est distinctivum rei formaliter, nego maiorem. Deinde concessa minore, nego consequentiam. Fateor, constitutivum rei recurrere cum distinctivo, sed non recurrit cum distinctivo formali rei, bene quidem cum distinctivo fundamentaliter. Est dicere, constitutivum rei fundare in se negationem identitatis; non esse verò ipsam formalem negationem.

27 Ratio hujus est in eo, quòd si per impossibile tolleretur negatio identitatis inter hominem, & leonem, adhuc homo, & leo manerent formaliter constituti; siquidem in tali casu adhuc essent entia
purè

purè positiva; & tamen non essent distincti formaliter: ergo constitutivum rei formale non recurrit cum distinctivo formali ipsius rei. Hinc observa, differentiam aliam esse constitutivam, & distinctivam aliam; sicut enim eadem ut convenientia in ratione aliqua communi sunt entia in se constituta, & non distincta, ita in illis reperitur differentia constitutiva, & non distinctiva.

28 Instabis. De ratione differentiae ut differentiae est facere rem diversam ab alia formaliter: ergo ubicumque invenitur differentia, invenitur distinctivum rei formale. Respondeo ad inst. negando antecedens, vel si mavis, distinguendo: de ratione differentiae ut differentiae distinctivae, concedo antecedens: ut differentiae constitutivae, nego antecedens. Igitur differentia constitutiva nihil aliud est, quàm constitutivum rei; sicut differentia distinctiva idem est ac ipsius rei distinctivum: ergo sicut alius est conceptus constitutivus, & alius distinctivus (ut patet in casu, quo per impossibile tolleretur negatio identitatis inter hominem, & leonem) ita alia est differentia constitutiva, & alia distinctiva.

29 Replicabis. Debet assignari conceptus proprius differentiae ut sic; sed hic consistit in eo, quòd fiat rem differre formaliter: ergo inassignabilis est differentia, quæ non faciat rem formaliter differre. Respondeo ad replicam concessa maiore, & negando minorem. Nam de ratione differentiae ut sic est facere rem diversam, & solum de ratione differentiae formalis est facere rem formaliter differre; sicut de ratione differentiae fundamentalis, tantum est rem facere fundamentaliter differre.

30 Objicies septimò. Distinctio, quæ datur inter

ter substantiam, & accidens non potest consistere in negativo: ergo. Probas antecedens Substantia distinguitur ab accidente per independentiam à subjecto inhæſionis; sed talis independentia non est quid negativum; cum sit perfectitas, quæ consistit in positivo: ergo. Respondeo ad objectionem negando antecedens; ad cuius probationem distingo maiorem: substantia distinguitur ab accidente per independentiam à subjecto inhæſionis, positivè, concedo maiorem: formaliter negativè, nego maiorem. Igitur formaliter solum distinguitur substantia ab accidente per negationem identitatis cum illo.

31 Obicies octavò. Distinctiones, quæ reperiuntur in Deo, non possunt dicere negationem pro formali: ergo neque distinctio ut sic: quia conceptus istius debet participari ab omni, & quacunque distinctione. Probas antecedens. Negatio dicit ex se imperfectionem; ergo. Probas antecedens. Negatio dicit unum carere esse alterius; sed hoc est imperfectio: ergo. Respondeo ad objectionem negando antecedens; ad cuius probationem distingo antecedens: negatio esse dicit imperfectionem, concedo antecedens: negatio identitatis unius cum altero, nego antecedens; ad cuius probationem distingo antecedens: negatio dicit unum carere esse alterius, si sit negatio realis identitatis physicæ, transeat antecedens: si sit alia negatio, nego antecedens.

32 Negatio ut abstrahit ab hac, vel illa negatione, dicit tantum unum non habere identitatem cum alio, vel realiter, vel formaliter, vel virtualiter; & sic non negat esse alterius, nisi sit negatio realis identitatis physicæ. Dixi sup. *transeat antecedens*:

cedens; quia in Divinis fallum est. Cum ergo negatio identitatis, quæ in Deo reperitur, non dicat carentiam esse Divini, eo quod omnia in Divinis habeant identitatem physicam cum natura, planum fit, distinctiones, quæ in Deo reperiuntur, excludere omnem, & quamcumque imperfectionem.

33 Objicies nonò pro AA. secundæ sententiæ. Omnis distinctio consistit in relatione, & respectu unius ad aliud; ergo nulla distinctio potest consistere in negativo. Probas antecedens. Non possunt duo intelligi distincta, nisi per talem relationem, & respectum: ergo. Respondeo ad objectionem negando antecedens, ad cuius probationem, concessio antecedente, nego consequentiam. Licet enim ex defectu intellectus nostri, pro hoc statu, non aliter possimus concipere distinctionem, nisi per talem respectum, non sequitur, ipsum respectum constituisse formaliter distinctionem; sicut non sequitur cæcitatem esse formam positivam, etsi à nobis per modum formæ positivæ concipiatur. Ex huiusmodi dictis.

34 Deduces primò, distinctionem dicere necessariò multitudinem in rei veritate, quia quoquo pacto definiatur, seu explicetur, semper dicit duo, vel plura, quorum unum non est aliud: cum ergo multitudo dicat pro formali negationem, inde distinctio in ipsamet negatione consistit. Nec obstat, quod identitas explicetur per affirmationem unius cum alio; siquidem identitas solum explicativè dicit multitudinem; implicat enim quod identificentur, quæ in rei veritate sunt multa. Ea propter Baconius, loco sup. sed x. suo *Ad propositum contra alios*, inquit: *unum dicit privationem solum*

*lūm secundū nominis famositatem, & multitudo
secundū rei veritatem.*

35 Deduces secundò aliquas authoritates Doctoris Resoluti, quæ videntur ponere distinctionem in positivo, solum probare, quòd aliquid positivum præsupponatur ad negationem; quia, ut duo distinguantur realiter, opus est ut inter illa præcedat aliquid, & aliquid, in quo fundetur negatio identitatis unius cum alio. Hac de causa dixi sup. n. 5. non sufficere, quòd unum non sit aliud à parte rei, ut distinguatur ab illo; sed quòd illud, quod distinguitur, detur, & supponat, juxta distinctionis genus. Loquor de distinctione, quæ datur inter formas positivas. Negationes enim negationibus distingui, quin præsupponatur aliquod positivum, certum est; cū ante mundum conditum distingueretur jam negatio Solis à negatione Lunæ per ipsammet negationem.



S E C T I O II.

De Quotuplicitate Distinctionis.

Q U Æ S T I O U N I C A.

Quotuplex sit Distinctio.

36 **R**esolutio: Duæ tantum sunt distinctionis species (loquendo de distinctione in genere) altera ex natura rei, rationis altera. Cū enim distinctiones sequantur ordines entis, ideo sicut ens in genere dividitur in ens, quod
B datur

datur ex rei natura, & in ens, quod tantum existit ratione, ita similiter distinctio; adeoque sicut implicat ens, quod non sit vel ex natura rei, vel rationis, ita inassignabilis est distinctio, quæ ad distinctionem ex natura rei, vel rationis non reducat. Igitur distinctio ex natura rei illa est, quæ datur à parte rei nullà interveniente operatione intellectus. Distinctio rationis est illa, quæ tantum ratione fabricatur.

37 Distinctio ex natura rei vel est actu, vel virtute. Distinctio ex natura rei actu illa est, quæ invenitur inter extrema, quæ per propriam distinctionis formam discriminantur. Distinctio ex natura rei virtute est illa, quæ distinctioni reali æquipollet. Hæc distinctio virtualis alia dicitur maxima, minima alia, de quibus infra suo loco agendum.

38 Distinctio ex natura rei actu, quæ est primum membrum distinctionis ex natura rei, vel est actu realiter, vel actu formaliter. Distinctio ex natura rei actu realiter est, quæ datur inter ea, quæ re discordant. Hæc vel est omnino re, vel gradualis; vel non omnino re, sive modalis. Distinctio omnino re est illa, quæ datur inter duas res. Distinctio gradualis est, quæ datur inter gradus diversos ejusdem rei. Distinctio non omnino re est, quæ datur inter rem, & modum. Verum ista vel est intrinseca, vel extrinseca. Intrinseca solum habet locum inter rem, & modum intrinsecum ipsius rei. Extrinseca est quæ reperitur inter rem, & modum extrinsecum ipsius rei. Distinctio autem ex natura rei actu formaliter est quæ datur inter formalitates ejusdem rei, in quo convenit Baconius cum
Scoto,

Scoto, etsi in illius explicatione non parum distent; quæ de causâ resolvo aliam esse distinctionem formalem Scoticam, aliam formalem Baconicam, de quibus etiam suo loco.

39 Distinctio tandem rationis, quæ est altera species distinctionis in genere, vel est ratiocinantis, vel ratiocinatæ, vel negantis, & abstrahentis. Distinctio rationis ratiocinantis illa est, quæ ab intellectu fingitur sine fundamento in re. Distinctio rationis ratiocinatæ est illa, quæ ab intellectu, seu à ratione fit cum fundamento in re. Hæc distinctio rationis ratiocinatæ, vel datur inter ea, quæ cogitatione perfectè separantur, vel non perfectè. Prioris generis sunt ea, quæ ita ratione dividuntur, ut quando unum cogitationi objicitur, aliud nec implicite obversetur. Posterioris generis sunt ea, quæ licet intellectu, seu ratione discordent, quando tamen unum cogitationi objicitur, aliud saltem implicite venit.

40 Distinctio rationis negantis, quæ est alterum membrum distinctionis rationis, tunc datur quando de altero alterum inficiatur. Distinctio vero rationis abstrahentis tunc reperitur, quando alterum sine altero consideratur, & sic ab illo abstrahitur. Hæ sunt præcipuæ distinctionis divisiones, quarum, quia inter cæteras primas occupant sedes, per sequentes hujus tractatus disputationes amplissimam explicationem dabo. Ut tamen, quæ dicta sunt, non tantum mente, verum & oculis, percipias, inspicere sequentem tabellam

Di-
tin-
tio

*Ex natura
rei*

Actu

Realis

Omnino re

Gradualis

non omnino re ,
sive modalis

Intrinsicæ

Extrinsicæ

Formalis

Scotica

Baconicæ

Maxima

Virtute

Minima

Rationis

*Ratioci-
nantis, &
Ratioci-
natæ*

Perfecta

Imperfecta

*Negantis,
& Abstra-
hæntis*

41 *Alia distinctionis divisiones assignari solent, quas, quia non diversam postulant disputationem, hoc loco, brevitate, & claritate, qua possum, jam propono. Igitur distinctio alia dicitur positiva, alia negativa, & mixta alia. Distinctio positiva est illa, quæ reperitur inter duas entitates positivas, ut v. g. inter Petrum, & Paulum, lapidem, & lignum. Distinctio negativa est, quæ datur inter terminos negativos, ut v. g. inter carentiam Petri, & carentiam Pauli, vel inter carentiam lapidis, & carentiam ligni. Distinctio, quæ hîc vocatur mixta, habet locum inter unum positivum, & aliud negativum, ut v. g. inter Petrum, & carentiam Pauli, vel inter lapidem, & carentiam ligni.*

42 *Circa distinctionem positivam nota attentè* *Ferrariens.*
id, quod ex Ferrariens. docet Mag. Cornejo, tom. *Cornejo.*
 1. Theolog. tractat. 3. circa q. 27. disp. 3. dub. 5. n. 59. scilicet, ut detur distinctio positiva inter duo, non sufficere, quòd in uno ponatur aliquid positivum, quod non reperiatur in alio. Nam ut sic etiam distinguuntur ens, & non ens, & talis distinctio potius est mixta, quàm positiva, quòd enim Petrus sit albus & non Paulus, non arguit positivam distinctionem. Nam sicut Petrus non est albus, ita chimæra non est alba; & tamen inter Petrum album, & chimæram non albam, non datur distinctio positiva, sed mixta. Igitur ut distinctio verè dicatur positiva, oportet, quòd in utroque extremo reperiatur aliquid positivum alteri repugnans, & oppositum; ut albedo, & nigredo in Petro, & Paulo; rationale, & rugibile in homine, & leone.

43 *Hæc distinctio positiva subdividitur in purè entitativam, purè modalem, & mixtam. Distin-*

ctio purè entitativa est, quæ datur inter duas positivas entitates, seu res, & ideo solet etiam nuncupari distinctio rei à re, & hæc est propria, & rigorosa distinctio, quæ reperitur v. g. inter Petrum, & Joannem. Distinctio purè modalis illa est, quæ datur inter duos modos; v. g. inter sessionem Petri, & sessionem Pauli. Distinctio mixta est, quæ versatur inter entitatem, & modum; v. g. inter Petrum, & ipsius sessionem.

Ægid.
Gavard.

44 Quod autem ex Ægidio docet Gavardi in Log. q. 3. de Univers. art. 6. n. 9. Distinctionem, scilicet, modalem reperiri inter eandem rem ut modificatam, & non modificatam, non verò inter rem, & modum ipsius rei, id facile impugnatur. Nam vel A. loquitur de distinctione modali purè, quæ etiam dicitur *modalis modalis*, vel de distinctione reali modali, quæ vocatur mixta? Si de prima, contra; quia distinctio *modalis modalis* ideò talis dicitur, quia versatur inter modum, & modum; sicut distinctio rei à re dicitur talis, quia datur inter rem, & rem.

45 Si de secunda, contra etiam; quia distinctio *realis modalis* talis est, quia versatur inter rem, & modum; sicut distinctio modalis modalis talis dicitur, quia datur inter duos modos; & distinctio rei à re, quia datur inter duas res; certum igitur est distinctionum nomina solum ab extremis provenire: ergo si distinctio, de qua loquitur Author, est realis modalis, in tantum sic nominatur, in quantum unum extremum est res, & aliud modus; adeoque talis distinctio non datur inter ipsam rem tantum, sed inter rem, & modum.

46 Nec valet dicere, ceram sigillatam nullo in.

intellectu cogitante, differre à cerâ uon sigillatâ, ipsam autem sigillationem non esse aliquid, præter ceram taliter se habentem; eoquia modus à realitate non distinguatur, nisi per intellectum. Ad hæc namque respondeo, ceram sigillatam differre solum accidentaliter à cera non sigillata, & hoc nihil aliud importat, quàm sigillationem ipsam differre à cera non sigillatâ. Nec obest, quòd modus sit essentialiter affixus suæ realitati, ut non distinguatur à realitate; cum enim realitas existere possit sine modo, & modus possit deperdi, & destrui, quin deperdatur, seu destruaturs realitas, imò incipere esse, quin incipiat realitas, non obstante affixione modi cum realitate, optimè distinguitur modus ab ipsa realitate; cum hæc omnia sint signa distinctionis non tantum modalis præcisè, sed etiam realis propriè, ut dicam disp. seq. sectione 1.

47 Hinc observa, quòd quanvis modus nequeat esse sine realitate, cujus est modus, potest tamen realitas esse sine modo; ego namque esse possum sine sessione, quanvis sessio nequeat esse sine me sedente. Ex quo patet modum non habere identitatem cum sua realitate, sed tantum intimam conjunctionem, seu unionem: aliter destrueretur realitas, destructo modo: ergo sicut materia distinguitur à forma, licet sit unita formæ; quia potest separari à forma; ita modus distinguitur à sua realitate, quia potest destrui, non destructa realitate, etsi habeat intimam conjunctionem cum ipsa realitate; distinctio enim non unioni, sed tantum identitati opponitur. Hæc dixi, ut videas frustraneam, nullamque esse novam explicationem distinctionis modalis, qua jactuolum video supr. citatum Gavardi.

Gavardi.

48 Alia quoque est distinctionis divisio in numericam, genericam, & specificam. Numerica datur inter ea, quæ habent eandem naturamathomam, id est, inter extrema ejusdem speciei, v.g. inter Petrum, & Joannem. Generica reperitur inter ea, quæ spectant ad diversum genus, v.g. inter hominem, & lapidem. Specifica invenitur inter ea, quæ habent diversam naturam speciei, licet genericè conveniant, v.g. inter hominem, & equum. Dividitur tandem distinctio in distinctionem adæquatam, & inadæquatam. Distinctio adæquata est illa, quæ reperitur inter ea, quæ omnino se excludunt, & ideo dicitur etiam excludentis ab excluso, & datur inter Petrum, v.g. & lapidem. Distinctio inadæquata est illa, quæ reperitur inter ea, quorum unum est pars alterius, vel in illo includitur, & ideo vocari etiam solet distinctio includentis ab incluso, & datur inter totum, & partes ipsius.





DISPUTATIO II.

DE DISTINCTIONE REALI, *Graduali, & Modali.*

SECTIO I.

De Distinctione Reali.

QUESTIO I.

*Utrum oppositio producentis, & producti, cau-
santis, & causati arguant Distinctionem
Realem?*

49



RESOLUTIO est affirmativa, & de- *Baccon.*
ducta ex Doctore multis in locis, *Zagaglia.*
quem sequitur Mag. Zagag. tom. *Garcia.*
2. tract. 1. disp. 7. lect. 1. n. 2. y. *D. Thom.*
Ant. Sirect.
Mairon.
Mastrius.
Poncius.
Distinctione realis. Et Mag. Garcia in
Phyf. dist. 1. q. 8. art. 5. §. 6. Hæc est
mens D. Th. 1. p. q. 41. art. 6. Idem docent Mag. For-
malit. & Mairon, quos citat, & sequitur Mastrius in
Metaphyf. disp. 6. q. 8. n. 183. Hanc sententiam de-
fendit Poncius disp. 4. Metaph. q. 1. n. 2. Antequam
tamen resolutionem probem, prænoto, oppositio-
nem producentis, & producti non inferre distinctio-
nem

nem realem in Divinis præcisè ex vi oppositionis, sed etiam ex eo, quòd sit certum de fide Personas Divinas realiter distingui, darique inter ipsas rationem producentis, & producti. Unde, cum etiam in Divinis non reperiatur ratio producentis, & producti, nisi inter ea, quæ realiter distinguuntur, dicimus tunc rationem ipsam producentis, & producti signum esse infallibile distinctionis realis. Hoc prænotato.

50 Probo resolutionem, quo ad primam partem sic. Non assignabitur ratio producentis, & producti, nisi in rebus realiter distinctis: ergo oppositio producentis, & producti est signum distinctionis realis. Consequentia rectè deducitur. Antecedens constabit ex objectionum solutione. Probo resolutionem, quoad secundam partem sic. Causans, & causatum non solum repugnant in eadem Personâ, sed etiam in eadem naturâ, ut liquet in Deo; ergo ubicumque fuerit ratio causantis, & causati, ibi erit realis distinctio.

Proponuntur objectiones, & dissolvuntur.

*Archillin.
Suarez.
Amicus.*

51 **N**ostræ resolutioni opponuntur Archillin. tract. de Distinctionibus, cap. 27. Suarez disp. 7. Metaph. sectione 2. n. 19. Amicus tract. formal. q. 12. dubio 2. art. 2. asserentes hoc signum non esse universaliter verum. Pro his ergo objicies primò. Non omne produciens arguit distinctionem realem à productò: ergo. Probas antecedens. Si omne produciens argueret distinctionem realem à productò, Christus Dominus in Eucharistia argueret distinctionem realem à seipso; sed hoc

hoc non? ergo neque id, ex quo sequitur. Probas sequelam maioris. In probabili opinione Theologorum Christus Dominus seipsum producit in Eucharistia: ergo si omne producens argueret distinctionem realem à producto, Christus Dominus in Eucharistia argueret distinctionem realem à se ipso.

52 Respondeo ad objectionem, negando antecedens; ad cujus probationem nego sequelam maioris; ad cujus probationem dico, entitatem corporis, & sanguinis non reproduci absolute, sed eorum dumtaxat præsentiam, sub speciebus panis & vini. Deinde, sit, vel non sit illa opinio probabilis, pro contraria stat Augustin. his verbis: *Qui autem putat ejus potentiae esse Deum, ut se ipsum ipse genuerit, eo plus errat, quod non solum Deus ita non est, sed nec spiritualis, nec corporalis creatura: nulla enim omnino res est, quæ seipsam gignat, ut sit.* Quæ quidem verba non tantum sunt intelligenda de primâ productione, ut volunt aliqui, sed etiam de secundâ; aliter nullum esset argumentum, quo contra Sabellium utuntur Patres ad probandam distinctionem personalem in Mysterio altissimo Trinitatis, ut notat Mastrius loco supr. x. *Nihilominus.*

D. Augustinus

Mastrius.

53 Instabis. Secunda actio productiva non opponitur cum primâ: ergo licet Christus Dominus non possit seipsum producere quoad entitatem corporis, & sanguinis, per primam actionem productivam: poterit tamen per secundam. Respondeo ad instantiam negando antecedens; implicat enim, quod aliquid secundò producat, quin destruat prius; nam sicut qui transit primùm ad locum B non potest secundò transire ad ipsum locum, quin prius

ab illo recedat, ita effectus semel extractus de non esse ad esse, per primam actionem, non potest iterum transire ad esse, quin prius destruat.

54 Obijcies secundò. Producentis accidentale est producentis; atqui non omne producentis accidentale arguit distinctionem realem à productò: ergo universaliter non est verum, quòd oppositio producentis, & producti arguant realem distinctionem. Maior est certa. Probas minorem. Quando producentis accidentale terminatur ad modum ipsius producentis, non arguit distinctionem realem à productò: ergo non omne producentis accidentale arguit distinctionem realem à productò. Probas antecedens. Quando producentis accidentale terminatur ad aliquid, quod unitur, & coniungitur producenti, non arguit distinctionem realem à productò; atqui quando producentis accidentale terminatur ad modum ipsius producentis, terminatur ad aliquid, quod unitur, & coniungitur producenti: ergo quando producentis accidentale terminatur ad modum ipsius producentis, non arguit distinctionem realem à productò.

55 Probas maiorem. Semel, quòd ego memovens producam præsentiam localem, quæ quidem mihi moventi unitur, & coniungitur, non arguo distinctionem mei producentis, seu efficientis à præsentia ipsa locali producta: ergo quando producentis accidentale terminatur ad aliquid, quod unitur, & coniungitur producenti, non arguit distinctionem realem à productò. Probas illam minorem. Modus est essentialiter unitus, & affixus suæ realitati, proindeque nequit separari ab illa: ergo quando producentis accidentale terminatur ad modum ipsius

fius producentis terminatur ad aliquid , quod uni-
tur , & conjungitur producenti.

56 Respondeo ad objectionem, concessa maio-
re, negando minorem; ad cujus probationem nego
antecedens; ad cujus probationem, nego maiorem;
ad cujus probationem nego antecedens. Unde in
productione , etiam accidentali , hoc signum erit
infallibile ad realem distinctionem inferendam in-
ter produciens , & productum , dummodo produ-
ctio sit realis , & physica ; si enim ibi datur verus
influxus physicus , certò aliquod esse ponitur in actu
per talem influxum , nempe terminus illius , qui ef-
se nequit, nisi aliquod esse distinctum realiter ab eo,
à quo est influxus; influens enim, vel communicans
esse, sit substantiale, vel accidentale, supponitur ha-
bere proprium esse , antequam communicet. Hinc
fateor motum absolutè distingui realiter à potentiâ
motivâ , sicut quilibet modus extrinsecus à re , re-
spectu cujus dicitur modus.

57. Objicies tertio. Essentia rei est principium
propriæ passionis ; originantur namque passionēs à
subjecto ; sed passionēs non arguunt distinctionem
realem à subjecto : ergo. Respondeo ad objectio-
nem disting. mai. Essentia rei est principium pro-
priæ passionis, metaphysicum , concedo maiorem:
principium reale physicum , nego maiorem. Ve-
rum ergo est passionēs originari ab essentiâ, tamen
hæc originitio solum est originitio , seu emanatio
metaphysica ; non verò originitio vera realis , seu
emanatio physica , de qua procedit resolutio.

58 Objicies quarto. Totum essentiale causatur
à partibus unitis; atqui totum essentiale non arguit
distinctionem realem à partibus unitis : ergo non
omne

omne causans, & caulatum arguunt realem distinctionem. Respondeo ad objectionem disting. maiorem: totum essentiale caulatur à partibus unitis, causalitate intrinsecâ, concedo maiorem: caulalitate extrinsecâ, nego maiorem. Deinde concessâ minore, nego consequentiam in sensu distinctionis. Quare partes unitæ solùm habent rationem causæ intrinsecæ respectu totius; proindeque, cùm non detur vera emanatio physica partium erga totum, nihil mirum, quòd non distinguantur realiter à toto. Ex dictis

Fonc.
Guarin.

59 Deduces primò, hoc signum producentis, & producti, causantis, & caulati, licet sit verum, & infallibile ad realem distinctionem inferendam, non esse adæquatum, nec convertibile cum distinctione reali. Est contra Fonc. & Guarinum in Log. disp. 3. exp. 3. l. *E x. Ultima regula*. Ratio mihi est; quia Petrus, & leo realiter distinguuntur, & tamen non habent oppositionem relativam producentis, & producti, vel causæ, & effectûs; & sic de aliis multis, & infinitis passim obviis. Deduces secundò, (nota benè) oppositionem producendi, & non producendi non arguere in Divinis realem distinctionem; cùm Pater producat, & Deitas non producat, absque distinctione reali inter Paternitatem, & Deitatem. Ex quo fit difficile argumentum contra resolutionem sic. Non minus opponuntur producere, & non producere, quàm producere, & produci: ergo si prima oppositio non arguit, saltem in Divinis, realem distinctionem, neque secunda. Nota tamen, quòd supr. prænotavi n. 49. & vide quæ infra dico disp. 4. scet. 1. q. 4. n. 450.

Q U Æ S T I O II.

*Utrum ea , quæ sunt in pluribus rebus , seu subje-
ctis realiter distinctis , sint etiam signum Di-
stinctionis Realis ?*

60 **R**esolutio est affirmativa , & deducta *Baccon.*
ex Doctore in 2. dist. 3. q. 2. art. 1. §.
3. 5. *Et quando.* Hanc resolutionem insinuant Mag.
Aymus in Metaphys. part. 3. dist. 8. q. 2. art. 2. Et *Aymus.*
Mag. Garcia in 1. parte Physicæ; dist. 2. q. 3. art. 4. *Garcia.*
§. 4. p. 2. Eam tenet Sirect. quem citat , & sequitur *Sirect.*
Mastrius in Metaphys. d. 6. de Passionibus Entis ; q. *Mastrius.*
8. n. 184. Idem docet Poncius disp. 4. Metaphys. *Poncius.*
quæst. 1. 5. *Probatum denique.* Sed ante resolutio-
nis probationem prænoto illam esse intelligendam
cum aliqua limitatione. Unde sensus est , quòd di-
stinctio realis arguatur inter ea , quæ sunt in plu-
ribus rebus , seu subjectis realiter distinctis , lo-
quendo naturaliter ; item loquendo de illis diver-
sis subjectis , quæ unum per se non constituunt.
Hoc prænotato,

61 Probo resolutionem sic: Nihil potest à se
ipso dividi , aut separari : ergo quæ separantur , &
sunt in pluribus rebus , seu subjectis realiter distin-
ctis arguunt realem distinctionem. Antecedens li-
quet ; siquidem nihil potest esse divisum , & indi-
visum , separatum , & inseparatum ; sed ens est unum
indivisum in se , & inseparabile : ergo. Probo il-
lam consequentiam. Separatio , & distinctio est si-
gnum evidens divisionis , & proinde distinctionis
realis , ut dicam resolutione seq. ergo quæ separan-
tur,

tur, & sunt in pluribus rebus, seu subiectis realiter distinctis, arguunt realem distinctionem.

Proponuntur objectiones, & dissolvuntur.

*Foncca.
Suarez.*

62 **N**ostre resolutioni opponuntur Foncca, quem citat, & sequitur Suar. in Metaphys. disp. 7. sect. 1. n. 18. Et alii, excludentes distinctionem propriè realem à modis, pro quibus objicies primò. Modi inter se comparati possunt esse in rebus realiter distinctis; sed non inde arguunt distinctionem realem: ergo. Maior est certa. Probas minorem. Illa solùm arguunt distinctionem realem, quorum extrema sunt res, & res; atqui modus, & modus non sunt res, & res: ergo licèt modi sint separabiles, non inde arguunt realem distinctionem.

63 Respondeo ad objectionem concessa maiore, negando minorem; ad cuius probationem distinguo maiorem: illa solùm arguunt distinctionem realem, quorum extrema sunt res, & res, si nomine rei intelligatur id, quod potest produci, vel corrumpi absque productione, & corruptione alterius, concedo maiorem; si nomine rei intelligatur id, quod potest se solo separatum, & conservatum manere, nego maiorem. Igitur modus, quanvis non sit res, quatenus res sumitur hoc secundo modo, est tamen res primo modo sumpta. Unde ipsi modi sic ad invicem comparati semper distinguuntur, & quidem realiter; maximè, cùm neuter habeat rationem modi respectu alterius, ut per se patet. Vide quæ infra dicuntur sect. 3. n. 193.

64 Objicies secundò. Eadem numero albedo, vel

vel nigredo potest poni in pluribus rebus , seu sub-
jectis realiter distinctis ; atqui tunc non argueret
distinctionem realem , cùm esset eadem ; ergo illud
quod est , vel esse potest in pluribus rebus , seu sub-
jectis realiter distinctis non est signum infallibile
distinctionis realis. Respondeo ad objectionem di-
sting. maiorem : eadem numero albedo , vel nigre-
do potest poni in pluribus rebus , & cæt. naturali-
ter , nego maiorem : Divinitus , quidquid sit. Dein-
de , concessa minore , nego consequentiam in sensu
distinctionis.

65 Objicies tertio. Eadem anima de facto est
naturaliter in pluribus subjectis realiter distinctis ;
sed non arguit distinctionem realem à seipsa : ergo
idem quod sup. Probas maiorem. Anima , quæ in-
format immediatè manum , est eadem , quæ infor-
mat immediatè pedem ; atqui manus , & pedes sunt
subjecta diversa , & distincta realiter : ergo eadem
anima de facto est in pluribus subjectis realiter di-
stinctis.

66 Respondeo ad objectionem , concessa maio-
re , & minore , disting. consequens : ergo illud , quod
est in diversis subjectis realiter distinctis non est si-
gnum infallibile distinctionis realis (loquendo jam
naturaliter) si ipsa diversa subjecta unum per se con-
stituunt , sive integrale sit , sive physicum , con-
cedo consequentiam : si unum per se hõc modò non
constituunt , nego consequentiam. Licet ergo ea-
dem anima informet plura , & diversa subjecta , quæ
unum per se constituunt ; non inde potest informa-
re plura , & diversa subjecta , quæ unum per se non
constituunt , & sunt subjecta discontinuata. Hinc
fit , quòd anima , quæ informat unum subjectum

distinguatur, & quidem realiter, ab anima, quæ subjectum diversum informat.

67 Instabis. Subjectum esse diversum, & discontinuatum non arguit maiorem distinctionem subjectatis, quam subjectum non discontinuatum: ergo nulla distinctio, & nulla solutio. Probas antecedens. Continuatio subjectorum non arguit maiorem unitatem subjectatis, quam discontinuatio ipsorum: ergo subjectum esse diversum, & discontinuatum non arguit maiorem distinctionem subjectatis, quam subjectum non discontinuatum. Probas antecedens. Continuatio subjectorum non affert maiorem unitatem subjectatis, quam ipsis subjectis; sed ipsis subjectis non affert unitatem identitatis, sed solum continuitatis, & integritatis: ergo continuatio subjectorum solum unitatem continuitatis, & integritatis affert subjectatis, & non maiorem unitatem.

68 Confirmabis primò. Non minus idem Deus est in omnibus mundi partibus, & rebus, quamvis valde diffitis, quam eadem anima in partibus corporis: (proportionem servata) ergo quod subjecta sint, vel non sint diffita nihil facit ad arguendam realem distinctionem in subjectatis. Secundò. Idem Angelus potest esse in pluribus partibus discontinuis intra sphaeram sui loci adæquati: ergo impertinenter se habet ad distinctionem realem arguendam, quod subjecta sint, vel non sint discontinua.

69 Respondeo ad instantiam negando antecedens, ad cuius probationem distinguo antecedens: continuatio subjectorum non arguit maiorem unitatem subjectatis, quam discontinuatio ipsorum.

loquendo supernaturaliter, concedo antecedens; loquendo naturaliter, nego antecedens. Ad illius probationem distinguo maiorem modo explicato, & concessa minore, distinguo consequens eodem modo. Igitur certum est, quod continuatio partium, naturaliter loquendo, sit sufficiens, imò requisita conditio, ut eadem forma possit esse in rebus continuatis, quanvis diversis, etsi in illis minimè possit esse si continuata non essent. Ipsæ tamen res, seu subjecta diversa, nullo modo possunt habere identitatem realem inter se; aliàs continuata non essent; cum idem sibi non continetur: ergo hoc modò optimè dici potest; quòd continuatio afferat maiorem unitatem subjectatis, quam ipsis subjectis.

70 Ad primam confirmationem respondeo, concessio antecedente, disting. consequens: ergo quòd subjecta sint, vel non sint dissita nihil facit ad arguendam distinctionem realem in subjecto increato, concedo consequentiam: in subjecto creato, nego consequentiam. Nostra enim resolutio solum de rebus creatis procedit. Deinde hæc confirmatio nihil probat; siquidem Deus non est in subjectis discontinuatis, quin sit in intermediis. Ad secundam confirmationem respondeo negando antecedens, & proinde consequentiam; Angelus namque nequit esse naturaliter in partibus discontinuis, quin sit in intermediis.

71 Objicies quartò. Natura Divina, quæ est in Patre non distinguitur realiter à natura Divina, quæ est in Filio, & Spiritu Sancto: sed Pater, Filius, & Spiritus Sanctus realiter distinguuntur, quin per se constituent unicam tantum Personam: ergo jam

non est signum infallibile distinctionis realis, in rebus, quòd reperiantur in iis, quæ realiter distinguuntur, quanvis non faciant aliquod unum per se. Præmissæ sunt de fide. Consequentia infallibilis. Respondeo ad objectionem, concessis præmissis, distinguens consequens; jam non est signum infallibile & cæt. si id quod reperitur in rebus realiter distinctis, sit infinitum, & illimitatum, concedo consequentiam: si sit finitum & limitatum; nego consequentiam. Et ex dictis

72 Deduces primò, subjectata in rebus, seu subjectis extensis, & continuatis non semper inferre identitatem; licet subjectata in subjectis diffitis, & discontinuatis semper arguant distinctionem. Ratio est, quia partes cujuscumque animæ (non loquor de rationali) existentes in subjecto extenso sunt distinctæ realiter, & pars una, quæ est in diversa parte ipsius subjecti, non est pars illa, quæ est in alia diversa parte ejusdem subjecti; cum aliter non constet, quòd sint identificatæ. Id ipsum locum habet in partibus albedinis, vel nigredinis cujuscumque subjecti extensi. Deduces secundò, non sufficere ad arguendam distinctionem realem in subjectatis, quòd absolutè subjectentur in diversis subjectis: necesse ergo est, quòd immediatè subjectentur. Ratio est, quia albedo immediatè subjectatur in quantitate, & mediatè in pariete, quia proinde arguat distinctionem realem à se ipsa.

Q U Æ S T I O III.

Utrum ea, quæ sunt separabilia, arguant etiam Distinctionem Realem?

73 **R**esolutio est affirmativa, & deducta *Baccon.*
ex Doctore in 2. dist. 3. q. 2. art. 4. *N. Garcia.*
Item. Attribuere, quem citat & sequitur Mag. Gar- *Aristot.*
cia loco sup. n. suo 1480. Hæc est mens Arist. 7. To. *Poncius.*
pic. cap. 1. ad illa verba: *Amplius si potest unum si. Mastrius.*
ne altero esse, non erit idem. Tenent resolutionem *D. Aug.*
Poncius, & Mastrius locis sup. citatis. Unus pro
cunctis D. Aug. 6. de Trinit. cap. 6. Sed, ante reso-
lutionis probationem, prænoto, eam esse intelli-
gendam de separatione cujuscumque rei, non tamen
de separatione quoad locum, bene quidem quoad
quidditatem, & essentiam, dummodo ista non sit
duplici quantitate affecta. Hoc prænotato.

74 Probo resolutionem sic. Nihil à seipso po-
test esse divisum, aut separatum: ergo ea, quæ sunt
separabilia, arguunt distinctionem realem. Conse-
quentia sequitur. Probo antecedens. Si idem à se
ipso posset esse divisum, aut separatum, idem simul
esset, & non esset separatum à se ipso: sed hoc re-
pugnat; quia impossibile est idem simul esse, & non
esse: ergo.

Proponuntur objectiones, & dissolvuntur.

75 **N**ostræ resolutioni opponuntur aliqui
asserentes non quamcumque rei separa-
tionem, sed tantum separationem mutuam infer-

Suarez.

Guarinus.

re distinctionem realem. Ita Suarez in Metaph. disp. 7.1 & 2. n. 6. Et Guarinus in Log. d. 3. exp. 3. l. B. v. *Secunda regula.* Pro quibus objicies primò. Ex separatione non mutua convincitur unum extremum, quod potest manere sine altero, habere per se suam entitatem independentem ab alia; non verò alterum habere per se suam entitatem etiam independentem. ergo intellecta resolutione de separatione non mutua, non arguitur distinctio realis. Confirmabis. Ita comparatur motus localis ad mobile, sessio ad sedentem, actio ad terminum; atqui inter ea nulla inveniri potest distinctio realis, sed tantum modalis: ergo.

76 Respondeo ad objectionem concessio antecedente, quoad primam partem, & disting. quoad secundam: non verò alterum habere per se suam entitatem etiam independentem, quoad existentiam, concedo: quoad definitionem, nego. Explico distinctionem. Verum est, quòd ex separatione non mutua tantum colligitur unum extremum posse existere sine altero; sic enim existit realitas sine modo: item verum est, quòd modus non habeat per se suam entitatem independentem à realitate quoad existentiam; cum non possit existere sine sua realitate: tamen potest destrui, quin realitas destruat, imò incipere esse in instanti diverso, à quo realitas incipit, & hoc sufficit ad arguendam realem distinctionem non solum realitatis à modo, sed etiam modi à realitate; aliter destrueretur realitas, destructo modo. Hinc.

77 Ad confirmationem respondeo; sessionem distinguere realiter à sedente; (idem dico de aliis modis comparatis cum suis realitatibus) siquidem potest

test incipere, & destrui, quin incipiat, aut destruat in eodem instanti aliquid intrinsecum entitatis ipsius sedentis; licet non possit esse, vel existere sine sedente: ergo optimè colligitur distinctio realis ex separatione, vel separatio mutua sit, vel non mutua. Deinde certum est Deum posse separari à creaturis, & non è contra; & tamen ex separatione istà non mutua non solum colligitur Deum distingui realiter à creaturis, sed etiam creaturas à Deo. Tandem, Aristoteles, quando ex separatione infert realem distinctionem, non loquitur tantum de separatione mutua: ergo quia absolute infertur realis distinctio à quacunque rei separatione.

Aristotel.

78 Objicies secundò. Animal existit in homine separatum à leone; atqui animal, & leo non distinguuntur realiter: ergo ex separatione non arguitur distinctio. Respondeo ad objectionem disting. maiorem: animal hominis existit in homine separatum à leone, concedo maiorem: animal leonis existit in homine separatum à leone, nego maiorem. Est idem ac dicere, quòd animal singulare, quod est in homine, sit à leone separatum, non minus ac homo ipse; proindeque sicut homo realiter distinguitur à leone, ita animal ipsius hominis. Verum animal leonis non est separatum à leone in homine, adeoque non distinguitur realiter à leone. Unde semper ex separatione animalis arguitur realis distinctio.

79 Instabis. Animal hominis non distinguitur ab animali leonis; sed juxta concessa, animal hominis est separatum à leone: ergo etiam animal leonis. Respondeo ad instantiam disting. maiorem: animal hominis non distinguitur ab animali leonis in

linea intentionali, concedo maiorem: in linea physica nego maiorem. Deinde ad minorem respondeo, animal hominis esse separatum ab animali leonis physicè, quo pacto distinguitur realiter ab illo.

80 Objicies tertio. Fundamentum relationis prædicamentalis potest separari ab ipsa relatione, sed non distinguitur realiter ab illa: ergo. Respondeo ad objectionem concessa maiore, negando minorem, & consequentiam. Siquidem fundamentum intendi potest, quin fiat intentior relatio, & è contra; imò potest fieri intentior relatio, remisso fundamento, ut probat Doctor in 1. dist. 32. art. 3. ergo quia fundamentum realiter distinguitur à relatione. Hæc dixi cohærenter ad doctrinam Baconii. Verùm in opinione non distinguente realiter fundamentum à relatione, aliter

Bacon.

81 Respondeo ad objectionem distinguendo maiorem: fundamentum relationis prædicamentalis potest separari ab ipsa relatione, quoad denominationem, concedo maiorem: quoad entitatem, nego maiorem. Deinde concessa minore, nego consequentiam. Licet ergo, deficiente termino, à quo logicè dependet relatio, deficiat denominatio relationi, non proinde deficit, quoad entitatem, ipsa relatio, cum, ut supponitur, sit realiter idem cum fundamento.

82 Objicies quarto. Idem homo potest à seipso Divinitus separari; atqui ex tali separatione non arguitur distinctio; ergo idem, quod sup. Probas maiorem. Potest idem homo Divinitus esse simul Eboræ, & Conimbricæ; sed tunc separaretur à se ipso; ergo. Respondeo ad objectionem distinguendo maiorem: idem homo potest à se ipso Divinitus

separari, si sit duplici quantitate affectus, concedo maiorem: si sit affectus unica tantum quantitate, nego maiorem; ad cuius probationem distinguo maiorem eodem modo, &, concessa minore in sensu distinctionis, nego, quod sequatur aliquid contra resolutionem, quæ solum procedit de separatione rei, unicâ tantum quantitate affectæ. Non dubito tamen affirmare, quod homo, prout est affectus unâ quantitate, distinguatur à se ipso, aliâ quantitate affecto, quo tantum pacto separari potest.

83 Ratio verò, quia affectus unicâ tantum quantitate, non potest homo esse simul in duobus locis, v.g. Eboræ, & Conimbricæ, ea est: quia una quantitas non potest esse simul in duobus locis; aliter esset, & non esset una; esset una, quia esset indivisa; non esset una, quia esset divisa, ut supponitur. Jam enim sup. dixi, separationem signum esse distinctionis, adeoque divisionis. Duplici tamen affectus quantitate, potest idem homo simul esse in duobus locis; quia corpus, non aliter, nisi ratione suæ quantitatis est in uno loco circumscriptivè: ergo, si Divinitus sit duplici quantitate affectus, poterit esse in duplici loco.

84 Obicies quintò. Actus Dei liberi possunt definere, & separari ab entitate necessariâ Divinæ volitionis; atqui non distinguuntur realiter ab ipsâ entitate necessariâ; ergo non omnis separatio arguit distinctionem realem. Respondeo ad objectionem (quæ maximè locum habet in Theologia, & tota dependet ab explicatione libertatis actûs Divini) distinguendo maiorem: actus Dei liberi possunt definere, & separari ab entitate necessaria Divinæ volitionis, quoad denominationem, concedo maio-

rem;

rem: quoad entitatem, nego maiorem. Deinde applicata distinctione minori, nego consequentiam.

85 Objicies sextò. Natura Divina, quæ est in Patre, separatur in Filio; sed non distinguitur realiter à naturâ Filii: ergo. Respondeo ad objectionem negando maiorem, & concessâ minore, nego consequentiam. Fallum namque est naturam Divinam, quæ est in una Persona, separari in alia; licet verum sit, quòd in Personis realiter distinctis sit eadem natura Divina.

86 Instabis. Tunc aliquid separatur à se ipso, quando conjungitur rebus inter se distinctis realiter; atqui natura Divina conjungitur Personis Divinis, quæ realiter inter se distinguuntur: ergo natura Divina, quæ est in Personis realiter distinctis, separatur à se ipsâ. Respondeo ad instantiam disting. maiorem: tunc aliquid separatur à se ipso, quando &c. si termo sit de aliquo finito, & limitato, concedo maiorem: si sit de aliquo infinito, & illimitato, nego maiorem. Deinde concessâ minore, nego consequentiam. Ratio disparitatis est in eo, quòd non possit res finita, & limitata, eo ipso, quòd limitata est, conjungi per identitatem cum rebus realiter distinctis, quin etiam sit realiter distincta; hoc non habet locum in Divinis propter summam illimitationem, & infinitatem, quæ comparitur cum identitate in Personis realiter distinctis, ut docet fides, & non nisi fide credimus.

87 Objicies septimò. Quæ sunt inseparabilia, non arguunt identitatem realem: ergo quæ sunt separabilia, non arguunt realem distinctionem. Probas antecedens. Personæ Divinæ sunt inseparabiles;

les; sed non habent realem identitatem: ergo. Respondeo ad objectionem distinguendo antecedens: in Divinis, concedo antecedens: in creatis nego antecedens. In Divinis potest conservari distinctio realis cum inseparabilitate; quia in Divinis Personis, quæ sunt inseparabiles, adhuc reperitur principium distinctionis realis, nempe ratio producentis, & producti; at verò in creatis, posita inseparabilitate intrinseca, nihil inveniri potest, à quo proveniat realis distinctio; sicut etiam posita separabilitate, nihil est, à quo proveniat identitas realis. Addo, Personas Divinas habere identitatem in natura, licet non inter se; quod fortassè sufficiet ad negandum absolute antecedens.

88 Objicies octavò. Pater Divinus realiter distinguitur à Filio, Pater, & Filius ab Spiritu Sancto; atqui nec Pater potest separari à Filio, nec Pater, & Filius ab Spiritu Sancto: ergo ex separatione non arguitur distinctio. Respondeo ad objectionem, concessis præmissis, negando consequentiam, quæ ex illis nullo modo sequitur; quæ enim sequitur ex illis præmissis, est hæc consequentia: ergo ex distinctione reali non arguitur separatio, quæ absolute est vera in Divinis. Unde aliud est, quòd ex distinctione reali arguatur separatio, & aliud, quòd ex separatione arguatur distinctio. Hoc secundum semper est verum; primum autem semper est falsum in Divinis, imò & in creatis, si sermo sit de separatione sumpta pro independentia; quia creaturæ distinguuntur realiter à Deo; & modi realiter distinguuntur à suis realitatibus; & tamen nec creaturæ hoc modo separantur à Deo, nec modi à suis realitatibus, ita ut possint existere independentes. Ex dictis.

89 Deduces, alia signa, seu indicia arguendi realem distinctionem passim ab AA. tradita, esse insufficientia, vel superflua; adeoque vel ad sup. assignata reduci, vel fallaciam continere. Adverte tamen nullum ex assignatis, seorsim sumptis, dici adæquatum, & convertibile cum distinctione reali; etsi illorum quodlibet sit inadæquatum, & sufficiens ad ipsam realem distinctionem indagandam. Hac de causa movetur.

Q U Æ S T I O IV.

Quale sit adæquatum signum Distinctionis Realis?

90 **R**esolutio: Separatio aliquorum in esse, aut actualis, aut potentialis, aut saltem proportionalis, integrat adæquatum signum distinctionis realis. Deducitur ex Doctore locis citatis. Idem docet Scotus in 2. dist. 2. q. 2. quem citat, & sequitur Mastrius in Metaph. loco sup. sed n. suo 188. Concurrent pariter Poncius sup laudatus, & Amicus tract. de Distinctionibus q. 12. dub. 2. art. 3. Ad intelligentiam resolutionis

91 Prænoto, separationem aliam esse actualem, aliam potentialem, & proportionalem aliam. Separatio actualis tunc datur, quando actu una res non est cum alia, ut v.g. substantia, quæ actu est separata à quantitate realiter distincta. Separatio potentialis tunc datur, quando una res, licet actu non sit ab alia separata, potest separari, ut v. g. forma, quæ separari potest à materia distincta, licet actu sit unita materiæ. Separatio proportionalis tunc datur, quando res, licet nec actu separetur, nec possit

Bacon.

Scotus.

Mastrius.

Poncius.

Amicus.

fit separari, habet rationes aliquas illis similes, quibus res aliæ separantur, vel separari possunt. Quare Personæ Divinæ, quanvis nec actu separentur, nec possint separari, non carent separatione proportionali; cum in illis reperiatur ratio producentis & producti, quæ in rebus creatis arguit separationem actualem. Hoc prænotato

92 Probo resolutionem hoc unico, verum efficaci, fundamento. Quæ realiter distinguuntur, aut possunt separari, aut habent proportionem similem illis, quæ separantur, aut separari possunt. Deinde quæ separantur actu, aut possunt separari, aut habent proportionem similem illis, quæ separantur, realiter distinguuntur: ergo separatio aliquorum in esse, aut actualis, aut potentialis, aut proportionalis est adæquatum signum distinctionis realis, & cum illa convertibile. Consequentia rectè deducitur. Antecedens constabit ex objectionum solutionibus.

Proponuntur objectiones, & dissolvuntur.

93 **N**ostre resolutioni opponuntur quamplurimi RR. in diversas sententias inclinantes, quarum prima est Palscalig. in Metaph. disp. 64. sect. 4 ubi asserit, adæquatum signum distinctionis realis esse diversitatem generationis, & corruptionis. Secunda est Mag. Bonæ Spei in log. tractatu 1. d. 2. de Distinctionibus dubio 3. n. 131. qui adæquatum, & convertibile signum cum distinctione reali, ponit in capacitate contradictoriorum. Pro prima ergo, objicies primò. Inassignabiles sunt res, quæ diversis generationibus generantur,

Pascal.

Bona-Spes.

rantur, & diversis corruptionibus corrumpuntur, quæ realiter non distinguantur, & è contra: ergo diversitas generationis, & corruptionis est adæquatum signum distinctionis realis: & cum ea convertibile. Probas antecedens. Res omnes, quæ diversis generationibus generantur, & diversis corruptionibus corrumpuntur habent diversas essentias, & existentias; sed res, quæ habent diversas essentias, & existentias, distinguantur realiter: ergo inassignabiles sunt res, quæ diversis generationibus generantur, & diversis corruptionibus corrumpuntur, quæ realiter non distinguantur.

94 Respondeo ad objectionem disting. antecedens: inassignabiles sunt res, quæ diversis generationibus generantur, & diversis corruptionibus corrumpuntur, quæ realiter non distinguantur, & è contra, in creatis, concedo antecedens: in Divinis, & absolutè loquendo, nego antecedens, imò suppositum, scilicet, quòd Pater sit productus, cum tamen realiter à Filio, & Spiritu Sancto sit distinctus, item quòd in Divinis detur aliquo pacto corruptio, cum tamen inter Divinas Personas detur vera, & realis distinctio: ergo non recurrit distinctio realis cum generatione, & corruptione diversa, absolutè loquendo.

95 Instabis. Licet Pater distinguatur realiter ab aliis Divinis Personis, & in ipso non recurat distinctio cum generatione, est quia Pater non est genitus, nec productus: ergo semper recurrit, cum distinctione reali, productio diversa aliarum Personarum. Antecedens est certum. Probas consequentiam. Filius & Spiritus Sanctus realiter distinguantur, & producantur; sed processio Filii est diversa à pro-

processione Spiritûs Sancti: ergo semper recurrit cum distinctione reali productio diversa aliarum Personarum.

96 Respondeo ad instantiam, concedendo totum, ex quo minimè probatur rationem diversarum generationum esse adæquatum signum distinctionis realis; aliàs ubi daretur distinctio realis daretur utique diversa productio, quod est falsissimum, imò & hæreticum, ut liquet in Patre Divino realiter distincto à Filio, & Spiritu Sancto. Deinde, ut jam sup. dixi, datur vera distinctio realis inter Personas Divinas, quin possit illarum quælibet destrui, aut corrumpi: ergo saltem in Divinis non recurrit diversitas generationis, & corruptionis cum distinctione reali, adeoque in ipsa diversitate generationis, & corruptionis non potest consistere signum adæquatum, & absolutè convertibile cum reali distinctione.

97 Objicies secundò. Si signum adæquatum, & convertibile cum reali distinctione sit etiam pro Divinis, sustineri non potest resolutio: ergo signum sup. assignatum non est absolutè convertibile cum omni distinctione reali. Probas antecedens. Facta suppositione quòd si Spiritus Sanctus à Filio non procederet, & adhuc ab illo distingueretur realiter, in tali casu nulla ex assignatis separationibus ei competeret; sed semper distingueretur realiter, ut supponitur: ergo, si signum adæquatum, & convertibile cum distinctione reali sit etiam pro Divinis, sustineri non potest resolutio. Probas antecedens. Imprimis non separaretur actu, aut potentiâ; deinde nec proportionaliter; ergo. Antecedens, quoad primam partem, negatur à nemine. Probas quoad
fe-

secundam. In tantum separaretur proportionaliter, in quantum se haberet ut productus à Filio, qui se haberet ut producens; sed hæc ratio nulla est, ut supponitur: ergo.

98 Respondent aliqui ad objectionem negando antecedens; ad cuius probationem negant suppositionem, quòd Spiritus Sanctus in illo casu impossibili distingueretur realiter à Filio; cum nulla tunc daretur oppositio inter Filium, & Spiritum Sanctum. Rejicitur tamen hic modus respondendi in nostra Schola; quia est contra Baconium in 1. dist. 13. q. 1. art. 5. *¶*. Ideo mihi videtur distinguentem realiter personaliter Spiritum Sanctum à Filio, adhuc in illa hypothesi; cuius sententia sustinetur fortiter à Mag. Zagaglia tom. 4. disp. 10. n. 32. ubi pro eadem citat Scotum cum omnibus suis discipulis, &, ex nostris Magistris, Perusin. Sylvestran. & Lezanam.

Bacon.
Zagaglia.
Scotus.
Perusin.
Sylvestran.
Lezana.

Poncius.

99 Poncius tamen in Metaph. disp. 4. q. 1. n. 9. *¶*. Respondetur respondet ad objectionem propositam, quòd licet in tali casu non esset principium, nec principiatum, tamen ex natura sua intrinseca posset esse principiatum in alio casu, nimirum in illo, qui de facto est, & hoc sufficit ut dicatur ab ipso distinguere realiter: neque enim quando diximus principiationem arguere distinctionem realem, intelleximus id tantum de principiatione actuali, sed etiam possibili. Deinde posset dici, & bene, quòd descripsimus in conclusione omnem distinctionem realem possibilem, non verò distinctionem omnem quæ daretur in casu impossibili, qualis est casus jam propositus.

Mastrius.

100 Mastrius verò has duas Poncii solutiones impugnât in Metaph. disp. 6. q. 8. n. 188. *¶*. Respondetur

pondetur negando. Respondet ergo Mastrius, quòd in eo casu adhuc Filius, & Spiritus Sanctus responderent proportionem his, quæ sunt actu separata, vel separari possunt, cum enim constituerentur per relationes disparatas, & impossibiles, & omnino alterius rationis, quia unius processio esset per intellectum, alterius verò per voluntatem, talia adhuc in eo casu verificarentur de illis contradictoria qualia nata sunt verificari de actu separatis, vel separabilibus, quòd est proportione illis correspondere.

101 Placet hæc solutio, quia cohæret doctrinæ Baconii supra citati. Unde verum est, quòd Spiritus Sanctus adhuc in illa hypothese distingueretur non solum à Patre, sed etiam à Filio, & quidem realiter, per suam relationem disparatam. Quemadmodum enim ignis per suam igneitatē non solum distinguitur realiter à suo opposito, nempe ab aqua, sed etiam à cæteris elementis disparatis, scilicet ab aere, & terra; cum per talem igneitatē fundet negationem identitatis cum illis: ita Spiritus Sanctus in illo casu distingueretur per suam relationem non solum à suo correlativo, nempe Patre, sed etiam à suo disparato, nempe Filio; quia licet non diceret negationem identitatis, saltem in natura, cum Patre, & Filio, semper haberet ipsam relationem cum aliis impossibilem; non tamen distingueretur ut Spiritus Sanctus, bene quidem ut alter Filius, nam in illa hypothese esset genitus à Patre, sicut de facto est Filius. In forma ergo

102 Respondeo ad objectionem initam n. 98. negando antecedens; ad cuius probationem nego

maiolem; ad cuius probationem concessio antecede-
 dente quoad primam partem, negatur quoad secun-
 dam; ad cuius probationem nego maiolem. Ratio
 mihi est: quia etsi de facto ratio producentis, &
 producti correfpondeat, in Divinis, proportionem
 his, quæ in creatis separantur; tamen in illa hypo-
 thefi non posset fundari ista proportio in tali ratio-
 ne, ita ut in omnibus Personis Divinis reperiretur;
 cum, ut supponitur, nequaquam Spiritus Sanctus
 à Filio procederet. Hac de causa recurrendum exi-
 stimo ad separationem proportionalem fundatam in
 relationibus disparatis, quæ adhuc in tali calu di-
 stingerent Personas Filii, & Spiritus Sancti, quod
 etiam est proportione correfpondere rebus, quæ de
 facto separantur, aut separari possunt.

103 Objicies tertio pro secunda sententia. Ca-
 pacitas prædicatorum contradictoriorum est signum
 adæquatum & convertibile cum distinctione reali:
 ergo cætera signa, quæ assignantur, vel superflua sunt
 vel fallaciola. Probas antecedens. Ex eo quod sit
 verum dicere, *Petrus stat, Paulus non stat, Pe-*
trus est albus, Paulus non est albus, bene sequitur:
 ergo Petrus & Paulus distinguuntur realiter: ergo.
 Respondeo ad objectionem disting. antecedens: ca-
 pacitas prædicatorum contradictoriorum & C.
 etiam, concedo antecedens: Solum, nego antecede-
 dens. Igitur quanvis ex capacitate prædicatorum
 contradictoriorum arguatur distinctio realis; possunt
 utique argui omnes aliæ distinctiones, quæ mem-
 bra sunt distinctionis ex natura rei; sic que non est
 signum speciale distinctionis realis ipsa capacitas
 prædicatorum contradictoriorum. Deinde in Divi-
 nis datur capacitas prædicatorum contradictorio-
 rum

rum inter prædicata realiter indistincta: ergo signum assignatum non est absolute convertibile cum omni distinctione reali.

104 Objicies quartò; & directè contra resolutionem. Quavis omnes aliæ separationes sint sufficientes ad distinctionem realem arguendam; minimè separationes omnes possibiles: ergo non omnes separationes in resolutione assignatæ integrant adæquatum signum distinctionis realis. Probas antecedens Separationes, quæ fieri possunt per Omnipotentiam sunt possibiles; sed non omnes separationes quæ fieri possunt per Divinam Omnipotentiam sufficientes sunt ad realem distinctionem arguendam: ergo. Maior est certa. Probas minorem. Non omnes separationes, quæ fieri possunt per Divinam Omnipotentiam nobis innotescunt, sed separationes, quæ nobis non innotescunt, non sunt sufficientes ad realem distinctionem arguendam: ergo.

105 Respondeo ad objectionem negando antecedens; ad cujus probationem concessâ maiorem, nego minorem; ad cujus probationem disting. maiorem: non omnes separationes, quæ fieri possunt per Divinam Omnipotentiam nobis innotescunt, sed possunt innotescere, concedo maiorem: non omnes nobis innotescunt, nec possunt innotescere, nego maiorem. Deinde applicatâ distinctione minori, nego consequentiam. Quia sufficit, quòd separationes omnes per Divinam Omnipotentiam possint innotescere, ad hoc ut veniamus per illas in cognitionem distinctionis realis. Ex his:

106 Deduces primò, posse nos habere notitiam separationum omnium possibilium, vel arguendo ex jam separatis, vel ex eo, quòd separationes non re-

pugnent, (& si de facto; præter separationem humanitatis à substantiâ, & accidentium à subjecto, aliæ, quæ per Divinam Omnipotentiam fieri possunt, sint nobis ignotæ) & hoc modo possunt omnes separationes possibles nobis innotescere tanquam signa distinctionis realis.

107 Deduces secundò, hæc distinctionis realis signa, quia speciales continent difficultates scitu dignas, utilissima, & necessaria esse ut verè examinetur locus, & sedes ipsius distinctionis. In aliis autem signis, quæ pro reliquis distinctionibus assignari solent, nolo immorari: quia facilè agnoscipossunt ex dictis dilp. 1. sectione 2. per totam.

S E C T I O II.

De Distinctione Graduali.

Q U Æ S T I O I.

Utrum inter essentiam, & existentiam creatam detur Distinctio Gradualis?

Baconius.

108

Resolutio est affirmativa, singularis, & expressa Resoluti in 3 dist. 1. q. 1. art. 6. §. *Dico igitur* ubi loquendo de differentiâ, seu distinctione essentiae ab existentia concludit: *Potest vocari ista differentia secundum diversos gradus essendi, largè loquendo de gradu essendi, non secundum diversas essentias, nec secundum diversos modos, nec secundum intentiones.* Doctori subscrībunt Mag. Aymus in Metaph. p. 1. dist. 1. q. un. art. 2. §. *Resolutio 5.* Mag. Zagaglia tom. 2. tract. 1. disput. 3. 1e.

Aymus.
Zagaglia.

seetione 2. §. 4. n. 28. Mag. Garcia in Metaph. dist. 1. q. 5. art. 3. §. 4. n. 190. Hanc ut certam supponit Mag. de Castill. in suo Spec. Theol. Bacon. t. 1. tract. 2. q. 4. n. 74. Et eandem fatentur innumeri R. R. etiam ex nostris, in suis m. l. Ad resolutionis intelligentiam.

109 Prænoto primò, essentiam rei dicere non repugnantiam ad esse, habereque esse oppositum chimææ; quæ quidem non repugnantia ad esse fundatur super positivum ex parte creabilis, non quod tale sit secundum quid rei, sed solum tale secundum quid nominis; dicitur ergo hæc non repugnantia potentia objectiva, quam important creaturæ ab æterno, & habent per ordinem ad omnipotentiam Dei.

110 Prænoto secundò, existentiam nihil esse præter actualitatem essentiæ; cum essentia sit in potentia ejusdem rei, quæ eo ipso quòd ad actum transferatur, fit actu existens, quatenus per operationem agentis ab esse potenciali est ad esse actuale translaturum; & ideo docet Baconius, quòd esse, sive existentia sunt idem secundum rem, qua identitate non obstante, important diversos gradus essendi, sive distinctionem gradualem; quia eadem res accepta, ut est essentia, importat gradum essendi potentiâ, ut verò est existentia, importat gradum essendi in actu Hinc

111 Prænoto tertio, distinctionem gradualem intercedere inter essentiam in potentia, & existentiam actualem, non inter essentiam, & existentiam possibilem, neque inter essentiam actualem, & actualem existentiam; siquidem essentia actualis est in eodemmet gradu in quo est actualis existentia, & sic nec in essentiâ, nec in essendo realiter discriminantur, sed solum ratione; cum enim ex parte objecti nihil nomine essentiæ actualis exprimitur,

Aymus.

quod etiam non exprimat per existentiam, sequitur, quod essentia actualis, & existentia sint ex parte objecti synonymæ, eo modo quo vestis & indumentum, ut bene notavit Mag. Aymus citatus, sed *¶ suo Resolutio 4.* Igitur gradus translationis non reperitur hic nisi in essentiâ possibili in ordine ad actualem existentiam. Hic modus discurrendi est contra aliquos doctissimos Baconistas, verum videtur de mente Resoluti. His prænotatis,

112 Probo resolutionem, & primò sic: Essentia possibilis est potentia totalis, & existentia actualis est actus totalis: sed inter potentiam totalem, & actum totalem datur distinctio gradualis: ergo. Probo maiorem. Essentia possibilis solùm est in potentia ad existendum, & non existit; deinde existentia actualis totaliter est in actu: ergo essentia possibilis est potentia totalis, & existentia actualis est actus totalis. Probo minorem. Inter potentiam totalem, & actum totalem non datur distinctio varians essentiam, sed solùm varians gradus ejusdem essentiæ; sed hæc est gradualis: ergo.

113 Probo secundò eandem resolutionem sic: Essentia possibilis, & existentia actualis distinguuntur realiter, sed non realiter realiter, nec realiter virtualiter; nec realiter modaliter, nec realiter formaliter: ergo realiter gradualiter. Probo maiorem. Quæ realiter separantur realiter distinguuntur; sed essentia possibilis, & existentia actualis realiter separantur: ergo. Probo minorem quoad primam partem. Si essentia possibilis & existentia actualis distinguerentur realiter realiter, vel existentia differret ab essentia tanquam substantia, vel tanquam accidens; sed tanquam substantia non; quia nec est materia,

teria, nec forma; cùm ista sit pars essentiae, à qua
causatur esse, & illa potius recipiat, quàm det esse
formaliter: ergo. Deinde tanquam accidens non;
quia tunc substantia existeret virtute accidentis: er-
go. Probo eandem minorem quoad secundam par-
tem. Distinctio realis virtualis non facit quòd unum
separetur ab alio: sed essentia possibilis separatur ab
existentiâ actuali: ergo. Probo eandem minorem
quoad tertiam partem. Essentia, & existentia natu-
ræ substantialis reponuntur in eodem prædicamen-
to substantiæ; sed quæ pertinent ad idem prædica-
mentum nequeunt realiter modaliter distingui: er-
go. Probo eandem minorem quoad ultimam par-
tem eodem fundamento, quo probavi quoad se-
cundam. Et addo, esse in actu, & esse in potentia
non esse formalitates intentionales, quo posito,
nullo pacto realiter formaliter distinguuntur.

Proponuntur objectiones, & dissolvuntur.

114 **N**ostræ resolutioni opponuntur Son-
cinas 4. Metaph. q. 2. Manca 1. Phy. *Soncinas*
ficorum dubio 1. Nasarius p. 1. q. 3. art. 4. contro. *Manca.*
1. Navar. p. 1. contro. 14. Mag. Blasius à Conceptio- *Nasarius.*
ne disp. 6. Metaph. q. 2. & cæteri Thomistæ commu- *Navarr.*
niter docentes essentiam, & existentiam realiter di- *Blasius.*
stingui; ita quod existentia de se non sit substantia, *D. Thomas.*
nec accidens, sed solum sit substantia existentia su- *Avicen.*
bstantiæ, & accidens existentia accidentis; citant- *Alpharrab.*
que pro hac sententiâ D. Angelicum p. 1. q. 3. art. 4.
& 2. Sic procedunt contra Avicenam, Alpharrab. &
alios, qui dicunt, existentiam esse accidens quod-
dam rebus super additum. Alii defendunt, nullam
intercedere distinctionem nisi per intellectum inter

Alens
Aureolus.
Durandus.
Gabriel.

essentiam, & existentiam. Ita Alensis 4. Metaph. textu 14. Aureolus, Durandus, Gabriel, quos sequitur Nominalium turba. Verum hi non procedunt directe contra resolutionem propositam, quia loquuntur præcipue de existentia cum actuali essentia comparata.

Scotus.
Mastrius.

115 Alii tandem (relictis aliis) dicunt, existentiam distingui modaliter intrinsece ab essentia, quam distinctionem vocant formalem actualem ex natura rei. Sic Scotus, & Scotistæ omnes, teste Mastrio tom. 5. disp. 8. q. 2. art. 4. Hi etiam solum loquuntur de distinctione existentia cum actuali essentia comparata, &, proportionem servata, de existentia possibili cum essentia possibili, non de essentia possibili cum existentia actuali, ut inquit idem Mastrius citatus art. 6. n. 83. Ideo restat tantum objectiones resolutionem directe impugnantes dissolvere, & ad Thomistarum argumenta respondere. Igitur

116 Obicies primo. Existentia non addit rem supra essentiam: ergo non distinguitur gradualiter ab illa. Antecedens est certum in Scholâ Baconicâ. Probas consequentiam. Implicat, quod aliquid distinguatur gradualiter ab alio, & non addat rem supra illud: ergo. Probas antecedens. Implicat, quod aliquid distinguatur realiter ab aliquo, & non addat rem supra illud; sed quod distinguitur gradualiter, distinguitur realiter: ergo. Respondeo ad objectionem, concessio antecedente, negando consequentiam; ad cuius probationem nego antecedens; ad cuius probationem disting. maiorem: implicat &c. si distinguatur realiter ab illo secundum aliquid receptum, concedo maiorem: si distinguatur realiter ab

ab illo secundum gradum translationis, nego maiorem, & concessâ minore in hoc sensu, nego consequentiam.

117 Certum est, quod existentia adderet aliquid reale supra essentiam, si ab illâ distingueretur realiter, tanquam aliquid receptum in ea, eo modo, quo aer v. g. participat lucem, & corpus albedinem; verum non est ita; quia essentia de se est quasi abstractum indifferens ad esse, & non esse, & solum dicitur, esse, seu existere, quando est producta in effectu per potentiam agentis. Unde existentia non differt realiter ab essentiâ, quasi addat aliquam entitatem supra, sed est ipsamet essentia producta, & in actu. Hoc explicat Doctor in 3. dist.

10. q. 1. art. 4. §. Dico quod his verbis: *Sicut si dicerem, quod Sol produceret radium suum per se subsistentem, non dicerem aliquid receptum in radio, sicut lux recipitur in aere, sed tantum dicerem essentiam radii subsistentem, vel productam in effectu, quæ primò fuit in potentia tantum.*

Baconius.

118 Objicies secundò. Eodem modo, quo concipitur essentia debet correspondere existentia: ergo inter essentiam, & existentiam non datur distinctio gradualis. Probas antecedens. Essentiæ possibili correspondet existentia possibilis, & essentiæ actuali correspondet existentia actualis: ergo. Respondeo ad objectionem, concesso antecedente, negando consequentiam. Quia ex objectionem solum sequitur, quod non reperiatur distinctio gradualis inter essentiam, & existentiam possibilem, vel inter essentiam actualem, & actualem existentiam, quod est verum; quia quocumque ex his modis, sunt synonyma essentia & existentia. Unde non sequitur.

tur, quòd inter essentiam possibilem, & existentiam actualem non datur distinctio gradualis.

119 Instabis. Essentia actualis est possibilis; sed inter essentiam actualem, & actualem existentiam non datur distinctio gradualis, juxta dicta: ergo neque inter essentiam possibilem, & actualem existentiam. Respondeo ad objectionem distinguendo maiorem; essentia actualis est possibilis, ita ut possibilitas sit jam translata ad gradum actualitatis, concedo maiorem: ita ut non sit jam translata ad talem gradum, nego maiorem. Deinde distingo minorem: sed inter essentiam actualem, & actualem existentiam non datur distinctio gradualis, si essentia actualis reduplicativè sumatur ut actualis est, concedo minorem: si sumatur specificativè, nego minorem. Primo modo nec gradualiter distinguitur essentia ab existentia juxta dicta n. 111. at secundò modò gradualiter distinguuntur; quia essentia, licèt sit in actu posita, non deperdit rationem seu conceptum essentiae, quæ ex se præscindit ab actu. De hoc iterum infra n. 152. Sed contra hanc solutionem specialiter

120 Replicabis. Licet essentia materiae primæ actu existat, tamen nec specificativè sumpta distinguitur gradualiter ab existentia per quam existit: ergo essentia actualis nec specificativè sumpta distinguitur ab actuali existentia gradualiter. Probas antecedens. Distinctio gradualis supponit identitatem physicam; sed hæc non datur inter essentiam materiae, & existentiam, per quam existit: ergo. Maior est certa. Probas minorem. Materia prima non existit per propriam existentiam: ergo inter essentiam materiae, & existentiam per quam existit non

non datur identitas physica. Antecedens constat ex doctrinâ Reloluti quodl. 2. q. 9. art. 1. *¶*. Quarto *Baconius.* igitur ubi loquendo de materiâ primâ docet: *Quod non solum excludat actualitatem cujuslibet formæ substantialis, & accidentalis, sed etiam excludat omnem actualitatem quocumque modo conceptibilem.*

121 Respondeo ad replicam, concessio antecedente, disting. consequens: loquendo de essentiâ puræ potentiæ, concedo consequentiam: loquendo de essentiâ actûs, nego consequentiam. Si sermo sit de essentiâ puræ potentiæ, qualis est materia prima, sit ita, quod non distinguatur gradualiter ab existentia propter rationem objectionis; tamen si loquatur de essentiâ actûs, totum id est fallum; quia essentia actûs, adhuc translata ad gradum actualitatis distinguitur gradualiter ab actuali existentia, dummodo specificativè sumatur. Dixi *pronunc*, quia suo loco erit disputandum: an materia prima habeat, vel non habeat propriam existentiam ex mente Reloluti.

122 Objicies tertio. Realitas rei possibilis nec gradualiter distinguitur à realitate rei actualis: ergo neque essentia possibilis ab actuali existentia. Antecedens videtur certum; quia realitas rei possibilis, & actualis sunt prorsus idem. Probas consequentiam. Realitas rei actualis est existentia: ergo si realitas rei possibilis nec gradualiter distinguitur à realitate rei actualis, sequitur, quod essentia possibilis non distinguatur ab actuali existentia. Respondeo ad objectionem negando antecedens, & simul consequentiam; quia distinctio gradualis non opponitur identitati reali physicae, & sic quavis non detur inter diversas essentias, datur tamen inter

ter gradus ejuldem essentiae ; jam verò realitas rei possibilis , & rei actualis ; licèt sint prorsus idem , tamen gradus ipsius realitatis sunt diversi. Et per hoc patet ad probationem antecedentis , & consequentiae.

123 Objicies quartò. Si existentia importaret aliquid distinctum gradualiter ab essentiâ , haberet aliquem effectum formalem ; sed nullus assignatur effectus formalis existentiae sic distinctae : ergo falsum est , quòd essentia , & existentia gradualiter distinguantur. Maior liquet à paritate subsistentiae , quæ , quia distinguitur gradualiter ab essentiâ actuali , habet utique effectum formalem , scilicet terminare dependentiam naturæ. Probas minorem. Si aliquis assignaretur effectus formalis existentiae hominis v. g. sic distinctae à sua essentia , esset humanare ; sed talis effectus præstatur ab essentiâ : ergo.

124 Respondeo ad objectionem , concessâ maiore , negando minorem ; ad cuius probationem disting. maiorem : esset humanare actu , concedo maiorem : humanare præisè , nego maiorem. Deinde nego minorem in sensu distinctionis , & consequentiam. Quia licèt humanare sit effectus formalis essentiae hominis , sicut & substantiare est effectus formalis naturæ substantialis ; tamen humanare actu , substantiare actu , solùm est effectus existentiae. Quare duplex assignari potest effectus formalis existentiae sic distinctae ; primarius est substantiare actu ; secundarius verò est actu subsistere. Addo , existentiam non habere effectus formales ratione distinctionis gradualis ab essentiâ ; quia etiam subsistentia distinguitur gradualiter à naturâ , & tamen nullum habet effectum formalem. Habet ergo existentia

dictos effectus formales; quia hi non præstantur ab essentiâ sub gradu potentix præcisè.

125 Instabis. Substantiare actu est effectus formalis subsistentix actualis: ergo non est effectus formalis existentix actualis. Probas antecedens. Substantiare actu est actu per se stare; sed actu per se stare est effectus formalis subsistentix actualis. ergo. Maior est certa. Probas minorem. Actu per se stare est actu independere ab altero; sed actu independere ab altero est effectus formalis subsistentix: ergo. Respondeo ad instantiam negando antecedens: ad cujus probationem concessâ maiore, nego minorem; ad cujus probationem concessâ maiore, nego minorem; quia quod actu independet ab altero, vel independet tanquam à subiecto, vel tanquam à supposito; ergo cum independere actu tanquam à subiecto sit effectus formalis primarius essentix substantialis existentis; & independere actu à supposito sit effectus formalis secundarius ejusdem essentix actu existentis, sequitur, quod subsistentix nullus sit effectus formalis, cum ipsa potius sit effectus formalis secundarius naturæ substantialis.

126 Objicies quintò. Licet essentia possibilis non dicat existentiam actualem, non proinde arguit distinctionem gradualem ab existentia actuali: ergo existentia actualis non distinguitur gradualiter ab essentiâ possibili. Probas antecedens. Licet animal non dicat rationale, non proinde arguit distinctionem gradualem à rationali: ergo similiter. Respondeo ad objectionem negando antecedens; ad cujus probationem concessio antecedente, nego consequentiam. Disparitas est longa: quia animal
non

non potest separari à rationali hominis, sed solum cognosci, illo non cognito, & ideo solum probatur distinctio formalis intentionalis inter illa; at verò essentia possibilis est realiter separabilis ab existentia actuali, seu à gradu existendi, aliter non transiret de gradu in gradum, & ideo inter essentiam possibilem, & existentiam actualem arguitur distinctio gradualis.

127 Objicies sextò. Admissâ distinctione graduali inter existentiam, & essentiam possibilem, eo ipso admittitur inter hæc identitas realis; sed talis identitas est implicatoria: ergo etiam talis distinctio. Maior est certa, quia per Baconium. Probas minorem. Implicat identitas realis physica inter aliquid & nihil; sed existentia est aliquid, & essentia possibilis est nihil: ergo. Respondeo ad objectionem concessâ maiore, negando minorem; ad cujus probationem concessâ maiore, & minore quoad primam partem, disting. quoad secundam: essentia possibilis est nihil formalisale, concedo; est nihil rigorosum, nego. Nihil rigorosum non potest habere identitatem cum aliquo, quia est destructivum alicujus; tamen nihil formalisale cùm perficiatur per existentiam, ideo potest cum ipsa existentia identificari.

128 Instabis. Tam est omnino nihil, nihil rigorosum, quàm nihil formalisale: ergo si implicat identitas inter aliquid & nihil rigorosum, ita inter aliquid, & nihil formalisale. Probas antecedens. Tam nihil formalisale, quàm nihil rigorosum dicit carentiam existentiae: ergo. Respondeo ad instantiam disting. antecedens: tam est omnino nihil &c. omnitate rei, concedo antecedens: omnitate modi, nego antecedens;

cedens; ad cuius probationem disting. antecedens: tam nihil formalisale, quàm nihil rigorosum dicit carentiam existentiae actualis, concedo antecedens: existentiae possibilis, nego antecedens; aliàs ens possibile logicè, esset tam impossibile, quàm ens impossibile. Unde nihil rigorosum nec habet existentiam actualem, nec possibilem, nihil verò diminutum, licet careat existentia actuali, non caret existentia possibili, quod sufficit ad hoc ut possit identificari cum existentia actuali.

129 Replicabis. Implicat identitas realis inter aliquid existens, & aliquid dicens carentiam existentiae; sed existentia est aliquid existens. & nihil formalisale est aliquid dicens carentiam existentiae: ergo. Respondeo ad replic. distinguendo maiorem: implicat identitas realis inter aliquid existens, & aliquid dicens carentiam existentiae tam actualis, quàm possibilis, concedo maiorem: actualis tantum, nego maiorem. Deinde applicatâ distinctione minori, nego consequentiam.

130 Urgebis. Si id. quod actu non existit, posset identificari cum illo, quod actu existit ratione existentiae possibilis, conservaret ipsam existentiam possibilem identificatam cum existentia actuali, etiam quando transit ad actualem existentiam; sed hoc non: ergo neque illud ex quo sequitur. Maior patet. Probas minorem. Positâ productione, non manet existentia possibilis: ergo quod actu non existit non potest conservare ipsam existentiam possibilem identificatam cum existentia actuali. Respondeo ad urg. concessâ maiore, negando minorem: ad cuius probationem nego antecedens; quia actus existendi non aufert logicam possibilitatem, seu

seu potentiam ad existendum, imò eam perficit, eo modo, quo actus totalis, qui potius perficit, quàm destruit potentiam totalem, & forma rationem puræ potentiae materiae.

131 Reurgebis. Positâ productione, essentia intrinsecè immutatur ex possibili in actualem: ergo essentia possibilis non potest conservare identitatem cum existentia actuali. Probas antecedens. Essentia in potentia solùm est essentia secundum quid, existentia verò actualis est essentia simpliciter: ergo positâ productione essentia, sive existentia possibilis intrinsecè immutatur ex possibili in actualem. Respondeo ad reurg. disting. antecedens: positâ productione, essentia sive existentia possibilis immutatur &c. in essendo, concedo antecedens; in essentiâ, nego antecedens; ad cujus probationem concessio antecedente, disting. consequens modo dicto. Dico quòd, positâ productione, solùm datur transmutatio in essendo, non in essentiâ; quia essentia est eadem, translata de gradu in gradum. Nec obstat, quòd essentia possibilis sit solùm essentia secundum quid, & non sit talis simpliciter, sicut est essentia actualis, seu existentia; quia hoc solùm probat distinctionem gradualem, non realem essentialem; aliàs diversa esset definitio hominis in potentia, & hominis in actu. Hæ sunt præcipuæ objectiones directè resolutionem impugnantes. Audiamus nunc Thomistas realem distinctionem admittentes, pro quibus

132 Objicies septimò. Existentia est actus realiter receptus in essentiâ: ergo distinguitur realiter physicè ab essentiâ. Consequentia patet; quia inter recipiens realiter; & realiter receptum debet dari

dari distinctio realis. Probas antecedens. Si existentia non esset actus realiter receptus in essentiâ, esset actus simpliciter purus & infinitus ; sed hoc non : ergo. Probas sequelam maioris. Quod caret omni potentialitate, est actus purus ; sed si existentia non esset actus realiter receptus in essentiâ, careret omni potentialitate : ergo. Maior est certa. Probas minorem. Si existentia haberet aliquam potentialitatem, esset potentialitas ut reciperetur in essentiâ : ergo si ita non reciperetur, careret omni potentialitate, adeoque esset actus purus simpliciter, & infinitus.

133 Respondeo ad objectionem negando antecedens : ad cuius probationem nego maiorem : ad cuius probationem concessâ maiore, nego minorem ; ad cuius probationem nego antecedens. Licet existentia careat potentialitate ad hoc ut recipiatur in essentiâ, habet tamen potentialitatem ad hoc ut recipiat aliquas formas ; recipit enim accidentia, &, cum producta sit, fundat relationem producentis ad productum limitatum, & finitum. Quare falsum est, quod sit actus purus simpliciter, & infinitus, licet sit verum, quod non recipiatur in essentiâ, quia juxta Doctorem existentia est ipsamet essentia producta.

134 Instabis. Essentia possibilis est potentia ad esse, id est, ad existere ; sed potentia ad existere dicit potentialitatem ad hoc ut recipiat existentiam ; ergo existentia recipitur in essentiâ. Respondeo ad objectionem concessâ maiore, negando minorem ; quia essentia non est potentia partialis, sicut materia, sed est potentia totalis, & ideo existentia non est forma recepta in essentiâ, sicut forma in materia.

ria. Igitur existentia solùm acquiritur ab essentiâ per translationem ejuldem rei de potentia ad actum.

135 Replicabis. Si existentia non esset recepta in essentiâ propriè , & rigorosè , creatura careret compositione in ratione entis ; sed hoc non : ergo. Maior liquet. Probas minorem. Carere tali compositione solùm competit Deo : ergo. Respondeo ad replic. distinguendo maiorem : creatura careret compositione in ratione entis , compositione reali secundùm diversas res , concedo maiorem : compositione graduâli secundùm diversos gradus , nego maiorem , & applicata distinctione minori , nego consequentiam. Ad probationem minoris dico Deum non solùm excludere primam , sed secundam compositionem , qua propter distat maximè à creaturâ.

136 Objicies octavò. In existentia actuali reperitur aliquid , quod non reperitur in essentiâ possibili : ergo illa distinguitur realiter ab istâ. Probas antecedens. Existentia actualis potest actu exercere suas operationes ; sed hoc non potest essentia possibilis : ergo. Respondeo ad objectionem , concessio antecedente , negando consequentiam ; quia ex tali antecedente solùm sequitur , quòd existentia actualis distinguatur gradualiter , seu in essendo , ab essentia possibili ; sicut sequitur sola distinctio gradualis ex eo , quòd essentia possibilis non habeat sub illo statu actualem essentiam , quam habet existentia actualis. Unde hæc , & similes objectiones solvuntur facilè , si rectè attendatur ad diversitatem in essendo ejusdem essentiaë.

137 Objicies nonò. Essentia , & existentia realiter separantur : ergo realiter distinguuntur. Consequentia

sequētia liquet ; quia separatio est , signum distinctionis realis juxta dicta sectione præced. num. 73. Probas antecedens. Existētia corrumpitur non corruptâ essentiâ : ergo essentia , & existētia realiter separantur. Probas antecedens. Mortuo hoc homine, corrumpitur ejus existētiâ ; sed essentia non : ergo existētia corrumpitur, non corruptâ essentiâ. Maior est certa. Probas minorem. Essentiæ sunt incorruptibiles : ergo. Respondeo ad objectionem disting. antecedens : essentia actualis , & existētia actualis realiter separantur , nego antecedens : essentia possibilis , & existētia actualis , subdistingo : realiter separantur in essendo , concedo antecedens : in essentiâ , nego antecedens ; ad cujus probationem neg. ant. ad cujus prob. applicatâ illa subdistinctione maiori , & concessa minore de essentiâ possibili, distingo consequens modô dictô.

138 Si sermo sit de essentiâ actuali comparatâ cum actuali existētiâ , non solum corrumpitur existētia , sed etiam essentia : quia hæc sunt Synonyma , & sic æqualiter corrumpuntur. Si verô loquatur de essentiâ possibili cum actuali existētia , corrumpitur existētia, non corruptâ essentiâ , ex quo solum arguitur distinctio gradualis, non realis physica intet utramque ; quia , propriè loquendo , solum corrumpitur gradus existētiæ. Sic intelligo Resolutum in 3. dist. 10. q. 1. art. 6. *ŷ. Ad quantum* *Baccon.* dicentem : *Quod esse* (hoc est , existētia actualis) *corrumpitur, manente essentiâ, quia res potest corrumpi ablatione unius gradûs essendi , remanente tamen re sub alio gradu essendi.* Igitur separatio , quæ arguit distinctionem realem physicam , est separatio in essentiâ , non in essendo. Et quando dicitur,

tur, quòd essentiae rerum sint incorruptibiles, hoc non est intelligendum de essentiis actualibus, sed de essentiis secundum non repugnantiam, quam habent ad existendum.

139 Objicies decimo. Existencia hodierna Petri distinguitur realiter ab existentiâ crastinâ ejusdem Petri; sed essentia est eadem: ergo absolutè verum est, quòd existencia non sit essentia realiter. Probas maiorem. Quæ realiter separantur, realiter distinguuntur; sed existencia hodierna Petri realiter separatur ab existentiâ crastinâ ejusdem Petri: ergo. Probas minorem. Petrus semper est animal rationale Petreilatam, vel existat hodie, vel cras existat: ergo. Relictis aliorum solutionibus, cum
Mag. Zagaglia

Zagaglia.

140 Respondeo ad objectionem distinguendo maiorem: existencia hodierna Petri distinguitur realiter ab existentiâ crastinâ ejusdem Petri, si existencia sumatur pro persistentia in esse, sive pro duratione, concedo maiorem: si existencia sumatur pro ultima actualitate essentiae, ac perfectione in esse individui naturæ in actu, nego maiorem; ad cujus probationem, concessa maiore, & applicatâ distinctione minori, distingo consequens modo dicto. Si nomine existentiæ intelligatur terminus adæquatus generationis, seu ultima actualitas essentiae, dico, quòd non distinguitur existencia hodierna ab existentiâ crastinâ; quia res semel producta conservat ultimam actualitatem suæ essentiae, quæ semper est eadem, vel existat hodie, vel cras; si verò nomine existentiæ intelligatur persistentia in esse, sive duratio, tunc concedo, quòd existencia hodierna distinguatur plusquam gradualiter ab existentiâ crasti-

craftinâ. Videatur Mag. Zagaglia tom. 2. p. 2. disp. Zagaglia.
8. §. 2.

141 **U** Objicies undecimò. Existentiâ actualis Petri est extra conceptum essentiæ possibilis ejusdem; ergo distinguitur realiter ab illâ. Probas antecedens. Si non esset extra conceptum essentiæ possibilis, includeretur in conceptu adæquato ipsius essentiæ: sed hoc non: ergo. Maior patet. Probas minorem. Si includeretur in conceptu adæquato ipsius essentiæ, ipsa essentia esset ab æterno existens; sed hoc non est dicendum: ergo neque illud. Respondeo ad objectionem disting. antecedens: existentiâ actualis Petri est extra conceptum essentiæ, &c. sumptâ existentiâ secundum id, quod importat in recto, concedo antecedens: sumptâ secundum id, quod importat in obliquo, nego antecedens; ad cuius probationem, concessâ maiore in sensu distinctionis, nego minorem; ad cuius probationem nego sequentiam maioris; quia existentiâ actualis Petri importat in obliquo eandem essentiam, quæ erat possibilis, ex quo solum sequitur, quod essentia esset ab æterno possibilis, non ab æterno existens; in recto autem existentiâ solum importat gradum actualitatis, qui, licet sit extra conceptum essentiæ possibilis, non facit, quod existentiâ actualis realiter distinguatur ab essentiâ possibili, sed solum gradualiter.

142 Instabis. Existentiâ actualis Petri importat in recto actualitatem, & in obliquo essentiam possibilem: ergo inter ipsam actualitatem, & essentiam possibilem debet admitti distinctio realis. Antecedens constat ex dictis. Probas consequentiam. Ea, quorum unum importatur in recto, & alterum in obliquo, realiter distinguuntur: ergo.

Respondeo ad instantiam, concesso antecedente, negando consequentiam; ad cuius probationem disting. antecedens: ea, quorum &c. si tam id, quod importatur in recto, quàm in obliquo, sit res, concedo antecedens: si saltem in recto sit gradus, nego antecedens. Cum ergo existentia in recto solum dicat gradum actualitatis ejusdem rei, quæ erat possibilis, sequitur, quòd tantum gradualiter distinguitur existentia actualis ab essentiâ possibili.

143 Replicabis. Existentia actualis dicit in recto gradum actualitatis: ergo dicit rem. Antecedens constat ex concessis. Probas consequentiam. Talis gradus actualitatis est aliquid, & est ens: sed ens est res: ergo. Respondeo ad replicam, concesso antecedente, negando consequentiam; ad cuius probationem distingo maiorem: talis gradus actualitatis est aliquid, & ens indirectè, concedo maiorem: directè, nego maiorem, & concessâ minorem, nego consequentiam. Dico, quòd gradus ille sit ens indirectè; quatenus est gradus rei, quæ directè est extra nihil; enim verò ad hoc ut existentia actualis distingueretur realiter physicè ab essentiâ possibili, opus erat, quòd adderet, & diceret ens directè tale supra illam, ideo cum hoc non dicat, solum gradualiter distinguitur ab essentiâ possibili.

144 Objicies duodecimò. Existentia actualis creata distinguitur realiter ab essentiâ actuali: ergo etiam ab essentiâ possibili. Probas antecedens. Si existentia actualis non distingueretur realiter ab essentiâ actuali, creatura existeret per essentiam; hoc non: ergo. Probas maiorem. Existeret per existentiam, quæ esset realiter essentia: ergo existeret per essentiam. Probas minorem. Si creatura existeret per

per essentiam, existeret necessariò; hoc uni Deo convenit : ergo non est dicendum , quòd creatura existeret per essentiam. Respondeo ad objectionem negando antecedens ; ad cujus probationem concessà maiore, nego minorem ; ad cujus probationem nego maiorem. Verum est , quòd creatura existens per actualem existentiam indistinctam realiter physicè (imò, & gradualiter; dummodò reduplicativè sumatur) ab actuali essentia , existeret per essentiam actualem ; aliter existeret , & non existeret per existentiam actualem , quod est implicatorium : non existeret proinde necessariò ; quia existere necessariò sonat existere absolutè, & independentè , quod nulli creaturæ convenit ; cùm omnis existat dependentè à libito creatoris.

145 Instabis. Si creatura sit existens per essentiam, necessariò existit : ergo non stat solutio. Probas antecedens. Si creatura sit non existens per essentiam necessariò non existit : ergo si creatura sit existens per essentiam necessariò existit. Consequentia urget. Probas antecedens. Creatura, ex cujus existentia sequitur contradictio, necessariò non existit ; sed si creatura sit non existens per essentiam, ex ipsius existentia sequitur contradictio : ergo si creatura sit non existens per essentiam necessariò non existit. Maior liquet ex terminis ; aliter existeret contradictio. Probas minorem. Sequitur , quòd existat, & non existat : ergo. Probas antecedens. Imprimis sequitur , quòd existat, ut supponitur ; sed quando existeret haberet sibi identificatam suam essentiam, quæ esset non existere : ergo sequitur , quòd existat , & non existat. Celebrissima sanè, & subtilissima instantia, quæ sola subtili-

Munieffa.

tate celeberrimi, & subtilissimi Thomæ de Munieffa dissolvi potest. Cum tanto Mag. cujus ingenium in scriptis suis evolvendis quotidie miror, dum non pauca edisco

146 Respondeo ad instant. negando antecedens; ad cujus probationem concessio antecedente, (cave ne illud neges: habet enim evidentem probationem) nego consequentiam. Disparitas est, quia creatura, quæ haberet per essentiam suam non existere, si existeret, existeret, & non existeret, quod involvit contradictionem, & ideo creatura, quæ haberet per essentiam non existere, necessariò non existeret; at verò ex existentia creaturæ existentis per essentiam, solum sequitur, quòd existat quando existit, seu quando habet essentiam actualem; non ergo sequitur quòd necessariò existat, quia potest carere existentia, & essentia actuali absque contradictione. Hæc doctissimè Munieffa tract. de Essentia, & Attributis disp. 2. sectione 1. n. 6. concludens his verbis: *Si huic evidenti solutioni non acquiescunt Thomistæ, aliam meditentur ad idem argumentum, quod potest illis objici in illo suo Modo existentia, per se, & non per alium modum formaliter existente: & caveant, consulo, ne, sicut super addunt modum, quo res contingenter existens, formaliter existat; cogantur admittere alium modum, quo res contingenter non existens formaliter non existat: utrumque enim istud sive existere, sive non existere est rei cuicumque creatæ pariter logicè contingens.* Sed adhuc

147 Replicabis. Ideò illa creatura habens per essentiam non existere, necessariò non existeret, quia ex ipsius existentia sequitur contradictio, nempe

pe existere , & non existere ; sed eadem contradi-
ctio sequitur ex non existentia creaturæ habentis
per essentiam existere : ergo. Maior constat ex di-
ctis. Probas minorem. Sequitur , quòd non exi-
stat , ut supponitur. Sed tunc existeret : ergo. Maior
est certa. Probas minorem. Quando non existeret
adhuc haberet essentiam ; sed essentia est realiter
existentia : ergo tunc existeret , quando non existe-
ret. Confirmabis. Illa creatura non existeret , quan-
do existeret , quia sua essentia esset non existere ;
sed essentia creaturæ habentis essentiam indistin-
ctam realiter à sua existentia , esset existere : ergo
si illa non existeret quando existeret , ista existeret
quando non existeret.

148 Respondeo ad replicam , concessa maiore.
negando minorem ; ad cuius probationem distingo
maiores : quando non existeret , adhuc haberet es-
sentiam possibilem , concedo maiorem ; essentiam
actualem , nego maiorem. Deinde distingo mino-
rem : essentia actualis est realiter existentia , con-
cedo minorem : essentia possibilis , subdivido : est
realiter physicè existentia , concedo minorem : rea-
liter gradualiter , nego minorem. Ad confirmatio-
nem , concessa maiore , distingo minorem : essentia
creaturæ habentis , &c. esset existere , quando es-
set translata ad gradum actualitatis , concedo mi-
nores : absolute , nego minorem , & consequen-
tiam. Igitur semper datur longa disparitas ; quia il-
la creatura haberet per essentiam non existere ab-
solute ; creatura verò existens per essentiam , solum
habet per essentiam existere , quando contingen-
ter , & á libito Dei est translata ad gradum. Unde
quando non existeret actu ; solum haberet essen-
tiam

tiam possibilem , quæ licet sit realiter idem cum existentia actuali , est tamen ab illâ gradualiter distincta.

149 Urgebis. Per te essentia possibilis est realiter existentia actualis ; sed creatura quando non existeret haberet essentiam possibilem , etiam per te ; ergo haberet existentiam actualem , adeoque actualiter existeret , quando non existeret actualiter. Respondeo ad urg. disting. maiorem : essentia possibilis est realiter existentia actualis , sed gradualiter ab ipsâ distincta , concedo maiorem : aliter , nego maiorem ; & concessa minore , nego consequentiam. Licet enim essentia possibilis sit existentia actualis , est tamen diversa in essendo , & ideo non sequitur , quod existat actu , quando tantum est possibilis , seu antequam transeat ad gradum actualitatis. Ex dictis

150 Deduces primò , essentiam actualem non distingui realiter physicè ab actuali existentia. Fundamentum est ; quia id per quod res ponitur extra suas causas , est existentia actualis ; sed res ponitur extra suas causas per actualem essentiam ; ergo essentia actualis , & actualis existentia carent reali distinctione. Maior est doctrina Philosophi 9. Metaph. textu 11. ad illa verba : *Est autem actu existere rem , non ita , sicut diximus in potentia*. Minor etiam liquet ; quia aliter poneretur res extra suas causas per aliquod additum suæ essentiæ , siquæ nulla esset res per se existens , quod non est dicendum.

Aristoteles.

Blasius.

151 Nec obstat primò id , quod ex D. Thoma docet Mag Blasius , nempe , quod creatura tunc non esset multiplicabilis ; nam licet existentia sit physice

cè suum esse, tamen non est suum esse gradualiter, quod sufficit ad multiplicationem. Deinde existentia indistincta realiter physicè ab essentiâ nihil facit ad multiplicationem; cum possint à Deo produci consimiles entitates, quorum quælibet esset semper indistincta à suâ existentia actuali. Nec obstat secundo id, quod docet idem Blasius, scilicet humanitatem Christi non posse tunc à Verbo assumi, quia esset completa; non obstat, inquam, nam solum esset completa in esse individui existentiae in actu, non in esse individui subsistentiae actualis; hæc enim, utpote effectus formalis secundarius potuit impediri à Verbo. Sed de hac, sequenti questione. Nec obstat tertio, quod vera sit semper ista propositio, *homo est rationalis*; non semper ista, *homo est existens*, quia prima ex institutione terminorum abstrahit à tempore; non secunda, quæ determinatè significat tempus præsens. Unde si tales propositiones respiciant æqualiter idem tempus, essent tunc æqualiter veræ; quod sine vestigio absurdum concedit citatus Muniesla. Videatur ipse ibidem sup. à n. suo 20. usque ad 22. Muniesla.

152 Deduces secundo existentiam actualem nec gradualiter distingui ab actuali essentiâ sumptâ reduplicativè. Fundamentum sumitur ex dictis n. 111. si verò essentia actualis specificativè sumatur, gradualiter distinguitur ab actuali existentia. Fundamentum est; quia essentia in actu posita non amittit propriam rationem essentiae; sed essentia sub conceptu proprio essentiae distinguitur gradualiter ab existentia actuali: ergo si essentia actualis specificativè sumatur gradualiter, distinguitur ab actuali existentia. Vide sup. dicta n. 119. Deduces tertio, ex-

existentiam possibilem nec realiter physicè , nec realiter gradualiter distingui ab essentiâ possibili. Fundamentum est ; quia hęc modò sunt synonyma ; cum nihil nomine existentiaë intelligatur , quod non veniat nomine essentiæ ; sicut de existentia actuali comparatâ cum actuali essentiâ dixi citato loco.

153 Deduces quartò , & ultimò essentiam actualem differre tantùm realiter gradualiter ab essentia possibili. Fundamentum est ; quia essentia actualis nihil aliud est quàm actualis existentia ; sed existentia actualis solùm differt gradualiter ab essentia possibili , ut constat ex dictis : ergo essentia actualis tantùm realiter gradualiter differt ab essentia possibili. Igitur licèt essentia possibilis negationem actualitatis secum afferat , cum tamen non ratione sui differat ab actualitate , sed solùm ratione graduum translationis , ideo talis distinctio est tantùm secundùm diverfos gradus essendi.

Q U Æ S T I O II.

Utrùm inter naturam substantialem creatam , & subsistentiam detur Distinctio Gradualis ?

Baconius.

154

Resolutio est affirmativa , & expressa. Resoluti in 3. dist. 11. q. 1. art. 1. §. 3. *¶ Sed quia* ad illa verba : *Dico de subsistere , quòd non dicit alietatem essentiæ à naturâ , sed alietatem essendi ejusdem essentiæ.* Hanc firmiter sustinent , & defendunt Mag. Aymus in Metaph. p. 2. dist. 1. q. 1. artic. 2. *¶ Resolutio* 4. Mag. Zagaglia tom. 2. tract. 1. disp. 3. sectione 2. n. 19. & tom. 4. tract. 2. disp. 4. sect. 1. num. 36. sed præcipuè tom. 5. tract. 1. disp.

Aymus.

Zagaglia.

disp. 1. sect. 7. n. 72. Mag. Garcia in Metaph. dist. 2. q. 2. art. 5. §. 4. n. 581. Et cæteri discipuli ejusdem Doctõris. Sed antequam resolutionem probem.

155 Prænoto primò substantiam dupliciter sumi posse latè scilicet , vel strictè. Latè sumitur pro essentiâ rei , vel existentis per se , vel in alio. Strictè , & prædicamentaliter pro eo , quod est in se , & est contradistinctum ab accidente , quod est in alio. De substantiâ strictè sumptâ ago in præfenti , & teneo , quòd sit aliquid positivum , in quo negatio essendi in alio fundatur , juxta illud Docto- *Baconius.*
ris in 3. dist. 1. q. 1. art. 2. §. 1. y. *Contra: Omnis negatio præsupponit affirmationem causam sui.*

156 Prænoto secundò naturam substantialem habere duos effectus formales , quorum primarius est per se existerè extra subjectum inhæsionis ; & natura secundùm hunc effectum considerata indifferens adhuc manet ad dependentiam vel independentiam à supposito alieno. Secundarius effectus formalis ejusdem naturæ est subsistere (subsistentia in sententia Resoluti nullum habet effectum formalem ; sed potiùs est effectus formalis naturæ) & per hunc effectum manet natura ultimò completa in lineâ perfectitatis , non indigens jam alio complemento. Primarius effectus est inseparabilis à natura substantiali ; secundarius verò potest impediri à Divinâ Omnipotentia. Igitur (nota) natura considerata secundùm primarium effectum est completa solùm entitativè , non gradualiter ; hoc enim habet per subsistentiam. Hinc

157 Prænoto tertio subsistentiam , suppositum , & personam inter se discriminari. Subsistentia est complementum naturæ substantialis gradualiter , per quod

quod solùm redditur ipsa natura incommunicabilis alieno supposito. Suppositum est concretum substantiale coalescens ex naturâ, & subsistentiâ. Persona est concretum resultans ex subsistentiâ, & naturâ necessariò rationali, juxta definitionem Boetii bene receptam à Philosophis, & Theologis.

158 Prænoto quartò essentiam, existentiam, & subsistentiam habere idem esse; non tamen esse in eisdem gradibus; quia essentia est in primo gradu, nempe in gradu possibili, existentia est in secundo gradu, scilicet in gradu actualitatis; subsistentia est in tertio gradu, videlicet in gradu formali subsistendi. Unde idemmet esse essentiæ est esse existentiae, & subsistentiae à gradu in gradum, & in gradum translatum. Totum hoc explicat Doctor in 3. dist. 10. q. 1. art. 7. *Y. Ad solutionem clarissimis verbis. Ista tria se habent secundum ordinem; hæc essentia in potentia; hæc essentia producta in actu ens; hæc essentia per se subsistens.* Docet, quòd essentia in omnibus est eadem, solà diversitate graduum. His ita prænotatis,

159 Probo resolutionem, & primò sic. Natura substantialis creata, ut fiat subsistens, transit ab uno gradu essendi ad alterum gradum essendi: ergo natura substantialis creata ut subsistens differt à se ipsâ ut existente gradualiter. Probo antecedens. Natura substantialis creata fit actu subsistens formaliter; cùm solùm esset talis in potentiâ: ergo transit ab uno gradu essendi ad alterum gradum essendi. Amplificatur hæc ratio ex supra dictis num.
112.

160 Probo secundò eandem resolutionem sic. Subsistentia est effectus formalis (licet secundarius)

naturæ substantialis existentis ; sed effectus formalis solum gradualiter distinguitur à sua causa formali : ergo. Probo maiorem. Subsistentia fluit à naturâ substantiali existente non minus ac esse album ab albedine in actu positâ ; sed esse album est effectus formalis albedinis : ergo subsistentia est effectus formalis naturæ. Probo etiam minorem. In eo , etiam per adversarios , distinguitur causa formalis ab efficiente , quòd formalis non agat per causalitatem distinctam , sicut efficiens : ergo effectus formalis non realiter physicè , sed tantum realiter gradualiter distinguitur à suâ causa formali , adeoque inter naturam substantialem creatam , & subsistentiam datur distinctio gradualis.

Proponuntur objectiones , & dissolvuntur.

161

Nostræ resolutioni opponuntur AA. omnes extra nostram Scholam. Alii dicentes , subsistentiam creatam distingui realiter entitativè à naturâ substantiali. Ita Herrera , & Pantula , quos citat , & sequitur Mag. Bona-Spes *Herrera. Pontusa. Hurtadus.* p. 1. Physicæ tract. 1. disp. 4. dub. 3. Idem sentiunt *Arriaga. Caietanus.* Hurtadus disp. 11. Metaph. sectione 5. Arriag. disp. 5. Metaph. sectione 5. & est in re sententia Caietani , Bañes , Albertini , & aliorum apud citatum Bonam-Spem. Alii asserentes subsistentiam distingui à naturâ substantiali tantum modaliter. Ita Ragusa *Albertinus. Ragusa.* 1a 3. p. ad q 4. art. 4. disp. 57. Theoph. Rainaud. in *Theoph. Rain.* sua Theol. naturali dist 3. Rub. 1. Physicorum tract. 1. q. 4. & cæteri quos citat & sequitur Suarius *Suar. Luf.* Lufitanus in Metaph. tract. 1. disp. 2. §. 4. n. 120. Alii tandem sentientes subsistentiam solum virtualiter di-

Card. vajalus.
Wadingus.

distingui à naturâ , pro qua sententia referri possunt Carvajalus 1. sententiarum cap. 50. Wadingus de Incarnatione d. 4. dub. 2. §. 6. n. 47. & cæteri omnes , qui asserunt mysterium Incarnationis defendi posse cum sola distinctione rationis inter naturam , & substantiam. Pro his omnibus , & in primis pro primâ sententiâ

162 Objicies primò. Distinctio, quæ reperitur inter naturam creatam , & substantiam, est distinctio entitativa ; sed distinctio entitativa non est distinctio gradualis : ergo inter naturam creatam , & substantiam non datur distinctio gradualis. Probas maiorem. Illa est distinctio entitativa , quæ reperitur inter ea ; quorum unum potest esse sine alio ; sed natura creata potest esse sine substantiâ propriâ : ergo. Maior videtur certa. Probas minorem. In humanitate Christi est natura creata sine substantiâ propriâ : ergo. Respondeo ad objectionem negando maiorem ; ad cuius probationem distingo maiorem : illa est distinctio entitativa , quæ reperitur inter ea , quorum unum potest esse sine alio entitativè ; concedo maiorem : sine alio gradualiter , nego maiorem. Cùm ergo natura creata Christi Domini sit tantùm sine substantia gradualiter , ideo non entitativè , sed solum gradualiter , distinguitur à propriâ substantiâ.

163 Instabis. Personalitas Verbi assumpsit humanitatem entitativè ; sed non assumpsit substantiam entitativè : ergo non solum gradualiter , sed entitativè distinguitur natura creata à propriâ substantiâ. Respondeo ad instantiam , concessâ maiore , disting. minorem : sed non assumpsit substantiam entitativè in essendo , concedo : in essentia , nego. Aliis terminis : si *ly entitativè* cadat supra en-

entitatem gradûs, concedo minorem: si cadat supra entitatem essentia, nego minorem. Gradus subsistentia, cum foret possibilis, in hoc sensu, haberet rationem entitatis (ens enim definitur, *id quod est vel potest esse*) quam tamen Verbum non assumpsit; quia quando Verbum assumpsit naturam, adhuc ista non erat in tali gradu. Sed quantumvis dici possit, quod Verbum assumpsit entitatem essentia ipsius subsistentia, quatenus assumpsit naturam; non inde est concedendum absolute, Verbum assumpsisse subsistentiam entitativè, propter æquivocationem terminorum; sicut non est absolute concedendum, Verbum assumpsisse formam subsistentia, sed solum naturam, quæ est forma respectu illius. Igitur, quod essentia possit esse sine subsistentia propria, hoc non est propter diversitatem realem entitativam earum ad invicem, sed quoniam cum identitate entitativa earum stat distinctio secundum realitates graduum.

164 Replicabis. Ex solutione sequitur, quod verificentur de eadem entitate duæ propositiones contradictoriae; sed hoc stare nequit. ergo neque solutio. Probas sequelam maioris. Sequitur, quod verificentur hæ propositiones: *Natura fuit assumpta à Verbo: Natura non fuit assumpta à Verbo*; sed hæ propositiones sunt contradictoriae; ergo. Maior quoad primam partem est certa, & est de fide. Probas quoad secundam partem, seu quoad secundam propositionem. Sequitur ista: *Subsistentia non fuit assumpta à Verbo*; sed subsistentia, ex dictis, est natura: ergo sequitur: *Natura non fuit assumpta à Verbo*. Respondeo ad replicam negando sequelam maioris; ad cuius probationem, con-

cessà maiore quoad primam propositionem , nego quod sequatur secunda; ad cuius probationem, concessà maiore, distingo minorem: subsistentia est realiter natura in essentiâ , concedo minorem: in essendo, nego minorem, & consequentiam. Contradictoria ergo non verificantur de eodem secundum idem; nam natura, & subsistentia, licet sint idem in essentiâ, non sunt idem in essendo; quia gradus unius non est gradus alterius, & hoc sufficit ad tolendam contradictionem; nam si ad hoc sufficiens est distinctio virtualis maxima, quia facit quod munus unius non sit munus alterius, à fortiori sufficiens erit gradualis, quæ facit, quod unum non sit aliud realiter in essendo.

165 Urgebis. Si natura, & subsistentia essent idem in essentiâ, non posset subsistentia separari à naturâ; sed potuit, ut liquet in mysterio Incarnationis: ergo. Probas maiorem. Quæ sunt eadem in essentiâ non possunt separari nisi per intellectum; quod probari potest mille exemplis: ergo. Respondeo ad urg. negando maiorem: ad cuius probationem distingo antecedens: quæ sunt eadem in essentiâ non possunt separari nisi per intellectum, si careant ordine ex natura rei, concedo antecedens: si non careant tali ordine, nego antecedens. Cum ergo inter naturam, & subsistentiam detur ordo essentialis ex natura rei, ex quo subsistentia est effectus formalis naturæ in actu positæ; non obstat identitas realis inter naturam, & subsistentiam ad hoc, ut possit natura à subsistentia separari; & sic potuit subsistentia Verbi suspendere hunc effectum formalem; cum, in illo priori, natura in actu posset præsupponitari à sufficienti præsuppositivo.

De-

166 Declaratur hoc in essentiâ Divinâ , quæ licet sit realiter idem cum subsistentiâ Filii , tamen in illâ prioritate originis præsupponitur in Patre per illius subsistentiam , & non per subsistentiam Filii : ergo si hoc stare potest cum sola prioritate originis , multò magis cum prioritate ex natura rei , qualis reperitur in naturâ erga subsistentiam creatam , & ideo , non obstante identitate reali naturæ cum subsistentiâ , potuit natura creata præsupponi per subsistentiam Verbi , quin per propriam subsistentiam supponitur ; quia etsi , attendendo ad potentiam naturalem naturæ , ista solum sit præsupponibilis à subsistentiâ humanâ ; attendendo tamen ad potentiam , quam habet obedientialem (est hæc prior potentiâ naturali ; cum dicat ordinem ad primum agens , nempe Deum) potuit in illo priori præsupponi à Persona Verbi.

167 Objicies secundò. Distinctio gradualis non potest dari inter causam , & effectum formalem ; sed natura est causa , & subsistentia illius effectus formalis : ergo. Probas maiorem. Distinctio gradualis compatitur cum identitate physica : sed hæc est impossibilis inter causam , & effectum formalem : ergo etiam illa. Maior est certa in Schol. Baconica. Probas minorem. Impossibile est , quod idem sit causa sui ipsius , juxta dicta sectione præcedenti n. 50. ergo impossibilis est identitas physica inter causam , & effectum formalem. Respondeo ad objectionem negando maiorem ; ad cujus probationem , concessâ maiore , nego minorem ; ad cujus probationem distingo antecedens : impossibile est , quod idem sit causa sui ipsius quantum ad esse , concedo antecedens : quantum ad firmiter esse ,

nego antecedens. Et per hoc patet ad illa, quæ diximus præcedenti lectione loco citato. Natura ergo non est causa sui ipsius quantum ad esse, licet sit causa subsistentiæ, cujus esse est esse naturæ, quia solum causat subsistentiam quantum ad firmitus esse; & ideo distinguitur à subsistentia solum secundum gradum.

168 Instabis. Non potest natura intelligi causans nisi sit subsistens: ergo quoquò pacto sumatur natura non potest causare subsistentiam. Probas antecedens. Non potest natura causare, nisi habeat condiciones necessarias ad causandum; sed una est subsistentia: ergo. Respondeo ad instantiam distinguendo antecedens: non potest natura intelligi causans efficienter, nisi sit subsistens, concedo antecedens: causans formaliter, nego antecedens; ad cujus probationem, concessâ maiorem, distingo minorem: sed una est subsistentia, ad causandum efficienter, concedo minorem: ad causandum formaliter, nego minorem. Igitur subsistentia est effectus formalis naturæ, & ideo non intelligitur natura subsistens antequam causet subsistentiam; quia causa formalis sub præcisâ ratione causæ formalis non dicit effectum formalem, nisi secundum quamdam virtutalem continentiam.

169 Objicies tertio. Non potest natura distinguí gradualiter à subsistentia, quin distinguatur entitativè; sed entitativè non: ergo neque gradualiter. Probas maiorem. Non potest natura distinguí gradualiter à subsistentia, quin subsistentia addat gradum supra naturam; sed subsistentia non potest addere gradum supra naturam, quin natura distinguatur entitativè à subsistentia: ergo non potest, &c.

Maior

Maiores est certa. Probas minorem. Subsistentia addit gradum in re, & extra intellectum supra naturam; sed non potest addere gradum in re, & extra intellectum sine distinctione in re entitativâ; ergo subsistentia non potest addere gradum supra naturam, quin natura distinguatur entitativè à subsistentiâ. Respondeo ad objectionem negando maiorem; ad cuius probationem, concessâ maiore, nego minorem; ad cuius probationem, concessâ maiore, nego minorem; quia licet subsistentia addat aliquid supra essentiam in re, non addit novam essentiam, sed solum novum gradum, ut fatetur Resolutus in 3. dist. 10. q. 1. art. 7. x. *Per hoc in fine: Et ita rever-*

Baconius.

170 Instabis. Semel quod albedini per intentionem addatur novus gradus in re, & extra intellectum, additur talis gradus etiam secundum rem novam: ergo idem dicendum de gradu subsistentiæ addito naturæ seu essentiæ. Respondeo ad instantiam concessio antecedente, negando consequentiam. Disparitas est; quia gradus additus albedini non est gradus per effectum formalem causationis, sed solum per intentionem; at verò gradus subsistentiæ additus essentiæ est per effectum formalem essentiæ, qui quidem nec dicit aliam rem, nec aliam perfectionem, ut patet in ipsamet albedine, quando in subiecto dat esse album.

171 Objicies quartò. In illis in quibus datur ordo naturæ, pro priori in quo unum est, aliud non est; sed in natura, & subsistentia datur ordo naturæ: ergo pro priori in quo natura est, subsistentia

non est, & sic distinguitur entitativè ab illa. Respondeo ad objectionem disting. maiorem: In illis in quibus datur ordo naturæ, pro priori in quo unum est, aliud non est gradualiter, concedo maiorem: entitativè, nego maiorem. Deinde concessâ minore, disting. consequens: pro priori in quo natura est, subsistentia non est, gradualiter, concedo consequentiam: entitativè, nego consequentiam: quia entitas subsistentiæ est entitas naturæ translata à gradu ad gradum; sicut entitas hominis in actu est eadem entitas hominis, quæ erat in potentia, licet jam translata ad talem gradum.

172 Obijcies quintò. Subsistentia addit maiorem perfectionem supra naturam: ergo distinguitur entitativè à natura. Probas antecedens. Addit novum gradum: ergo addit maiorem perfectionem, Antecedens est certum in hac sententiâ. Probas consequentiam. Talis gradus additus, est actualis respectu naturæ, & gradus naturæ est potentialis respectu subsistentiæ; sed gradus essendi actualis, est perfectior gradu essendi potenciali: ergo subsistentia addens supra naturam novum gradum, addit maiorem perfectionem. Respondeo ad objectionem negando antecedens; ad cuius probationem, concessio antecedente, nego consequentiam; ad cuius probationem, concessâ maiore, disting. minorem: Gradus essendi actualis est perfectior gradu essendi potenciali, loquendo de primo gradu actuali, qui correspondet individuo naturæ in potentiâ, concedo minorem: loquendo de gradu actuali, qui correspondet individuo subsistentiæ in potentiâ, nego minorem, & consequentiam.

173 Explico distinctionem, & dico, quòd gradus

dus essendi actualis est perfectior gradu essendi potentiali, loquendo de primo gradu actuali, qui correspondet individuo naturæ in potentiâ, v.g. res ut actu producta, est perfectior se ipsâ (non in essentiâ, sed in essendo) ut in potentiâ materiæ; quia sic vadit secundum ordinem generationis, qui semper est de imperfecto ad perfectum. Loquendo autem de gradu actuali, qui correspondet individuo subsistentiæ in potentiâ, tunc gradus essendi actualis non est perfectior gradu essendi potentiali; quia esse hoc modo actu, est effectus formalis essentiæ, qui non potest esse perfectior suâ causâ; cum procedat ab illa secundum ordinem perfectionis, secundum quem, id est perfectius, quod est prius, & hoc propter formalem continentiam posterioris. Hæc distinctio est doctrina expressa nostri Doctoris in 3. dist. 10. q. 1. art. 7. v. *Quando ergo dicentis: Quod gradus actualis est perfectior potentiali, verum est intelligendo hoc de primo gradu actuali, qui correspondet individuo in potentia. Et paulo infra: Si verò illud dictum intelligatur de gradu, qui correspondet individuo subsistentiæ in potentia, falsum est.* Baconius.

174 Instabis. Gradus actualis, qui correspondet individuo subsistentiæ in potentiâ, aliquid addit intra ambitum entis; sed non potest addere aliquid intra ambitum entis, quin addat aliquam perfectionem: ergo aliquam perfectionem addit. Respondeo ad instantiam, concessâ maiore, negando minorem, & consequentiam. Quia licet addatur gradus entis, non sequitur, quod addatur ens directè, juxta dicta n. 143. & ideo non additur nova perfectio; hæc enim non additur per actum formalem, sed solum per gradum essendi, qui acquiritur per

additionem in intentione formæ, vel ad plurimum in translatione ipsius de potentia ad actum.

175 Obicies sextò. Quod est accidens distinguitur entitativè ab illo, quod est substantia; sed subsistentia est accidens, deinde natura est substantia: ergo subsistentia non tantùm gradualiter, sed entitativè distinguitur à naturâ. Maior est certa. Probas minorem quoad primam partem, in qua solùm est difficultas. Accidens est illud, quod potest esse, & abesse absque subjecti corruptione; sed talis conditionis est subsistentia: ergo. Respondeo ad objectionem concessâ maiorem, negando minorem quoad primam partem; ad cujus probationem distingo minorem: accidens est illud, quod potest esse, & abesse absque subjecti corruptione, quoad entitatem, concedo maiorem: quoad gradum, nego maiorem. Deinde, applicatâ distinctione minori, nego consequentiam. Subsistentia non est accidens; quia est physicè, & realiter natura, quæ est substantia. Quod autem possit separari à naturâ solùm probat distinctionem secundùm gradus diversos; & ideo potest abesse ablatione unius gradûs essendi, remanente tamen naturâ sub alio gradu essendi.

176 Instabis. Si substantia posset componi ex pluralitate graduum, posset suscipere magis, & minus; sed hoc est contra rationem substantiæ: ergo. Respondeo ad instantiam distinguendo maiorem: si substantia posset componi ex pluralitate graduum, posset suscipere magis, & minus secundùm gradus translationis, concedo maiorem: secundùm gradus materiales in ratione individuali, nego maiorem. Deinde, applicatâ distinctione minori, nego consequentiam. Non repugnat, quòd substantia suscipiat

ma-

magis , & minus surpta secundum gradus translationis propter ea , quæ infra dicuntur n. 187.

177 Objicies septimò pro secundâ sententiâ. Distinctio , quæ datur inter naturam , & subsistentiam est modalis ; sed distinctio modalis non est gradualis : ergo natura non distinguitur gradualiter à subsistentiâ. Probas maiorem. Subsistentia est modus respectu naturæ : ergo. Probas antecedens. Subsistentia determinat naturam indifferentem ad subsistendum ; sed hoc est de ratione modi : ergo subsistentia est modus respectu naturæ. Respondeo ad objectionem negando maiorem ; ad cujus probationem nego antecedens ; ad cujus probationem nego maiorem ; quia natura substantialis completa ex se habet quòd sit determinata ad subsistendum ; eo modo quo forma ex propriâ ratione est determinata ad informandum. Unde sicut non datur modus distinctus à forma , ut informet , ita non datur modus distinctus à natura , ut ista subsistat : subsistit ergo natura per se ipsam quatenus subsistit per subsistentiam , quæ est indistincta physicè ab ipsa natura substantiali completa , licet sit ab eadem distincta gradualiter.

178 Instabis. Licet natura substantialis ultimò completa habeat ex se quòd sit determinata ad subsistendum , quatenus dicit jam ipsam subsistentiam ; tamen si natura sumatur quatenus dicit primum tantum perfectatis gradum , certò est indifferens ad subsistendum per subsistentiam propriam vel alienam : ergo subsistentia propria est modus sic determinans ipsam naturam ad subsistendum. Respondeo ad instantiam concessò antecedente , negando consequentiam ; quia modus neque per potentiam ob-

dientialem

dientialem potest modificare aliam rem ab ea cujus est modus ; jam verò subsistentia creata , licet per potentiam naturalem id habere non possit , potest tamen per obedientialem potentiam , & ideo non est modus respectu naturæ creatæ.

179 *Objicies octavò.* Subsistentia non potest conservari sine naturâ quam terminat ; sed hoc est de ratione modi : ergo subsistentia distinguitur modaliter à naturâ. *Respondeo* ad objectionem concessâ maiore , distinguendo minorem : sed hoc est de ratione modi , solum , nego minorem : etiam , concedo minorem , & nego consequentiam. Verum est , quòd subsistentia per nullam potentiam possit conservari separata à naturâ , quam terminat ; at hoc non convenit tantum modis ; nam etiam effectus formalis conservari non potest sine sua causâ formali , & tamen , universaliter loquendo , effectus formalis non est modus. Igitur licet modus non possit conservari separatus à re , non sequitur quòd sit modus omne illud , quod separatum conservari non potest.

180 *Objicies nonò pro tertiâ sententiâ.* *Mysterium Incarnationis* salvatur solâ distinctione virtuali inter naturam , & subsistentiam : ergo sola hæc distinctio admitti debet inter utramque. *Consequentia* liquet ; quia non sunt multiplicandæ distinctiones absque necessitate. *Probas antecedens.* *Mysterium Incarnationis* salvatur illâ distinctione , qua intercedente unum perire potest , permanente alio ; sed intercedente distinctione virtuali inter naturam , & subsistentiam potest perire subsistentiâ , essentiâ permanente : ergo. Maior est certa. *Probas minorem.* Intercedente distinctione virtuali inter

ter essentiam Divinam , & actus liberos Dei , possunt perire actus Dei liberi , permanente essentia Divina : ergo etiam , &c. Respondeo ab objectionem negando antecedens ; ad cujus probationem concessa maiore , nego minorem ; ad cujus probationem dico , actus Dei liberos solum posse definire quoad denominationem ; & proinde non sufficere distinctionem virtualem ut unum possit absolute deficere , permanente altero ; quia quæ virtualiter tantum distinguuntur , non possunt separari ; ideoque sola distinctione virtuali inter naturam , & substantiam non posset assumi natura sine substantia , nec defendi Incarnationis Mysterium.

181 Obicies decimò. Intercedente sola distinctione virtuali inter Verbum , & naturam Divinam salvari potest , quod Verbum assumpsit naturam humanam immediate , non sic natura Divina : ergo admissa sola hac distinctione inter naturam , & substantiam defendi potest , quod natura fuisset assumpta non ita substantia. Respondeo ad objectionem concesso antecedente , negando consequentiam. Disparitas est ; quia distinctio virtualis taliter salvat contradictoria , quod supponat mutuum existentiam extremorum , sicque existente simul Verbo , & natura Divina , Verbum potuit assumere naturam creatam , quin istam assumeret natura Divina ; at verò cum natura assumpta non esset simul existens cum substantia propria , non potest distinctio virtualis facere quod natura creata sit assumpta , substantia non. Unde videtur supponi in consequenti id , quod est contra Concilia , & SS. PP. scilicet naturam creatam , retenta propria substantia , fuisse à Verbo assumptam.

182 Objicies undecimò. Inter naturam Divinam, & Divinas subsistentias non datur distinctio gradualis, sed virtualis: ergo etiam inter naturam creatam, & creatam subsistentiam. Respondeo ad objectionem concessio antecedente, negando consequentiam. Discrimen est; quia natura in Divinis nullo pacto potest concipi cum fundamento sub ratione potentiae totalis, ideoque inter naturam Divinam, & Divinas subsistentias tantum admittitur illa distinctio, quae totalem potentiam excludit, & proinde est sufficiens ad salvanda contradictoria physica, qualis est distinctio virtualis; vel illa, quae salvat contradictoria intentionalia, qualis est formalis Baconica; at verò natura in creatis est in potentia totali ad subsistendum, & ideo distinguitur gradualiter, non virtualiter à subsistentiâ propriâ; quia potentia, & actus totales solum gradualiter distinguuntur, ut constat ex fundamentis resolutionis.

183 Objicies duodecimò. Subsistentia est effectus formalis naturae substantialis; sed effectus formalis non potest distingui gradualiter, sed ad plerimum per rationem, à suâ causâ formali: ergo. Maior est certa in Schola Resoluti. Probas minorem. Effectus formalis non potest separari à sua causâ formali; sed quod non potest separari non potest distingui gradualiter: ergo. Respondeo ad objectionem concessa maiore, distinguendo minorem: effectus formalis non potest distingui gradualiter à sua causâ formali, si sit effectus formalis primarius, concedo minorem: si sit effectus formalis secundarius, nego minorem, & consequentiam. Ad probationem minoris distingo minorem eodem modo,

do, & concessâ minore, distingo consequens modo dicto.

184 Natura substantialis habet duos effectus formales, ut jam sup. dixi n. 156. Primarius effectus est substantiare, & per se existere extra subjectum inhæsionis; secundarius verò est per se subsistere, & esse independens ab alieno supposito. Primarius non potest separari à naturâ; quia est actus proprius speciei; secundarius potest à natura separari, quia solum est actus naturæ existentis. Liqueat exemplo quantitatis, cujus primarius effectus, nempe existentia in ordine ad se, non potest separari ab ipsâ quantitate, cum tamen separari possit secundarius nempe extensio in ordine ad locum. Ex dictis

185 Deduces primò, subsistentiam non esse effectum agentis, sicut est natura in actu posita. Unde licet tam actualitas naturæ, quàm subsistentiæ dicantur actus formales, actualitas tamen naturæ, cum respiciat agens, non acquiritur nisi per operationes agentis, qui transfert ipsam naturam de statu potentiæ ad actualitatem; actualitas verò subsistentiæ, cum respiciat naturam existentem tanquam suam causam formalem à qua fluit, nisi impediatur, & præveniatur à præsuppositivo sufficienti, ideo solum gradualiter distinguitur ab ipsamet naturâ actu existente.

186 Deduces secundò, subsistentiam non posse dici modum respectu naturæ; cum ipsa subsistentia habeat rationem sustentificantis, qua caret modus, qui potius innititur naturæ, & semper de se est aliquid diminutum. Deduces tertio, subsistentiam non esse accidens respectu naturæ substantialis; cum sit prior omnibus actibus accidentalibus, qui consequuntur

quantur ad suppositum in suo esse constitutum.

187 Deduces quartò, nullam substantiam sumptam in ratione individuali posse sulcipere magis, & minus secundùm gradus materiales; quia si aliqua substantia ita susciperet magis, & minus, posset ad formam substantialem dari motus, & paulatim posset induci, quod est contra Philosophum docentem, substantiam induci in instanti. Deduces quintò, substantiam posse sulcipere magis, & minus secundùm gradus translationis, & effectus formales causationis; quia etsi gradus actualitatis, & subsistentiæ formalis non addant novam entitatem supra essentiam, generans tamen per existentiam largitur perfectionem in esse; cum ordo generationis sit de imperfecto ad perfectum. Per subsistentiam verò licet nihil perfectionis addatur, semper illud idem esse formaliter causativè completur. Et satis de hac intricabili, & aliquibus imperceptibili distinctione, quam ad uberiorem nostræ doctrinæ intelligentiam disputavi, licet lassitudine, & labore.

S E C T I O III.

De Distinctione Modali.

Q U A E S T I O I.

*Utrum Distinctio Modalis sit propriè Distinctio
Realis?*

188

Resolutio est affirmativa, & deducta
ex Doctore quodl. 3. q. 6. artic. 4. *S. Baccon.*
4. Quem sequitur Mag. Aymus in Metaph. p. 1. dist. *Aymus.*
1. q. unicâ artic. 1. *ŷ. Est imaginandum.* Tenent re- *Mastrius.*
solutionem Mastrius disp. 6. Metaph. q. 10. n. 200. & *Poncius.*
Poncius in Metaph. disp. 4. q. 1. n. 10. *ŷ. Deinde se-* *Scotus.*
quentes Scotum in 3. quol. art. 1. & 2. dist. 1. q. 5. *Pasqualig.*
Idem docet Pasqualig. in Metaph. disp. 51. sect. 2. n. *Parra.*
6. & amplectitur utraque manu Hyacinthus Parra
in Log. disp. 3. de Universal. n. 17. Antequam tamen
resolutionem probem, prænoto, distinctionem pro-
priè realem excludere tantum identitatem realem,
non verò realem unionem. Unde potest esse inter
res realiter unitas, verbi gratia, inter materiam,
& formam, quanvis divisio vel separatio non tan-
tum neget identitatem, verum & realem extre-
morum conjunctionem, qualis est ea, quæ reperi-
tur inter duo supposita diversa. Hoc prænotato,

189

Probo resolutionem hoc unico fundamen-
to. Illa est propriè distinctio realis, cujus extrema
sunt separata, aut separabilia, vel separatio mutua
fit

fit, vel non mutua : atqui extrema distinctionis modalis sunt separata, aut separabilia, vel separatio mutua fit, vel non mutua : ergo distinctio modalis est propriè distinctio realis. Maior est certa ; & constat ex sup. dictis sectione 1. quæst. 3. Probo minorem. Extrema distinctionis modalis vel sunt modus, & modus, vel modus, & res ; atqui modus, & modus sunt separati ; deinde modus, & res separari possunt, saltem separatione non mutuâ : ergo extrema distinctionis modalis sunt separata, aut separari possunt, vel separatio mutua fit, vel non mutua.

Proponuntur objectiones, & dissolvuntur.

*Amicus.
Guarinus.
Serna.
Suares.*

190 **N**ostræ resolutioni opponuntur Amicus tractatu de Distinct. q. 12. Guarinus in Log. disp. 3. expens. 3. l. E. §. *Prima conclusio.* Serna in Log. disp. 1. sectione 4. de Distinct. art. 4. §. *Solet hic dubitari.* Suares in Metaph. disp. 7. sect. 1. n. 16. & alii, pro quibus objicies primò. Distinctio, quæ datur inter extrema, quorum unum dicit intimam conjunctionem cum alio, non est propriè distinctio realis ; atqui distinctio modalis datur inter extrema, quorum unum dicit intimam conjunctionem cum alio : ergo. Probas maiorem. Distinctio realis propriè solùm datur inter extrema, quæ sunt separata separatione mutuâ ; atqui distinctio, quæ datur inter extrema, quorum unum dicit intimam conjunctionem cum alio, non est distinctio, quæ datur inter extrema, quæ sunt separata separatione mutuâ : ergo distinctio, quæ datur inter extrema, quorum unum dicit intimam conjunctionem

junctionem cum alio non est propriè distinctio realis.

191 Probas maiorem. Distinctio, quæ datur inter extrema, quæ sunt separata separatione mutuâ, differt ab illa, quæ reperitur inter extrema, quæ non sunt separata separatione mutuâ; atqui non differt, nisi in eo, quòd prima sit distinctio realis propriè, non verò secunda: ergo distinctio realis propriè solùm datur inter extrema, quæ sunt separata separatione mutuâ. Probas maiorem. Distinctio, quæ datur verbi gratia inter hominem, & leonem, differt ab illa, quæ reperitur inter hominem verbi gratia, & sessionem hominis sedentis; atqui prima datur inter extrema, quæ sunt separata separatione mutuâ, & secunda reperitur inter extrema, quæ sunt separata aut separabilia separatione non mutuâ: ergo.

192 Respondeo ad objectionem negando maiorem; ad cuius probationem nego maiorem; ad cuius probationem distinguo maiorem: distinctio, quæ datur inter extrema, quæ sunt separata separatione mutuâ, differt ab illa, quæ reperitur inter extrema, quæ non sunt separata separatione mutuâ, in ratione distinctionis, nego maiorem: in ratione extremorum, subdistinguo; ita ut extrema non sint etiam res, nego maiorem: ita ut non sint tam rigorosè res, concedo maiorem. Deinde nego minorem, & consequentiam. Ad probationem maioris distinguo maiorem eodem modo, & concessa minore, distinguo consequens modo dicto.

193 Igitur, quòd separatio mutua sit, vel non mutua, non facit maiorem, aut minorem distinctionem realem, ut sup. dixi sect. I. n. 77. Fateor, di-

distinctionem inter extrema separata separatione mutuâ differre ab illa distinctione, quæ non reperitur inter extrema separata mutuâ separatione; sed hoc non provenit ex ratione distinctionis, bene quidem ex ratione extremorum: non ex ratione distinctionis; quia quemadmodum est verum dicere, quod una entitas non sit alia entitas, eo quod non habeat identitatem cum illa, ita verum est, quod entitas non sit modus: provenit quidem ex ratione extremorum, eo quod extrema distinctionis modalis non sint res seu entitates ita dictæ, sicut extrema distinctionis realis entitativæ; nam quatenus res est independens a modo; & modus, saltem quoad sui destructionem, est independens à realitate non est dubium, propriè dici res ipsa extrema distinctionis modalis. Itaque in ratione distinctionis realis tam verum est dicere, modum non esse rem, quàm rem non esse modum; non ergo minus veritatis est, sessionem non esse sedentem, quàm hominem non esse leonem.

194 Instabis. Si modus haberet rationem rei sufficientis ad arguendum distinctionem realem propriè à sua realitate, posset Deus supplere dependentiam illam, quam dicit ab ipsa realitate; sed Deus non potest supplere illam dependentiam: ergo. Probas maiorem. Ideo inter res, quæ verè & propriè res dicuntur, datur propriè distinctio realis, quia illarum quælibet independet ab alia: ergo si modus haberet rationem rei sufficientis ad distinctionem realem propriè, posset Deus supplere dependentiam illam, quam modus dicit à sua realitate.

195 Respondeo ad instantiam negando sequentiam maioris; ad cuius probationem distinguo antecedens:

cedens: ideo inter res, quæ verè, & propriè res dicuntur, datur propriè distinctio realis, quia illarum quælibet independet ab aliâ vel ad existendum, vel ad non existendum, concedo antecedens: quia illarum quælibet independet ab aliâ tantùm ad existendum, nego antecedens. Unde ratio sufficiens ad realem distinctionem, non est independentia ad essendum, vel existendum tantùm; sed etiam ad non existendum. Cum ergo modus non dependeat à realitate ad non existendum, idest, cùm possit destrui, non destructâ realitate, ideo in illo reperitur ratio sufficiens ad terminandam realem distinctionem, etsi Deus non possit supplere dependentiam illam, quam dicit ipse modus à sua realitate, in ordine ad essendum, vel existendum.

196 Hinc, præcipua ratio cur modus existere nequit independenter à sua realitate, non est quia non sit res; nam multæ res, quæ verè, & rigorosè tales sunt, dicere possunt dependentiam ab aliis in ratione connexionis, taliter, quòd ipse Deus non possit supplere illorum indigentias, ut de actu vitali tenent multi respectu potentiae vitalis, & de entitatibus, & rebus creatis tenent omnes respectu entitatis Increatae. Non potest ergo modus existere independenter à sua realitate, quia dicit respectum essentialem ad rem, cujus est modus; repugnat autem respectus conservatus sine fundamento, cùm dicat habitudinem essentialem ad illud. Et hoc declarat Baconius in 1. dist. 28. q. 2. art. 4. §. 2. *Ad quartum.* *Bacon.*

197 Deinde modus, quànvis non sit perfectè & rigorosè res in sensu explicando inf. n. 108. aliunde habet rationem rei perfectè, & rigorosè, cùm

non sit non res, seu nihil: ergo est perfectè res, licet non tam perfectè quàm res, quæ apud omnes tales dicuntur absolutè. Patet hoc in Beata Virgine, quæ quànvis sit ita perfectà, & perfectissima inter omnes mulieres, ita ut nulla alia similis ei sit in perfectione, non inde Beata Virgo dicitur magis perfectà in ratione mulieris, idest, magis mulier, etsi longè distet à cæteris mulieribus in prærogativis, & donis: ita similiter (si magna licet comparare parvis) etsi res, quæ ita dicitur absolutè, sit aliunde perfectior omnibus modis, non est magis perfectè res in ratione rei, id est, non est magis res: adeoque ipsi modi habent rationem rei perfectè, propriè, & rigorosè; cùm illis conveniat signum adæquatum distinctionis propriè, & rigorosè realis.

198 Objicies secundò. Distinctio modalis etiam reperitur inter modum, & modum; sed distinctio, quæ reperitur inter modum, & modum, non est distinctio realis propriè: ergo. Maior est certa. Probas minorem. Distinctio, quæ datur inter rem, & rem, est distinctio realis propriè: ergo distinctio, quæ reperitur inter modum, & modum, non est distinctio realis propriè. Antecedens est certum. Probas consequentiam. Distinctio, quæ datur inter modum, & modum, non est distinctio, quæ reperitur inter rem, & rem; sed ista est realis propriè: ergo illa non.

199 Respondeo ad objectionem, concessâ maiore, negando minorem; ad cuius probationem concessio antecedente, nego consequentiam; ad cuius probationem distinguo maiorem: distinctio, quæ datur inter modum, & modum, nō est distinctio, quæ reperitur inter rem, & rem, si res, & res sumantur prout

prout quælibet dicit existentiam independentem ab alterâ, concedo maiorem: si *res*, & *res* sumantur prout quælibet dicit non existentiam seu destructionem independentem ab alterâ, nego maiorem. Explico distinctionem. Res vel potest intelligi secundum illam rationem independentiæ ab alia re, ad sui existentiam, & sic modus non est res, cum non possit existere independentem à re, cuius est modus. Vel res potest concipi secundum rationem independentiæ à re ad sui destructionem, vel non existentiam, & sic modus est res, cum possit non existere, & destrui, existente, & non destructâ realitate. Dico ergo modum habere rationem propriam extremi distinctionis realis, & ad hoc sufficere rationem rei obtinere hoc modo explicato. Imò addo, modos inter se comparatos esse absolutè independentes, etiam quoad existentiam; cum unus non sit modus respectu alterius. Cur ergo non debent distingui distinctione reali propriè?

200 Instabis. Quavis modus, & modus sint res, & res modo dicto, non inde sunt res, & res omni modo: ergo non habent quod requiritur ad extrema propria distinctionis realis. Antecedens liquet. Probas consequentiam. Extrema distinctionis realis debent esse res, & res omni modo: ergo. Respondeo ad instantiam, concessio antecedente, negando consequentiam, ad cuius probationem nego antecedens; quia ut extrema habeant sufficientes rationes ad distinctionem realem terminandam propriè, sufficit, quod unum possit deficere independentem ab altero, separatio namque, licet non sit mutua, semper arguit realem distinctionem. Unde non est necesse, quod extrema omni modo sint ex-

extrema distinctionis realis propriè. Ultima ratio est; quia distinctio realis propriè potest dari inter duas res, inter duos modos, vel inter rem, & modum; quànvis autem res, & res non sint res, & modus; nec res, & modus sint modus, & modus; tamen tam inter rem, & rem, rem, & modum, modum, & modum reperitur signum adæquatum, & convertibile cum distinctione reali, quod consistit in separatione actuali, potentiali, aut proportionali: ergo quànvis modus, & modus non sint extrema distinctionis realis propriè, omni modo, non sequitur, quòd non sint extrema distinctionis realis propriè. Corroboratur hæc ratio à paritate extremorum distinctionis rigorosè modalis, quæ etiam non sunt omni modo extrema ipsius distinctionis.

201. Objicies tertio. Distinctio, quæ datur inter fundamentum, & relationem, est modalis; sed non est realis propriè: ergo non omnis distinctio modalis est realis propriè. Probas maiorem. Illa distinctio est modalis, cujus saltem unum extremum est modus; sed relatio est modus: ergo distinctio, quæ datur inter fundamentum, & relationem est modalis. Probas primam minorem, in qua solum est difficultas. Distinctio, quæ datur inter extrema, quæ non habent diversas existentias, non est realis propriè; sed distinctio, quæ datur inter fundamentum, & relationem, datur inter extrema, quæ non habent diversas existentias: ergo. Maior liquet. Probas minorem. Relatio non habet existentiam diversam ab existentia fundamenti: ergo distinctio, quæ datur inter fundamentum, & relationem, datur inter extrema, quæ non habent diversas existentias. Probas antecedens. Si relatio haberet existentiam diversam

veram ab existentia fundamenti, posset existere sine fundamento; sed hoc non: ergo neque illud, ex quo sequitur.

202 Respondeo ad objectionem, concessâ maiore, negando minorem; ad cuius probationem, datâ maiore, nego minorem; ad cuius probationem nego antecedens; ad cuius probationem nego maiorem; quia licet relatio non possit existere sine fundamento, ideo est, quia dicit intimam conjunctionem cum illo, & hoc essentialiter, & ex conceptu suo; non verò, quia careat existentia propriâ. Vide Doctorem in 1. d. 28. q. 2. art. 3. & 4. Dixi sup. *Baconius.*
data maiore, quia omnes admittunt distinctionem realem inter materiam, & formam, & tamen multi dicunt, materiam non habere propriam existentiam.

203 Objicies quartò. Motus, actio, & passio differunt modaliter à suo subjecto; sed non distinguuntur realiter propriè: ergo distinctio modalis non est realis propriè. Maior est certa. Probas minorem. Implicat distinctio realis propriè cum reali identitate: sed inter motum, actionem, & passionem datur identitas realis cum subjecto: ergo. Maior patet. Probas minorem ex Aristotele 3. Physic. dicente: *Movere, & moveri sunt idem secundum subjectum, & diversa secundum definitionem*: sed movere, & moveri sunt agere, & pati: ergo inter motum, actionem, & passionem datur identitas realis cum subjecto. *Aristoteles.*

204 Respondeo ad objectionem, concessâ maiore, negando minorem; ad cuius probationem concessâ maiore, nego minorem; ad cuius probationem explico Philosophum, & dico, sensum illius es-

se, motum non reperiri nisi in illis prædicamentis, in quibus sunt termini; ex quo non sequitur, motum, actionem, & passionem habere identitatem realem cum subiecto. Nec obstat, quòd differant secundum definitionem ad hoc, ut arguant identitatem realem. Nam aliud est differre secundum definitionem, & aliud differre tantum secundum definitionem: quæ differunt secundum definitionem possunt utique realiter propriè differre, ut in proposito.

205 Obicies quintò. Distinctio gradualis est modalis; sed non est realis propriè: ergo non omnis distinctio modalis est distinctio realis propriè. Probas maiorem. Distinctio gradualis datur inter rem, & modum intrinsecum ipsius rei, nempe inter essentiam, & existentiam: ergo est modalis. Probas minorem. Existentia non distinguitur realiter propriè ab essentia: ergo distinctio gradualis non est distinctio realis propriè. Probas antecedens his verbis Resoluti in 3. dist. 10. q. 1. art. 4. in fine: *Igitur esse non differt realiter ab essentia tanquam aliquid receptum in ea, sed est ipsamet essentia ut producta, & in actu*: ergo.

Bacconius.

206 Respondco ad objectionem negando maiorem; ad cuius probationem nego maiorem, imò & suppositum, scilicet, quòd existentia sit modus essentiae; aliàs res possibilis, & existens ad diversa prædicamenta spectaret. Cum ergo Petrus possibilis, & Petrus actualis in eodem reponantur prædicamento substantiae, sequitur, quòd actualitas, sive existentia non sit modus respectu essentiae; modus enim, & res semper pertinent ad diversa genera prædicamenti. Hac de causa secernit Bacconius di-

distinctionem gradualem à modali , cùm illa detur solum inter gradus diversos ejusdem rei , ista verò inter rem , & modum , vel inter duos modos.

207 Sed adhuc datâ maiore , quòd distinctio gradualis esset modalis , nego minorem , scilicet , quòd distinctio gradualis non sit realis propriè ; ad cujus probationem distingo antecedens : existentia non distinguitur realiter propriè ab essentiâ , tanquam forma vel actus receptus in essentiâ , concedo antecedens : tanquam actus à potentiâ secundum gradus essendi diversos , nego antecedens. Igitur Doctor verbis relatis sup. solum vult , quòd existentia non differat realiter ab essentiâ tanquam aliquid receptum in ea , ut putant Thomistæ , sed non negat distinctionem propriè realem , qualis datur inter diversos gradus ejusdem rei , qui realiter separari possunt. Ex dictis

208 Deduces , divisionem distinctionis realis in realem omnino , & non omnino realem , sive modalem , non esse fallaciosam , licet distinctio modalis sit quoque realis propriè. Nam quando distinctio alia dicitur realis , & modalis alia , non sumitur in eadem acceptione ; siquidem realis communiter illa dicitur , quæ est inter res , & res mutuo independentes , tam quoad existendum , quàm non existendum ; non verò sic modalis , cujus extrema , licet sint res , non sunt ita independentes ; cùm nullus modus absque realitate existere valeat. Unde si attendatur ad hanc præcisam rationem extremorum , parum obstat , quòd distinctio realis , ita dicta , sit maiori proprietate realis ; minimè tamen si sumatur ipsa realis distinctio in sensu sæpe sæpius explicato.

QUÆ.

QUÆSTIO II.

Utrum Distinctio Modalis sit maior Distinctione Reali?

1209 **R**esolutio est negativa, & deducta ex Doctore loco supra citato num. 108. Idem docet Mag. Bona-Spes in Log. tractatu 1. disp. 2. n. 140. Colligitur etiam ex doctrina Mastrii supra laudati, &, ut puto, ab omnibus AA. unico dempto: nullus enim, quem viderim, præter Comptonum, affirmat distinctionem modalem maiorem esse reali. Sed ante resolutionis probationem prænoto, maiorem, vel minorem distinctionem non provenire à maiori, vel minori disconvenientia entitativâ, ut ita dicam. Unde solum debet attendi ad maiorem, vel minorem distantiam, seu disconvenientiam in ratione identitatis, ut arguatur maior, vel minor distinctio; cum ista in negatione ipsius identitatis consistat. Hoc prænotato

210 Probo resolutionem sic. In tantum distinctio modalis esset maior distinctione reali, in quantum illius extrema dicerent maiorem negationem identitatis, quam extrema distinctionis realis; sed hoc est fallum: ergo distinctio modalis non est maior distinctione reali. Maior constat ex constitutivo distinctionis; de quo sup. disp. 1. sect. 1. Probo minorem. Extrema distinctionis modalis vel sunt res, & modus, vel modus, & modus; deinde extrema distinctionis realis sunt res, & res; sed neque res dicit maiorem negationem identitatis cum modo, nec unus modus dicit maiorem negationem idem.

Baconius.
Bona-Spes.
Mastrius.

identitatis cum alio modo, quàm res cum alia re: ergo falsum est, quòd extrema distinctionis modalis dicant maiorem negationem identitatis, quàm extrema distinctionis realis.

Proponuntur objectiones, & dissolvuntur.

211

Nostræ resolutioni opponitur Thomas Comptonus in Log. d. 21. de Di- *Comptonus.*
 stinctionibus lect. 2. n. 1. ubi inquit: *Hanc resolutionem licet à nemine affirmatam videam, existimo tamen ab eorum nullo negatum iri, qui mediam hanc distinctionem P. Suarii non admittunt.* Sed nescio quonam ductus fundamento dicat Comptonus resolutionem à nullo illorum negari, qui Suarii negant mediam distinctionem. Nam & si negent distinctionem modalem non esse realem, non fateantur esse maiorem reali, nec id fateri coguntur. Maneat ergo Comptonus singularis inter cæteros, qui longe à sua mente distant, & non existimet prædictos AA. quoquo pacto in suam sententiam inclinare. Igitur pro tam singulari Doctore

212

Objicies primò. Illa magis distinguuntur, & differunt, quæ minus conveniunt; sed res, & modus sæpe minus conveniunt, quàm duæ res absolutæ; res enim sæpe est substantia, modus accidens; res est quid completum, modus semper in completus: ergo distinctio modalis est maior distinctione reali. Respondeo ad objectionem distinguendo maiorem: illa magis distinguuntur, & differunt, quæ minus conveniunt in ratione identitatis, concedo maiorem: in ratione entitatis, nego maiorem. Deinde distingo minorem: sed res &
 mo-

modus sæpe minus conveniunt, quàm duæ res absolutæ, in ratione entitatis, concedo minorem: in ratione identitatis, nego minorem, & consequentiam. Quia in ratione identitatis non minus differunt res, & res, quàm res, & modus; & proinde in ista ratione, à qua solùm arguitur maior, vel minor distinctio, non sæpe minus convenit res cum modo, quàm res cum re; quia in hoc sensu æqualiter disconveniunt res, & res, ac res, & modus; nam sicut una res non est alia, ita res non est modus. Imò si attendamus ad intimam conjunctionem extremorum, magis videntur differre res, & res, quàm res & modus: quia res nec identitatem, nec intimam conjunctionem dicit cum alia re; modus verò, licet non dicat identitatem, semper habet intimam conjunctionem cum re, cujus est modus, quâ de causâ nequit à re existere separatus, licet possit incipere, & destitui, quin incipiat, aut destruat realitas, in quo sensu etiam dicitur res.

Comptonus.


213 Objicies: secundò pro eodem Comptono. Per id res quælibet ab aliâ distinguitur, per quod in suo esse constituitur; sed constituitur res quælibet per suam differentiam: ergo per eandem distinguitur; sed differentia constitutiva modi plus differt à differentia constitutiva substantiæ, quàm differentia constitutiva substantiæ à differentia constitutiva alterius substantiæ: ergo plus distinguitur res à modo, quàm res à re. Respondéo ad objectionem distinguendo maiorem: per id res quælibet ab alia distinguitur fundamentaliter, per quod in suo esse constituitur formaliter, concedo maiorem: per id res quælibet ab alia distinguitur formaliter, per quod constituitur formaliter, nego maiorem; &
con-

concessâ minore , distinguo consequens modo dicto.

214 Deinde distinguo alteram minorem ; sed differentia constitutiva modi plus differt à differentia constitutiva substantiæ , quàm differentia constitutiva substantiæ à differentia constitutiva alterius substantiæ , in ratione entitatis , concedo maiorem : in ratione identitatis , nego minorem , & ultimam consequentiam. Unde quòd differentia constitutiva modi sæpe sit accidens , solum facit , quòd ipsa differentia plus distinguatur à differentia constitutiva substantiæ in ratione entitatis , non autem in ratione identitatis , à qua provenit maior , vel minor distinctio , ut jam sup. dixi.

215 Nunc quæro : Erit ne distinctio modalis maior reali , quando modus fuerit substantialis ? Si doctrinâ Comptoni ductus , respondeas negativè , sic eris impugnandus ; ergo jam distinctio modalis absolutè loquendo , non est maior distinctione reali. Si verò affirmes , sic eris etiam impugnandus. Ideo distinctio modalis est maior distinctione reali in sententia P. Comptoni , quia modus sæpe est accidens : ergo quando modus fuerit substantialis , non erit maior. Si tandem ex eodem Comptono respondeas modum esse incompletum , rem autem completam , non inde est in tuto prædicta responsio. Nam iterum inquiri : Vel distinctio modalis est maior distinctione reali , quia modus est incompletus , & res completa ; vel quia modus est accidens , & res substantia ? Si primum , infero : ergo quando res fuerit incompleta , non erit minor distinctio realis. Si secundum , infero etiam : ergo quando modus fuerit substantialis , non erit maior distinctio modalis. Ex quibus

216 Deduces non esse idem dicere distinctio-
nem modalem esse realem, ac dicere, esse maiorem
reali. Unde ex hac propositione, *distinctio modalis
est realis*, malè deducitur ista illatio: *Ergo est maior
reali*. Quia ut distinctio sit realis, sufficit, quòd de-
tur inter extrema, quæ separari possunt, vel sepa-
ratione mutuâ, vel non mutuâ: ut ergo sit maior
reali, opus est, quòd unum extremum dicat cum
alio maiorem negationem identitatis negatione iden-
titatis realis, quod erit probatu difficile.





DISPUTATIO III.

DE DISTINCTIONE FORMALI

Scotica, & Baconica.

SECTIO I.

De Distinctione Formali Scotica.

QUESTIO I.

Utrum inter gradus metaphysicos creatos detur Distinctio Formalis Scotica?

217



RESOLUTIO est negativa, & *Bacon.*
 deducta ex Doctore quodl. 3. *Aym.*
 q. 6. artic. 4. §. 4. quem sequun- *Zagagl.*
 tur Mag. Hieronymus Aymus *Garcia.*
 in Metaph. part. 1. dist. 1. q. un. *Bona-Spes.*
 art. 1. *Resolutio* 2. Mag. Jo-
 sephus Zagaglia tom. 2. disp. 7. de Prædicatis quiddi-
 tativis De ifectione 1. n. 10. ubi ait: *Hanc tamen di-*
stinctionem (nempe Scotic.) *ubique negat Baconius.*
 Mag. Eliseus Garcia in Megal. dist. 2. q. 1. art. 3. con-
 currunt, adhuc ex nostris, Mag. Franciscus Bona-
 Spes in Log. tract. 1. disp. 2. de Distinctionibus dub.
 5. re-

Didacus.
Complut.

5. resolutione 1. Mag Didacus à Jesu in Log. disp. 6. q. 3. *Notandum est* 3. prope finem. Complutens. in Log d. 3. q. 4. n. 34. dicentes: *Distinctio illa media inter realem, & rationis quam ponit Scotus est im. possibilis.* Et, ut verbo dicam, hæc est ferè omnium R. R. sententia extra Scholam subtilissimi Doctoris. Sed antequam resolutionem probem,

218 Prænoto primò, gradus metaphysicos esse genera, species, & differentias individuantes in recta serie cujuscumque prædicamenti. Sic gradus substantiæ, corporis, rationalis, viventis, sensitivi, Petreïtatis, sunt gradus metaphysici in prædicamento substantiæ. Dicuntur gradus, quia per eos descendimus ad individua, scilicet ad Paulum, Joannem, &c. & etiam, quia per eos scandimus ad supremum genus, nempe ad substantiam. Dicuntur metaphysici, quatenus totum constituunt metaphysicum.

219 Prænoto secundò, distinctionem formalem ex mente Scoti minorem esse distinctione ex natura rei reali, & maiorem distinctione rationis; esse tamen de linea absolutâ, taliter, quòd in ipsâ lineâ, animal & rationale, verbi gratia, sint diversæ formalitates citra quodcumque opus intellectus & sic sentatio exigit absolutè animal, & non rationale. Unde formalitates, in sententiâ Scoti, sunt subjectivæ, & rebus conveniunt secundum esse absolutum. De hac igitur distinctione agitur in præfenti. & quæritur, an detur inter gradus metaphysicos creatos in eodem individuo repertos; nam prout gradus ipsi sunt in diversis individuis; certè realiter distinguuntur, non minus ac individua. His prænotatis,

220 Probo resolutionem duplici ductas fundamento. Primum est. Ea, quæ à parte rei physice sunt actu identificata, nequeunt à parte rei esse actu distincta, nisi per ordinem ad intellectum; sed animal, & rationale, verbi gratia, à parte rei physice sunt actu identificata: ergo nequeunt à parte rei esse actu distincta, nisi per ordinem ad intellectum. Respondent Scotistæ disting. maiorem. ea, quæ à parte rei physice sunt actu identificata, nequeunt à parte rei esse actu distincta entitativè, concedunt: nequeunt à parte rei esse actu distincta formaliter, negant. Sed contra

121 Implicat, quòd ea, quæ à parte rei physice sunt actu identificata, sint à parte rei actu formaliter distincta, nisi tantum per ordinem ad intellectum: ergo. Probo antecedens. Si ea, quæ à parte rei physice sunt actu identificata, essent à parte rei actu formaliter distincta, idem esset physice unum, & simul formaliter multiplex; sed hoc repugnat; ergo illud, ex quo sequitur. Sequela est evidens. Probo minorem. Implicat, quòd idem sit physice essentialiter unum, & simul personaliter multiplex: ergo etiam quòd idem sit physice unum, & simul formaliter multiplex. Antecedens si negetur, eo ipso admittitur in creatis mysterium æquale Mysterio altissimæ Trinitatis. Consequentia tenet à paritate.

222 Secundum fundamentum est. Ea, quæ à parte rei physice sunt realiter distincta, non possunt à parte rei esse formaliter identificata: ergo similiter, ea, quæ à parte rei physice sunt realiter identificata, nequeunt à parte rei esse formaliter distincta. Probo antecedens. Si ea, quæ à parte rei phy-

H

ficè

sicè sunt realiter distincta, possent à parte rei esse formaliter identificata, ex separatione rei, in locis realiter distinctis, non argueretur distinctio realis ipsius rei: sed arguitur, ut probavi sup. disp. 2. lect. 1. quæst. 3. ergo. Probo sequelam maioris. Ea, quæ à parte rei physicè sunt realiter distincta, possunt esse in diversis locis realiter distinctis: demus ergo esse. Tum sic; atqui talis separatio non arguit distinctionem realem in ipsis rebus, cum, ut supponitur, sint formaliter idem: ergo, si ea, quæ à parte rei physicè sunt realiter distincta, possent à parte rei esse formaliter identificata, ex separatione rei in locis realiter distinctis non argueretur distinctio realis ipsius rei; ergo, cum hoc non admittatur; neque id, ex quo deducitur; adeoque excludenda omnino est à gradibus metaphysicis creatis distinctio formalis ex natura rei Scotica.

Faber.

Ant. Sirect.

Tromb.

Maur.

Vallon.

Deduct.

Lichet.

Zerb.

Tatar.

Burlifert

Binet.

Vulpes.

Smising.

Meruisse

Rada.

Nolan.

Mastrius,

Poncius.

Lumbier.

Proponuntur objectiones, & dissolvuntur.

223

Nostræ resolutioni opponuntur Faber in suo brevi tractu formalitatum cap. 7. Antonius Sirect. Vulgò dictus Mag. formalitatum. Tromb. Maur. Valon. Deduct. in suis tractat. formal. Lichet. in 2. disp. 1. q. 4. Zerb. in q. de pluralitate distinction. Tatar. q. ultima prædicab. dub. 2. Burlifert. & Bonet. in suis tractatibus formal. Vulpes in summ. tom. 1. part. 1. disp. 9. art. 5. & 6. Smising. 1. p. tractatu 2. disp. 1. n. 58. Meruisse in Metaph. lib. 2. cap. 3. 4. p. q. 4. Rada 1. p. controvers. 4. Nolan. in Pinach. q. 1. Mastr. in Log. disp. 1. q. 5. art. 2. Poncius in Metaph. disp. 4. q. 2. n. 16. ubi ait: *Hæc est manifesta sententia Scoti nostri disp. 2. q. 7. & dist. 8. q. 8.*

8. *Omniū quos sequitur Ægidius de Beatitudine lib. 5. q. 5. art. 2. n. 6.*

Lumbier.

Ortigas.

Oxea.

Barbianus.

Blasco.

Garcia.

Munieſſa.

224 Sententiam hanc Scoti fortiter defendit Mag. Lumbier tract. de Essentia, & Attributis n. 736. Sed præcipuè n. 771. & taliter subtilissimam distinctionem proponit, ut in eadem subtilitate, dum superare non potuit, Scotum subtilissimum æquavit. Sed nihil mirum; vir namque fuit ita celeberrimus, ut illius laudes (præter illas quas congerunt P. Ortigas, Petrus Oxea, Joannes Barbianus, Mag. Blasco, & Mag. Garcia) eleganter expendit accuratissimus Thomas Munieſſa tractatu de Essentia, & Attributis disp. 18. sectione 3. num. 18. ubi hæc habet:

225 *Magister meus Reverendissimus P. Fr. Raymundus Lumbier: pro dolor! inter hæc modò vitâ functus cum ingenti litterariæ Reipublicæ jactura. Vir planè religiosissimus, prudentissimus, sapientissimus, & undequaque summus: Carmeli Decor: ter Aragonum, Valentiae, & Navarrae Provincialis: insignis sui Collegii Sancti Josephi Fundator, exemplum, & Parens: almae Universitatis Cæsauragustanæ, in qua per quadriennium eo Magistro fæliciter potitus sum, splendor, & ornamentum: Antecessor ibi Theologiæ per annos propè quadraginta verè Primarius: Verbi Dei Ebuccinator egregius, Regique Catholico à concionibus; in supremo Inquisitionis Hispanicæ Tribunali propositionum Fidei Censor: Præclaros inter nostri sæculi Theologos, sive Scholasticos, sive Morales, sive Expositivos meritò numerandus: in Discipulorum memoria perennaturus: laude nullis intermorituræ sæculis celebrandus, pluribus in lucem datis volu-*

minibus posteritati superstes : multis mihi titulis , amicitie , magisterii , præstantissime virtutis , sublimis ingenii , maturi iudicii , & claritatis eximie , dum vixero , venerabilis . Parcat lector iis à discipulo devinctissimo erga Magistrum optimum , recens è vivis ereptum , aut amoris , aut doloris officiiis .

226 Igitur pro tanto Magistro (fundamento quo utitur n. suo 786. contra Joann. à S. Thoma *Joann. à S. Th.* ingratiam Scotistarum) objicies primò. Animal ex conceptu suo non est à parte rei rationale: ergo saltem hoc modo est distinctum à rationali. Respondeo ad objectionem, concesso antecedente, negando consequentiam. Nam licet animal ex conceptu suo non sit à parte rei rationale, ex hoc non sequitur, quòd à parte rei distinguatur à rationali; siquidem animal ex conceptu suo nihil aliud est, quàm animal præcisivè abstractum à differentiis, & hoc modo non invenitur a parte rei in sensu Scoti: ergo non distinguitur hoc modo à rationali, etsi non identificetur cum illo.

227 Instabis. Distinctio, juxta sup. dicta, nihil aliud est, quàm identitatis negatio; sed animal ex conceptu suo non est à parte rei rationale: ergo bene sequitur, quòd distinguatur ab illo. Respondeo ad instantiam disting. maiorem: distinctio nihil aliud est, quàm identitatis negatio, in subjecto supponente, concedo maiorem: in subjecto non supponente, nego maiorem. Deinde concessa minore, nego consequentiam. Unde falsò supponitur, quòd animal secundum se, & ex conceptu suo detur à parte rei physicè, vel formaliter in sensu Scoti; & ideo licet sit verum dicere, quòd non sit rationale à parte rei,
non

non inde sequitur, quòd à parte rei sit distinctum à rationali. Vide quæsup. prænotavi disp. I. sect. I. n. 5.

228 Obicies secundò. Animalitati, & rationalitati in homine competit contradictio formalis actu à parte rei; sed hæc salvari non potest sine distinctione formali actu à parte rei: ergo. Probas maiorem. Esse simile, & non esse simile est contradictio; sed esse simile, & non esse simile competit animalitati, & rationalitati in homine formaliter actu à parte rei: ergo. Maior est evidens. Probas minorem. Homo per animalitatem formaliter actu à parte rei est similis asino, deinde per rationalitatem formaliter actu à parte rei non est similis asino: ergo. Respondeo ad objectionem negando maiorem; ad cuius probationem, data maiore, nego suppositum minoris, nempe quòd detur à parte rei formaliter in sensu Scoti animalitas, & rationalitas; siquidem animalitas, & rationalitas imponuntur ad significandas formalitates distinctas in linea intentionali, seu conceptibili, & ideo non dantur formaliter actu à parte rei in sensu Scoti; sicque negatur idem suppositum ad probationem minoris.

229 Dixi supra, *data maiore*; quia licet opponatur omnimoda similitudo cum omnimoda, vel cum aliqua dissimilitudine, tamen aliqua similitudo non opponitur cum aliqua dissimilitudine: licet ergo homo sit similis, & dissimilis asino cum aliqua similitudine, & aliqua dissimilitudine, non inde arguitur contradictio. Et per hoc patet differentia æqualitatis à similitudine; æqualitas namque non solum dicit convenientiam in aliqua ratione, sed etiam negationem excessus, quâ de causâ opponitur contradictoriè inæqualitati; similitudo verò, in

aliqua ratione, cum non dicat negationem dissimilitudinis in alia ratione, ideo non opponitur dissimilitudini.

Comptonas.

230 Instabis. Nullo intellectu cogitante, Petrus verbi gratia à parte rei est similis asino, & dissimilis; sed non est similis nisi per animalitatem, neque dissimilis nisi per rationalitatem: ergo à parte rei dantur formalitates distinctæ in homine, nullo cogitante intellectu. Respondet Comptonus hîc disp. 27. sectione 3. n. 5. non esse inconueniens concedere hominem esse similem asino per animalitatem, & simul per rationalitatem, si argumentum procedat à parte rei, & in sensu reali; verum, n. seq. ad finem, docet totum Petrum esse similem asino, & totum dissimilem, cum physicè omnia sint idem. Ex qua doctrina inferitur, Petrum habere à parte rei physicè, vel saltem formaliter in sensu Scoti, omnimodam similitudinem cum bruto, & omnimodam dissimilitudinem; cum totus sit similis, & totus dissimilis bruto. Hæc tamen doctrina sustineri non potest; quia, illà admittâ, necessario debet fateri distinctionem virtuales maximam in creatis, vel saltem formalem Scotticam (quam negamus, & negat utique ipse Comptonus) cum illarum quælibet admittatur ad salvandam contradictionem, quæ infallibiliter arguitur in eadem entitate habente omnimodam similitudinem, & omnimodam dissimilitudinem.

Palanco.

231 Franciscus Palanco tract. 3. de Univers. q. 14. n. 14. respondet quod, cum negatur de rationali esse rationem conveniendi, non negatur de illo, prout est à parte rei; cum rationale prout est à parte rei sit ratio conveniendi. Ex quo sequitur, hominem

minem à parte rei physicè , vel saltem formaliter in Senſu Scoti , eſſe ſimilem equo per rationalitatem. Sed contra hanc ſolutionem , in gratiam partis adverſaræ , benè arguit ipſe Palanco n. 15. non tamen probè ſatisfacit argumento n. 17. Arguit ergo ſic. Ratio aſſimilandi unum alteri debet utrique extremo convenire ; ſed rationalitas à parte rei non convenit homini , & equo : ergo non eſt à parte rei ratio aſſimilandi hominem equo.

232 Ad quam difficultatem reſpondet ipſe diſtinguendo maiorem : ratio aſſimilandi , præciſivè ſumpta , debet utrique extremo convenire , concedit maiorem : realiter ſumpta , negat maiorem ; & inquit , contrarios fateri animalitatem hominis eſſe rationem aſſimilandi hominem equo , quæ in animalitas hominis phyſicè ſumpta conveniat equo. Hæc ſolutio , ut dixi , non ſatisfacit difficultati ; mihi ſaltem fit in intelligibile , quòd extrema in aliqua , & quacunque linea dicantur ſimilia , quin ratio aſſimilandi unum alteri , ipſis extremis conveniat in eadem linea , aliter nihil apparet in quo conſiſtat ipſa ſimilitudo , quæ cum ſit realis phyſica , vel formalis , ita debet extremis convenire. Hinc nego , quòd animalitas hominis ſit ratio aſſimilandi hominem equo ; in ſenſu phyſico ; cum ſolùm habeat rationem aſſimilandi unum alteri in linea intentionali. Ea propter

233 Reſpondeo ad inſtantiam n. 230. negando quòd à parte rei phyſicè Petrus verbi gratià ſit ſimilis aſino aliquo modo ; ſiquidem pro tali ſtatu nulla res eſt ſimilis alteri , ſed omnino diſſimilis , & diſconveniens. Fundamentum mihi eſt ; quia omnis entitas à parte rei eſt ſingularis ſingularitate for-

maliter, & realiter physicè identificata cum reliquis prædicatis ejuldem entitatis; sed singularitas est ratio oppositionis, & dissimilitudinis: ergo Petrus, physicè sumptus, est omnino dissimilis asino, adeoque pro tali statu nihil habet per quod cum bruto conveniat.

234 Objicies tertio. Rationali formaliter à parte rei convenit definitio diversa ab animali; sed hoc salvari non potest sine distinctione formali à parte rei inter animal, & rationale: ergo. Probas maiorem. Rationali formaliter à parte rei convenit hæc definitio, *principium ratiocinandi*; sed talis definitio non convenit formaliter à parte rei animali: ergo. Maior est certa. Probas minorem. Animal formaliter à parte rei definitur, *principium sentiendi*; sed principium sentiendi non est principium ratiocinandi: ergo talis definitio nempe, *principium ratiocinandi* non convenit, formaliter à parte rei, animali.

235 Respondeo ad objectionem negando maiorem; ad cujus probationem concessa maiore, nego minorem; ad cujus probationem concessa maiore distinguo minorem: principium sentiendi non est principium ratiocinandi formaliter intentionaliter, concedo minorem: formaliter in sensu Scoti, nego minorem; quia in sensu formali Scoti, totum, quod convenit animali, convenit etiam rationali cum illo identificato, & hoc modo verè affirmatur de rationali, ac de animali, quòd sit principium sentiendi, & quòd sit principium ratiocinandi. Quare principium ratiocinandi non est adæquata definitio rationalis sumpti à parte rei formaliter in esse absoluto, sed solum est definitio inadæquata. Hinc fit, quòd

quodd ex diversis definitionibus inadæquatis non arguatur distinctio formalis, sed solum ex adæquatis definitionibus. Itaque quando dicimus, rationale esse principium ratiocinandi, non verò animal, hoc intelligendum est in linea intentionali, in qua solum alia est definitio rationalis, & alia animalis.

236 Instabis: Ergo si animali, & rationali conveniant diversæ definitiones adæquatæ distinguerentur formaliter in sensu Scoti; sed conveniunt: ergo distinguuntur. Illatio sequitur ex dictis. Probas minorem: *Principium ratiocinandi* est adæquata definitio rationalis, & *Principium sentiendi* est adæquata definitio animalis; sed istæ definitiones sunt diversæ: ergo. Respondeo ad instantiam disting. illatum: si animali, & rationali conveniant diversæ definitiones adæquatæ in lineâ absolutâ, distinguerentur formaliter in sensu Scoti, concedo illationem: Si animali, & rationali conveniant diversæ definitiones adæquatæ in linea intentionali, distinguerentur formaliter in sensu Scoti, nego illationem. Deinde applicata distinctione minori, nego consequentiam. Ad probationem minoris distinguo maiorem: principium ratiocinandi est adæquata definitio rationalis & cæt. in linea intentionali, concedo maiorem: in lineâ absolutâ, nego maiorem; quia cum physicè & formaliter omnia sint idem, totum, quod convenit animali, convenit rationali, & è contra.

237. Objicies quartò. Si rationale formaliter à parte rei non esset distinctum ab animali, de quocumque, de quo verificaretur animal, verificaretur rationale; sed hoc est fallum: ergo. Maior est certa.

Pro.

Probas minorem. De asino formaliter a parte rei verificatur animal; sed non verificatur rationale: ergo. Respondeo ad objectionem disting. maiorem: Si rationale formaliter a parte rei non esset distinctum ab animali, de quocumque, de quo verificaretur animal, quod est identificatum cum homine, verificaretur rationale, concedo maiorem. de quocumque, de quo verificaretur animal distinctum ab animali, quod est identificatum cum homine, verificaretur rationale, nego maiorem. Deinde distinguo minorem eodem modo, & nego consequentiam.

238 Ad probationem minoris distinguo maiorem: de asino formaliter a parte rei verificatur animal, quod non est identificatum cum homine, concedo maiorem; verificatur animal, quod est cum homine identificatum, nego maiorem; & concedo minorem. Igitur animal, quod physicè reperitur in asino, non est physicè animal, quod in homine reperitur, sed aliud, & ideo de asino non prædicatur rationale, licet prædicetur animal. Obiectio solum probat dari distinctionem inter animal asini, & rationale, quam concedimus; non verò inter animal hominis, & rationale, quam semper negamus in sensu Scoti.

239 Objicies quinto. Ubi datur Compositio vera, datur vera distinctio; sed animal & rationale verè componunt hominem: ergo verè distinguuntur; sed non realiter physicè: ergo realiter formaliter. Respondeo ad objectionem concedendo totum, præter ultimam consequentiam. Quia distinctio, quæ ex compositione arguitur inter animal, & rationale, solum est formalis intentionalis; cum
enim

enim compositio tantum fit ex genere, & differentiâ, non petit aliam distinctionem præter intentionalem.

240 Objicies sexto. Partes totius distinguuntur realiter actu à parte rei; sed gradus metaphysici sunt partes respectu totius metaphysici: ergo distinguuntur realiter actu à parte rei; sed non realiter realiter: ergo realiter formaliter in sentu Scoti. Probas maiorem. Semel quoddam partes physicæ tales sunt respectu totius physici, distinguuntur realiter actu à parte rei physicè; ergo. Respondeo ad objectionem disting. maiorem: partes totius distinguuntur realiter actu à parte rei, si totum sit tale actu à parte rei physicè, concedo maiorem: si totum tale sit actu à parte rei intentionaliter, & sit totum metaphysicum, subdistinguo, distinguuntur realiter intentionaliter, concedo maiorem: realiter physicè, vel formaliter in sentu Scoti, nego maiorem; & concedo minorem. Ad probationem maioris, concessio antecedente, distinguo consequens modo dicto. Quare partes totius physici distinguuntur physicè, quia totum physicum constat partibus, quæ physicè separari possunt, ex quo non fit bona paritas ad totum metaphysicum, quod non aliam petit distinctionem, præter intentionalem.

241 Instabis. Gradus metaphysici in Petro verbi gratiâ desumuntur à partibus physicis ipsius Petri; sed inter partes físicas Petri datur distinctio actu à parte rei: ergo etiam inter gradus metaphysicos. Respondeo ad instantiam disting. maiorem: gradus metaphysici desumuntur à partibus physicis, taliter, quoddam quilibet gradus desumatur ab omnibus partibus, concedo maiorem: taliter quoddam

quòd quilibet gradus desumatur à qualibet parte, nego maiorem; quia gradus metaphysici desumuntur ab omnibus partibus physicis, quatenus istæ sunt fundamentum illos considerandi, & præcindendi; & ideo non arguitur distinctio ex natura rei Scotica inter illos, licet inter ipsas partes physicas detur vera distinctio realis ex natura rei. Deinde hæc instantia multum probat; probat namque dari distinctionem realem physicam inter gradus metaphysicos, ex eo, quòd partes physicae realiter physice distinguantur.

242 Objicies, septimo. Ab animali, & rationali egrediuntur operationes distinctæ; sed eo ipso distinguuntur formaliter ex natura rei: ergo. Probas maiorem. Ab animali egreditur operatio sensitiva, & à rationali egreditur operatio discursiva, sed istæ operationes sunt distinctæ: ergo. Respondeo ad objectionem, concessa maiore, negando minorem. Falsum igitur est operationes distinctas arguere distinctionem in principio, à quo procedunt: aliter calefactio & illuminatio, quæ inter se distinguuntur realiter, arguerent realem distinctionem in Sole, à quo procedunt; vel creaturæ inter se distinctæ realiter, eandem distinctionem in Deo inferrent. Utrumque esse falsum, & unum hæreticum satis constat.

Poncius.

243 Objicies octavo cum Poncio sup. laudato sed n. suo 14. *¶. Secundò possibilitat.* Non potest assignari repugnantia aliqua, cur entitates positivæ, quæ neque per se ipsas existere possunt, neque de novo alicui advenire, non possint poni à parte rei; quod si ponantur, necessario habebunt distinctionem formalem: ergo possibilis est distinctio formalis.

lis. Respondeo ad objectionem negando antecedens, & assignando repugnantiam; hæc namque esset manifesta contradictio, siquidem distinguerentur tunc, & non distinguerentur illæ entitates: non distinguerentur, quia, ut supponit ipse Pontius, essent physicè identificatæ; distinguerentur, quia una formaliter in esse absoluto non esset alia, quod repugnat, ut probavi sup. n. 221. & 222.

244 Objicies nonò. Animal, quod est in homine, separatur ab illo in asino, non verò rationale; sed hoc salvari nequit sine distinctione ex natura rei inter animal, & rationale: ergo. Respondeo ad objectionem id ipsum, quod sup. disp. 2. secl. 1. n. 78. Et solum addo, aliud esse animal hominis separari ab animali asini; & aliud animal hominis separari à se ipso in asino. Primum est verum. Secundum verò falsum. Primum est verum, quia animal hominis separari ab animali asini, est idem ac esse identificatum cum rationali ab animali asini separato: & distincto. Secundum est falsum, quia ut animal hominis esset separatum à se ipso in asino, distingueretur physicè à se ipso; cum separatio sit signum distinctionis realis physicæ; sed repugnat idem esse distinctum physicè à se ipso: ergo. Itaque animal, quod est in homine, cum sit animal humanum, non est physicè animal asini; sic que negatur maior syllogismi supra positi.

245 Objicies decimò. Multa verificantur de animali, quæ nullo modo verificantur de rationali; sed hæc salvari non possunt sine distinctione virtuali maxima, vel saltem Scotica: ergo saltem hæc erit admittenda inter animal, & rationale. Probas maiorem. De animali prædicatur, & verificatur genus,

nus, verificatur quod sit contrahibile, & cæt. de rationali non verificatur quod sit genus, nec quod sit contrahibile; imò verificatur quod sit differentia, & quod sit contrahens: ergo multa verificantur de animali, quæ nullo modo verificantur de rationali. Respondeo ad objectionem distinguendo maiorem: multa verificantur de animali, quæ nullo modo verificantur de rationali, in linea intentionali, concedo maiorem: in linea physica, vel formali Scotica, nego maiorem; ad cuius probationem dico, illa omnia vera esse in linea intentionali; falsa verò in linea physica; cùm physicè omnia sint idem. Ex quibus.

246 Deduces, non posse animal hominis existere sine rationali, licet rationale accidentaliter adveniat animali; quia solum advenit animali accidentaliter in linea intentionali, minimè verò in linea physica, in qua simul existunt animal, & rationale; sicque, ex nullo capite dabitur distinctio formalis ex natura rei Scotica inter gradus metaphysicos creatos.

Q U Æ S T I O II.

*Utrum inter Essentiam Divinam comparatam cum
Attributis, vel inter Attributa ad invicem com-
parata detur Distinctio Formalis Scotica?*

247

R Esolutio est negativa, & expressa mens
Doctōris in 1. dist. 2. q. 2. art. 3. §. 1.
quem sequuntur Mag. Josephus Zagaglia tom. 2.
tract. 2. disp. 1. de Attributis Divinis sect. 1. §. 2.
Mag. Dionysius Blasco tom. 2. Theologiæ Baccō-
nicæ

Bacconius.
Zagaglia.
Blasco.

nicæ dist. 91. q. 2. art. 2. §. 3. Mag. Elifeus Garcia *Garcia.*
 sup. citatus sed n. suo 562. Mag. Didacus de Castil- *de Castilla.*
 la tract. 2. de Deo Uno, & ejus Attributis q. 8. n. *Cornejo.*
 222. Id ipsum colligitur ex doctrina Mag. Petri Cor- *Lezana.*
 nejo tom. 1. tractatu 3. de S. Trinitatis Mystério, *Lao.*
 & Mag. Joann. Bapt. Lezana tom. 1. tract. 2. Pu- *Daniel.*
 gnant etiam contra Scotum Mag. Andreas Lao tom.
 1. q. 4. de Dei perfectione disp. 23. dub. 2. Mag.
 Daniel à S. Josepho tom. 1. d. 5. de Deo Uno cap. 6.
 & 7. & x. *Hæc porro Patrum* citat Baconium di-
 centem, clamare Sanctos contra Scoti sententiam.

248 Concurrunt pariter Mag. Didacus à Jesu *Didacus.*
 loco sup. citato. Mag. Paulus à Conceptione tom. *Paulus.*
 1. tract. 1. disp. 3. §. 1. Mag. Joannes à S. Michaelē *AS. Michaelē.*
 tom. 1. tract. 1. d. 4. q. 2. Hæc est sententia Damasceni *Damascan.*
 nostri lib. de Fide primo cap. 11. quam tenent *Complut.*
 utique Complutenſes citati, & Salmaticenſes. Præ- *Salmat.*
 ter hos nostræ familiæ Scriptores, defendunt reso-
 lutionem quamplurimi alii tam intra, quam extra
 Scholam Resoluti; & est sententia communis inter
 cæterarum Scholarum Magistros, subtilissimis ex-
 ceptis. Sed antequam resolutionem probem,

269. Prænoto quid sit attributum, verbis Da-
 malceni citati. *Attributum Divinum nihil aliud*
est, quàm ratio quædam absoluta necceſſariò, & for-
maliter existens in Deo, & consequens nostro modo
concupiendi cum fundamento in re, ad essentiam
ejusdem, tanquam aliquid in certa specie atoma
constitutum. Quæ quidem verba sic optimè expli-
 cantur à Mag. Zagaglia: *Per hoc quòd sit ratio ab-*
soluta excluduntur à conceptu attributivæ Divinæ
relationes, quæ licèt sint formaliter in Deo, tamen
formaliter non sunt quid absolutum, sic quæ non di-
cuntur

cuntur propriè attributa. Per particulam formaliter excluduntur à ratione attributi ea, quæ tantummodo sunt in Deo eminenter, ut creaturæ. Per ly necessariò excluduntur ea, quæ liberè sunt in Deo, ut volitiones liberæ Dei. Dicitur quòd consequatur ad essentiam nostro modo concipiendi constitutum, ut à ratione attributi excludatur Divina essentia, quæ non potest concipi ut ad se ipsam subsecuta. (Addit ipse Zagaglia) ut excludantur prædicata quidditativa. Per hoc quòd sit in certa specie atomi constitutum distinguitur à rationibus communibus, sive transcendentalibus, quæ in iisdem attributis, aut aliis rationibus Divinis includuntur; & pariformiter à rationibus quasi transcendentalibus eorundem attributorum, & tamen nulla ex eis per se sumpta habet rationem attributi. Hoc prænotato,

250 Probo resolutionem, & primò sic. In Divinis, loquendo de absolutis, ibi datur identitas, ubi est perfectio; sed essentia, & attributa sunt perfectiones absolutæ in Deo: ergo identificantur; sic quæ inter essentiam, & attributa; vel attributa ad invicem comparata, non intercedit distinctio formalis actu à parte rei. Maiorem probat Baccanius ex D. Anselmo in Prolog. cap. 5. ubi asserit, quòd attributa sunt idem cum natura, quia quodlibet illorum est melius ipsum; sed melioritas dicit perfectionem: ergo in Divinis, loquendo de absolutis, ibi datur identitas, ubi est perfectio.

251 Respondent Scotistæ disting. maiorem: ibi datur identitas, ubi est perfectio, loquendo de identitate reali, concedunt: loquendo de identitate formali, negant. Sed contra. Ex perfectione reali in Deo

Deo arguitur identitas realis, loquendo de absolutis: ergo etiam ex perfectione formali argui debet identitas formalis; sed Sapientia, Omnipotentia in Deo, ex quo sunt realiter perfectæ, arguunt identitatem realem; ergo, ex quo sunt formaliter perfectæ, arguere debent identitatem formalem: ergo carent distinctione formali actu à parte rei in sensu Scotico.

252 Probo resolutionem secundo sic. In Divinis nulla datur compositio in esse absoluto; sed hæc necessariò daretur, admissa distinctione formali actu à parte rei, de qua est sermo: ergo non datur talis distinctio in Divinis inter essentiam, & attributa, vel inter attributa adinvicem comparata. Maior est certa, & latis constat ex Clementin. cap. Firm. de Summ. Trin. & Fid. Cathol. ubi definitur Deum esse omnino simplicem; sed simplicitas excludit compositionem: ergo. Probo minorem primi syllogismi. Admissa prædictâ distinctione, ante omnem intellectûs operationem, esset ibi aliquid, & unum esset in alio; sed, hoc posito, non possent non componere illud, in quo convenirent, & illud perficeret: ergo.

253 Respondent Scotistæ, concessâ maiore, negando minorem; ad cuius probationem distinguunt maiorem: admissa prædictâ distinctione, esset ibi aliquid, & aliquid formaliter, concedunt maiorem: realiter, negant maiorem; dicunt que distinctionem formalem non arguere compositionem, bene quidem distinctionem realem. Sed contra, instat Mag. Zagagl. sup. citatus. Formalitates illæ, Zagaglia. quæ in Deo sunt actu à parte rei, ante omnem intellectûs operationem, vel sunt unitæ, vel non?

Si sunt unitæ, vel tanquam ætus, & potentia, & sic componunt; vel per identitatem, quod Scotistæ negant, loquendo de identitate formali. Si non sunt unitæ: ergo in Divinis datur inter essentiam, & attributa aggregatum per accidens.

Proponuntur Objectiones, & dissolvuntur.

Scotus.
Lumbier.

254

Nostræ resolutioni opponuntur Subtilissimus Mag. & omnes ejus Discipuli jam sup. citati, quos sequitur Magister Lumbier loco sup. pro quibus omnibus, & imprimis contra primam resolutionis partem objicies primo. De essentia cum attributis comparata actualiter formaliter verificantur prædicata contradictoria; sed hoc non potest subsistere sine distinctione formali actu à parte rei: ergo inter essentiam Divinam comparatam cum attributis datur distinctio formalis, de qua est sermo. Probas maiorem ex Damasceno l. 1. cap. 4. *Si justum, si bonum, si quid tale dixeris, non naturam Dei dicis, sed quæ sunt circa naturam.* Sic etiam Cyrillus, & Nissenus quos refert Muniesia disp. 5. de essentia, & attributis lect. 7. Item Aug. de Trinit. lib. 5. cap. 6. ad illa verba: *Si dicam æternus, justus, bonus, Spiritus, horum omnium novissimum, quod posui, videtur significare substantiam, cætera verò hujus substantiæ qualitates.* Ita loquuntur D. Dionysius, D. Anselmus, quos citat illustrissimus Petrus Godoy q. 2. de Deo uno tract. 1. disp. 5 § 3. n. 28. Id etiam videri potest apud Mastrium disp. 2. de Divinis attributis q. 2. art. 2. y. *Deinde idem insinuant Patres:* ergo si juxta P.P. aliquid important attributa, quod non importat essen-

Damasc.
Cyrillus.
Nissenus.
Muniesia.
Augustin.
Dionysius.
Anselmus.
Godoy
Mastrius.

essentia, & é contra, de essentia cum attributis comparata, actualiter formaliter verificantur prædicata contradictoria.

255 Respondeo ad objectionem disting. maiorem: de essentia cum attributis comparata, actualiter formaliter verificantur prædicata contradictoria, in lineâ intentionali, & respectivâ, concedo maiorem: in lineâ physicâ, & absolutâ, nego maiorem, & in hoc sensu nego minorem, & absolutè consequentiam. Ad probationem maioris dico SS. Patres loquutos fuisse de illis prædicatis, non in esse physico, & absoluto, sed in esse intentionali, & respectivo. Unde, in sensu absoluto, omnia, quæ sunt in Deo, sunt formaliter natura, & substantia, ut docet Resolutus in 1. dist. 2. q. 2. art. 3. §. 3. *Bæcon.*
ÿ. Probatur igitur ad finem, ubi hæc habet: Omnia, quæ sunt in Deo, dicuntur rationes perfectionales absolutæ, quæ ut sic dicuntur formaliter substantia, & ita habent identitatem formalem. Igitur ex doctrina Patrum non sequitur distinctio Scotica, imò opinionem Scoti esse contra SS. P. P. & contra rationem fultè probat Bæconius citato loco.

256 Objicies secundo alterâ viâ, quâ utitur *Scotus.*
 Scotus, quem sequitur *Mastrius.* sup. citatus, sed n. suo 44. Illa, quæ diversis definitionibus definiuntur, distinguuntur formaliter ex natura rei; sed essentia, & attributa diversis definitionibus definiuntur: ergo. Probas maiorem. Definitio exprimit naturam rei, prout est, & res diversimodè definiuntur, quia diversas habent naturas in se ipsis. Probas minorem cum eodem *Mastrio* n. suo 46. auctoritate *Dan aſceni* lib. 1. cap. 4. ubi essentiam vocat Dei Naturam; attributa verò vocat perfectiones

Augustinus. nes talem naturam circumstantes; & Aug. 15. de Trinit. cap. 6. ubi essentiam vocat Dei naturam, attributa verò hujus substantiæ qualitates (quorum verba dedi sup. n. 254.) & eodem modo cæteri omnes loquuntur Patres : ergo essentia, & attributa diversis definitionibus definiuntur,

257 Respondeo ad objectionem disting. maiorem: illa, quæ diversis definitionibus definiuntur, distinguuntur formaliter ex natura rei, in esse respectivo, concedo maiorem: in esse absoluto, nego maiorem; ad cujus probationem respondeo eadem distinctione. Deinde distinguo minorem: essentia, & attributa diversis definitionibus definiuntur in esse respectivo, & intentionali, concedo minorem: in esse absoluto, nego minorem: ad cujus probationem fundatam in auctorit. SS. PP. idem respondeo quod sup. n. 255. & nego consequentiam in sensu Scoti. Igitur modo, quo in esse absoluto comparatur essentia cum attributis, sunt una ipsissima formalitas; licet altera sit definitio essentiae; & altera attributorum in esse respectivo, & intentionali, quod Resolutus fatetur loco sup. art. 4. §. 5. x. *Ad primum in conclusione* (ubi prosequitur) *eodem modo dico, quod alia est definitio essentiae ex natura rei, & sapientiae, secundum quod dicunt respectus illos diversae repræsentativitatis; quia hoc repræsentat substantiam, hoc autem quasi dispositionem essentialem; non tamen alia est definitio, ut dicunt rationes perfectionales absolutas.*

258 Objicies tertio. Attributa sunt formaliter a se à parte rei extra essentiam Divinam: ergo in te essentiam comparatam cum attributis datur distinctio formalis actu à parte rei. Probas antecedens.

Bacco.

dens. Essentia, & attributa formaliter actu à parte rei dicunt multipliciter; sed multiplicitas dicit unum esse extra aliud: ergo. Probas maiorem. Deus est formaliter ens infinitum in perfectione; sed omne infinitum dicit multipliciter: ergo essentia, & attributa, cum includantur in Deo, dicunt formaliter actu à parte rei multipliciter. Respondeo ad objectionem negando antecedens; ad cuius probationem distinguo maiorem: essentia, & attributa formaliter actu à parte rei dicunt multipliciter respectivam, concedo maiorem: dicunt multipliciter absolutam, nego maiorem. Deinde applicata distinctione minori, nego consequentiam. Licet ergo Deus sit infinitus in perfectione, ut est, non inde arguit multipliciter formalem; nam hæc opponitur simplicitati Divinæ. Itaque in Deo solum reperiri potest multiplicitas respectiva, vel eminentialis, quæ nullo modo obstant simplicitati summæ ipsius Dei.

259. Instabis. Ergo Deus tantum in sensu respectivo, & intentionali est infinitus in perfectione, non verò in sensu formali absoluto; sed hoc non: ergo neque illud, ex quo sequitur. Probas illationem. Deus in eo tantum sensu dici debet infinitus, in quo continet multipliciter; sed juxta dicta tantum continet multipliciter respectivam, & non absolutam: ergo Deus tantum in sensu respectivo, & intentionali est infinitus in perfectione. Respondeo ad instantiam negando illationem, ad cuius probationem nego maiorem; quia Deus dicitur infinitus propter identitatem physicam, quam habet cum omnibus suis perfectionibus: quæ de causa est infinitus in omni genere perfectionis Divinæ;

quoniam in ista identitate fundatur eminentia omnium perfectionum Divinarum, in qua propriissimè consistit infinitudo ipsius Dei: ergo bene sequitur, quòd Deus semper dicatur infinitus, licèt non admittat multiplicitem aliam præter respectivam.

260 Replicabis. Deus non potest dici infinitus in genere perfectionis Divinæ propter identitatem, quam habet cum perfectionibus Divinis: ergo nulla solutio. Probas antecedens. Deus non solum est infinitus in genere perfectionis Divinæ, sed etiam est infinitus in genere perfectionis creatæ; sed infinitudo in genere perfectionis creatæ non potest provenire ab identitate Dei cum creaturis, cum ista identitas sic chimærica: ergo infinitudo Dei aliunde procedit, non ab identitate. Respondeo ad replicam negando antecedens; ad cujus probationem, concessa maiore, & minore, nego consequentiam. Quare dico, infinitudinem formalem Dei tam in genere perfectionis Divinæ, quàm creatæ consistere in eminentia ipsarum perfectionum, cum hoc tamen discrimine, quòd eminentia creaturarum fundatur in virtute productivâ, non in identitate; cum hæc sit impossibilis inter Deum, & creaturam, ut benè notatur ab arguente. Verum eminentia Divinarum perfectionum provenit ab identitate, quam Deus habet cum omnibus suis perfectionibus. Et ideo non est opus, Deum omnia formaliter continere, ut sit infinitus in omni genere; quod doctissimè probat Muniesla de essentia, & attributis disp. 3. sectione 3. præcipuè n. 28. & 29.

Muniesla.

261 Objicies quarto contra secundam resolutionis partem, etiam autoritatibus SS. PP. & imprimis ex August. de Trinitate 7. cap. 7. dicente:

August.

Deus

Deus verò multipliciter quidem dicitur, magnus, bonus, sapiens, beatus, verus, & quidquid aliud non indignè dici videtur. Sensus August. videtur esse, dari in Deo veram attributorum multiplicitem; sed eo ipso datur vera distinctio, si non realis physica, saltem formalis ex natura rei, inter attributa ad invicem comparata; ergo. Respondeo ad objectionem id ipsum, quod sup. n. 255. Addo tamen, D. Augustinum non negare veram identitatem physicam, & formalem in esse absoluto in ipsis attributis, quod eodem loco declarat ipse sequentibus verbis: *Sedeadem magnitudo ejus est quæ sapientia: non enim mole magnus est, sed virtute, & eadem bonitas, quæ sapientia, & magnitudo, & eadem veritas, quæ illa omnia:* Ergo ex verbis Aug. solùm inferitur distinctio in esse respectivo, non in absoluto.

262 Objicies quinto ex eodem August. de Tri- August.
nit. 8. cap. 1. ad illa verba: *Ubi magnitudo ipsa veritas est, quidquid plus habet magnitudinis, necesse est ut plus habeat veritatis.* Sensus August. est; duas Personas Divinas non esse aliquid maius, quàm una, quia non sunt aliquid verius, semel quod in Divinis magnitudo sit idem physicè cum veritate: ergo admittit distinctionem, saltem formalem inter illa attributa, magnitudinem scilicet, & veritatem. Probas illationem. Si magnitudo, & veritas distinguerentur solo intellectu, non argueretur magnitudo ex veritate; sed hoc est contra Augustinum: ergo magnitudo, & veritas distinguuntur formaliter ex natura rei. Respondeo ad objectionem, concessio antecedente, scilicet August. ex veritate arguere magnitudinem; nego tamen consequentiam,

nempe, quòd formaliter ex natura rei distinguuntur, in sensu absoluto, magnitudo, & veritas; ad hoc namque sufficiens est distinctio formalis in esse respectivo; cùm D. August. non supponat quòd magnitudo, & veritas differant in esse absoluto.

Augustinus.

263 Objicies texto etiam auctoritate Augustini contra Maximinum: *Si potest Deum Patrem concedere simplicem, & tamen esse sapientem bonum, & magnum &c. quòd magis unus Deus potest esse simplex, & tamen Trinitas.* Sensus Augustini est, quòd in Deo conservetur simplicitas, non obitante distinctione reali relationum. Unde sic arguit S. Doctor. Tu concedis Deum esse simplicem, licet defendas esse sapientem, bonum, & magnum: ergo à fortiori debes fateri Deum esse simplicem, non obstante distinctione relationum; sed hoc argumentum August. esset nullum, si sapientia, bonitas, & magnitudo non distinguerentur ex natura rei: ergo sic distinguuntur. Respondeo ad objectionem concedendo illum fuisse sensum Augustini; negando tamen minorem, & consequentiam. Quia S. Doctor solum arguit ex sensibilibus, & insensibilibus, quasi diceret, sapientia, bonitas, magnitudo, & cætera attributa, quæ in rebus sensibilibus reperiuntur, differunt realiter, & tamen, ut sunt in Deo, ejus simplicitatem non dirimunt: ergo à fortiori relationes, quànvis distinctæ realiter, positæ in Deo non destruunt simplicitatem Divinam. *Et hæc consequentia est clara* (inquit Baconius sic explicans Augustinum in 1. disp. 2. q. 2. art. 2. §. contra Maximinum) *quia si ea, quæ in rebus sensibilibus differunt secundum esse absolutum, & secundum diversa genera, cujusmodi sunt sapientia, &*
mag-

Bacon.

magnitudo, cùm in Deo sunt posita, non dirimunt ejus simplicitatem: ergo quæ in sensibilibus relative differunt, & intra idem genus, si in Deo ponantur, non dirimunt ejus simplicitatem.

264 Objicies septimo auctoritate D. Bernardi *Bernardus*, lib. 5. de consideratione cap. 7. *Dicimus magnum, bonum, justum, & innumera talia; sed nisi omnia unum in Deo consideres, habebis multiplicem Deum.* Sensus videtur esse, attributa distingui inter se formaliter, non obstante identitate cum essentia: ergo. Respondeo ad objectionem negando dictum sensum verborum Doctoris Melisui; nam si juxta iptum inter Dei attributa intercederet distinctio ex natura rei, esset utique ex rei natura aliud attributum magnitudinis, & aliud bonitatis; sed in Deo non est aliud, & aliud, etiam juxta D. Bernardum: ergo. Minor, de qua solum dubitari poteris, liquet verbis expressis ejusdem D. serm. 80. in Cantica ubi de Deo loquens, inquit: *Hanc sibi vendicat, meram, singularemque suæ essentiae simplicitatem, ut non aliud, & aliud inveniatur in ea:* Ergo proposita objectio solum probat distinctionem in esse respectivo, non ex natura rei in esse absoluto.

265 Objicies octavo. Sapientia ex genere suo est distincta à potentiâ factivâ, etiam sumptâ ex proprio genere: ergo etiam Sapientia Divina à Divinâ Omnipotentiâ. Antecedens est certum. Probas consequentiam. Ratio Divinitatis nihil facit in ordine ad identitatem: ergo si sapientia præcisa à Divinitate est distincta à potentiâ factivâ, ita etiam Sapientia Divina à Divinâ Omnipotentiâ. Respondeo ad objectionem, concesso antecedente (intellecto de Sapientiâ ut habet esse contractum in creaturis)

turis) negando consequentiam ; ad cuius probationem nego antecedens. Semel enim , quòd in sapientia inveniatur ratio Divinitatis , utique ratio simplicitatis reperitur , ex qua identitas arguitur in sensu absoluto cum omnibus aliis attributis , licet non arguatur identitas in sensu respectivo , & intentionali. Dixi sup. *intellecto de Sapientia ut habet esse contractum in creaturis* ; quia si sumatur ipsa sapientia ut abstracta tam à Deo , quàm à creaturis , tunc certò caret distinctione formali ex rei natura à potentia factiva , à qua solum intentionaliter distinguitur.

266 Objicies nono. Modus distinguendi sequitur modum essendi ; sed attributa Divina habent esse absolutum formaliter ex natura rei : ergo sic distinguuntur. Respondeo ad objectionem negando maiorem absolute sumptam , quæ , si vera esset , probaret utique attributa Divina distingui physicè rigorosè inter se , cum etiam realiter physicè habeant esse rigorosum à parte rei. Quare , quando dicitur , quòd modus distinguendi sequatur modum essendi , sensus est , quòd unum distinguatur ab alio , cum quo non convenit secundum idem esse , & hoc verum est ; sed nego quòd attributa secundum esse formale actu à parte rei , in sensu absoluto , non conveniant. Hanc solutionem deduxi ex mente Doctoris in 1. dist. 2. q. 1. art. 3. ad medium ubi præsentem difficultatem proponit , & his verbis respondet. *Dico quòd maior est falsa , quia secundum omnem opinionem attributa in Deo habent talem modum essendi , quod sunt idem realiter : si ergo modus distinctionis sequitur modum essendi , sequitur quòd distinguantur secundum quòd idem realiter , quod est* fal-

Baccon.

falsum. Item Sortes, & Plato sunt idem in specie; si ergo modus distinguendi sequitur modum essendi, sequitur quod distinguantur secundum quod sunt idem in specie: propter quod dico, quodamodum distinctionis sequitur modum essendi sic, quod quilibet distinguitur à quolibet, cum quo non convenit, seu cum quo non habet idem esse.

267 Objicies decimo. Separabilitas conceptuum formalium arguit distinctionem formalem, de qua est sermo: atqui in Divinis attributis dantur separabilitates conceptuum formalium: ergo inter attributa Divina datur distinctio formalis, de qua est sermo. Probas maiorem. Separabilitas realis arguit distinctionem realem; ergo separabilitas formalis, seu conceptuum formalium arguit distinctionem formalem. Probas etiam minorem. In Divinis attributis dantur conceptus formaliter diversi: ergo dantur separabilitates conceptuum formalium. Respondeo ad objectionem negando maiorem: ad cujus probationem, concessio antecedente, nego consequentiam. Disparitas est in eo, quod separabilitas solum infert distinctionem in eadem linea; cum ergo separabilitas sit realis, nihil mirum, quod arguat distinctionem realem; at verò separabilitas conceptuum formalium, de qua loquitur, solum est formalis in lineâ respectivâ, & intentionali, & sic non potest arguere distinctionem formalem in lineâ Scoti. Igitur conceptus solum dicuntur formaliter diversi, quia eadem entitas in esse reali potest diversò modò attingi in esse intentionali.

268 Instabis. Ergo in sensu absoluto eadem formalitas Sapientiæ, verbi gratia, est formalitas Omnipotentia.

potentiæ, & sic de aliis attributis; sed hoc est falsum: ergo etiam illud, ex quo sequitur. Illatio sequitur ex dictis. Probas minorem. Falsum est, quod attributorum nomina sint omnino synonyma; sed hoc sequeretur, si eadem formalitas Sapientiæ esset formalitas Omnipotentiae: ergo. Respondeo ad instantiam concedendo illationem, & negando minorem; ad cuius probationem, concessa maiore, nego minorem; quia, ut attributorum nomina non sint synonyma, sufficit, quod habeant diversas conceptivitates, ut non sint synonyma, inquam, omnino, & etiam in linea intentionali; namque, in linea formali absoluta, fatetur Baconius nomina attributorum esse synonyma, cum significant unam, & eandem simplicissimam formalitatem.

Bacon.

269 Objicies tandem. Deus per intellectum Divinum distinguit attributa: ergo attributa Divina distinguuntur formaliter actu à parte rei. Antecedens est doctrina Resoluti in 1. dist. 38. & 39. consequentia liquet; quoniam vel Deus per intellectum Divinum distinguit attributa prout distincta etiam ab intellectu, vel non? Quocumque dato, arguitur distinctio ex natura rei formalis inter attributa: ergo. Respondeo, objectionem istam pendere ab illa questione, in qua inquitur: an Deus, & beati in patria distinguant Divina attributa, de qua in præsentia non ago, quia speciales difficultates, quas involvit, videri possunt solutæ à M. Zagaglia tom. 2. disp. 1. sect. 3. Dico tamen, doctrinà ipsius Mag. Deum per intellectum Divinum distinguere attributa, prout ipse intellectus præcindit ab eo, quod sit, vel non sit distinctus. Quemadmodum anima, quæ etiam, præcindendo ab eo, quod distinguatur
à se

Bacon.

Zagaglia.

se ipsa, prout est in corpore, vel non est in corpore, distinguitur ab omni eo, quod anima non est. Restabat solum respondere ad aliam objectionem, qua Scotus intendit probare distinctionem suam inter intellectum, & voluntatem Divinam; verum cum talis objectio sit etiam quasi fundamentum admittentium distinctionem virtuales maximam inter illa attributa, ideo respondebo disp. 4. sectione 1. q. 5. ubi ipsam difficultatem moveo. Ex his tamen, quæ hîc dicta sunt,

270 Deduces, unum attributum includere aliud in lineâ physicâ, & absolutâ (licet unum alterum non includat in lineâ respectiva, & intentionali) ad quod non est necesse, quod unum se habeat velut pars respectu alterius, sed satis est quod habeat identitatem physicam, & formalem cum illo. Quare benè advertit Mag. Lezana dicens, unum attri- *Lezana.* butum non includere aliud, si sumatur secundum conceptum inadæquatum; includere tamen, si secundum conceptum adæquatum sumatur. Sic docet tom. 1. tractatu 2. disp. 2. ubi etiam citat Baconium. Placet igitur hæc doctrina; quia conceptus inadæquatus pertinet ad lineam respectivam; adæquatus vero ad lineam absolutam.

Q U Æ S T I O III.

Utrum inter Essentiam Divinam comparatam cum Relationibus detur Distinctio Formalis Scotica?

271 **R**esolutio est negativa, & expressa mens Re- *Baconius.* soluti in 1. dist. 34. art. 5. §. 1. & 3. Hanc defendunt omnes AA. sup. citati n. 247. Antequam
tamen

tamen resolutionem probem, prænoto primò dari in Deo duplex genus relationis, ad extra scilicet, & ad intra. Relationes ad extra sunt illæ, quibus Deus refertur ad creaturas, ut verbi gratia relationes Creationis, Gubernii, Redemptionis. Sed de his non agitur in præsentì. Relationes ad intra sunt illæ, quibus se mutuo respiciunt Personæ Divinæ; hæ tamen adhuc diverso modo comparari possunt; aliæ namque sunt communes omnibus Personis, ut æqualitas, similitudo, & identitas; (de his etiam non est sermo) & aliæ versantur circa determinatas Personas, faciuntque illas realiter inter se differre, ut Paternitas, Filiatio, & Spiratio passiva, per istam enim differt Spiritus Sanctus à Patre, & Filio, & quidem realiter; Filius verò per Filiationem, etiam realiter, differt à Patre, & Spiritu Sancto, & tandem per Paternitatem differt realiter à Filio, & Spiritu Sancto Pater Divinus. De istis ergo relationibus comparatis cum Divina essentia movetur præsens quæstio.

Bacon.

272 Prænoto secundo cum Doctore loco sup. citato, quòd entitas formalis essentia, in sensu Scoti, sit diversa formaliter ab entitate formali relationum; licèt entitas realis essentia ab entitate reali relationum non discriminetur. Quare verum est dicere, in sententia Scoti, *essentia formaliter non est Paternitas formaliter*; cùm juxta Subtilem essentia, & Paternitas sint duæ entitates formales saltem non oppositæ, sed disparatæ. His prænotatis,

Bacon.

273 Probo resolutionem duplici fundamento. quibus utitur Baconius loco sup. Primum est. Admissâ Scoti sententiâ, essentia Divina non tantùm ex natura rei formaliter, sed etiam ex natura rei reali.

realiter physicè distingueretur à relationibus; sed hoc non: ergo admittenda non est sententia Scoti. Probo sequelam maioris. Distinctio formalis Scoti admittitur inter essentiam, & relationes, quia essentia, quæ physicè est relatio, formaliter ex natura rei communicatur, non sic relatio; sed essentia non tantùm formaliter ex natura rei, verùm, & realiter physicè communicatur, relatio verò non solum formaliter, sed nec realiter physice communicatur: ergo admissâ Scoti sententiâ, essentia Divina non tantùm ex natura rei formaliter, sed etiam ex natura rei realiter physicè distingueretur à relationibus, quod est contra Decretalem.

274 Bartholomæus Mastrius tom. 1. Theolo. *Mastrius*.
giæ disp. 2. q. 2. art. 2. n. 42. respondet: *Quod relata contradictoria, de essentia, & relatione enunciata non sunt contradictoria realia, quæ respiciunt esse, vel non esse rei simpliciter, & absolute, atque ideo dici solent contradictoria simpliciter prima; sed sunt contradictoria formalia, quæ respiciunt sic, vel sic esse, aut non esse, atque ideo dici solent contradictoria secunda, & salvari possunt per solam distinctionem formalem; hoc patet de communicari, & non communicari.* Sed contra: quia de essentia Divina, non solum secundum suam formalitatem, sed etiam secundum suam realitatem affirmatur, quod sit communicabilis; sed de relationibus non tantum formaliter, sed & realiter id negatur: ergo illa contradictoria necdum formalia, sed & realia dici debent. Igitur quoties aliquid realiter conceditur de uno, & negatur de alio, esse, & non esse, sunt contradictoria realia; hoc patet de communicari, & non communicari.

275 Secundum, fundamentum est. In Divinis non debet admitti aggregatio; sed hæc necessario admitteretur, supposita distinctione Scoti inter essentiam, & relationes: ergo. Maior est certa; si enim negetur, destruitur simplicitas Divina. Probo minorem. Tunc ponitur aggregatio in Divinis, quando in eadem Personâ ponitur una formalitas ex natura rei, quæ non sit alia formalitas ex natura rei; sed juxta Scotum, formalitas essentiae non est ex natura rei formalitas Paternitatis: ergo. Respondent Scotistæ, quod cum essentia, & relationes sint perfectissimè idem ratione infinitatis, non faciunt aggregationem. Sed contra; quia licet essentia, & relationes ex quo realiter identificantur non faciant aggregationem realem, tamen ex quo formaliter ex natura rei distinguuntur, debent facere aggregationem formalem; sed hæc etiam debet à Deo excludi, aliunde dabitur in Deo aggregatio per accidens in esse formali, opposita summæ unitati Divinæ: ergo.

Proponuntur objectiones, & dissolvuntur.

276 **N**ostre resolutioni opponuntur AA. omnes citati sup. n. 254. pro quibus, objicies primo. Eugenius IV. in concilio Florentino hæc definivit: *Omnia quæ Patris sunt, ipse Pater unigenito Filio suo gignendo dedit, præter esse Patrem*; sed dedit non tantum ratione, sed formaliter actu à parte rei: ergo ad hæc salvanda debemus recurrere ad distinctionem formalem ex natura rei, quam admittit Scotus. Respondeo ad objectionem, concessa maiore, & minore, negando

Eugenius.

con.

consequentiam, Nam si ex eo quòd Pater formaliter à parte rei communicaret Filio omnia præter Paternitatem, argueretur distinctio formalis ex natura rei, etiam argueretur distinctio realis physica inter prædicata absoluta, & relativa; cùm Pater non tantùm formaliter, verùm, & realiter ea omnia Filio suo communicet. Ea propter dico, ea omnia salvari distinctiōe virtuali maximâ, quam inter essentiam, & relationes admittimus ad salvanda ibi prædicata contradictoria.

277 Objicies secundo auctoritatem D. Anselmi, *Anselmus.*
de processione Spiritûs Sancti, dicentis contra Græcos cap. 2. *Non enim idem est esse Deum, quod est esse Patrem, aut Filium:* ergo si aliud est Deum esse, aliud Patrem esse, Deitas formaliter non est Paternitas. Respondeo ad objectionem, concessio antecedente, negando consequentiam. Igitur sensus Anselmi est, Patrem non esse Filium, nec Filium esse Patrem; posse tamen Deum esse Patrem, & Filium, & Spiritum Sanctum; cùm Filius, & Spiritus Sanctus existant de Patre. Sic habet idem *Anselmus.*
Anselmus cap. seq. *Existit autem Filius, & Spiritus Sanctus de Patre: quare non potest Filius, aut Spiritus Sanctus esse Pater, quànvis Deus sit Pater, & Filius, & Spiritus Sanctus.* Ex qua doctrinâ sequitur solum distinctio realis inter Divinas Personas, non formalis inter essentiam, & relationes.

278 Objicies tertio. Idem non potest esse simul, & non esse; sed idem esset simul, & non esset, si non daretur distinctio Scotica inter essentiam, & relationes: ergo. Maior ab omnibus admittitur. Prob. minorem. Idem esse principium distinctionis, & non

esse simul principium distinctionis, esse generans, & non esse generans, est idem simul esse, & non esse: sed si non daretur distinctio Scotica inter essentiam, & relationes, idem esset principium distinctionis, & non esset simul principium distinctionis, esset generans, & non esset generans: ergo. Maior est certa. Probas minorem. In sensu reali physico idem est relatio Paternitatis, ac essentia, sed Paternitas est principium distinctionis, & est generans; essentia verò nec est principium distinctionis, nec est generans: ergo.

279 Respondeo ad objectionem distinguendo maiorem: idem non potest esse simul, & non esse, sumptum secundum idem, concedo maiorem; sumptum non secundum idem, nego maiorem. Deinde distinguo minorem: sed idem simul esset &c. Sumptum non secundum idem, concedo minorem: sumptum secundum idem, nego minorem; ad cuius probationem concessa maiore, distinguo minorem modo dicto. Unde licet essentia, & Paternitas sint eadem summa, & simplicissima res, quæ est entitas Divina, hæc eadem entitas Divina est principium, & non est principium distinctionis, est generans, & non est generans; verum hoc non intelligitur secundum idem; nam essentia dicitur non generans, & non principium distinctionis sumpta in esse reali absoluto; & Paternitas, quæ est idem essentiae, & generans, & principium distinctionis, sumpta in esse reali relativo; esse autem realiter absolutum, & realiter respectivum, quànvis sit idem, est realiter diverso modo se habere; siquidem esse realiter absolutum est realiter esse ad se; esse verò realiter respectivum est realiter esse ad aliud, scilicet

cet ad oppositum, adeoque cum idem diverso modo se habeat, non arguit actu à parte rei aliquam contradictionem, nec distinctionem formalem. Hoc notato, facile respondetur rationibus, quibus M. Lumbier hanc distinctionem conatur stabilire inter *Lumbier.* essentiam, & relationes.

280 Instabis. Eadem entitas physica non potest habere hunc modum realem essendi ad se, & ad aliud, nisi reperiatur in illa aliqua distinctio ex natura rei; ergo solutio non tollit difficultatem. Respondet Mag. Zagaglia, etiam ex Bacconio, distinguendo antecedens. Si attendatur ad propositiones merè fundatas in Philolophia, transeat: Si attendatur ad principia Fidei, negat; quia, inquit, secundum determinationem Ecclesiæ Pater, Filius, & Spiritus Sanctus sunt una summa res, & tota distinctio est in Personis, & unitas in essentia. Respondeo tamen ad propositam instantiam disting. antecedens: nisi reperiatur in illa aliqua distinctio ex natura rei in virtute, concedo antecedens: re ipsa, nego antecedens, & consequentiam. Quia difficultas procedit circa distinctionem re ipsa formalem actu à parte rei, quam excludimus, non de distinctione reali in virtute, quam admittimus ad salvanda contradictoria in Divinis, seu illa, quæ talia essent, non data distinctione virtuali.

281 Replicabis. Præciso quocumque intellectu, Paternitas est principium distinctionis, & est produciens; essentia verò nec produciens, nec principium distinctionis, & hoc quidem formaliter à parte rei: ergo idem essentiæ, & Paternitatis arguit distinctionem formalem actu à parte rei. Antecedens constat per fidem. Probas consequentiam. Se-

mel quòd ex parte intellectùs nostri cognoscatur formaliter essentia, non cognitâ formaliter Paternitate, idem essentiæ, & Paternitatis arguit distinctionem formalem per rationem, seu ex parte intellectùs: ergo similiter, cùm formaliter actu à parte rei Paternitas sit principium distinctionis, & sit generans, non verò essentia, idem essentiæ, & Paternitatis arguit distinctionem formalem actu à parte rei. Respondeo ad replicam, concessio antecedente, negando consequentiam intellectam in sensu Scoti; ad cujus probationem concessio antecedente, nego consequentiam. Disparitas est, quia distinctio facta per intellectum est extrinseca objecto, & hac de causa non facit, quòd unum intrinsecè non sit aliud, sed merè per rationem, quod non opponitur simplicitati Divinæ; at verò distinctio formalis actualis, de qua loquitur, facit quod intrinsecè, & absque ordine ad intellectum una formalitas non sit altera, hoc autem stare non potest cum summa simplicitate, qualis datur in Deo: Deinde si ex allato fundamento sequeretur distinctio formalis ex natura rei Scotica, non minus argueretur distinctio realis physica, ut probat Resolutus loco sup. n. 273.

282 Objicies quartò. Necessariò admittenda est distinctio realis, vel saltem ex natura rei formalis inter extrema singularia, quorum unum reperitur sine altero; sed essentia Divina reperitur in Filio sine Paternitate: ergo. Respondeo ad objectionem distinguendo maiorem: in creatis, concedo maiorem: in Divinis, nego maiorem. Disparitas est longa; quia in creatis es singularis est limitata, & ideo non potest communicari pluribus realiter distinctis; in Divinis verò natura est infinita.
& il.

& illimitata, ideo potest esse in pluribus distinctis realiter. Ad minorem dico, Paternitatem reperiri in Filio eminenter, licet non formaliter. Unde semper nego consequentiam.

283 Obijcies quintò. *Essentia Divina excludit à suo conceptu relationes: ergo distinguitur formaliter ex natura rei ab illis.* Respondeo ad objectionem disting. antecedens: *essentia Divina excludit à suo conceptu relationes in esse repræsentabili, & per ordinem ad intellectum, concedo antecedens: in esse formali absoluto, quod habet ex natura rei, nego antecedens; siquidem hoc modo omnia in Deo sunt eadem simplicissima, & unica entitas, & formalitas.*

284 Obijcies sextò. *Relationes Divinæ distinguuntur inter se realiter: ergo etiam ab essentia; sed admissa distinctione reali, non est cur negetur formalis ex natura rei: ergo. Antecedens est de Fide. Probas consequentiam. Si relationes Divinæ essent idem cum essentia, utique idem essent inter se: ergo cum distinguantur, & quidem realiter, inter se, distinguuntur quoque realiter ab essentia. Communis solutio est, id totum verum esse quando tertium, in quo extrema sunt idem, est singulare, & incommunicabile; aliter tamen si tertium communicabile sit ut in proposito. Hæc solutio bona est. Verum aliter respondeo ad objectionem concessio antecedente, negando consequentiam; ad cujus probationem distinguo antecedens; si relationes Divinæ essent idem cum essentia, utique essent idem inter se eo modo, quo sunt idem cum essentia, concedo antecedens: diverso modo, quo sunt idem cum essentia, nego antecedens. Igitur eodem mo-*

Eugenius.

do, quo relationes sunt idem cum essentia, sunt quoque idem inter se; nam cum essentia tantum sunt idem identitate reali essentiae, & identitate etiam reali essentiae sunt idem inter se. Hæc obiectio erat tota basis Gilberti Porretani Pictaviensis Episcopi, cujus error damnatus fuit in Concilio Rhemenf. sub Eugenio III. Tamen Porretanus postea errorem retractavit, adeoque nec contumax, nec hæreticus nuncupari debet.

Zagaglia.

285 Aliæ objectiones, quæ fieri possunt ex eo, quod Personalitas D. Verbi terminet immediatè humanitatem, non sic natura, & similes salvari optimè possunt virtute distinctionis virtualis, quam admitto ad salvanda contradictoria physica in Divinis. Ad solvendas verò difficultates, quæ formari possunt ex verbis Decretalis nempe: *Est Pater qui generat, Filius qui generatur, &c. ut distinctiones sint in Personis, & unitas in essentia*, & aliæ, quæ ex SS. PP. præcipuè ex D. Augustino fieri solent, advertendum existimo cum Mag. Zagaglia, quod semper relatio debet accipi, retentâ habitudine ad oppositum, quod, si hoc modo non accipiatur, caret ratione relationis, & solum habet rationem absoluti. Sed quoniam relatio, adhuc retentâ habitudine ad oppositum, dupliciter intelligi potest, & in hac etiam differentia consistat objectionum evasio necesse est differentiam istam attentè observare sequentibus verbis:

286 *Ubi intelligendum est, quod relationem, retentâ habitudine ad oppositum, comparari ad essentiam potest intelligi dupliciter. Uno modo, quod relatio cum illa habitudine præcisè comparetur ad essentiam, & isto modo omnibus modis se tenentibus*
ex

ex parte rei incidit in identitatem essentiae, ne sit aggregatio quarumcumque entitatum ex natura rei, ut visum est. Alio modo, ut tamen essentia, quàm relatio comparantur ad oppositum: ut puta essentia in Patre, & paternitas comparantur ad filiationem: & isto modo loquuntur auctoritates August. quod essentia, & relatio differunt ex natura rei: non quòd ad invicem, sed à termino opposito; & hoc est verum saltem ratione alterius; relatio enim differt ab opposito, licet non essentia. Et quod in ordine ad oppositum, & non ad invicem præcisè debeat concedi ista distinctio patet per auctoritates August. quando enim dicit: non eo Verbum quo essentia, probat; quia Verbum relativè dicitur, essentia ad se; igitur patet, quod dicit illa distingui, quia Verbum dicitur ad dicentem, essentia non: & ita distinguuntur non ab invicem præcisè, sed ab opposito: & sic solvuntur suæ auctoritates.

287 Item patet de Decretali, ponens enim, quòd essentia, & tres personæ sunt idem, & distinctæ, addit, ut distinctiones sint in personis, unitas in natura: hoc patet, quia ponens unitatem, & distinctionem non loquitur de distinctione eorum ad invicem præcisè, sed de distinctione oppositionis, quæ est in personis distinctis, & sic processerunt omnes illæ deductiones tam de August. quàm de Decretali. Sic clarissimè procedit Baconius in 1. dist. 34. Baconius. art. 6.

288 Et hæc sufficiant pro distinctione Scotica, quæ, etsi totis viribus maneat rejecta, & tam à gradibus metaphysicis creatis, quàm à perfectionibus Divinis excludatur omnino in Schola Resoluti Præceptoris, imò & in omni Schola, demptâ Sub-

tili, absolvenda tamen est à censuris, & Ecclesiæ damnationibus. Unde immeritò opinatur aliqui eam esse temerariam, & parum tutam; cùm in Schola Subtilissima tantorum sapientissimorum virorum publice tueatur. Mihi verò satis erat unicus Scotus pietatis, & sapientiæ jubar.



S E C T I O II.

De Distinctione Formali Baconica.

Q U Æ S T I O I.

*Utrum inter gradus metaphysicos creatos detur
Distinctio Formalis Baconica?*

289

Resolutio est affirmativa, ex eodem

Bacon.

Ayn.

Zagaglia.

Garcia.

Blasco.

Doctore in 1. dist. 2. q. 2. art. 3. §. 1. quem sequuntur Mag. Aymus in Metaph. p. 1. dist. 1. q. un. art. 1. §. *Resolutio* 3. Mag. Zagaglia tom. 2. disp. 7. de prædicatis quidditativis Dei scet 2. Mag. Garcia in Megalog. dist. 2. q. 1. art. 3. §. 4 n. 504. Mag. Blasco, & omnes Discipuli ejusdem Doctoris Resolutioni. Priusquam resolutionem probem, prænotoprimò, distinctionem Baconicam propriè dici formalem intentionalem, quia in eodem objecto, & entitate invenit Doctor formalitates distinctas per ordinem ad intellectum; ideoque licet dicatur distinctio rationis, non est quia sit ficta per rationem, sed quoniam dicit ordinem ad illam.

290 Quod autem entitas simplex, in linea physica,

ficâ , possit esse multiplex per ordinem ad intellectum , seu in lineâ intentionali , probat Resolutus *Bacconius*. multiplici exemplo. Primum est: *Ponatur enim quoddam in melle dulcedo, & color essent ipsa substantia mellis, hoc posito, licet non distinguerentur propriis rationibus absolutis formalibus perfectionalibus, patet tamen, quoddam distinguerentur ex natura rei in obijciendo, aut representando; mel enim per rationem formalem substantiæ esset alimentum, & objectum nutritivæ; per rationem coloris, quæ ponitur ex natura rei, esset visibile; per rationem dulcedinis gustabile; sic in proposito.*

291 Secundum declaratur per exemplum in Theologia morali, & fundatur in doctrinâ Gregorii *Bacconius*. Certum est enim (inquit Resolutus) quoddam facies Christi in iudicio, quantum est ex parte sui, est ejusdem dispositionis, bonis tamen representabilis est ut amabilis, malis autem ut terribilis. Et paulò infra. Aliud est exemplum de Scriptura Christi in terra: ubi dicit quædam glosa, quoddam licet unum esset genus Scripturæ, cuilibet tamen representabat sua delicta. Aliud exemplum (prosequitur Doctor) sicut dicunt aliqui de loquela Apostolorum post suspensionem Spir. S. quod in uno sono secundum rem representabantur distincta idiomata diversis audientibus.

292 Prænoto secundò, distinctionem hanc formalem intentionalem minorem esse distinctione reali physicâ entitativâ; cum reperiatur inter duas formalitates ejusdem entitatis, & sic comparitur cum identitate physicâ, in quo convenit cum distinctione Scotica, reperiturque inter animal, & rationale verbi gratia, quæ physicè entitativè sunt omnino idem.

Garcia.

idem. Hinc observo cum Mag. Garcia loco sup. citato, sed §. 2. illa distingui formaliter intentionaliter ex natura rei, ut vult Baconius, quæ ex sua ratione formali habent diversas quidditates, & exigunt attingi per diversos conceptus, & explicari per diversas definitiones. Hoc totum liquet in eodem animali, & rationali hominis, quæ licet sint physicè omnino idem, formalitas tamen animalis explicatur per principium sentiendi, & formalitas rationalis per principium ratiocinandi, quod totum fit per ordinem ad intellectum. Prænoto tertio, distinctionem intentionalem, de qua est sermo, non esse tantum fundamentalem, ut aliqui existimant, sed esse formalem ante intellectum, etsi dicat ordinem ad illum. Fundamentum est; quia animal ut cognoscibile non est formaliter rationale ut cognoscibile; cum formaliter possit cognosci sine rationali.

Garcia.

293 Prænoto quarto, (nota bene) prædictam Baconii distinctionem differre à distinctione formali Scotica non in eo, quod ista sit de linea physica, illa non, ut ego aliquando existimavi, vestigia terens Mag. Garcia loco sup. sed n. suo 493. in fine, & n. 496 in principio ubi inquit: *Differt ergo distinctio intentionalis Baconica à distinctione formali Scotica x. quia Scotica est de linea physica; Baconica verò de linea intentionali.* Hoc, inquam, sustinui olim contra Modernum quemdam Baconistam contrarium asserentem; propter rationes quibus utebatur, & quæ mihi parvi momenti erant. Re ergo bene inspectâ, & satis observatâ doctrinâ subtilissimi Scoti, & explicatione commentatorum, non placet, nec placere potest hæc differentiati

ti Garcix supponentis distinctionem Scoticam in linea physica. Docet enim Mastrius in Log. disp. 1. *Mastrius.*
 q. 5. art. 2. n. 721. *Tatar.* *Illa distingui ex natura rei formaliter* (in sensu Scoti) *Bonet.* *quæ habent aliam, & aliam* *Bolif.* *formaliter conceptibilem, ita ut utrumque definiendo, non erit idem adæquatè conceptus objectivus* *Fab.* *utriusque.* *Meruiss.* *Lumbier.* Et citat Tatar. Bonet. Bolif. Fab. Meruiss. Lumbier. sic eandem Scoti distinctionem interpretantes. Item Mag. Lumbier, fortissimus hujus distinctionis propugnator, explicans mentem Scoti tom. 1. Theolog. q. 14. art. 2. n. 746. inquit: *Nota-valde, Scotum inter animal, & rationale eandem omnino identitatem physicam, & rigorosam, quam ponimus omnes, admittere æquè strictam, & cum æquali rigore. Unde non solum inseparabilitatem, sed strictam admittit identitatem physicam, ita ut omnes propositiones de linea identitatis, quas nos asserimus inter formalitates identificatas, v. g. inter animal, & rationale, admittat ipse.* His ergo, & aliis benè inspectis, sequitur, quòd distinctio Scotica non sit de linea physica.

294 Arbitror igitur, Bacconicam distinctionem à Scoticâ in uno tantum differre, in cæteris verò cum illâ convenire. Convenit ergo cum Scoticâ; quia neutra est de lineâ physicâ; neutra est tantum fundamentalis; utraque est ex natura rei; utraque reperitur inter formalitates ejusdem entitatis. Differt solum Bacconica à Scotica; quia ista datur inter formalitates etiam ad invicem comparatas; illa verò solum reperitur inter formalitates per ordinem ad intellectum. Et licet dicat Bacconius (nota benè) suas formalitates habere distinctas representabilitates ex natura rei ante intellectum, hoc

Baccon.

hoc tamen verum est in quantum important respe-
ctum ad intellectum, minimè si comparentur ad in-
vicem, ut vult Scotus. *Et sic habes conclusionem
contra Scotum* (verba sunt Resoluti quodl. 3. q. 6.
art. 3. §. 4. in fine) *Scilicet quòd distinguuntur quan-
tum ad rationes absolutas solum in cognitione obje-
ctiva in intellectu, non in esse formali primo. Et con-
tra Aureolum, quòd repræsentativitates illæ res-
pectivæ distinguuntur ante opus intellectûs; sicut
repræsentativitates in collo columbæ ante visionem
eorum. Itaque formalitates Scoti sunt etiam subje-
ctivæ; Bacconii verò purè objectivæ. His attentè
prænotatis,*

Garcia.
Palanco.

295 Probo resolutionem fundamento, quod
est Achilles Bacconistarum. Illa distinguuntur for-
maliter intentionaliter, quæ habent cognoscibili-
tates formaliter diversas; sed animal, & rationale
v. g. habent cognoscibilitates formaliter diversas:
ergo. Maior est certa. Probo minorem. Illa habent
cognoscibilitates formaliter diversas, quorum unum
cognosci potest formaliter, quin aliud formaliter
cognoscatur; sed animal formaliter cognosci potest,
quin rationale formaliter cognoscatur: ergo Minor
liquet exemplo communissimo, & celeberrimo ho-
minis à longè venientis, de quo fusè Mag. Gar-
cia loco citato, & Palanco in Log. tract. 3. de univ.
q. 5. n. 6. & seq. Probo maiorem. Diversa cognitio
formalis supponit diversum cognoscibile formale:
ergo illa habent cognoscibilitates formaliter diver-
sas, quorum unum cognosci potest formaliter, quin
aliud formaliter cognoscatur. Probo antecedens à
paritate amoris diversi supponentis diversum ama-
bile.

296 Respondet Franciscus Palanco loco sup. sed n. suo 26. animal rationale à parte rei habere *Palanco.* distinctas cognoscibilitates fundamentaliter tantum, non formaliter. *Nam (inquit) illæ cognoscibilitates actualiter à parte rei non sunt nisi unica cognoscibilitas, seu capacitas, quam habet entitas hominis, ut cognoscatur inæquaturè, cognitione exprimente rationale, & abstrahente ab animali, vel cognitione exprimente animal, & abstrahente à rationali.* Sed contra manifestè; quia ut docet ipse Palanco q. 5. citati loci præcipue n. 22. inter ani- *Palanco.* mal, & rationale datur distinctio rationis objectiva cum fundamento; sed tale fundamentum nihil aliud est, quàm cognoscibilitates formaliter diversæ ex parte objecti: ergo istæ cognoscibilitates differunt formaliter ex parte objecti. Si enim tales cognoscibilitates essent solum ab intellectu factæ, non daretur in re fundamentum ad illas. Deinde, vel distinctio objectiva, quam cum communi Thomistarum, admittit Palanco, mediat inter formalitates intrinsecè formaliter diversas ante intellectum, & absque ordine ad illum; vel post intellectum tantum; vel ante intellectum formaliter, sed cum ordine ad illum? Si primum, confunditur distinctio Thomistarum cum formali Scotica. Si secundum, confunditur cum formali Nominalium; sed neutrum admittitur in Scholâ Thomisticâ: ergo solum admitti debet tertium, nempe, quòd sit ante intellectum formaliter, sed cum ordine ad illum, quod vult Baconius, & re ipsâ fateri debent Thomistæ; cum Resolutus multoties fateatur solum hanc esse mentem D. Thomæ. Vide infra dic. n. 394.

297 Probo resolutionem ulterius, & etiam contra

tra laudatum Palanco. In tantum in esse cognoscibili non distinguerentur formaliter gradus ejusdem entitatis à parte rei, quia cognoscibilitas sequitur ad entitatem, & ubi est unica, & simplex entitas, non potest esse nisi unica, & simplex formaliter cognoscibilitas; sed hæc ratio est nulla: ergo in esse cognoscibili distinguuntur formaliter gradus ejusdem entitatis à parte rei. Maior est doctrina citati A. in qua maximè fidunt adversarii communiter. Probo minorem. Simplex entitas physica potest esse multiplex formaliter in esse repræsentabili respectivè ad visum: ergo etiam in esse intelligibili respectivè ad intellectum. Aut cur non? Probo antecedens his verbis Resoluti in 1. d. 2. q. 2. art. 3. §. 1. y. *sed ego dico propè finem: Patet in collo columbæ quando est in luce, videtur. enim color marcus quantum ad rationem absolutam rubedinis, ac si in collo columbæ præexigerentur tales colores secundum esse absolutum distincti; sic in proposito.* Tum sic; sed isti colores non aliter nisi ex natura rei repræsentantur; cum visus non possit reduci ad actum videndi, nisi color præsupponatur existens in esse objicibili: ergo De his idem Resolutus super citatus n. 290. & 291.

Baccon.

Baccon.

Proponuntur objectiones, & dissolvuntur.

Lumbier.
Palanco.

298 **N** Ostræ resolutioni opponuntur Mag. Lumbier tractatu de scientia Dei in Appendice de distinctione Baconica, & Scotica n. 914. Illustrissimus Palanco in log. tractatu 3. de universi, q. 3. n. 13. &, ut verbo dicam, omnes RR. extra nostram Scholam, licet multi eam re ipsa fateantur,

teantur, & solis verbis negent. Igitur pro laudato Lumb. Objicies primo. Ista distinctio fundatur in capacitate simplicis entitatis, ad hoc ut intellectus formet diversas cognitiones, vel diversa idola, unum idolum de animali, & aliud de rationali; atqui capacitas nuda ad idola, vel cognitiones distinctas non potest, esse distinctio formalis intentionalis: ergo talis non est. Respondeo ad objectionem concessa maiore, negando minorem, & consequentiam; semel enim, quod simplex entitas habeat capacitatem ad diversas cognitiones, necessario debet præcontinere formalitates intentionaliter diversas; quia, ut ex eodem Lumb. sagaciter notat Garcia hic n. suo 549. ✕. *Respondeo*, cognitio identificatur cum objecto formaliter intentionaliter: *Garcia* ergo data in objecto capacitate ad cognitiones formaliter diversas, dantur utique in ipso formalitates intentionaliter diversæ, seu spectantes ad lineam intentionalem. Solutio liquet ex fundamentis resolutionis.

299 Objicies secundò pro eodem Lumb. eodem loco. Nulla virtus multiplicatur realiter à sola capacitate ad diversos effectus suos, etiam intrinsecos: ergo objectum nequit fieri realiter formaliter multiplex à vi, & ordine ad multiplicem cognitionem. Probas antecedens. Si aliqua virtus ita multiplicaretur maximè intellectus noster in actu primo à multiplici cognitione producibili, & intrinsecè receptibili in illo; sed hoc solum dici potest impropriè, & terminativè: ergo idem dicendum de objecto, ac per consequens nulla virtus &c. Celebris est apud Baconistas modernos hæc paritas intellectus, qua utitur Mag. Lumbier ad nostram distinctionem *Lumbier.*

Garcia.

ctionem impugnandam; multi enim illius pondere prelli acquiescere non possunt Garciae solutionibus, quibus doctissimè satisfacit à n. suo 554. licet n. 548. in obsequium Lumb. hæc habeat: *Adeo enim ipsius ingenium colimus, ut si ejus argumenta probabiliter solvamus, aliorum objectionibus satisfactum iri putemus.* Nihil ominus cum laudato Garcia,

300 Respondeo primo ad objectionem disting. antecedens: nulla virtus multiplicatur &c. Si sit virtus activa, concedo antecedens: Si sit virtus objectiva, nego antecedens: ad cujus probationem nego maiorem, & concessa minore, nego consequentiam. Magnum ergo reperitur discrimen inter virtutem activam, & objectivam, seu inter potentiam, & objectum; objectum enim fit multiplex formaliter à multiplici cognitione, quia identificatur cum cognitione; cognitio autem non identificatur cum potentia, & inde à multiplici cognitione non est ex quo arguatur multiplicitas formalis potentiae, sed tantum virtualis. Unde, si in objecto non esset diversa cognoscibilitas formalis, non posset identificari cum diversa cognitione, & hinc fit, quod (ut ex Baconio docet ipse Garcia) ea, quæ virtualiter tantum in aliquo continentur, non arguant multipliciter, sive distinctionem formalem; aliter tamen si formaliter contineantur.

301 Instabis cum moderno quodam Baconista. Sicut intellectus antequam producat cognitiones, tantum illas continet in virtute producendi, ita objectum, antequam terminet actualiter cognitiones solum habet virtutem illas terminandi: ergo si-
cut continentia cognitionum in intellectu est tan-
tum

tum virtualis, ita continentia cognitionum in objecto. Probas antecedens. Objectum non potest continere formaliter cognitiones diversas, antequam identificetur cum ipsis cognitionibus; sed antequam terminet actualiter cognitiones, non identificatur cum ipsis cognitionibus: ergo. Respondeo ad instantiam concedendo totum, ex quo nihil sequitur contra multipliciter cognoscibilitatem in objecto. Igitur aliud est, quod objectum, antequam terminet cognitiones, contineat illas formaliter, aliud verò, quod contineat formaliter cognoscibilitates, antequam terminet cognitiones. Primum verum est, quia objectum non potest continere formaliter cognitiones, antequam cum illis identificetur, & certè antequam veniat cognitio, non potest objectum identificari cum cognitione; cum tamen diversa cognitio formalis arguat diversum cognoscibile formale, non potest objectum terminare cognitiones formaliter diversas, quin contineat formaliter diversas cognoscibilitates.

302 Non consistit ergo distinctio formalis Baconica in diversa cognitione formali formaliter contenta in objecto, sed in diversa cognoscibilitate; licet quando advenit cognitio, identificetur ista cum objecto in esse cognoscibili. Quare solum dici potest, quod objectum contineat formaliter diversas cognitiones unam animalis, rationalis alteram, sumptis cognitionibus in esse repræsentativo, obijcibili, & intentionali. Hinc est observandum, aliam esse cognitionem sumptam ex parte modi attingendi, & aliam sumptam ex parte objecti, & in esse repræsentabili; sicut alius est conceptus formalis, & alius conceptus objectivus. Et sic cognitiones

Angeli, & hominis erga animal, sumptæ ex parte modi attingendi, sunt diversæ, licet ex parte objecti, seu in esse repræsentabili, sint idem.

Zagaglia.

303 Respondeo secundo ad objectionem negando quod intellectus non sit formaliter multiplex à multiplici cognitione, seu in esse respectivo per ordinem ad objectum. Audiatur fidelissimus Baconista Mag Zagaglia tom. 2. disp. 1. de Attributis Divinis in communi lectione 1. §. 3. n. 30. & sed contra; *Ex parte intellectus cognoscentis, sive cognoscitivi sunt ex natura rei diversæ cognoscitivitates per ordinem ad objectum per hoc, quod potest in illo distinguere plures rationes etiam entitativè indistinctas, & hoc habet ex natura sua; qui licet entitativè sit unus, tamen formaliter in esse respectivo per ordinem ad objectum dicitur multiplex.* Et concludit: *Hæc doctrina habetur ex Baconio imp. dist. 39. art. 1. §. 9. legi Doctorem in hac parte, & hæc inveni: Ex distinctione formali passiva ipsarum sc. creaturarum in esse cognito coæxigitur concomitanter, seu resultativè, aut consequenter distinctio formalis correspondenter in cognitione activa.* Licet enim, etiam juxta eundem Doctorem in 1. dist. 36. q. 1. art. 3. §. 4. & 5. agens non requirat distinctas virtutes ad distinctas actiones; hoc est intelligendum in esse absoluto, non in esse formali respectivo.

Baconius.

Palanco.

304 Objicies tertio cum Palanco. Cognoscibilitas sequitur ad entitatem: ergo ubi est unica, & simplex entitas, non potest esse nisi unica, & simplex formaliter cognoscibilitas, adeoque implicat distinctio in esse cognoscibili in eadem entitate. Respondeo ad objectionem, concessio antecedente, negando

gando consequentiam. Solum infertur ex tali antecedente, non posse reperiri esse intentionale absque esse physicum, sicut reperiri nequit relatio sine fundamento; & in hoc sensu verum est, cognoscibilitatem sequi ad entitatem. Possunt tamen supra eandem physicam entitatem fundari multæ formalitates intentionales, quod probat Relolutus his verbis: *Bacconius.*

A materia enim prima oriuntur infiniti respectus ad omnes formas naturales. ut habetur 12. Metaphysic. à Commentatore comm. 11. & ens, & unum, & bonum sunt una essentia significata modis vel respectibus diversis. Sic habet in 1. dist. 2. q. 2. §. 2. *Ad famosam.* Si ergo eadem materia continet plures formas, quare eadem entitas non continebit plures cognoscibilitates? Vide sup. dicta n. 297.

305 Instabis. Esse intentionale infallibiliter supponit esse physicum: ergo diversum esse intentionale debet supponere diversum esse physicum. Respondet ad instantiam dato antecedente, negando consequentiam. Ratio est, quia esse physicum est fundamentum ad esse intentionale; cum ergo res infallibiliter supponat suum fundamentum, inde esse intentionale supponit esse physicum. At vero in eadem entitate fundari possunt multæ, & diversæ cognoscibilitates, ut constat ex exemplis allatis à Doctore sup. citato n. 290. & 291. maximè cum identitas physica non opponatur distinctioni intentionali, ut dictum est sup. n. 212. & ideo diversum esse intentionale non supponit diversum esse physicum. Dixi, *dato antecedente*, siquidem esse intentionale impossibile, imò possibile nondum existentium non supponit esse physicum, sed tantum esse subiectivum.

306 Objicies quarto etiam cum Palanco. Si à parte rei in eâdem entitate essent distinctæ cognoscibilitates, tales cognoscibilitates essent inter se distinctæ, & identificatæ cum tertio, nimirum, cum ipsa entitate; sed non minus implicant cognoscibilitates inter se distinctæ, & identificatæ cum tertio, quàm formalitates inter se distinctæ: ergo cum hoc secundum repugnet, ita repugnabit primum. Respondeo ad objectionem disting. maiorem: tales cognoscibilitates essent inter se distinctæ in linea intentionali, & identificatæ cum tertio in lineâ physicâ, concedo maiorem: in eâdem lineâ, nego maiorem. Deinde nego minorem, & consequentiam. Non repugnat, quòd formalitates sint distinctæ in linea intentionali, licèt identificentur physicè, juxta dicta n. 290. usque ad n. 297. Implikat verò quod distinguantur in esse absoluto, posita identitate physicâ, juxta dicta etiam num. 220. & 221.

307 Objicies quinto. Distinctio Baconica non differt à distinctione Scoticâ; sed hæc non admittitur: ergo neque illa. Probas maiorem. Distinctio Baconica est distinctio formalis intentionalis seu de linea intelligibili; sed talis est Scotica: ergo. Maior constat ex dictis. Probas minorem auctoritate ipsius Scoti in 1. distinct. 2. q. 7. §. *Secundo oportet &c.* Respondeo, non est: *Potest autem vocari differentia rationis, sicut dicit Doctor quidam, non quòd ratio accipitur pro differentia formata ab intellectu, sed ut ratio accipitur pro quidditate rei, secundum quod quidditas est objectum intellectus.* Quæ verba explicans Franciscus Lychetus famosissimus Scotista hæc habet: *Dicuntur distingui*
ra.

Scotus.

Lychetus.

ratione, quia sunt duæ quidditates conceptibiles: sive quia sunt duo objecta formalia distinctè conceptibilia: Sic ratio accipitur hic pro quidditate conceptibili: ergo distinctio Scotica est formalis intentionalis, seu de lineâ intelligibili.

308 Respondeo ad objectionem negando maiorem; ad cuius probationem, concessa maiore, distinguo minorem: talis est Scotica, etiam, concedo minorem: solum, nego minorem: ad cuius probationem per auctoritatem Scoti, & commentatoris, dico, verum esse distinctionem Scotticam vocari distinctionem rationis, ut ratio accipitur pro quidditate rei, sicut vult quidam Doctor, nempe Varro, quem citat, & sequitur Scotus; & ita negari nequit, distinctionem Scotticam dari inter formalitates, seu objecta distinctè conceptibilia. Verum Scotus (nota) necdum per respectum ad intellectum, sed etiam sine quocumque ordine, & respectu ad illum ponit suas formalitates, quapropter admittit distinctionem formalem etiam in esse subiectivo in re: Sacconius verò solum ponit distinctionem inter formalitates in esse objectivo, seu objectibili, & repræsentabili. Vide sup. dicta n. 294. *Varro.*

309 Objicies sexto. In tantum daretur distinctio formalis intentionalis inter animal, & rationale, in quantum animal posset cognosci, non cognito rationali; sed hæc ratio nulla est: ergo. Maior constat ex dictis. Probas minorem. Licet ens possit cognosci, non cognitis differentiis, non sequitur, quod distinguatur formaliter intentionaliter à differentiis: ergo licet animal cognosci possit, non cognito rationali, non sequitur, quod distinguatur formaliter intentionaliter à rationali.

Garc.
Lumb.

310 Mag. Garcia hîc recurrit primo cum Lumberio ad conceptibilitatem adæquatam, & inadæquatam: inquit ergo, animal habere plenam conceptibilitatem respectu rationalis, cum sit conceptibile absque sapore rationalis; ens verò non habere conceptibilitatem plenam, seu distinctam adæquatè à differentiis; & utitur exemplo plumarum avis, quæ si immergantur visco sunt ab illo inumdabiles. In primis nihil probat A. hoc exemplo; quia plumæ, quantumvis visco immergantur, semper habent conceptibilitatem adæquatè distinctam à visco: hac ergo de causa, licet ens sit invisceratum in differentiis, semper habet conceptibilitatem plenam, seu adæquatè distinctam à conceptibilitate differentiarum; non minus quàm animal, quod diversum est in esse conceptibili à rationali, licet physicè sit rationale. Igitur

311 Respondeo ad objectionem propositam, concessa maiore, negando minorem; ad cujus probationem nego antecedens, & procedo cohærenter in utroque, etiam doctrinâ Resoluti in 1. dist. 25. art. 3. Quare transcendentia non impedit quominus conceptus transcendens possit adæquate distinguere formaliter in esse objicibili à suis differentiis, sed solum, quod inferiora non ita perfectè, & adæquatè distinguantur à tali conceptu.

312 Instabis: Differentiæ entis non possunt distinguere formaliter intentionaliter adæquatè ab ente: ergo neque ens à differentiis. Antecedens constat; quia differentiæ entis non possunt non objici, ut proximè, & formaliter intelligibiles cum inclusione entis. Probas consequentiam. Quando unum extremum non distinguitur formaliter intentionaliter

Eacco 1.

liter adæquatè ab alio, etiam illud non potest distingui formaliter intentionaliter adæquatè à primo: ergo. Probas hoc antecedens à paritate distinctionis realis physicae.

313 Respondeo ad instant. Concesso antecedente, negando consequentiam; ad cuius probationem nego antecedens; ad cuius probationem concedo antecedens de paritate extremi physici, & nego consequentiam; quia distinctio realis physica non est distinctio conceptuum, sicut est distinctio formalis intentionalis; & sic potest unum extremum intentionale adæquatè, & perfectè concipi, sine sapore alterius non inclusi aliquò pactò in illo; cum tamen hoc ita conceptum possit esse de conceptu alterius, & in illo includi essentialiter, non potest tunc alterum adæquatè concipi sine sapore illius: sic in proposito de ente, & differentiis. Tandem, ens est conceptum sine concernentia ad differentias, quia absolute sumptum nec explicitè, nec implicitè illas continet; differentiae verò, estò non obijciuntur sub conceptu explicito entis, non possunt præcindi implicitè, cum non possint non obijci cum inclusione entis.

314 Replicabis. Ergo non datur distinctio formalis intentionalis adæquata inter ens, & differentias. Respondeo ad repl. disting. illatum: non datur distinctio adæquata mutua, concedo illationem; non mutua, nego illationem. Distinctio ista semper est adæquata, quia ex parte entis nec explicitè, nec implicitè obijciuntur differentiae. Non est distinctio mutua, quia ex parte differentiarum semper obijcitur ens saltem implicitè.

315 Obijcies septimo. Distinctio formalis Baconica

conica resultat ab esse physico; atqui est inintelligibile, quòd ab esse physico resultet distinctio: ergo. Maior est doctrina Baconistarum Probas minorem. Ab esse physico resultat indistinctio: ergo inintelligibile est, quòd ab esse physico resultet distinctio; siquidem ex eadem entitate non potest resultare distinctio, & indistinctio; cùm opponantur. Probas antecedens. Unitas resultat ab esse physico: ergo ab esse physico resultat indistinctio. Probas antecedens. Unitas est proprietas entis: ergo resultat ab ente; sed esse physicum est ens: ergo unitas resultat ab esse physico.

316 Respondeo ad objectionem, concessa maiore. negando minorem; ad cuius probationem distinguo antecedens: ab esse physico resultat indistinctio transcendentalis, concedo antecedens: indistinctio formalis intentionalis, nego antecedens; ad cuius probationem distinguo antecedens eodem modo, & utor eadem distinctione in antecedenti illius probationis. Igitur absque terminorum repugnantia potest ab eodem esse physico resultare distinctio, & indistinctio, dummodo non sint in eodem genere. Indistinctio, quæ resultat non est formalis intentionalis, sed est tantùm indistinctio transcendentalis, quæ sequitur esse physicum; distinctio verò est formalis intentionalis, & sequitur formalitates ejusdem entitatis.

317 Obicies octavò. Ista distinctio juxta Baconistas reperitur inter formalitates realiter physicè identificatas; sed inter formalitates realiter physicè identificatas non datur distinctio formalis, adhuc intentionalis: ergo. Maior est certa. Probas minorem. Inter formalitates realiter physicè identificatas

tificatas non datur distinctio numeralis: ergo neque distinctio formalis, adhuc intentionalis. Antecedens liquet. Probas consequentiam. Distinctio formalis intentionalis est maior distinctione numerica: sed inter formalitates realiter physicè identificatas non datur distinctio numerica: ergo neque formalis intentionalis. Probas maiorem. Distinctio formalis intentionalis datur inter res magis intimas: ergo est maior distinctione numericâ.

318 Respondeo ad objectionem, concessa maiore, negando minorem; ad cuius probationem, concessio antecedente, nego consequentiam; ad cuius probationem nego maiorem; quia maior distinctio non sumitur ex maiori intimitate, sed ex maiori negatione identitatis unius extremi cum alio; & cum distinctio formalis intentionalis non dicat maiorem negationem identitatis, ideo non est maior distinctione numerica; quia distinctio numerica dicit negationem identitatis realis physicæ, quam non dicit formalis intentionalis.

319 Objicies nono. Distinctio intentionalis Baconica consistit in illis diversis cognoscibilitatibus, quas objectum à parte rei physicè idem dicit ad intellectum; sed hoc implicat: ergo. Maior est doctrina Scholæ. Probas minorem. Implicat, quòd objectum naturale dicat respectum, & ordinem ad actionem artificiosam; sed objectum à parte rei physicè idem est objectum naturale; deinde cognitio, seu actus intellectus dividens, est actio artificiosa: ergo cum in hoc consistat distinctio intentionalis Baconica, implicat talis distinctio. Probas maiorem. Implicat, quòd actio artificiosa referatur ad objectum naturale: ergo etiam quòd objectum naturale

turale dicat respectum , & ordinem ad actionem artificiosam.

320 Respondeo ad objectionem, concessâ maiore , negando minorem ; ad cuius probationem nego maiorem ; ad cuius probationem nego antecedens ; non enim repugnat , quòd formalitates obiectivæ , quànvis distinctæ ante intellectum , dicant respectum ad ipsum intellectum potentem eas dividere. Unde partes quantitatis artificialiter dividi possunt , etsi sint naturaliter distinctæ. Potest etiam ars repræsentare opera naturæ , quànvis ea efficere non possit : sic pictor repræsentat flores , licèt sint opera naturæ.

321 Obicies decimo. Distinctio , de qua loquitur , est ante præcisionem intellectus ; atqui antequam intellectus præcindat animal à rationali , adhuc animal non est actu à rationali distinctum : ergo. Maiorem concedunt Baconistæ. Probas minorem. Antequam intellectus præcindat animal à rationali , animal tantum est in potentia separatum à rationali : ergo. Probas antecedens. Intellectus præcindens animal à rationali dividit intentionaliter formalitatem animalis à formalitate rationalis : ergo antequam intellectus præcindat animal à rationali , animal tantum est in potentia separatum à rationali. Probas nunc consequentiam sup. Ante separationem intentionalem non potest dari distinctio intentionalis : ergo , si antequam intellectus præcindat animal à rationali , animal tantum est in potentia separatum à rationali , sequitur , quòd antequam intellectus præcindat animal à rationali , adhuc animal non est actu à rationali distinctum. Probas antecedens. Ante separationem intentionalem non potest

potest dari separatio intentionalis : ergo neque distinctio.

322 Respondeo ad objectionem, concessâ maiore, negando minorem; ad cuius probationem, concessio antecedente cum sua probatione, nego consequentiam; ad cuius probationem nego antecedens; ad cuius probationem, concessio antecedente, nego consequentiam; quia divisio vel separatio intentionalis est illa, quæ tantum dividit, & separat, & ideo ante divisionem non possunt partes supponi divisæ, aut separatæ; possunt tamen supponi distinctæ, eo quia divisio non sit ratio eas distinguendi. Unde distinctio in rebus, & in formalitatibus semper provenit à natura; divisio verò de qua loquitur, seu præcisio, licet ex parte naturæ, seu objecti supponat fundamentum, nempe distinctionem objectivam, semper fit per actum intellectus, & sic optimè potest divisio intentionalis seu separatio supponere partes distinctas, quànvis non divisas. Hoc habet locum etiam in partibus continui, quæ antecederent ad divisionem sunt actu distinctæ.

323 Objicies undecimo. Sicut se habet identitas ad distinctionem, ita distinctio ad identitatem; sed quæ à parte rei sunt physicè distincta, non possunt identificari intentionaliter: ergo quæ à parte rei sunt physicè identificata non possunt intentionaliter distingui. Respondeo ad objectionem, concessâ maiore, negando minorem; non enim implicat quod in diversis lineis idem dicat identitatem, & distinctionem, ut dicam infra disp. 5. n. 540.

324 Instabis. Ea, quæ à parte rei sunt physicè distincta, sunt etiam distincta intentionaliter; sed quæ sunt distincta intentionaliter nequeunt identificari

ficari intentionaliter ; aliter essent distincta simul, & identificata in eadem linea , quod implicat : ergo ea , quæ à parte rei sunt physicè distincta nequeunt intentionaliter identificari. Probas maiorem. Ea , quæ à parte rei sunt physicè distincta, habent diversas cognoscibilitates ; sed in hoc consistit distinctio intentionalis Baconica ; ergo ea , quæ à parte rei sunt physicè distincta, sunt etiam distincta intentionaliter. Respondeo ad instantiam negando maiorem absolutè prolatam ; animal namque hominis , & animal leonis sunt physicè distincta , & tamen non distinguuntur intentionaliter , nec terminant cognoscibilitates diversas , cum utrumque cognoscatur per vivens sensitivum.

325 Replicabis. Animal , & rationale terminant diversas cognoscibilitates : ergo etiam animal hominis , & animal leonis. Respondeo ad replicam , concessio antecedente , negando consequentiam. Est discrimen , quòd rationale non sit vivens sensitivum sicut est animal ; ideoque animal , & rationale terminant diversas cognoscibilitates , & unum cognosci potest , quin aliud cognoscatur ; at verò animal leonis est vivens sensitivum , sicut est animal hominis , & ideo non terminant diversas cognoscibilitates , nec unum sine altero attingi potest.

326 Obicies duodecimo. Distinctio consistit in negatione ; sed animal non dicit negationem rationalis : ergo inter animal , & rationale nulla datur distinctio à parte rei. Maior constat ex dictis disp. I. sectione I. n. I. Probas minorem. Si animal diceret negationem rationalis non esset vera ista propositio , *rationale est animal* ; sed est vera : ergo

go animal non dicit negationem rationalis. Respondeo ad objectionem, concessa maiore, negando minorem: ad cuius probationem distinguo maiorem: si animal diceret negationem identitatis intentionalis cum rationali, non esset vera talis propositio, in sensu intentionali, concedo maiorem: in sensu physico, nego maiorem. Deinde applicata distinctione minori, nego consequentiam. Talis propositio est vera in sensu physico, in quo animal non dicit negationem identitatis cum rationali; est tamen falsa in sensu intentionali, quia animal dicit negationem identitatis intentionalis cum rationali, semel quòd intentionaliter distinguatur ab illo; nam distinctio non consistit in negatione, seu in carentia alterius præcisè; bene quidem in negatione identitatis, eo modo quo est distinctio.

327 Instabis. Animal nequit dicere negationem identitatis intentionalis cum rationali: ergo nulla solutio. Probas antecedens. Animal non dicit negationem identitatis physicæ cum rationali: ergo neque negationem identitatis intentionalis. Antecedens est concessum. Probas consequentiam. Plus est habere identitatem realem physicam, quàm identitatem realem intentionalem: ergo si animal non dicit negationem identitatis physicæ cum rationali, neque dicit negationem identitatis intentionalis. Respondeo ad inst. negando antecedens; ad cuius probationem, concesso antecedenti, nego consequentiam; ad cuius probationem concesso antecedenti, nego consequentiam, quæ nullo modo sequitur; aliter quæ realiter physicè distinguuntur, distinguerentur omni distinctione minori ipsâ distinctione physicâ; siquidem plus est distingui realiter physicè,

cé, quàm aliâ quacumque distinctione. Unde quòd res hæc potius, quàm aliâ distinctione distinguantur, provenit à rerum essentiis, quarum quælibet non est alia, sive plus sit, sive minus.

328 Objicies decimo tertio. Distinctio Baconica compatitur cum identitate; sed hoc implicat: ergo. Maior est certa apud Baconistas. Probas minorem. Distinctio opponitur identitati: ergo. Respondedo ad objectionem distinguendo maiorem: distinctio Baconica compatitur cum identitate physica, concedo maiorem: cum identitate intentionali, nego maiorem. Deinde nego minorem, & consequentiam. Ad probationem minoris distinguo antecedens: distinctio opponitur identitati in eadem lineâ, concedo antecedens: in diversâ lineâ, nego antecedens. Distinctio, quæ datur v. g. inter animal, & rationale, est in lineâ intentionali; identitas verò, quam important, est in lineâ physica, & hoc non opponitur.

329 Instabis. Si inter animal, & rationale daretur aliqua identitas, hæc non esset physica, sed formalis; atqui identitas formalis repugnat cum distinctione formali: ergo vel nulla datur identitas inter animal, & rationale, vel si datur, reddit distinctionem formalem intentionalem implicatariam. Probas maiorem. Si inter animal, & rationale daretur aliqua identitas, hæc esset illis proportionata; atqui sola identitas formalis, & non physica est illis proportionata: ergo si inter animal, & rationale &c. Probas maiorem. Formalitatibus identificatis sola identitas formalis, & non physica est proportionata; atqui animal, & rationale sunt formalitates identificatæ: ergo. Probas maiorem. Formalitatibus

malitatibus distinctis sola distinctio formalis est proportionata: ergo etiam formalitatibus identificatis sola identitas formalis erit proporcionata.

330 Respondeo ad inst. negando maiorem; ad cuius probationem, concessâ maiore, nego minorem; ad cuius probationem nego suppositum maioris, scilicet quod formalitates quæ tales possint identificari: ad cuius probationem, concessio antecedente, nego consequentiam, seu illius suppositum. Quare animal, & rationale, licet sint formalitates distinctæ, non sunt formalitates identificatæ.

331 Replicabis. Animal, & rationale sunt formalitates; deinde habent inter se identitatem: ergo sunt formalitates identificatæ. Respondeo ad repl. distinguendo antecedens quo ad primam partem: animal, & rationale sunt formalitates in lineâ intentionali, concedo antecedens quo ad istam partem: animal, & rationale sunt formalitates in lineâ physica, nego antecedens quo ad istam partem. Deinde distinguo secundam partem ejusdem antecedentis: habent identitatem in lineâ physicâ, concedo antecedens: habent identitatem in lineâ intentionali, nego antecedens, & consequentiam. Quamvis animal, & rationale sint formalitates identificatæ; cum sint formalitates in unâ lineâ, & identificentur in alterâ; sicut non sequitur, quod Petrus sit magnus phylotophus, licet sit magnus, & sit philosophus. Hinc quando formalitates tales dicuntur, sumuntur in lineâ intentionali, in qua non datur identitas physica; quando verò identificantur, sumuntur in lineâ physica, in qua non dantur formalitates.

332 Urgebis. Atqui semel quòd animal, & rationale in linea intentionali, seu in lineâ, in quâ dicuntur formalitates, nullam identitatem habeant; nec possunt habere identitatem in lineâ physica: ergo. Probas hanc minorem. In lineâ identitatis plus est identitas physica, quàm identitas intentionalis; sed quæ minorem excludunt identitatem, necessariò debent excludere maiorem: ergo si animal, & rationale non habent identitatem in linea intentionali; nec possunt habere identitatem in lineâ physicâ. Maior liquet à paritate distinctionis. Probas minorem. Frigiditas intensa excludens à subiecto calorem ut quatuor, eo ipso excludit calorem ut octo: ergo similiter.

333 Respondeo ad urg. negando minorem subsumptam; ad cuius probationem, concessa maiore, nego minorem; ad cuius probationem concessa antecedente, nego consequentiam. Discrimen est in eo, quòd gradus caloris sunt in eodem ordine, ideo si subiectum excludit quatuor, à fortiori debet excludere octo; identitas verò intentionalis, & identitas physica sunt in diverso ordine, & lineâ, cum una sit intentionalis, & physica altera; ideoque ex exclusione identitatis in linea intentionali non sequitur exclusio identitatis in linea physica. Vide sup. dicta n. 327. Et adde, quòd licet plus sit producere hominem, quàm culicem, non sequitur, quòd detur repugnantia producendi hominem, ex eo quod detur repugnantia producendi culicem.

334 Objicies decimo quarto. Distinctio formalis intentionalis ex natura rei Baconica habet fundamentum in linea physica; sed supposita doctrinâ sup. quòd distinctio consistat in negatione iden-

identitatis, nullum fundamentum physicum assignari potest distinctioni intentionali: ergo suppositâ tali doctrinâ, hæc admitti non potest. Maior constat ex dictis. Probas minorem. Fundamentum, quod assignaretur, esset formalitas animalis, & formalitas rationalis; sed istæ formalitates non sunt de lineâ physicâ, sed de lineâ intentionali: ergo. Probas maiorem. Fundamentum, quod assignaretur esset id, quod fundat in se negationem identitatis intentionalis; sed quod fundat negationem identitatis intentionalis est formalitas animalis, & rationalis: ergo fundamentum, quod assignaretur esset formalitas animalis, & formalitas rationalis; adeoque non assignaretur fundamentum de lineâ physicâ.

335 Respondeo ad objectionem concessâ maiore, disting. minorem: suppositâ doctrinâ &c. nullum fundamentum physicum proximum assignari potest distinctioni intentionali, concedo minorem: nullum fundamentum physicum remotum, nego minorem; ad cuius probationem distinguo maiorem: fundamentum, quod assignaretur, esset formalitas animalis, & formalitas rationalis, fundamentum proximum, concedo maiorem: fundamentum remotum, nego maiorem; ad cuius probationem applicatâ distinctione maiori, & concessâ minore, distinguo consequens modô dictô.

336 Fundamentum distinctionis Baconicæ aliud dicitur proximum, aliud remotum. Fundamentum proximum est ipsamet formalitas animalis, quæ proximè fundat negationem identitatis intentionalis cum rationali; hoc fundamentum non est de lineâ physicâ, ut probat objectio, quia formalitates

malitates solùm spectant ad lineam intentionalem. Fundamentum tamen remotum ejuldem distinctio-
nis est entitas physica, quæ proximè fundat ipsas
formalitates animalis, & rationalis v. g. unde enti-
tas illa physica fundat in se diversas formalitates,
& istæ formalitates fundant in se negationem iden-
titatis intentionalis, ex quo fit, quòd entitas illa phy-
sicè eadem, sit fundamentum proximum respectu
formalitarum, & remotum respectu negationis
identitatis intentionalis, in qua formaliter consistit
ipsa distinctio. Et sic semper salvatur dictum Bac-
conii, quod, scilicet, sua distinctio habeat funda-
mentum in linea physica. Nec obstat, quòd Do-
ctor loquatur de fundamento remoto, relicto pro-
ximo, nam præterquam quod id confirmari possit
verbis expressis ejuldem Doctoris; aliunde corro-
boratur, & quidem in re altiori, qualis est Myste-
rium Sanct. Trinitatis, in quo Theologi ponentes
principium *quo* in absoluto, loquuntur de principio
remoto, non de proximo.

337 Objicies decimo quinto. Distinctio sequi-
tur ordinem entis: sed nullum datur ens, nec con-
siderari potest præter ens reale, & ens rationis: er-
go nulla dabitur distinctio præter distinctionem rea-
lem, & distinctionem rationis; adeoque implicat
distinctio formalis intentionalis Baconica. Res-
pondeo ad objectionem, concessa maiore, disting-
minorem; nullum datur ens, nec considerari potest
præter ens reale, &c. Si ens reale sumatur pro omni
eo, quod opponitur enti rationis; concedo mino-
rem: si ens reale sumatur pro ente purè physico,
nego minorem, & consequentiam in eodem sensu.
Quare inter purum ens physicum, & ens purè ra-
tionis,

tionis, mediat ens reale intentionale, quod solum habet esse in ordine ad intellectum; ideoque præter distinctionem realem physicam, & distinctionem purè rationis admittimus distinctionem realem intentionalem, sive formalem in esse intelligibili. Alias objectiones omitto; quia locum habent præcipuum circa præcisiones objectivas de quibus infra n. 503. Ex dictis tamen.

338 Deduces primò, distinctionem formalem intentionalem mediare inter distinctionem realem physicam, & rationis fictam, esseque passionem intransitivè formalitatum intentionalium; ideoque in ipsis formalitatibus consistere fundamentum proximum talis distinctionis. Deduces secundò, præter esse physicum, & esse per rationem, dari esse intentionale, quod dicitur resultativum ab eodem esse physico; ad eum modum quo passiones resultant ab ente, adeoque non distingui ab ente physico entitativè, sed solum formaliter conceptibiliter, seu in linea objicibili.

Q U Æ S T I O II.

*Utrum inter Essentiam Divinam comparatam cum
Attributis, vel inter Attributa ad invicem
comparata detur Distinctio Formalis Bac-
conica?*

339 **R**esolutio est affirmativa, & expressa mens ejusdem Baconii quodlib. 3. *Baccon.*
q. 6. art. 3. §. 4. ad illa formalia verba ibi: *Non au-
tem secundum istum modum attributa distinguun-
tur formaliter ab essentia ex natura rei, secundum
suas*
M ij

Zagaglia.
Blasco.
Lumbier.
Aymus.
Garcia.
de Castilla.

suas rationes absolutas, sed solum secundum respectus diversos ad intellectum secundum quo diversimodè ex natura rei essentia est conceptibilis. Et in 1. dist. 2. q. 2. art. 3. §. 1. in principio hæc habet: Ubi primò venio ad punctum quæstionis, & teneo quod attributa distinguuntur ex natura rei per rationes formales, quod est contra Aureolum, & non per absolutas, sed per respectivas. Sequuntur Doctorem Mag. Zagaglia tom. 2. d. 1. de Attributis Divinis sect. 1. §. 3. n. 24. Mag. Blasco, quem citat, sed non sequitur Mag. Lumbier tractatu de Scientia Dei in appendice de Distinctione Baconicâ, & Scoticâ Mag. Aymus in Metaph. p. 2. dist. 2. & satis colligitur ex doct. ina sua p. 1. dist. 1. q. unica art. 1. Mag. Garcia in Megal. dist. 2. q. 1. art. 3. §. 8. & noviter Mag. de Castilla tractatu de Deo uno, & ejus Attributis q. 8. n. 239. ubi inquit: Hæc est Resoluti, & omnium, qui recto tramite ipsum sequuntur.

340 Prænoto primò, distinctionem formalem Baconicam inter essentiam, & attributa, vel inter attributa ad invicem comparata, solum esse per ordinem ad intellectum; ex quo fit, quod si attributa, & essentia non ita comparentur, certè non distinguuntur objectivè: *Et nota, quod semper dico, quod distinguuntur ex natura rei, ut important respectus ad intellectum: non dico ut comparantur ad essentiam, vel ad invicem, ne sit aggregatio.* Verba sunt Resoluti in 1. dist. 2. q. 2. art. 4 §. 1. ad finem.

Baccon.

341 Prænoto secundò, hæc intelligenda esse per ordinem ad intellectum creatum (loquendo de facto) & non per ordinem ad intellectum Divinum, qui, ex cognitione Divinæ essentiæ, in qua continentur eminentissimè omnia entia creata, & in-
creata,

creata, necessitatur simul ad omnia intelligibilia; & ideo nec essentia sine attributis, nec unum attributum sine alio attingi valet à Divino intellectu: *Nunquam dixi in ista quæstione, quòd distinguerentur in esse repræsentativo, vel objicibili in respectu ad intellectum Divinum, sed ad intellectum, qui natus esset de eis facere distinctos conceptus, ut dicit Thomas p. p. q. 13. art. 4. de intellectu creato, qui quia non comprehendit Divinam essentiam, ideo oportet Deo diversa nomina imponere, & diversos conceptus formare.* Verba sunt etiam ejusdem Doctoris in 1. dist. 34 §. 2. His prænotatis.

342 Probo resolutionem, & primò quo ad primam partem sic. Distinctio formalis Bacconica in eo stat, quòd objectum realiter, & physicè idem à parte rei possit repræsentare intellectui distinctos conceptus, & varias formalitates; atqui essentia Divina realiter physicè eadem cum attributis est potens repræsentare intellectui creato distinctos conceptus, & varias perfectiones attributales, & hoc formaliter à parte rei: ergo inter essentiam Divinam comparatam cum attributis datur distinctio formalis Bacconica. Maior liquet. Probo minorem exemplo de Christi facie de quo sup. n. 211.

343 Probo eandem resolutionem quo ad secundam partem. Intellectus exprimit objectum sicut sibi repræsentatur cognoscibile; sed intellectus exprimit omnipotentiam ut distinctam à sapientia v. g. ergo omni potentia, sapientia, & alia attributa important ex natura rei distinctas cognoscibilitates. Maior est omnium doctrina. Minor etiam negari non potest; quia non aliter intellectus attingit in Deo attributa, nisi per analogiam ad creaturas, &

sic concipit perfectiones illas diversis nominibus, quorum unum est omnipotentiae, alterum sapientiae &c. Confirmo eandem resolutionem ex sup. dictis à n. 295. usque ad n. 297. Siquis alias optet probationes videat Mag. Zagag. Garc. & de Cast. locis sup. citatis.

Zagagl.
Garcia.
De Castilla.

Proponuntur Objectiones, & dissolvuntur.

D. August.

344 **N**ostræ resolutioni opponuntur AA. extra Scholam Resoluti, pro quibus obijciens primò auctoritatibus SS. PP. quarum prima est D. Aug. 15. de Trinitate cap. 5. *Non est aliud sapientia, aliud essentia, cui hoc est esse, quod sapientem esse.* Secunda est Richard. Viêt. 1. de Trinit. cap. 15. *Ipsa primordialis substantia idem omnino, quod summa sapientia est: ergo admittere distinctionem formalem inter essentiam, & attributa est ire contra mentem SS. PP.* Respondeo ad objectionem, & dico, istas auctoritates, sicut etiam omnes alias, quæ adduci possunt, intelligi de distinctione reali entitativa; quia PP. loquuntur contra hæreticos admittentes distinctionem realem physicam inter prædicata Divina. Unde non negant PP. distinctionem rationis, sive distinctionem habent in esse in ordine ad rationem, qualis est distinctio formalis ex natura rei Baconica. Imò hæc videtur de mente SS. PP. cum dicant expressè in Deo esse perfectionum varietatem, & multiplici-
tatem, quod intelligi non potest nisi per ordinem ad intellectum. Sic idem August. 6. de Trin. cap. 7. *Deus verò multipliciter quidem dicitur magnus, bonus, sapiens, &c.* Et idem Richard. lib. 2. de

Richard. Vi-
etor.

D. Aug.

Richard.

Trin.

Trin. cap. 2. *Quid mirum si sibi concordet, & in unum concurrat identitas cum multiplicitatis infinitate?*

345 Objicies secundo. Si inter essentiam, & attributa, vel attributa ad invicem comparata daretur distinctio formalis Baconica, essentia, & attributa facerent compositionem in Deo; sed hoc non est admittendum: ergo. Probas maiorem. Admissâ tali distinctiōe, daretur in Deo pluralitas; sed datâ pluralitate, negari nequit compositio: ergo. Probas nunc minorem. Compositio ledit simplicitatem Dei: ergo non est admittenda in Deo. Respondeo ad objectionem negando maiorem; ad cujus probationem distinguo maiorem: admissâ tali distinctiōe, daretur in Deo pluralitas in lineâ intentionali, concedo maiorem: in lineâ physicâ, vel formali absolutâ, nego maiorem. Unde pluralitas, quæ in Deo reperitur, non arguit compositionem physicam, vel formalem absolutam; quia solum est pluralitas in lineâ intentionali.

346 Instabis. Datâ distinctiōe formali intentionali, daretur in Deo pluralitas non tantum in lineâ intentionali, sed etiam in lineâ physicâ: ergo. Probas antecedens. Datâ distinctiōe formali intentionali in Deo, darentur necessariô in Deo repræsentativitates physicè distinctæ; sed admissis repræsentativitatibus physicè distinctis, negari non potest in Deo pluralitas physica: ergo datâ distinctiōe formali intentionali, daretur in Deo pluralitas non tantum in lineâ intentionali, sed etiam in lineâ physicâ. Probas maiorem. Repræsentativitates, quæ fundantur modò physicò, sunt physicè distinctæ; sed datâ distinctiōe formali intentionali in

Deo, darentur necessariò repræsentativitates, quæ fundarentur modo physico : ergo datâ distinctione formali intentionali in Deo, darentur necessariò in Deo representativitates physicè distinctæ.

347 Respondeo ad inst. nego indo antecedens; ad cujus probationem nego maiorem, ad cujus probationem nego absolutè maiorem, & claritatis gratia, distinguo minorem : sed datâ distinctione formali intentionali in Deo, darentur necessariò repræsentativitates, quæ fundarentur modò physico, quantum est ex parte fundantis, concedo minorem; quantum est ex parte ipsius respectûs fundati, nego minorem, & consequentiam. Dico, quòd istæ repræsentativitates fundantur modo reali physico, quantum est ex parte fundantis, id est, quod illarum fundamentum sit reale physicum, & hoc est verum; quia omnipotentia, & sapientia realiter, & physicè sunt in Deo, & non tantùm secundum nostrum modum concipiendi; attamen ex parte respectûs fundati, non fundantur istæ repræsentativitates modò reali physico; cùm non fundentur nisi mediante intelligibilitate, seu ordine ad intellectum.

348 Licet ergo tales repræsentativitates sint ortæ ex natura rei, non inde dicuntur respectus prædicamentales; cùm non dentur in re secundùm esse reale physicum ipsarum, sed solùm secundùm suum esse intentionale, ut docet Resolutus in 1. d. 2. q. 2. art. 4. §. 3. quem concludit his verbis; *Respectus attributales, ut constituunt distinctum esse repræsentativum, sive intelligibile, non sunt relationes reales; nec universaliter relationes secundùm dici ortæ ex natura rei sunt reales; quia ex prima significatione relativa secundùm dici non important*

Baccontius.

relationem, sed solum quia ex natura rei unum eorum natum est intelligi ex ordine ad aliud, & illud intelligi vocat Arist. dici per intellectum. Quare istæ distinctæ repræsentativitates non inferunt pluralitatem physicam in Deo, quæ dirimat illius simplicitatem, adhuc distinctione Baconii nostri admittâ.

349 Replicabis: ergo admittâ distinctione Baconica, negari non potest in Deo compositio saltem intentionalis; sed hoc non: ergo neque illud ex quo sequitur. Respondeo negando illationem; non enim inferitur compositio intentionalis ex intentionali distinctione; aliter ex distinctione physicâ argueretur physica compositio, quod est apertè falsum; nam Divinæ Personæ physicè distinguuntur, & tamen physicè non componunt; lapis etiam distinguitur physicè à ligno, quin cum ligno componat: ergo sicut non sequitur compositio physica ex distinctione physicâ, ita neque compositio intentionalis ex intentionali distinctione.

350 Igitur si sufficit, quòd Personæ Divinæ identificentur realiter cum naturâ Divinâ, ut excludant compositionem physicam, licèt physicè distinguantur, etiam sufficiet, quòd essentia, & attributa identificentur realiter, ut excludant compositionem intentionalem, licèt intentionaliter distinguantur. Itaque debet à Deo excludi omnis compositio, quæcumque illa sit, & hoc ex Concilio Lateran. cap. Firmiter de Summ. Trin. ubi Deus dicitur omnino simplex. Si ergo in Deo daretur aliqua compositio cum fundamento in re, jam Deus non esset simplex omnino, & omnibus modis, & in omni linea. Hoc, de more, doctissimè, & efficacissimè,

De Castilla.

simè, probat Mag. de Castilla sup. citatus q. 15. an. l. 434. usque ad n. 439.

351 Objicies tertio. Essentia Divina non potest objici intellectui, quin simul objiciantur attributa: ergo non distinguitur ab attributis in esse objicibili. Probas antecedens. Essentia Divina non potest objici intellectui, quin objiciatur infinita in omni genere perfectionis; atqui non potest objici infinita in omni genere perfectionis, quin simul objiciantur attributa: ergo. Probas maiorem. Esse Divinum est esse universaliter infinitum: ergo essentia Divina non potest objici intellectui, quin objiciatur infinita in omni genere perfectionis.

352 Respondeo ad objectionem negando antecedens; ad cuius probationem nego maiorem; ad cuius probationem distinguo antecedens: esse Divinum est esse universaliter infinitum, si esse Divinum accipitur pro entitate Divinâ, prout se habet à parte rei, concedo antecedens: si esse Divinum accipitur pro ratione generali, & transcendentali in Divinis, quæ est ratio essendi à se, nego antecedens. Igitur ut aliquid Divinum concipiatur, non est necesse, quòd concipiatur importans simpliciter infinitatem, sed sufficit quòd concipiatur habens esse à se, & non ab alio; ratio autem generalis, & transcendens esse Divini non dicit infinitatem simpliciter in omni genere, in lineâ objicibili. Solutio patebit ex infra dicendis n. 389.

353 Instabis. Esse Divinum est esse universaliter infinitum, si esse Divinum accipitur pro entitate Divina, prout se habet à parte rei physice: ergo etiam in esse objicibili, seu representabili. Antecedens constat ex dictis. Probas consequentiam.

Esse

Esse Divinum in esse objicibili, seu repræsentabili est verum, non fictum; sed esse Divinum verum, & non fictum est universaliter infinitum: ergo. Respondeo ad instantiam, concessio antecedente, negando consequentiam; ad cujus probationem concessio maiore, distinguo minorem: sed esse Divinum verum, & non fictum est universaliter infinitum, si sumatur adæquatè, secundùm id, quod dicit à parte rei, concedo minorem: si sumatur inadæquatè, secundùm id, quod tantùm importat ad intellectum, nego minorem.

354 Objicies quarto. Admissa distinctione formali Baconica inter attributta Divina, negari non potest distinctio formalis Scotica; sed hæc negatur: ergo illa admitti nequit. Probas maiorem. Distinctio formalis Baconica staret in eo, quòd omnipotentia v. g. esset ex natura rei diversa à sapientia per ordinem ad intellectum; sed hoc admissio, negari non potest distinctio formalis Scotica: ergo. Maior est certa. Probas minorem. Distincta ratio repræsentativa petit infallibiliter distinctum repræsentatum; sed omnipotentia v. g. haberet rationem formalem repræsentativam diversam à sapientia: ergo talis ratio formalis repræsentativa peteret infallibiliter distinctum repræsentatum; hoc nullum esset nisi formalitas à parte rei, ut vult Scotus: ergo.

355 Respondeo ad objectionem negando maiorem; ad cujus probationem, concessio maiore, nego minorem; ad cujus probationem disting. maiorem: distincta ratio repræsentativa petit infallibiliter distinctum repræsentatum, virtualiter, vel fundamentaliter, concedo minorem: physicè, vel formaliter

ter

ter absolutè, nego maiorem, & concessà minorem, disting. consequens modo dicto; deinde nego minorem subiectam, & consequentiam. Dico, quòd distincta ratio repræsentativa petit solum distinctum repræsentatum virtualiter, vel fundamentaliter, quatenus eadem indivisibilis realitas à parte rei est potens fundare diversas representabilitates per ordinem ad intellectum.

356 Instabis. Ex distinctis repræsentabilibus oriuntur distinctæ repræsentativitates: ergo si istæ repræsentativitates sunt distinctæ, supponunt rationes formaliter absolutè distinctas. Respondeo ad instantiam, concessio antecedente, negando consequentiam; quia licèt distincta repræsentabilia arguant distinctas repræsentativitates, possunt tamen dari repræsentativitates distinctæ sine distinctis repræsentabilibus physicè, vel formaliter absolutè.

357 Replicabis. Semel quòd istæ repræsentativitates sint distinctæ, debent fundare diversas, & distinctas rationes in lineâ formali absolutâ: ergo. Probas antecedens. Distincti respectus necessario fundantur per rationes fundandi distinctas formaliter absolutè; sed istæ repræsentativitates sunt distincti respectus: ergo. Probas maiorem. Si distincti respectus non fundarentur per rationes fundandi distinctas formaliter absolutè, solum fundarentur per rationes fundandi distinctas formaliter in esse respectivo; sed sic daretur processus in infinitum: ergo.

358 Respondeo ad replicam negando antecedens; ad cuius probationem nego maiorem; ad cuius probationem dico, distinctos respectus in lineâ obijcibili fundari per rationes fundamentaliter tantum

tum distinctas; & sic nego, quòd daretur processus in infinitum, quia ab eodem fundamento non procedunt prædicti respectus, nisi quilibet eorum conservet suum proprium modum respiciendi suum correlativum. *Sol enim constringit lutum, & dissolvit glaciem, hic enim super eandem potentiam absolutam fundantur diversi respectus secundum diversos modos fundandi intra genus relationis, ubi non procedunt distinctæ rationes absolutæ fundantes, nec respectus distincti, sed quælibet ratio oritur cum suo proprio modo oppositionis: relatio autem constrictivi activè oritur fundamentaliter cum suo modo proprio relativo, scilicet, in habitudine ad potentiam passivam constrictibilem, relatio dissolutivi activè alio modo proprio relativo in ordine ad potentiam passivam dissolubilem.* Verba sunt Resol. *Bacconius.*
luti in 1. d. 23. q. 2. art. 3. §. 2.

359 Urgebis. Ex eodem, in quantum idem, non potest procedere nisi idem: ergo si tales respectus sunt distincti, id, à quo procedunt, non potest non esse distinctum; adeo que ab eodem fundamento non possunt resultare diversæ repræsentativitates, adhuc in linea objicibili. Respondeo ad urg. negando antecedens; cum sit absolutè falsum; nam ex eadem materiâ resultant infiniti respectus ad omnes formas naturales, & ex eadem essentiâ entis, respectus, seu modi diversi. De quibus jam sup. n. 304.

360 Objicies quinto. In tantum essentia, & attributa, vel ipsa attributa dicerent ad intellectum creatum diversas cognoscibilitates, in quantum id, quod est Divinum non potest adæquari uno conceptu, & dicere unam tantum cognoscibilitatem;
sed

sed ex hoc sequitur, quòd quodlibet attributum arguat distinctionem intentionalem sui ipsius: ergo vel non datur talis distinctio inter essentiam, & attributa, vel datur inter extrema, inter quæ non datur, quod est manifesta contradictio. Maior constat. Probas minoris sequelam. Quodlibet attributum, adhuc prout ab aliis distinctum, est Divinum, & non potest sic unico conceptu adæquari: ergo sequitur id quod sup.

361 Respondeo ad objectionem disting. maiorem: in tantum, &c. etiam, concedo maiorem: solum, nego maiorem. Deinde nego minorem, & consequentiam. Ad probationem minoris dico, quòd quànvis quodlibet attributum sit Divinum, non inde arguit diversas cognoscibilitates sui ipsius; quia ex parte sui non continet ea plura, ex quibus oriuntur illæ diversæ, & adæquatæ cognoscibilitates, quæ oriuntur ab entitate essentiæ, & attributorum. Unde ratio, ob quam ista distinctio formalis arguitur inter essentiam, & attributa, non est illa præcisè intentata ab objiciente, cùm etiam detur inter gradus metaphysicos creatos, qui nihil Divinitatis præconinent: admittitur ergo in Divinis distinctio formalis per ordinem ad intellectum creatum; quia objectum Divinum, licet idem physicè actu à parte rei, plura continet ad modum rerum creatarum, & cùm ad instar illarum intellectus creatus concipiat, ideo in Deo concipit diversas formalitates, quæ natæ sunt concipi pro diversitate essentiæ, & attributorum.

362 Instabis. Semel quòd in Sole virtus calefactiva distinguatur intentionaliter à virtute illuminativa, ita in eadem virtute calefactiva distingui-

tur virtus productiva caloris *A* à virtute productiva caloris *B*, item virtus productiva unius partis caloris *A* à virtute productiva alterius partis ejusdem caloris *A*, & sic in infinitum: ergo à fortiori in Divinis, ubi tam essentia quam attributa sunt infinita; adeoque vel debet admitti processus in infinitum, supposita tali distinctione, vel talis distinctio non debet consistere in illis diversis cognoscibilitatibus per ordinem ad intellectum creatum.

363 Respondeo ad inst. negando antecedens, & consequentiam, si sermo sit de distinctione in actu. Pro hujus intelligentia nota valde, prædictam distinctionem dupliciter considerari, scilicet in potentia, & in actu; in potentia quatenus dicit tantum formalitatem ulterius divisibilem velut in partes interiores; in actu verò quatenus eadem formalitas specialius & intentius illustratur ab intellectu agente. Hinc si sensus sit de distinctione in potentia, totum id est verum; at in actu, non nisi dependenter ab illustratione intellectus.

364 Objicies sexto. Quod verè prædicatur de aliquo nequit ab illo distingui; sed attributa Divina verè prædicantur de essentia: ergo non distinguuntur ab essentia. Maior liquet. Probas minorem. Si attributa Divina verè non prædicarentur de essentia non essent veræ istæ prædicationes: *Essentia Divina est omnipotentia: essentia Divina est sapientia*; sed tales prædicationes sunt veræ: ergo. Respondeo ad objectionem disting. maiorem: quod verè prædicatur de aliquo, nequit ab illo distingui in illà lineà, in qua verè prædicatur, concedo maiorem: in lineà diversà ab illa, in qua prædicatur, nego maiorem. Deinde distinguo minorem: sed attributa

buta Divina verè prædicantur de essentia, in lineâ physicâ, concedo minorem: in lineâ intentionali, nego minorem, & consequentiam. Ad probationem minoris dico, prædictas prædicationes esse veras in lineâ physicâ; falsas verò in lineâ objicibili ad intellectum: cùm intentionaliter nec essentia sit attributum, nec unum attributum aliud.

365 Instabis. Omnia, quæ sunt in Deo, prædicantur in quid de essentia Divinâ non solum secundum rem, sed etiam secundum considerationem: ergo tales prædicationes non solum sunt veræ in lineâ physica, sed etiam in lineâ intentionali. Probas antecedens ex D. Anselmo in Monol. cap. 16. *Quemadmodum unum est quidquid essentialiter de summa substantia dicitur, ita ipsa uno modo, una consideratione est quidquid est essentialiter*: ergo. Respondeo ad instant. neg. antecedens, ad cujus probationem explico Anselmum, & dico, S. D. loquutum fuisse contra hæreticos negantes consubstantialitatem Personarum, & unitatem in essentia: ut ergo hunc errorem confutaret Anselmus docebat, unam omninò esse substantiam penitus indivisam, ita ut hæreticum esset considerare inter illas perfectiones absolutas distinctionem realem physicam, ut judicabat Arrius.

366 Objicies septimo. Si inter essentiam, & attributa daretur distinctio intentionalis, ipsa attributa essent essentiâ inferiora; sed hoc non est dicendum: ergo: Probas maiorem. Non essent superiora, nec æqualia: ergo essent inferiora. Probas antecedens quoad primam partem. Essentiâ Divinâ nihil est superius: ergo. Probas idem antecedens quoad secundam partem. Quod distinguitur

tur ab aliquo in gradu summo perfectionis non est ipsi æquale; sed essentia Divina est in gradu summo perfectionis: ergo si attributa distinguerentur ab essentia non essent essentiæ æqualia. Respon- deo ad objectionem disting. maiorem: essent infe- riora in lineâ intentionali transeat: in linea phy- sicâ, nego maiorem. In linea physicâ, cum omnia sint idem nullo modo attributa dici possunt essentiâ inferiora, quanvis in lineâ intentionali hoc verifi- cari possit, quatenus intellectus creatus concipit attributa ad instar rerum creatarum, in quibus pro- prietates sunt inferiores respectu naturæ. Dixi *tran- seat*, quia intellectus concipiens attributum Divi- num fortè non conciperet ut inferius essentiâ, ex eo quòd attributum semper objiciatur intellectui ut Divinum.

367 Objicies octavo. Inter essentiam, & at- tributa Dei, quæ dicuntur transcendentalia non potest dari distinctio formalis intentionalis: ergo neque inter essentiam, & alia attributa Probas consequentiam. Omnia Dei attributa re ipsa sunt transcendentalia: ergo. Probas hoc antecedens. Ideo unitas, veritas, & bonitas dicuntur attributa transcendentalia, quia de omnibus Divinis forma- litatibus prædicantur; sed quodlibet aliud attribu- tum simili modo prædicatur: ergo. Probas nun, pri- mum antecedens sup. si inter essentiam, & attri- buta Dei, quæ dicuntur transcendentalia, daretur distinctio formalis intentionalis, certò daretur in- ter essentiam Dei, & unitatem; sed hoc non: ergo. Maior est certa; quia unitas est attributum trans- cendens. Probas minorem. Essentia Dei non potest objici intellectui sine unitate; sed hoc posito non

distinguitur ab unitate in esse objicibili: ergo. Probas maiorem. Essentia Dei non potest objici intellectui sine sibi essentiali in esse objicibili; sed in esse objicibili est unitas essentialis essentiae: ergo.

368 Respondeo ad objectionem negando antecedens; ad cuius probationem concessa maiore, nego minorem; ad cuius probationem concessa mai di-
 ilingo minorem: essentia Dei non potest objici intellectui sine unitate præcisionis, concedo maiorem: sine unitate transcendentali (loquendo formaliter) nego maiorem; ad cuius probationem concessa maiore, distinguo minorem: sed unitas est essentialis essentiae in esse objicibili, unitas præcisionis, concedo minorem; unitas transcendentalis, nego minorem, & consequentiam in eodem sensu. Aliud ergo est loqui de unitate præcisionis, & aliud de unitate transcendentali; prima unitas objicitur intellectui, quando objicitur essentia secundum sibi essentialia; secunda verò non ita objicitur. Unde Essentia Divina non importat unitatem transcendentalem formaliter in esse conceptibili; sed solum identicè, & radicaliter; aliter unitas transcendentalis Dei nihil diceret formaliter supra essentiam: cum ergo aliquid addat supra essentiam non est de illius conceptu formali in esse objicibili, adeoque distinguitur essentia formaliter intentionaliter ab ipsa unitate transcendentali, & non minus à veritate, & Bonitate, sicut, & à cæteris attributis non transcendentalibus.

369 Ad probationem primæ consequentiæ, quæ gravem involvit difficultatem, respondeo negando antecedens; ad cuius probationem nego maiorem. Ratio enim cur unitas, veritas, & bonitas dicuntur

tur attributa transcendentalia est, quia ex sua ratione formali ubicumque ponantur sunt transcendentalia, vel sint illimitata, ut in Divinis, vel limitata, ut in creatis: Jam verò id non reperitur in aliis attributis ex sua formali ratione, sed solum re-duplicativè, & prout in Deo, in quo sensu negari non potest omnia esse transcendentalia; quia quemadmodum verum est, quod omnipotentia sit una, & non unitas, ita verum quoque, quod omnipotentia sit iusta, & non iustitia.

370 Objicies nono. Si essentia Divina distingueretur formaliter intentionaliter ab attributis diceret negationem attributorum; sed hoc non videtur dicendum: ergo. Probas maiorem. Distinctio eo modo, quo est distinctio dicit aliquam negationem: ergo. Respondeo ad objectionem disting. maiorem: diceret negationem identitatis intentionalis, concedo maiorem: diceret negationem identitatis physicæ, vel formalis absolutæ, nego maiorem; quia distinctio intentionalis non excludit physicam identitatem, nec formalem absolutam.

371 Objicies decimo. Multa attributa sunt in Deo, quæ nullum respectum dicunt ad intellectum: ergo non distinguuntur in esse intelligibili, seu distinctione formali intentionalis. Respondeo ad objectionem his verbis Resoluti: *Quod qualibet ratio, quæcumque sit illa, sive magnitudo, sive bonitas, sive voluntas nata est distinctè cognosci ab intellectu, & ideo qualibet talis ratio distinguitur in Deo in esse intelligibili repræsentabili, & ita propriè universaliter est una: quia omnia attributa in Deo distinguuntur quantum ad respectus repræsentabiles. Ex quibus*

Baconius.

Bacconius.

372 Deduces primo, quòd quanvis attributa aliqua in Deo dicant appetibilitatem, & sic ordinem ad voluntatem; cùm tamen ipsa appetibilitas sit ratio quædam intelligibilis, semper datur respectus ad intellectum. Idem Resolutus in 1. dist. 2. q. 2. §. 2. *Quod autem speciale videtur facere difficultatem de appetibilitate in ordine ad voluntatem scilicet, quòd appetibilitas distingueretur contra representabilitatem, nihil facit in proposito, quia licèt generaliter distinguatur appetibilitas contra representabilitatem; sicut veritas contra bonitatem, in proposito tamen sufficit, quod appetibilitas, quæ appropriatur bonitati distinguatur per formalem rationem appetibilitatis, secundum quam ipsa appetibilitas est quædam ratio intelligibilis ab hac intelligibilitate, quæ importatur per veritatem secundum esse representativum, ex eo enim, quod sub unâ ratione representatur appetibilitas intelligibilis, & sub aliâ veritas, eò ipsò hoc tanquam bonum appropriatur voluntati, & hoc tanquam verum appropriatur intellectui, ita revertetur propositum, scilicet quòd tota distinctio formalitatum est in esse representativo.*

373 Deduces secundo, non obstare quòd intellectus cui objicitur intelligibile sit unicus, & non multiplex, ad hoc ut intelligibilia careant distinctione formali; quia etiam secundum illos, qui ponunt verum, & bonum distingui ratione ratiocinante ponunt ea distincta in ordine ad intellectum; cùm ambo sint nata cognosci. Deduces tertio, attributa divina, cùm transeant in omnimodam realitatem essentia Divinæ, non distingui inter se realiter physicè; & si aliqua ex illis spectent ad diver-

sa prædicamenta; neque ex eo quòd actio, & passio pertineant ad prædicamenta diversa inferitur quòd realiter distinguantur.

Q U A E S T I O III.

Utrum inter Essentiam Divinam comparatam cum Relationibus detur Distinctio Formalis Bacconica?

374 **R**esolutio est affirmativa, & expressa *Bacconius.* mens ejusdem Resolutioni in 1. d. 24. q. 1. art. 5. §. 1. ad illa verba: *Si tamen essentia, & relatio accipiuntur secundum rationes definitivas earum, ut comparantur ad intellectum differunt ex natura rei.* Sequuntur Doctorem Mag. Zaga- *Zagaglia.* *glia* tom 2. disp. 1. de Attributis sectione 1. §. 3. n. 29. & 30. item, & præcipuè, tom. 4. disp. 3. de Relationibus sect. 1. n. 17. Mag. *Garcia.* *Garcia.* dist. 2. q. 1. art. 3. §. 8. & omnes *Bacconistæ.* Antequam probem resolutionem, prænoto primò, in Deo dari relationes reales ratione quarum Personæ Divinæ realiter distinguuntur; (de his jam sup. n. 291.) non enim sunt realiter distinctæ ratione naturæ. Hinc prænoto secundò, relationes Divinas esse realiter idem cum essentia, quod est certum de Fide ex Concilio Rhemenf. sub Eugenio III. Item ex Concilio Lateran. ubi fuit definitum non esse in Deo quaternitatem rerum.

375 Prænoto tertio, essentiam Divinam posse cognosci non cognitis relationibus, essentiamque communicari quin relationes communicentur, relationem produci quin producatur essentia; ad

quæ salvanda debet necessariò intercedere aliqua distinctio; alias non haberent locum in Divinis principia infallibilia: *Impossibile est idem simul esse & non esse: quæ sunt eadem uni tertio, sunt idem inter se.*

Zagaglia.

376 Prænoto quarto, omnes Baconistas salvare contradictoria intentionalia, seu respectiva ad intellectum, distinctione formali intentionali, de qua agimus; aliquos tamen non tantum contradictoria respectiva, sed etiam illa quæ communiter dicuntur in Deo absoluta. Videatur Mag. Zagaglia tom. 4. disp. 3. de Relationibus sect. 1. n. 6. Fateor hoc intentum non carere probabilitate; quia etsi essentia Divina entitativè communicetur Filio, & Paternitas de illo negetur entitativè, & non solum formaliter intentionaliter; tamen distinctio formalis intentionalis, licet non sit entitativa, cum habeat fundamentum in linea physica, hoc videtur sufficere ad salvanda illa contradictoria absoluta.

D. Thomas.

377 Quod quidem confirmari potest ex D. Thoma dicente, solâ distinctione rationis posse verificari, quod essentia entitativè communicetur, & non relatio. En verba S. Doctoris: *Dicendum quod de eo, quod est idem re, & differens ratione, nihil prohibet contradictoria verificari, ut docet Philosophus 3. Physicorum. Sicut patet quod idem punctum re, differens ratione, est principium, & finis, & secundum quod est principium non est finis, & è contrario. Unde cum essentia, & proprietates sint idem re, & differant ratione, nihil prohibet, quin unum sit communicabile, & aliud incommunicabile.* Quibus verbis probat Gonetus tom. 2. disp. 3. de

Gonetus.

3. de relationibus Divinis §. 4. n. 43. contra Durandum, & Scotum, quòd licèt essentia realiter, & formaliter communicetur, non sic Paternitas, non inde opus est admittere aliam distinctionem præter distinctionem rationis.

378 Tum sic: sed id quod Thomistæ salvant suâ distinctione, salvant Baconistæ distinctione intentionali; maximè cum distinctio D. Thomæ non differat (nisi in modo explicandi) à distinctione Baconicâ, ut fatetur ipse Baconius infra citand. n. 394. Ergo videtur dicendum idem quod sup. Tandem contradictoria non petunt distinctionem in eadem lineâ, aliàs daretur distinctio realis physica inter essentiam, & Paternitatem; cum essentia realiter physicè communicetur non sic Paternitas, ut bene arguit Baconius contra Scotum sup. n. 273. cuius argumento utitur ibidem citatus Gonetus: ergo videtur dicendum solam distinctionem intentionalem salvare omnia illa contradictoria in Divinis.

379 His ergo fundamentis aliquando affuetus, omnia contradictoria in Divinis faciliter intendebam salvare solâ distinctione intentionali. Nihilominus si tueri modò id contenderem, opus valde difficile assumerem, & certè essem omnino cum Scoto in propugnandâ distinctione Baconicâ; Scotus namque admittit distinctionem non solum in lineâ respectivâ, sed etiam absolutâ formali, consequenterque omnia contradictoria, tam respectiva, quam absoluta, salvat sua distinctione formali; quod si faceret distinctio Baconica, re ipsa esset Scotica. Ea propter solum admitto distinctionem formalem intentionalem inter essentiam, & rela-

tiones , ad salvanda contradictoria respectiva , seu de linea intentionali , & quatenus absoluta in Deo cognosci possunt , non cognitis relativis , & è contra Fundamentum delumo ex Baconio dicente , non semel , suam distinctionem formalem solum esse per ordinem ad intellectum. Tandem , ad alia salvanda contradictoria in Divinis , amplector distinctionem virtuales maximam , de qua fusè disp. seq. sectione 1. His attentè prænotatis,

380 Probo resolutionem , & primo sic. Essentia , & relationes important pluralitatem per ordinem ad intellectum : ergo distinguuntur in esse obijcibili. Probo antecedens. Intellectus , licet non secundum se , secundum cognoscitivitates essentiae , & relationum multiplicatur : ergo quia essentia , & relationes important pluralitatem per ordinem ad intellectum. Probo antecedens. Intellectus attingendo essentiam , & relationes producit diversas cognitiones : ergo , licet non secundum se , secundum cognoscitivitates essentiae , & relationum multiplicatur.

381 Probo secundo eandem resolutionem fundamento , quo utitur Mag. Garcia Citatus. Deum esse unum cognosci potest quin cognoscatur Deum esse Trinum : ergo unitas , & essentia Dei differt in esse cognoscibili à relationibus. Probo antecedens. quod est naturaliter cognoscibile cognosci potest quin cognoscatur id , quod solum est cognoscibile supernaturaliter ; sed Deum esse unum est cognoscibile naturaliter ; Deum verò esse Trinum est solum cognoscibile supernaturaliter : ergo. Confirmo eandem resolutionem ex dictis sup. n. 342. & 343.

Pro.

Proponuntur Objectiones, & ſolvuntur.

382 **N** Oſtræ reſolutioni opponuntur omnes A A. extra Scolā D. Reloluti pro quibus objicies primo. In Concilio Rhemenſi definitum eſt contra *Conc. Rhem.* Gilbertum nullam intercedere diſtinctionem ex natura rei inter eſſentiam & relationes; item in Concilio Florent. ſeſſ. 18. ſic loquitur Joannes Epilcopus latinus: *Divina ſubſtantia, & Perſona requidem ſunt idem*; ſic etiam Damascenus, & communiter *Damaſcen.* PP. ergo falſum eſt, quòd inter eſſentiam, & relationes detur diſtinctio ex natura rei adhuc cum adito intentionalis. Reſpondeo ad objectionem, & dico, concilia, & Patres intelligi de diſtinctione reali phyſica, & de diſtinctione, quæ nullum reſpectum dicit ad intellectum; non verò de diſtinctione formali intentionalis; nam idem Concilium *Conc. Florent.* Florent. ſeſſ. 19. hæc habet: *Haud quaquam putare debetis, quòd re differant, quandoquidem ſola ratione, aut intelligentia differre creduntur.* Quæ quidem verba debent intelligi de noſtra diſtinctione formali; cùm ſit per ordinem ad rationem: ſic etiam debent interpretari Concilium Rhemenſ. Damascenus, & cæteri Patres.

383 Inſtabis. Verba Conciliorum, & SS. PP. maiorem poſtulant identitatem inter eſſentiam, & relationes, quàm realem phyſicam, aliàs non ita exceſſivè loquuti eſſent: ergo nulla ſolutio. Reſpondeo ad inſtantiā conceſſo antecedente, negando conſequentiam; quia etſi Patres poſtulent maiorem identitatem, ſolùm ſequitur, quòd intendunt eſſentiam, & relationes non tantùm identiſicari

cari realiter physice, sed etiam formaliter absolute; non autem formaliter intentionaliter per ordinem ad intellectum creatum. Unde solum intendunt, quod nulla detur distinctio ex natura rei facta comparatione ad invicem inter essentiam, & relationes; non proinde negant distinctionem in ordine ad intellectum nostrum.

384 Replicabis. Inter essentiam, & attributa debet dari minor distinctio quam inter essentiam, & relationes; sed inter essentiam, & attributa, quæ realiter physice, & etiam formaliter absolute identificantur, intercedit distinctio formalis intentionalis: ergo ista non datur inter essentiam, & relationes. Probas maiorem ex D. August. 7. de Trinit. cap. 2. dicente: *Pater non eo Pater quo Deus, eo tamen Deus quo sapiens*. Respondeo ad repl. negando maiorem, & concessa minore, nego consequentiam. Ad probationem maioris per auctoritatem Aug. dico, sensum S. Doctoris esse, quod non est ejusdem rationis id, quod est Pater, & quod est Deus, quia Pater est incommunicabilis, non sic Deus, Paternitas est relativa, non sic Deitas; at tam Deitas, quam sapientia sunt absoluta, & communicabilia. Verum cum tam absoluta, quam relativa habeant diversas cognoscibilitates, æqualiter distinguuntur per ordinem ad intellectum. Ad do, quod si quis intelligat nomine minoris distinctionis inter essentiam, & attributa, carentiam distinctionis virtualis maximæ, totum concedo; quia hæc solum reperitur inter essentiam, & relationes.

385 Objicies secundo. Essentia Divina est de conceptu Paternitatis: ergo non distinguitur ab illa

D. August.

illa in esse objicibili ad intellectum. Probas antecedens. Essentia Divina est de conceptu Patris: ergo etiam de conceptu Paternitatis. Antecedens est certum. Probas consequentiam. In Divinis quid. quid dicit concretum dicit abstractum: ergo si essentia Divina est de conceptu Patris, ita est de conceptu Paternitatis. Respondeo ad objectionem disting. antecedens: Essentia Divina est de conceptu Paternitatis in esse rei, concedo antecedens: in esse objicibili ad intellectum, nego antecedens, & consequentiam. Ad probationem antecedentis confesso antecedente, distinguo consequens modo dicto; ad cujus probationem nego antecedens absolute sumptum; quia concretum v. g. Pater dicit Paternitatem, & essentiam; abstractum verò est sola Paternitas. Igitur Paternitas dicit cognoscibilitatem unius tantum formalitatis; Pater verò dicit cognoscibilitatem Paternitatis, & essentiae. Itaque solum in esse rei dicit Paternitas totum id, quod dicit Pater, cum hoc modo omnia in Deo transeant in omnimodam realitatem, & formalitatem.

386 Instabis. Essentia Divina est prædicatum superius respectu Paternitatis: ergo adhuc in esse intelligibili est de illius conceptu. Respondeo ad instantiam negando antecedens, & consequentiam; quia etsi essentia Divina in esse rei sit Paternitas, non sequitur, quod in esse objicibili sit prædicatum logicè superius respectu Paternitatis, nec quod sit de illius conceptu. Unde Essentia solum est prædicatum commune relationibus: & licet relationes sint rationes ipsam essentiam determinantes sine potentialitatis imperfectione, nullatenus illam in suo conceptu includunt; neque enim rationale includit

cludit animal in suo conceptu, licet illud determinet ad constituendum hominem.

387 **Objicies** tertio. *Essentia Divina est simpliciter infinita, & perfecta: ergo in suo conceptu involvit relationes, adeoque non distinguitur ab illis in esse objicibili.* Maior est certa. Probas consequentiam. Quod est simpliciter infinitum debet includere omnes perfectiones non tantum simpliciter simplices, sed etiam secundum quid: ergo. *Respondeo* ad objectionem concessio antecedente, negando consequentiam; ad cuius probationem distinguo antecedens: si id, quod est simpliciter infinitum sumatur prout est in esse rei, concedo antecedens: si sumatur in esse objicibili per ordinem ad intellectum creatum, nego antecedens. In esse rei verum est, quod tam relationes sint de conceptu essentiae, quam è contra; at in esse objicibili, cum inadæquatè objiciantur illæ perfectiones, secundum id, quod habent à parte rei, nec essentia est de conceptu relationum, nec è contra relationes sunt de conceptu essentiae.

388 **Instabis.** *Essentia Divina objicitur intellectui ut Divina; sed non potest objici ut Divina, quin includat in suo conceptu omnes perfectiones: ergo adhuc in esse objicibili includit in suo conceptu omnes perfectiones.* *Respondeo* ad instant. concessa maiore, negando minorem; quia ut aliquid objiciatur ut Divinum sufficit, quod concipiatur dicens negationem essendi ab alio causaliter. Unde essentia Divina præcisè in ratione Divinæ, nec includit in suo conceptu omnes perfectiones, nec dicit infinitatem simpliciter, & in hoc sensu procedit solutio sup. data n. 351. Benè verò est, quod si essen.

essentia Divina, ut essentia Divina objiciatur intellectui, dicat infinitatem simpliciter, quatenus continet perfectionem cujuscumque generis vel actualis, vel possibilis.

389 Ad hujus intelligentiam adverte, quod esse à se dupliciter potest intelligi: primò modò, quatenus dicit negationem essendi ab alio causaliter, quò pactò quælibet perfectio Divina est à se, sive sit essentia, sive attributum, sive relatio: secundò modò, quatenus dicit negationem essendi ab alio non solum causaliter, sed etiam resultativè, & hòc modò sola essentia Divina est à se. Igitur ut aliqua Dei perfectio concipiatur simpliciter infinita non sufficit, quod concipiatur ut Divina præcisè, nec præcisè ut dicens negationem essendi ab alio primò modò: sed est necesse, quod concipiatur, seu objiciatur intellectui dicens negationem essendi ab alio secundò modò, quò pactò potest objici intellectui essentia Divina ut talis, & non præcisè ut Divina.

390 Replicabis. Ergo essentia Divina non solum in esse rei, sed etiam in esse objicibili est simpliciter infinita; sed eo ipso includit in suo conceptu omnes perfectiones Divinas: ergo includit in suo conceptu relationes adhuc in esse objicibili. Respondeo ad replicam concedendo illationem, & disting. minorem: secundum id, quod habet in esse rei, concedo minorem: secundum id, quod habet in esse objicibili, nego minorem, & consequentiam. Non sequitur, quod in esse objicibili essentia includat formaliter relationes, aut attributa, licet etiam in esse objicibili concipiatur essentia ut infinita simpliciter in omni genere; quia ad hoc satis est,

est, quòd concipiatur continens formaliter prædicata quidditativa ipsius essentiae, relationes verò, & etiam attributa originativè, & cæteras perfectiones creatas eminenter.

D. August.

D. Anselmus.

391 Unde sicut non sequitur, quòd esse intelligibile essentiae Divinae sit esse intelligibile creaturarum, licèt perfectiones creatæ in Deo sint ipse Deus, ut loquuntur D. August. & Anselmus; ita non sequitur, quòd esse intelligibile relationum, aut attributorum sit esse intelligibile essentiae Divinae, licèt realiter, & formaliter absolutè tam relationes, quàm attributa sint ipse Deus: adeoque licèt essentia Divina, etiam per ordinem ad intellectum creatum sit simpliciter infinita, & perfectæ, distinguitur formaliter intentionaliter à cæteris perfectionibus absolutis, & relativis. Ultima ratio est; quia non aliter intellectus noster concipit in Deo illas perfectiones, nisi ad instar creaturarum, in quibus proprietates certò supponunt essentiam constitutam.

392 Obicies quarto. Si inter essentiam, & relationes daretur distinctio formalis intentionalis salvarent Baconistæ in Divinis illa contradictoria, quæ Scotistæ sua distinctione salvant; sed distinctione formali intentionalis non possunt salvari contradictoria illa, quæ Scotistæ suâ distinctione salvant: ergo talis distinctio ut insufficiens ad illa salvanda debet excludi à prædicatis illis, scilicet essentiâ, & relationibus. Maior liquet; quia ubi Scotistæ admittunt distinctionem ex natura rei, ponunt Baconistæ distinctionem intentionalem. Probas minorem. Distinctione, quæ tota est per ordinem ad intellectum, non possunt salvari contradictoria, quæ
sine

sine respectu ad intellectum verificantur ; sed Scotistæ salvant suâ distinctione contradictoria, quæ sine respectu ad intellectum verificantur, nempe, *Filiatio producitur, essentia non producitur*, & similia : ergo. Respondeo ad objectionem negando maiorem, & ad insinuatam probationem dico, Baconistas solum ponere distinctionem intentionalem inter formalitates ad salvanda contradictoria, quæ talia sunt in esse objicibili, non in esse absoluto formali. Solutio patebit, si rectè attendatur ad id, quod dictum est supra n. 399.

393 Objicies quinto. Si inter essentiam, & relationes daretur distinctio Baconica, essentia, & relationes importarent diversas cognoscibilitates ; sed non important : ergo. Maior est certa. Probas minorem. Si importarent diversas cognoscibilitates, cognoscibilitates istæ essent quid relativum ; sed non possunt esse quid relativum : ergo. Maior liquet ; nam si tales cognoscibilitates essent quid absolutum, coincideret distinctio Baconica cum Scotica. Probas minorem. Si essent quid relativum essent quid relativum rationis ; hoc non : ergo. Maior constat ; nam si essent quid relativum reale assignaretur genus relationis realis ad quod possint reduci, quod est difficile. Probas minorem. Tales respectus fundantur in entitate reali : ergo non possunt esse quid relativum rationis. Respondeo ad objectionem concessa maiore, negando minorem ; ad cuius probationem concessa maiore, nego minorem ; ad cuius probationem concessa maiore, nego minorem ; ad cuius probationem concessio antecedente, nego consequentiam, quia licèt tales respectus sint rationis, cum ita dicantur quatenus dicunt

de Castilla.

cunt ordinem ad rationem, possunt optimè fundari in entitate reali; maximè cum entitas realis illas non fundet per relationem realem, vel per relationem, quæ sit alterius prædicamenti. Addit Mag. de Castilla posse tales respectus dici quid absolutum, quin nostra distinctio coincidat cum Scotica; quia solum sunt quid absolutum contrapositum relativo secundum esse, & prædicamentaliter. Hæc objectio non tantum impugnat distinctionem intentionalem inter essentiam, & relationes, sed etiam inter essentiam, & attributa, imò, & inter gradus metaphysicos creatos; & ideo ubicumque proponatur sit erit solvenda. Ex dictis

Baconius.

394 Deduces, nostram distinctionem re ipsa non differre à distinctione D. Angelici; (& si præclarissimi Thomistæ aliter suam distinctionem explicent) hanc enim fuisse mentem D. Thomæ fatetur Baconius in 1. dist. 24. q. 1. art. 4. §. 2. sequentibus verbis: *Quando verò dicitur, quod differunt ex natura rei formaliter sm. definitionem, seu in ordine ad intellectum, solum denotatur distinctio formalis ex parte rei sub hoc sensu, scilicet, quod res ex natura sua nata est concipi sub diversis conceptibus formalibus, sicut aliqui dicunt, quod quælibet res quantumcumque simplex ex natura sua nata est concipi sub diversis conceptibus; ut Angelus, quod sit Angelus, & substantia, & sens: & iste modus videtur fuisse (D. Thomæ quando dixit in 1. dist. 33. quod differunt definitione, non ratione, quæ est in rationabilitate tantum. Ea propter non impugnamus, nec impugnare possumus distinctionem Thomisticam; sed solum modum explicandi, de quo jam sup. n. 296. Et hæc sufficiant pro distinctione formali tam Scotica, quam Baconica.*

D.



DISPUTATIO IV.

DE DISTINCTIONE VIRTUALI, & *Distinctione* Rationis.


S E C T I O I.

De Distinctione Virtuali.

Q U Æ S T I O I.

Utrum Distinctio Virtualis sit maior Distinctione Reali?

395



Resolutio est negativa, & deducta ex Doctore in 3. dist. *Baccon.* 10. q. 1. art. 7. *ŷ. Ad argumentum.* Hanc tenent nostri Magistri, & debet esse certa apud omnes. Verum ad resolutionem

intelligentiam prænoto, distinctionem virtua-
lem non dicere negationem identitatis virtualis, licet distinctio realis dicat negationem identitatis realis, & distinctio formalis negationem formalis identitatis. Ratio hujus est; quia distinctio realis,

O

&

& formalis sunt distinctiones in re; distinctio autem virtualis solum est realis in virtute. Igitur distinctio virtualis solum dicit virtuales negationem identitatis realis, negatque in virtute eandem identitatem, quam in re negat realis distinctio. Hoc prænotato,

396 Probo resolutionem sic. Si distinctio virtualis esset maior distinctione reali diceret maiorem negationem identitatis; sed non dicit: ergo non est maior distinctione reali. Maior constat ex constitutivo distinctionis de quo disp. 1. sectione 1. Probo minorem. Distinctio virtualis tantum negat in virtute identitatem realem; distinctio verò realis hanc negat in re; sed negare in virtute non dicit maiorem negationem quàm negare in re: ergo distinctio virtualis non dicit maiorem negationem identitatis, quàm distinctio realis, adeoque non est maior ista.

Proponuntur objectiones, & dissolvuntur.

397 **N** Ostræ resolutioni opponuntur pauci in suis m. s. dicentes, virtuales distinctionem maiorem esse reali, negari non posse à Doctoribus asserentibus, unionem hipostaticam esse omnium maximam. Pro istis objicies primò. Distinctio virtualis distinguit extrema magis distincta: ergo est maior omnibus distinctionibus ac per consequens distinctione reali. Probas antecedens. Distinctio virtualis distinguit extrema, quæ identificantur realiter: ergo. Probas consequentiam. Unio, quæ Unit extrema magis distincta est omnium maxima; ergo distinctio, quæ distinguit extrema

extrema magis indistincta est maior omni distinctione. Probas antecedens. Unio hypostatica est unio omnium maxima; sed nullo ex capite, nisi quia unit extrema magis distincta: ergo.

398. Respondeo ad objectionem concessio antecedente, negando consequentiam; ad cuius probationem nego antecedens; ad cuius probationem data maiore, nego minorem. Quia dato quod unio hypostatica sit omnium maxima, ideo est quoniam illius extrema nunquam deungi, aut separari possunt juxta illud D. Leonis Serm. de Passione Domini: *Nec suplicio potuerit dirimi, nec morte deungi.* Dixi data maiore; quia si unio sumatur ob privationem distinctionis unitorum, sine dubio maiores sunt, in hoc sensu, hypostaticâ unione, plurium formarum uniones realiter inter se identificatarum ut v.g. unio inter rationabilitatem, & animalitatem hominis & similes. Videatur Mag. Orlando. in 3. p. tract. 1. de Incarnat. disp. 4. et Mastrius tom. 3. Theologiæ disp. 1. de Dominica Incarnatione q. 2. de Natura Unionis art. 1. n. 40.

399. Objicies secundò. Distinctio virtualis excludit omnem identitatem; ergo est maior omni distinctione. Probas antecedens. In tantum non excluderet omnem identitatem in quantum non excluderet identitatem realem; sed excludit: ergo. Maior supponitur ut certa. Probas tamen minorem. Excludit identitatem virtualem; ergo etiam realem. Antecedens liquet. Probas consequentiam. Non potest excludi maior identitas, quin excludatur minor; sed identitas virtualis est maior identitate reali; ergo si distinctio virtualis excludit identitatem virtualem excludit quoque identitatem

O ij

realem.

realem. Respondeo ad objectionem negando antecedens; ad cuius probationem concessa maiore, nego minorem; ad cuius probationem concessa antecedente, nego consequentiam; ad cuius probationem nego maiorem. Solutio patet ex supra dictis disp. præcedente n. 327. & 333.

400 Obijcies tertio, & fortiter. Indistinctio virtualis est maior indistinctione reali: ergo distinctio virtualis est maior distinctione reali. Probas antecedens. Indistinctio virtualis non solum excludit distinctionem virtualement, sed etiam realem; indistinctio verò realis solum excludit distinctionem realem: ergo indistinctio virtualis est maior indistinctione reali. Probas consequentiam. Maioritas unius oppositi arguitur ex maioriore alterius; sed distinctio & indistinctio opponuntur: ergo si indistinctio virtualis est maior indistinctione reali, sequitur, quòd distinctio virtualis sit maior distinctione reali. Probas maiorem. Ex maioriore peccati arguitur maioritas virtutis illi oppositæ; sic ex maioriore impatientiæ arguitur maioritas patientiæ, & ex maioriore intemperantiæ maioritas temperantiæ: ergo.

401 Respondeo ad objectionem concessa antecedente, negando consequentiam; ad cuius probationem nego maiorem; ad cuius probationem distinguo antecedens: ex maioriore peccati arguitur maioritas virtutis illi oppositæ, aliquando, concedo antecedens: semper, nego antecedens. Quia casu, quo Petrus firmiter credat in unum Deum, & non Paulus; Paulus tamen succurrat egeno, & non Petrus, in hoc casu peccatum Pauli est maius peccato Petri, & tamen virtus ipsi opposita non est

est maior virtus, hæc enim est virtus opposita peccato Petri, juxta illud Apostoli ad Corinth. cap. 13.

402 Calu etiam, quòd quidam comes adverte-
tur sumoperè Marchioni, & alius particularis ho-
mo adverteletur Regi, non infertur ex maiortate
Regis maioritas sui oppositi; cùm maius esset op-
positum Marchioni: ergo quemadmodum in politi-
cis ex maiori dignitate unius oppositi non infertur
maioritas dignitatis alterius oppositi, & in morali-
bus non sequitur semper maioritas virtutis ex maio-
ritate peccati, ita in philosophicis non est cur sem-
per arguatur maioritas unius oppositi ex maiortate
alterius, adeoque licet identitas virtualis sit maior
identitate reali propter rationem objectionis, non
sequitur, quòd distinctio virtualis sit maior distin-
ctione reali propter resolutionis fundamentum. Ex
quibus

403 Deduces, distinctionem virtualem mino-
rem esse distinctione reali; quia ista facit, quòd
unum non sit realiter aliud; illa verò solùm facit,
quòd munus unius non sit munus alterius. Si tamen
attendatur ad præcisam rationem distinctionis, nec
distinctio virtualis est maior reali, nec realis est
maior virtuali; quia tam verum est dicere, Natu-
ram Divinam virtualiter distingui à Filiatione, quàm
dicere, Filiationem non esse realiter Paternitatem.

Q U Æ S T I O II.

*Utrum distinctio virtualis Maxima admittenda sit
in creatis ad salvanda aliqua contradictoria
physica.*

Bacon.

404

Garcia.

Arriag.

Oviedo.

Mastrius.

Poncius.

Palanco.

Manfo.

Resolutio est negativa, & deducta ex Doctore quodl. 3. q. 8. y. Item hoc probatur. Quam sequitur Mag. Garcia in Megal. dist. 2. q. 1. art. 4. §. 4. & omnes discipuli ejusdem Doctoris. Pro eadem resolutione stat Arriaga in log. disp. 5. sectione 2. subl. 3. & Oviedo in Metaph. controuv. 4. puncto 4. §. 3. concludens his verbis: *Hæc enim virtualis distinctio in creaturis admissa totam evertit Philosophiam, humanis Divina confundit, eademque regula metitur, Dei esse per essentiam infinitam, & finitam limitatamque creaturarum, perfectionem.* Favent etiam Mastrius in Metaph. disp. 6. de Passionibus entis q. 12. Et Poncius in Metaph. disp. 4. q. 2. n. 18. Merito hæc numerandus est Franciscus Palanco in log. tract. 3. de Universalibus q. 4. & Petrus Manfo Augustinianus in log. tom. 2. lib. 3. q. 8. Et hæc resolutio est communis inter Doctores. Sed antequam illam probem,

405 Prænoto primò, distinctionem virtuales maximam non dicere negationem identitatis virtualis, sed solum negationem virtuales identitatis realis physice juxta id, quod dictum est sup. n. 395. de distinctione in communi, & infra erit dicendum n. 502. de distinctionis virtualis maximæ, & minimæ quidditatibus. Prænoto secundò, contradictoria alia dici physica sive absoluta, & alia intentionalia

nalìa sive diminuta. Prioris generis sunt ea, quæ absolutè, & sine respectu ad intellectum verificantur de eodem; sic si de Petro verificaretur, quòd esset, & non esset productus, verificaretur contradictio physica, sive absoluta. Posterioris generis ea sunt, quæ non absolutè sed cùm ordine ad intellectum verificantur de eodem physicè sumpto, distincto tamen in linea obicibili; sic quando de Petro verificatur, quòd cognoscatur ut animal non ut rationale, verificatur de eodem contradictio intentionalis, sive diminuta, quæ tamen non est rigorosa sicut contradictio physica. De his ulterius erit agendum infra q. 3. n. 431. quibus notatis,

406 Probo resolutionem hoc unico fundamento communi, sed solidissimo. In creatis nulla entitas est capax suscipiendi contradictoria physica: ergo distinctio virtualis maxima admittenda non est ad talia contradictoria salvanda. Probo antecedens. Tunc in creatis aliqua entitas esset capax suscipiendi contradictoria physica quando idem prædicatum physicè affirmaretur, & negaretur cum veritate de entitate ipsâ; sed de nulla entitate potest idem prædicatum physicè affirmari, & negari cum veritate: ergo. Maior liquet. Probo minorem. Prædicatum, quod physicè affirmatur de aliqua entitate, physicè identificatur cum illa, & prædicatum, quod physicè negatur, physicè distinguitur ab eadem entitate; sed idem prædicatum non potest physicè identificari cum eadem entitate, à qua physicè distinguitur: ergo. Maior est certa. Minor constat ex illo infallibili principio: *Impossibile est idem simul esse, & non esse*, quod in creatis nemo huc ulque negavit.

*Proponuntur Objectiones, & dissolvuntur.**Lynceus.**Maur.**Ægidius.**Palanco.**Manſo.**Baccon.**Zagaglia.
Auguſt.]*

407 **N**ostre resolutioni opponuntur aliqui R. R. sequentes Richardum Lynceum fortissimum hujus distinctionis propugnatorem in log. libro 8. tit. 5. & in Metaph. lib. 2. tit. 4. Hanc etiam distinctionem in creatis videtur admittere Maur. in log. q. 22. & Ægidius lusitanus, pro quibus objicies primò. Produci, & non produci sunt prædicata contradictoria physica; sed hæc verificantur de eadem indivisibili entitate creatâ: ergo. Maior est certa. Probas minorem. Malitia, & entitas peccati sunt eadem indivisibilis entitas creata; sed entitas peccati producit à Deo, quin producat malitia: ergo produci, & non produci verificantur de eadem indivisibili entitate creata. Valde urget hæc objectio in sententia communi Thomistarum ponente malitiam formalem peccati in positivo, & hac de causa Palanco citatus, relicta tali opinione, malitiam ponit in privativo, quam sententiam, utpotè ex D. Aug. decuctam sequitur etiam Manſo laudatus n. suo 7. Ad hæreo his AA. quia doctrina, quam tradunt in hoc puncto cohæret principiis Bacconii, & ideo

408 **R**espondeo ad objectionem concessâ maiore, negando minorem; ad cuius probationem nego maiorem; quia malitia formalis peccati consistit in privativo, non in positivo, juxta Bacconium dicentem: *Defectio autem solum dicit privationem seu avertionem.* Et quòd dictum Bacconii intelligatur de malitia peccati probat Mag. Zagaglia tom. in Supplento Bacconii p. 2. d. 8. sect. 1. citans etiam verba

verba Augustini : *Malam voluntatem non facit nisi defectio.* Unde cum privatio non possit identificari cum entitate positiva, bene sequitur, quod malitia identificari non possit cum entitate peccati, & sic præclusa manet tota vis objectionis.

409 Objicies secundò. Possibilis est creatura, quæ habeat virtutem ad infinitos effectus : ergo etiam creatura, quæ habeat capacitatem ad prædicata contradictoria physica. Respondeo ad objectionem concessio antecedente, negando consequentiam. Diversa ratio est; quia illa creatura habens virtutem ad infinitos effectus habet talem virtutem participatam à Deo, & ideo non repugnat: at si esset capax suscipiendi contradictoria physica, esset & non esset creatura, quod repugnat. Esset, ut supponitur, non esset, quia hoc quod est suscipere contradictoria physica dicit virtutem æquipollentem rebus realiter distinctis, quod solum in entitate Divinâ, utpote illimitatâ reperiri potest.

410 Objicies tertio, & erit simul instantia suprapositæ objectionis. Eadem entitas creata præstare potest quod præstant duæ realiter distinctæ; sed in hoc consistit capacitas ad prædicata contradictoria physica: ergo. Probas maiorem. Animal Petri non est minus perfectum quàm animal leonis; deinde rationale Petri est æque perfectum ac rationale Pauli: ergo animali leonis, & rationali Pauli realiter distinctis æquipollet eadem indivisibilis entitas, nempe animal rationale Petri. Respondeo ad objectionem negando maiorem; ad cujus probationem concessio antecedente, distinguo consequens: animali leonis, & rationali Pauli æquipollet eadem indivisibilis entitas, quoad perfectionem, concedo
con-

consequentiam, quoad capacitatem, nego consequentiam; aliàs sicut animal leonis produci potest non producto rationali Pauli, ita posset produci animal Petri, sub rationali non producto. Igitur æquipollentia quoad perfectionem non est, quæ arguit distinctionem virtuales maximam, sed solum æquipollentia quoad capacitatem, & quoad distinctionem realem.

411 Objicies quartò. De eadem unione, qua materia unitur formæ verificatur, quòd dependeat, & non dependeat immediatè à materia; sed hæc sunt contradictoria physica: ergo ad illa salvanda admitteri debet distinctio virtualis maxima. Probas maiorem. Unio, quâ materia unitur formæ, est modus realiter distinctus à materia, deinde dependet à materia mediante passione; sed quatenus modus, dependet à materia immediatè, & quatenus mediata passio, non dependet immediatè: ergo. Respondeo ad objectionem negando maiorem; ad cujus probationem nego maiorem; quia in sententia Baconii unio non est tertia entitas, aut modus distinctus à materiâ, & formâ, sed forma per se ipsam informat materiam, absque unione distincta juxta illud D. Athanasii: *Sicut anima rationalis, & caro unus est homo; ita Deus & homo unus est Christus.* Dato tamen, quòd unio dependeret immediatè à materia tanquam modus ab ipsâ distinctus, non proinde verificarentur de unione prædicata contradictoria physica: cum illa dependentia immediata, & mediata esset secundum rationes realiter distinctas, quæ tollunt omnem physicam contradictionem.

D. Athanas.

412 Objicies quintò. Calu, quo Petrus esset
bilo-

bilocatus Eboræ, & Conimbricæ, posset Eboræ calefieri, & non Conimbricæ; sed in tali casu verificarentur de eodem Petro contradictoria physica: ergo. Maior supponitur ut certa. Probas minorem. In tali casu verum esset dicere, *Petrus est calefactus, Petrus non est calefactus*: ergo. Respondeo ad objectionem concessa maiore, negando minorem; ad cuius probationem nego antecedens; quia quanvis esset verum dicere, *Petrus est calefactus*, fallum tamen esset dicere, *Petrus non est calefactus*; talis enim propositio, cum sit negativa, supponeret Petrum nullibi esse calefactum. Si dicas, Petrum non esse calefactum Conimbricæ, verum dicis; sed cum tali addito jam contradictoria non essent physica, & absoluta, quod bene notavit Gar. *Garcia.* cia hîc n. suo 614. Addo, Petrum in eo casu non fundare contradictoria illa ratione sui, sed tantum ratione diversarum ubicationum, per quas excluderetur contradictio rigorosa.

413 Objicies textò. Distingui, & non distinguì fundamentaliter in lineâ physicâ sunt prædicta contradictoria physica; sed hæc verificantur de eadem entitate creata: ergo ad illa salvanda debet admitti distinctio virtualis maxima. Maior liquet. Probas minorem. De animali verificatur, quòd distinguatur fundamentaliter à rationali; sed etiam verificatur, quòd non distinguatur fundamentaliter à rationali: ergo. Maior est certa. Probas minorem. De animali verificatur, quòd non distinguatur fundamentaliter ab animali; sed animal physicè est rationale: ergo de animali verificatur quòd non distinguatur fundamentaliter à rationali.

414 Respondet Manso citatus n. suo 6. talia *Manso.* præ.

prædicata non esse contradictoria, nam, inquit: *Contradictoria sunt*. Affirmatio, & negatio ejusdem de eodem secundum idem: *Sed talia non sunt affirmatio, & negatio ejusdem, quia de animali affirmatur distinctio virtualis à rationali, & non negatur distinctio virtualis à rationali, sed distinctio virtualis à se ipso*. Sed contra; quia in hoc calu datur affirmatio, & negatio ejusdem; nam animal physicè est rationale: ergo si negatur de animali, quòd distinguatur physicè fundamentaliter, seu distinctione virtuali minimà à rationali, negatur etiam, quòd distinguatur à se ipso, ac per consequens de eodem animali affirmatur, & negatur distinctio fundamentalis à rationali. Igitur

415 Respondeo ad objectionem concessà maiore, negando minorem; ad cujus probationem concessà maiore, nego minorem; ad cujus probationem nego maiorem; quia animal hominis (de quo loquitur) in lineà physicà non dicit solum prædicata animalis, sed etiam rationalis, quod cum illo physicè identificatur, ideoque sicut est verum dicere, quòd physicè fundamentaliter distinguatur à rationali, in eodem sensu verum est, quòd à se ipso distinguatur. Unde sensus propositionis affirmantis, *Animal distinguitur fundamentaliter ab animali*, est hic: *In eadem entitate animalis datur fundamentum ad distinguendas diversas formalitates*, & talis sensus est verus; quia cum illa entitas animalis sit eadem entitas rationalis, & animal, & rationale sint formalitates distinctæ in linea obijcibili, ab illa indivisibili entitate resultantes, non est cur non admittatur, quòd animal distinguatur fundamentaliter à se ipso, dum distinguitur fundamentaliter

mentaliter à rationali cum quo est idem. Et sic non verificatur contradictio de eodem animali physicè sumpto, nec est cur admittatur distinctio virtualis maxima ad illam salvandam.

416 Objicies septimò. Petrus non distinguitur, & distinguitur virtualiter à lapide; sed hæc sunt contradictoria: ergo idem quod sup. Probas maiorem quoad primam partem. Petrus solùm distinguitur à lapide physicè; sed distinctio physica non est distinctio virtualis: ergo. Probas eandem minorem quoad secundam partem. Petrus non habet identitatem virtualem cum lapide; sed negatio identitatis virtualis nihil aliud est, quàm distinctio virtualis: ergo Petrus distinguitur virtualiter à lapide. Maior est certa. Probas minorem. Negatio identitatis realis est distinctio realis: ergo negatio identitatis virtualis nihil aliud est, quàm distinctio virtualis. Antecedens constat ex dictis disp. I. n. I. consequentia tenet à paritate. Hæc obiectio videtur habere vim, supposito constitutivo distinctionis in negatione identitatis; verùm si rectè attendatur ad ea, quæ sup. dicta sunt n. 5. & 405. non erit operosum respondere. Ex ibidem dictis

417 Respondeo ad objectionem concessâ maiore quoad primam partem, negando quoad secundam, ad cujus probationem concessâ maiore, nego minorem; ad cujus probationem concessio antecedente, nego consequentiam. Disparitas est, quia distinctio realis est in re vera, & rigorosa distinctio, & ideo verè, & rigorosè negat identitatem realem; at distinctio virtualis non est distinctio rigorosa in re, sed solùm est talis in virtute, & ideo solùm negat in virtute id, quod negat in re distinctio realis; quare

quare non dicit negationem identitatis virtualis, sed negationem virtualem identitatis realis. Hinc, ut Petrus distingueretur virtualiter à lapide, opus erat dicere in virtute tantum negationem identitatis realis cum lapide; constat autem Petrum non dicere negationem tantum in virtute, sed realem negationem identitatis cum lapide, quâ de causâ non virtualiter, sed realiter physicè distinguitur à lapide, licet non habeat identitatem virtualem cum illo.

418 Addo, istam propositionem, *Quod non habet identitatem virtualem cum alio distinguitur virtualiter ab illo*, solum habere locum in rebus physicè identificatis, in quibus tantum reperiuntur extrema distinctionis virtualis. Sic quia Paternitas identificatur physicè cum naturâ Divinâ, idem est dicere, Paternitas non habet identitatem virtualem cum naturâ, ac dicere, Paternitas distinguitur virtualiter à naturâ. Itaque non sufficit, quod detur negatio identitatis unius cum alio, ut unum ab alio distinguatur, sed necesse est, quod illud quod distinguitur detur, & supponat juxta genus, & extrema distinctionis.

Lynceus.

419 Objicies octavò pro Richardo Lynceo sup. citato. Visus percipiens albedinem attingit habitum, quam dicit albedo ad effectus ejusdem; sed non attingit habitudinem, quam dicit ipsa albedo ad Deum: ergo inter eas habitudines admitti debet distinctio virtualis maxima. Maior est certa. Probas minorem. Si visus percipiens albedinem attingeret habitudinem, quam dicit ipsa albedo ad Deum, sequeretur, quod Deus tangeretur visu; hoc non: ergo. Respondeo ad objectionem concessâ maiore negan-

negando minorem; ad cuius probationem nego sequelam maioris; non enim sequitur, quòd Deus tangi possit à visu, licèt tangatur habitudo ad ipsum Deum, sicut non sequitur (etiam juxta Lynceum) quòd visio de factò sit reflexa supra species impressas, licet tangat habitudinem ad illas. Unde quòd visus non transeat ad cognitionem terminorum, quos respicit ea albedo, provenit ex imperfectà ejusdem albedinis cognitione. Cùm tamen tangat omnes ejusdem albedinis habitudines, non verificantur prædicata contradictoria de eadem, scilicet attingi, & non attingi.

420 Objicies nonò fundamento, quod est Achilles ejusdem Lyncei. Amor Dei, & odium peccati *Linceus.* in verà contritione sunt eadem physica entitas a parte rei; sed de tali entitate verificantur contradictoria physica: ergo. Maior est certa. Probas minorem. De tali entitate verificatur, quòd terminetur ad Deum, & quòd non terminetur ad Deum, sed hæc sunt contradictoria physica: ergo. Probas maiorem. Talis entitas est simul amor, & odium; sed quatenus amor terminatur ad Deum, & quatenus odium non terminatur ad Deum: ergo de tali entitate verificatur, quòd terminetur ad Deum, & quòd non terminetur ad Deum. Respondeo ad objectionem concessâ maiore, negando minorem; ad cuius probationem nego maiorem; ad cuius probationem concessâ maiore, nego minorem; quia in actu contritionis non solum terminatur ad Deum amor Dei, sed etiam odium peccati.

421 Instabis. Si in actu contritionis odium terminaretur ad Deum, Deus diceretur odio habitus per actum contritionis; sed hoc non; ergo odium nullo

nullo modo terminatur ad Deum in actu contritionis. Probas sequelam maioris. Quia in actu contritionis amor terminatur ad Deum, dicitur Deus amatus per actum contritionis: ergo si in actu contritionis odium terminaretur ad Deum, Deus diceretur odio habitus per actum contritionis. Respondeo ad instantiam negando sequelam maioris; ad cuius probationem distinguo antecedens; quia in actu contritionis amor Dei terminatur ad Deum, Deus dicitur amatus per actum contritionis, concedo antecedens; quia præcisè terminatur amor ad Deum, nego antecedens.

422 Non sufficit, quòd præcisè terminetur amor ad objectum, ut objectum dicatur amatum, sed opus est, quòd talis amor sit amor ipsiusmet objecti ad quod terminatur; aliter Deus amando ignem inferni, quia animadversio est dilecti, amaret utique ipsum delictum; & nos Deum ut punitorem damnatorum diligendo, utique diligeremus ipsos damnatos; hi namque dicuntur de connotato in objecto hujus dilectionis, sicut illud delictum in objecto illius amoris Dei. ergo si, ut objectum dicatur amatum, non sufficit præcisè, quòd ad illud terminetur amor, etiam, ut objectum aliquod dicatur odio habitum, non sufficiet, quòd ad tale objectum odium præcisè terminetur, sed necesse est, quòd terminetur odium ipsiusmet objecti, jam verò odium, quod in actu contritionis terminatur ad Deum non est odium Dei, sed est odium peccati, & ideo Deus non dicitur, nec dici potest odio habitus per actum contritionis.

423 Replicabis. Quando unum prædicatum affirmatur. & negatur de eodem subjecto de illo verificatur

rificantur prædicata contradictoria ; atqui amari, & odio haberi sunt idem realiter prædicatum in actu contritionis , quo non obstante , amari realiter de Deo affirmatur , & odio haberi realiter de Deo negatur ; ergo quidquid respondeas , semper admittis contradictoria in eadem physicâ entitate, nempe in actu contritionis. Respondeo ad replicam concessâ maiore, distinguendo minorem: amari, & odio haberi sunt idem realiter prædicatum in actu contritionis, &c. amari Deum, & odio haberi peccatum , concedo minorem: amari Deum, & odio Deum haberi, nego minorem, imò suppositum scilicet, quòd in actu contritionis possit Deus odio haberi.

424 Urgebis. Tu concedis, quòd, in actu contritionis , odium , & amor sint idem realiter prædicatum , & quòd objectum ad quod terminatur amor terminetur etiam odium: ergo sicut amor ille reddit objectum amatum , ita odium debet reddere objectum , nempe Deum , odio habitum. Antecedens constat ex concessis , & est certum. Probas consequentiam. Ex eo quòd sint idem cognitio , & repræsentatio , & nulla cognitio possit terminari ad objectum , quin illud repræsentet , sequitur quòd sicut per talem cognitionem dicitur objectum cognitum , ita dicatur repræsentatum: ergo si in actu contritionis odium , & amor sunt idem realiter prædicatum , & objectum ad quod terminatur amor, terminatur etiam odium , bene sequitur, quòd sicut amor ille reddit objectum amatum , ita odium debet reddere objectum odio habitum. Respondeo ad Urg. concessio antecedente, negando consequentiam. Diversa ratio est; quia cognitio est talis con-

P

ditionis

ditionis ex natura sua, quòd sit repræsentativa objecti ad quod terminatur, quin indigeat tali vel tali respicientiâ; at vero amor, & odium sunt formæ talis naturæ, quòd non præstant suas denominationes licet terminentur ad objectum, nisi amor terminetur affectivè, & odium fugitivè.

425 Reurgebis. In actu contritionis odium terminatur ad Deum fugitivè: ergo reddit Deum odio habitum. Probas antecedens. In actu contritionis amor terminatur ad Deum affectivè: ergo odium terminatur ad Deum fugitivè. Antecedens est certum. Probas consequentiam. Quælibet forma præstat suum effectum in subjecto in quo recipitur, vel in objecto ad quod terminatur, dummodo tale sit capax ipsius effectus; sed Deus non solum est capax amoris, sed etiam odii: ergo sicut amor terminatur ad Deum affectivè reddendo Deum amatum, ita odium terminatur ad Deum fugitivè reddendo Deum odio habitum.

426 Respondeo ad reurg. negando antecedens; ad cujus probationem concessio antecedente, nego consequentiam; quia licet Deus per alium actum possit odio haberi, minimè per actum contritionis; siquidem cognitio illa illuminans ad contritionem non aliter Deum proponit, nisi ut summè bonum, & sine aliquâ mixturâ mali: jam verò voluntas fertur in objectum prout ab intellectu proponitur, ideoque per actum contritionis odio habetur peccatum, quia proponitur ut malum, & detestabile. Nec obstat, quòd in actu contritionis idem sint amor, & odium, & quòd simul terminentur ad Deum; nam odium illud in contritione repertum, terminatur ad Deum indivisibiliter cum amore, persequendo, & peraccessum.

cessum, & ideo non est odium Dei, sed odium peccati à quo recedit. Hoc liquet exemplo motûs localis, quo quis movetur à termino à quo ad terminum ad quem, quin proinde talis motus sit recessus a termino ad quem, vel accellus ad terminum à quo, & tamen talis motus est indivisibilis.

427 Ad probationem consequentiæ distinguo maiorem: quælibet forma præstat suum effectum in subiecto; in quo recipitur, &c. vel adæquatum, vel inadæquatum, concedo maiorem; semper adæquatum, nego maiorem. Deinde distinguo minorem: Deus non solum est capax amoris, sed etiam odii, per actus diversos, concedo minorem: per actum contritionis, nego minorem. Unde amor, & odium in illa entitate indivisibili actûs contritionis solum præstant in Deo effectum inadæquatum, cujus Deus est capax, & non effectum adæquatum reddendi Deum amatum, & simul odio habitum: sicut unio, quæ quanvis habeat pro effectû formali atringere duo extrema, non præstat in quolibet hunc effectum adæquatum. Idem liquet in cognitione, cujus effectus formalis adæquatus est reddere potentiam cognoscentem, & objectum cognitum, & tamen non præstat suum effectum adæquatum in sola potentiâ, vel in solo objecto.

428 Iterum reurgebis. Si Deus non posset odio haberi per actum contritionis, necessariò amaretur per talem actum: hoc non: ergo. Maior patet. Probas minorem. Deus liberè amatur à nobis per actum contritionis: ergo non amatur necessariò. Probas antecedens. Nos in tantum meremur in quantum liberè amamus; sed meremur amando Deum per actum contritionis: ergo Deus liberè amatur à nobis

bis per actum contritionis. Respondent aliqui, Deum amari à nobis liberè per actum contritionis, libertate contradictionis, non libertate contrarietatis. Verùm hæc solutio non subsistit, quia quemadmodum taliter Deum diligimus, ut possimus non deligere, in quo consistit libertas contradictionis; ita Deum deligimus, ut possimus Deum odio habere, in quo stat libertas contrarietatis: ergo non minus reperitur in nobis libertas contradictionis, quàm libertas contrarietatis ad Deum amandum, antecedenter ad actum contritionis; nec, posito tali actu, datur in nobis potius carentia libertatis contrarietatis, quàm contradictionis. Quare

429 Respondeo ad ultimam Reurg. disting. maiorem: Si Deus non posset odio haberi per actum contritionis, necessariò amaretur per talem actum, necessitate specificationis, concedo maiorem: necessitate exercitii, nego maiorem, & minorem in sensu distinctionis; ad cuius probationem distinguo maiorem: Deus liberè amatur à nobis per actum contritionis, idest, taliter elicimus talem actum ut possimus eum non elicere, vel elicere actum oppositum, concedo antecedens: idest, posito tali actu, possumus ponere ejus carentiam, vel actum oppositum, nego antecedens; ad cuius probationem concessi à maiore, & minore distinguo consequens modo dicto. Igitur necessitas altera dicitur exercitii, specificationis altera. Necessitas exercitii est illa, qua quis necessitatur ad elicentiam alicujus actus in particulari, sic necessitatur Beatus in Patria ad amandum Deum. Necessitas specificationis est illa, qua quis elicit aliquem actum in specie ex suppositione, quòd velit aliquem actum elicere; & ista
repe-

reperitur in nobis ad elicientiam actus contritionis, quia, supposito quod talem actum elicere velimus, debemus ponere actum amoris, & non odii. Ex hucusque dictis

430 Deduces primò, nullum dari fundamentum ad admittendam distinctionem virtualem in creatis; cum repugnent contradictoria physica; & intentionalia salventur distinctione formali Baconica, Nec curæ nobis esse debet Baconius in 3. dist. 10. *Bacconius.* q. 1. art. 7. *Y.* *Ad argumentum* dicens: *Contingere in creatis, ut cum identitate duorum reservetur eis subtilitas naturæ, ita quod æque unus effectus potest concedi de uno, & negari de alio, ac si realiter differrent;* Siquidem Resolutus loquitur de distinctione virtuali minimâ, quæ est fundamentum distinctionis intentionalis. Deduces secundò, nihil verificari physice de animali, quod de rationali non verificetur; in lineâ tamen intelligibili multa verificari de uno, quæ de altero non verificantur, quin opus sit recurrere ad distinctionem virtualem maximam, juxta sup. dicta disp. 3. n. 245. Aliæ objectiones, quæ hanc distinctionem videntur probare in creatis, militant etiam pro sententiâ Scoti, & ideo manent solutæ disp. citata sectione 1. q. 1.

Q U Æ S T I O III.

*Utrum Distinctio virtualis Maxima admittenda sit
in creatis ad salvanda aliqua contradictoria
intentionalia?*

Baccon.

431

Resolutio est negativa, & deducta ex Doctore loco sup. ubi solam admittit distinctionem virtualement minimam, excludendo absolutè maximam in creatis. Idem colligitur ex eodem in 1. dist. 2. q. 2. art. 3. §. 1. Ubi distinctionem tantum intentionalem proponit ad contradictoria intentionalia salvanda. Pro hac resolutione stant Doctores omnes citati quæst. præcedenti n. 404. sed antequam illam probem, prænoto, contradictoria intentionalia aliquando dari inter ea, quorum unum verificatur in lineâ physicâ, & aliud in linea intentionali; aliquando verò inter ea, quorum unum, & aliud verificantur in eadem linea intentionali. Prioris generis sunt hæc: *Homo est resibilis, Homo, quia animal non est resibilis*. Posterioris generis sunt hæc: *Homo quia rationalis est resibilis, Homo quia animal non est resibilis*. Hoc prænotato,

432

Probo resolutionem sic. In tantum admittenda esset distinctio virtualis maxima in creatis ad salvanda contradictoria intentionalia in quantum talia contradictoria non possent salvari sine tali distinctione; sed possunt: ergo non est cur in creatis admittatur talis distinctio. Maior est fundamentum partis adversæ. Probo minorem. Talia contradictoria salvantur beneficio distinctionis formalis intentionalis: ergo possunt salvari sine distinctione

ctione virtuali. Consequentia liquet. Antecedens constat ex dictis sup. disp. 3. lect. 2. q. 1.

Proponuntur objectiones, & dissolvuntur.

433 **N**ontræ resolutioni opponuntur Rhodes. *Rhodes.*
 des tom. 2. Theolog. disp. 1. de Sa- *Comptonus.*
 cram. in genere q. 2. lect. 1. §. 1. *Ad quintam deni-* *Oviedo.*
que. Comptonus in Log. disp. 24. lect. 6. n. 3. & Re-
 centes alii, quos supresso nomine refert Oviedo in
 Metaph. contr. 4. puncto 4. §. 4. pro quibus objicies
 primò. Si in creatis daretur fundamentum ad con-
 tradictoria physica, necessario admittenda esset di-
 stinctio virtualis maxima ad illa salvanda: ergo,
 cum dentur contradictoria intentionalia, eadem
 distinctione virtuali salvari debent. Antecedens
 constat ex dictis q. præcedenti. Probas consequen-
 tiam. Non minus sunt contradictoria, contra-
 dictoria physica, quàm contradictoria intentionalia: er-
 go si necessariò admittenda esset distinctio virtua-
 lis maxima ad illa salvanda, etiam ad ista.

434 Probas antecedens. Oppositio, quæ datur
 inter illa contradictoria physica v. g. *produci*, &
non produci est oppositio contradictoria in rigore;
 sed talis est oppositio, quæ reperitur inter contra-
 dictoria intentionalia v. g. *cognosci*, & *non cognosci*:
 ergo. Maior est certa. Probas minorem. Ideo pri-
 ma oppositio est talis in rigore, quia *ly non* cadens
 supra verbum *produci* id ipsum negat, quod per il-
 lud fuerat affirmatum; (negatio enim formæ, for-
 mæ ipsi opponitur contradictoriè) atqui *ly non* ca-
 dens supra verbum *cognosci* etiam negat id ipsum,
 quod per illud fuerat affirmatum: ergo qualis est

oppositio inter contradictoria physica . talis est oppositio , quæ reperitur inter contradictoria intentionalia.

435 Respondeo ad objectionem concessio antecedente , negando consequentiam ; ad cujus probationem nego antecedens ; ad cujus probationem concessio maiore , nego minorem ; ad cujus probationem distinguo maiorem ; ideo prima oppositio est talis in rigore , quia *ly non* cadens supra verbum *produci* id ipsum negat . indistinctum in re , quod per illud fuerat affirmatum , concedo maiorem : aliter , nego maiorem . Deinde nego minorem , & consequentiam . Quia cum in esse cognoscibili una formalitas non sit alia , falsum est , quod negetur id ipsum intentionaliter , quod intentionaliter fuerat affirmatum ; hâc de causâ , licet animal cognoscatur non cognito rationali , non proinde sunt rigorosè contradictoria *cognosci* , & *non cognosci* . At in contradictoriis physicis id ipsum negatur secundum rem , quod secundum rem fuerat affirmatum ; cum formalitates ejusdem rei in re identificentur , seu una sit physicè alia ; ideoque contradictoria physica sunt talia in rigore.

Zagaglia.

436 Addit Mag. Zagaglia , *ly non* cadens supra verbum *cognosci* solum negare , secundum conceptum non ultimum , id ipsum , quod per tale verbum fuerat affirmatum ; non tamen id ipsum negare secundum conceptum ultimum . Est dicere , quod *non cognosci* , licet neget id ipsum , quod est tale secundum rem , neget tantum ut jam intentionaliter distinctum . Unde non negat sicut *ly non* cadens supra verbum *produci* , quia talis negatio negat id ipsum secundum rem indistinctum , & nml-

lâ præcedente distinctione. Hæc obiectio est Achilles negantium præcisiones obiectivas, & ideo erit, aliis terminis, proponenda iterum seq. sectione n. 531

437 Objicies secundò. Calu, quo non possent verificari de duobus prædicatis contradictoria physica, bene quidem intentionalia, prædicata illa essent physicè idem: ergo ad hoc ut talia prædicata physicè identificentur sufficit, quòd de illis non possint verificari contradictoria physica, & non est cur negetur distinctio ad salvanda contradictoria intentionalia. Respondeo ad objectionem concessio antecedente, disting. consequens: ita ut talis distinctio sit formalis intentionalis, concedo consequentiam: ita ut sit distinctio maxima virtualis, nego consequentiam. Non nego dari illa contradictoria intentionalia, compatique cum identitate physica, sed solùm nego, quòd salventur beneficio distinctionis virtualis maximæ; cùm ad illa salvanda detur distinctio intentionalis Baconica.

438 Objicies tertio. Nihil potest simul amari, & non amari sine distinctione reali rigorosâ: ergo neque cognosci, & non cognosci sine distinctione virtuali maximâ. Respondeo ad objectionem negando antecedens; quia cùm in eadem re dentur formalitates diversæ, & distinctæ in esse intelligibili, potest una objici intellectui, & non alia, adeoque amari potest una, quin ametur alia. Quis enim verat me complacere posse de meo rationali, non de meo animali: nego ergo consequentiam, & confirmo resolutionem. Ex dictis

439 Deduces, omnia contradictoria intentionalia de *cognosci*; & *non cognosci* (& etiam illa, quorum

rum unum verificatur in linea physica, seu absolute, aliud vero in linea intentionali, sive cum addito, de quibus sup n 431.) solâ distinctione intentionali, quæ est vera, & realis distinctio, salvari posse; non distinctione virtuali maximâ, quæ in creatis tam ad contradictoria physica, quàm ad intentionalia est omnino fictitia, & chimærica.

Q U Æ S T I O IV.

Utrum Distinctio virtualis Maxima admittenda sit in Divinis inter Essentiam, & Relationes ad salvanda aliqua contradictoria physica, sive absoluta?

440 **R**esolutio est affirmativa, non expressa, sed satis deducta ex Doctore in 1. dist.

Bacconius.

Daniel.

Lumbier.

Isquierdo.

Aranda.

Muniessa.

Marin.

34. q. 1. §. 3. X. *Quartò me movet* ubi clarè docet, quòd munus Paternitatis non sit munus essentia, quanvis habeant idem esse essentia, & Paternitas. Defendunt resolutionem, ex nostris, Mag. Daniel à D. Josepho de Deo uno disp. 5. cap. 8. Mag. Lumbier de voluntate q. 3. art. 4. n. 69. & de Trinit. q. 8. de Relationibus Divinis art. 1. licèt discipuli Resoluti salvent communiter contradictoria omnia in Divinis sola distinctione formali intentionali ut dixi sup. disp. 3. sect. 2. n. 376. Pro virtuali maxima stant etiam Isquierdo Plaro scient. disp. 13. q. 7. Aranda lib. 1. de Deo disp. 2. sectione 3. Muniesfa de Essentia, & Attributis disp. 7. sect. 7. & alii, quos citat, & sequitur Joannes Marin. tract. 2. de Trinitate disp. 3. sed ante resolutionis probationem.

441 Prænoto primò, distinctionem virtualem

ma-

maximam dari inter ea, quorum munus unius non est munus alterius, licet esse unius sit esse alterius. Unde in Divinis etsi natura sit idem cum Filiatione realiter physicè, & sic esse naturæ sit esse Filiationis, tamen munus naturæ non est munus Filiationis; munus namque naturæ est communicari se omnibus Personis, quod non habet Filatio. Hoc prænoto,

442 Probo resolutionem sic. Distinctio virtualis maxima salvat hæc contradictoria: *Natura communicatur, Filatio non communicatur: Natura non producitur, Filatio producitur*: ergo. Probo antecedens. Admissâ hâc distinctione in Divinis inter naturam, & relationes conservatur identitas realis physica naturæ cum relationibus, & verificatur, quod, non obstante illâ identitate, munus naturæ non sit munus relationum: ergo distinctio virtualis maxima salvat talia contradictoria. Consequentia liquet. Antecedens constabit ex objectionum solutionibus.

Proponuntur objectiones, & dissolvuntur.

443 **N**ostre resolutioni opponuntur varii AA. distinctionem virtualement maximam ex diversis capitibus impugnantes. Alii ex eo, quod non sit dabilis absolutè talis distinctio. Ita quamplurimi Discipuli D. Angelici, quos sequitur Petrus Manso in Log. lib. 3. de Univ. q. 8. §. 1. *ni-Manso*. xus quatuor fundamentis, & n. 4. *Ÿ. Idem docet* citat Fundatissimum suum, & suum Lusitanum dicentem hanc sententiam esse communem omnium Antiquorum. Alii ex eo, quod distinctio virtualis maxima

xima se sola non possit salvare contradictoria physica in Divinis, nisi intercedat distinctio formalis Scotica. Ita ex Discipulis D. Subtilis Mastrius tom. 1. disp. 2. q. 2. art. 2. citans infinitos suæ Familiæ Patronos. Idem videri vult probare noviter Dominicus à D. Petro Alcantarensis in Metaph. disp. 5. q. 5. Alii ex eo, quòd dicta contradictoria salventur distinctione formali Baconica. Ita ex Discipulis D. Resoluti Mag. Zagagl. tom. 4. tract. 2. disp. 3. sect. 1. n. 5. Mag. de Castilla tract. 2. de Deo uno q. 8. n. 264. Alii tandem ex eo, quòd admissa tali distinctione, negari non possit Scotica. Ita plures. Pro omnibus, & in primis pro AA. primæ sententiæ cum Manso citato.

*Mastrius.
à D. Petro.*

*Zagaglia.
de Castilla.*

*Manso.
Conc. Florent.*

D. August.

444 Objicies primò. Concilium Florent. sess. 8. & sess. 19. declarat, quòd inter essentiam, & relationes nulla detur distinctio præter distinctionem rationis: ergo excludit distinctionem virtualemintrinsecam maximam. Confirmabis ex D. Augustino q. 17. de Trin. & aliis in locis ubi nullam admittit in Deo distinctionem ex natura rei. Respondeo ad objectionem concessio antecedente, dummodò nomine distinctionis rationis intelligatur etiam distinctio Baconica, juxta sup. dicta n. 344. & nego consequentiam. Quia admissa in Deo distinctione virtuali maxima, salvatur tota veritas Concilii caventis inter essentiam, & relationes distinctionem quamcumque veram, & rigorosam, facientemque quòd a parte rei essentia non sit relatio; cùm autem id non præstet distinctio virtualis maxima, quæ non est rigorosa distinctio realis, sed solum talis in virtute, faciens tantum quòd munus unius perfectionis non sit munus alterius, bonè sequitur, quòd
non

non excludatur à Concilio ; imò admitti debet necessariò ut salvetur nostra Fides. Eodem modo respondeo ad auctoritates. D. Aug. quæ nihil , nec per umbram , contra resolutionem probant.

445 Objicies secundò cum eodem Manso ratione deducta ex eodem Augustino. Contradictoria in sensu reali verificata arguunt distinctionem realem entitativam : ergo non est dabilis distinctio virtualis intrinseca ad salvanda contradictoria in sensu reali. Probas antecedens ex D. Augustino lib. xi. de Civitate Dei cap. 10. ubi infert , quòd incorruptibilitas corporis gloriosi realiter distinguitur à substantia corporea , quia suscipit illa contradictoria : *Æqualis , non æqualis*. Arguit sic : *Ita cùm sint inæqualis manus , & digitus , æqualis est tamen incorruptibilitas manus , & digiti. At per hoc , quanvis à corpore incorruptibili inseparabilis incorruptibilitas sit , aliud est tamen substantia , qua corpus dicitur , aliud qualitas ejus , qua incorruptibile nuncupatur.* Manso. D. August.

446 Respondeo ad objectionem disting. antecedens : contradictoria in sensu reali verificata arguunt distinctionem realem entitativam in creatis , concedo antecedens : in Divinis , nego antecedens ; ad cujus probationem dico , optimam esse illationem D. Augustini inferentis distinctionem realem ex contradictoriis in sensu reali verificatis ; pessimam tamen esse illationem Mansi concludentis in Divinis ex creatis. Datur enim infinita disparitas ; quia entitas creata utpote limitata , & finita non est capax suscipiendi contradictoria physica ; entitas verò Divina cùm sit illimitata , & infinita potest suscipere talia contradictoria , propter distinctionem

ctionem realem, quam habet in virtute, & in qua est tota difficultas Mysterii Trinitatis, cujus infinitudo mirum non est, quòd principia naturalia metaphysica prætérvolet.

Manfo.

D. Thomas.

447 Objicies tertio cum eodem Manfo ex D. Thoma I. p. q. 39 art. 1. ad secundum dicente: *Quòd in quantum essentia, & Persona in Divinis Differunt secundum intelligentiæ rationem, sequitur quòd aliquid possit affirmari de uno, quod negatur de altero*: ergo pro solvendis contradictoriis opus non est recurrere ad distinctionem virtua-lem intrinsecam maximam. Respondeo ad objectionem. D. Angelicum loquutum fuisse de contradictoriis in ordine ad nostros conceptus, ad quæ salvanda sufficit distinctio in esse cognoscibili, seu secundum intelligentiæ rationem; non verò de contradictoriis physicis, quæ necessariò petunt aliquam distinctionem ex natura rei, saltem in virtute.

Manfo.

448 Objicies quarto cum eodem Manfo, ratione efformatâ ex implicantiâ contradictionis de eadem entitate in sensu reali. Tunc verificantur contradictoria in sensu reali, quando idem prædicatum affirmatur realiter, & negatur de eadem entitate; sed de eadem entitate nequit idem prædicatum realiter affirmari, & negari: ergo. Maior est certa. Probas minorem. Prædicatum, quod realiter affirmatur de entitate, realiter identificatur cum illa, prædicatum, quod realiter negatur de entitate, realiter ab illa distinguitur; sed implicat, quòd unum, & idem prædicatum realiter identificetur cum ea entitate à qua realiter distinguitur: ergo.

449 Respondeo ad objectionem concessâ maiore,

re, distinguendo minorem: de eâdem entitate creatâ nequit idem prædicatum realiter affirmari, & negari, concedo minorem: de eadem entitate increatâ, subdistinguo: nequit idem prædicatum realiter affirmari quoad esse, & negari quoad esse, concedo minorem: realiter affirmari quoad esse, & negari quoad munus, nego minorem; ad cujus probationem concessâ maiore quoad primam partem, distinguo quoad secundam: prædicatum, quod realiter negatur de entitate, quoad esse, ab illa realiter distinguitur, concedo maiorem: prædicatum, quod realiter negatur quoad munus tantummodo, nego maiorem. Verum est, quod in rebus creatis non possit idem prædicatum realiter affirmari, & negari de eadem entitate, & hoc fundamento excludimus distinctionem virtualem maximam à rebus creatis; at in Divinis potest idem prædicatum simul affirmari, & negari de eadem entitate, affirmari, inquam, quoad esse, & negari quoad munus, quod non petit distinctionem realem, sed tantum virtualem. Ad plenam intelligentiam solutionis vide infra dict. n. 456. Hæc sunt fundamenta, quibus nititur sup. Citatus Mantò à n. suo 2. usque ad 5. Nunc pro AA. secundæ sententiæ

450 Objicies quintò cum Mastrio sup. citato n. *Mastrius.* suo 37. Admissâ distinctione virtuali maximâ inter essentiam, & relationes præcluditur omnis via probandi distinctionem realem personarum in Divinis contra hæreticum, vel infidelem Trinitatem negantem: ergo. Probas antecedens. Admissâ distinctione hæc inter Patrem, & Filium salyatur quod Pater producat, & Filius producat: ergo præcluditur omnis via probandi distinctionem realem personarum

sonarum in Divinis. Probas antecedens. Admissa tali distinctione in Divinis salvatur, quod Paternitas producat, & Deitas non producat: ergo etiam, quod Pater producat, & Filius producat. Respondeo ad objectionem negando antecedens; ad cuius probationem nego antecedens; ad cuius probationem concesso antecedente, nego consequentiam. Disparitas est; quia distinctio virtualis non facit quod unum non sit aliud realiter, sed solum quod munus unius non sit munus alterius, & ideo quod Paternitas producat, & Deitas non producat arguit tantum distinctionem virtualem; at verò distinctio realis facit quod unum non sit aliud realiter, ideoque debet admitti realis distinctio inter Patrem, & Filium, non præcisè ex eo, quod Pater producat, & Filius producat; sed quoniam nec Fide nec ratione cogimur dicere, personas Divinas identificari realiter.

451 Instabis. Mysterium Trinitatis debet constitui digniori, & præstantiori modo, quo possit sine læsione ipsius mysterii; sed per distinctionem virtualem inter personas, digniori, & præstantiori modo constituitur, quàm per distinctionem realem: ergo. Maior est certa. Probas minorem. Distinguendo personas solum virtualiter, servatur maior unitas, & simplicitas in Deo, quàm eas distinguendo realiter: ergo. Respondeo ad instantiam concessa maiore, negando minorem; ad cuius probationem nego antecedens; quia dari non potest unitas nec simplicitas maior unitate, & simplicitate summâ, quæ in Deo reperitur, non obstante distinctione reali relationum; maxime cum ipsæ relationes non uniantur inter se ad constituendum

unum sicut uniantur cum essentia.

452 Objicies sextò cum eodem Mastro. Ad- *Mastrius.*
missa tali distinctione inter essentiam, & relationes ad solvenda contradictoria physica committitur circulus: ergo non debet admitti. Probas antecedens. Si quærat, quare de Deo prædicata contradictoria enuntiantur, respondebitur, quia licet Divina essentia sit una, & indivisibilis tam realiter, quàm formaliter, est tamen multiplex virtualiter: & si rursus quærat, quomodo si est una entitas simplicissima realiter, & formaliter, est tamen multiplex virtualiter, respondebitur, quia habet capacitatem ad prædicata contradictoria: ergo committitur circulus. Respondeo ad objectionem negando antecedens: ad cujus probationem nego primam partem antecedentis; quia quærenti, quare de Deo prædicata contradictoria enuntiantur, solum responderi debet: quia sic docet Fides; quam si neget hæreticus convincendus erit pro credibilitate Mysteriorum. Unde non committitur circulus; cum non respondeatur idem per idem, ut supponit Mastrius.

453 Objicies septimò Distinctio virtualis maxima non est distinctio formalis; sed distinctio, quæ non est formalis, non est sufficiens ad salvanda prædicata contradictoria in Divinis: ergo Maior est certa. Probas minorem. Prædicata contradictoria in Divinis verificantur formaliter; formaliter namque actu à parte rei verum est, quodd natura communicetur, & non communicetur Paternitas; sed ad salvanda prædicata contradictoria, quæ formaliter verificantur, non est sufficiens distinctio, quæ non est formalis: ergo. Respondeo ad obiectio-

Q

nem

nem concessâ maiore, negando minorem; ad cuius probationem concessâ maiore, nego minorem, quæ si vera esset, sequeretur, dari inter absoluta, & relativa distinctionem realem physicam; cum physicè, & realiter verificentur illa prædicata contradictoria, & non tantum formaliter. Quare sufficiens est distinctio virtualis maxima ad illa salvanda; cum talis distinctio æquipolleat distinctioni reali physicæ, & faciat quod munus unius non sit munus alterius.

454 **Objicies octavò.** Distinctio, quæ ponit contradictoria in Divinis non potest salvare contradictoria in Divinis; sed distinctio virtualis maxima ponit contradictoria in Divinis: ergo. Maior exterminis liquet. Probas minorem. Ponere distinctionem virtualem maximam in Divinis ubi non ponitur, est ponere contradictoria in Divinis; sed admissâ distinctione virtuali maximâ in Divinis, ponitur talis distinctio ubi non ponitur: ergo. Maior patet. Probas minorem. Pater est ita distinctus realiter a Filio, & Spiritu Sancto, ut inter Patrem, & distinctum realiter à Filio, & Spiritu Sancto non ponatur distinctio virtualis; atqui admissâ distinctione virtuali maximâ in Divinis, poneretur talis distinctio inter Patrem, & distinctum realiter à Verbo, & Spiritu Sancto: ergo admissâ distinctione virtuali maximâ in Divinis poneretur talis distinctio ubi non ponitur.

455 **Maior est certa.** Probas minorem. Admissâ distinctione virtuali maximâ in Divinis, poneretur ipsa distinctio inter illa prædicata de quibus verificantur contradictoria physica; sed de Patre, & distinctio realiter à Filio, & Spiritu Sancto verificatur

cantur prædicata cōtradictoria physica: ergo admissâ distinctione virtuali maximâ in Divinis, poneretur talis distinctio inter Patrem, & distinctum realiter à Filio, & Spiritu Sancto. Maior est certa. Probas minorem. Verificantur hæc contradictoria, *Constitutivum essentiae est realiter Pater, constitutivum essentiae non est realiter distinctum a Filio, & Spiritu Sancto*: ergo.

456 Respondeo ad objectionem concessâ maiore, negando minorem; ad cuius probationem concessâ maiore, nego minorem; ad cuius probationem concessâ maiore, nego minorem; ad cuius probationem concessâ maiore, nego minorem; ad cuius probationem nego suppositum antecedentis; scilicet, quòd illæ propositiones, *constitutivum essentiae est realiter Pater, constitutivum essentiae non est realiter distinctum a Filio, & Spiritu Sancto*, sint contradictoriæ; nam prima propositio procedit in sensu identico, & substantivo, quasi dicat, quòd constitutivum essentiae habeat realem identitatem cum Patre, & ideo est vera; secunda verò procedit in sensu denominativo, & adjectivo, quasi dicat, quòd constitutivum essentiae non denominetur realiter distinctum à Filio, & Spiritu Sancto, & ideo etiam est vera. Si autem propositio illa negativa sumatur in sensu affirmativæ, idest, in sensu identico, & substantivo, tunc erit falsa; quia falsum est, quòd constitutivum essentiae non habeat realem identitatem cum distincto à Filio, & Spiritu Sancto. Igitur tales propositiones non sunt contradictoriæ, cum non procedant in eodem sensu, sed in diverso, in quo ambæ sunt veræ.

457 Instabis. Propositio illa negativa, sumpta

in sensu identico, & substantivo est vera: ergo semper verificantur prædicata contradictoria Probas antecedens. Si non esset vera, verum esset, quòd constitutivum essentiae sit realiter distinctum à Filio, & Spiritu Sancto substantivè; sed hoc non: ergo. Maior est certa. Probas minorem. Si constitutivum essentiae esset realiter distinctum à Filio, & Spiritu Sancto substantivè, non haberet identitatem realem cum Filio, & Spiritu Sancto; hoc non: ergo neque illud. Probas maiorem. In eo sensu, in quo unum est distinctum ab alio non habet identitatem cum illo: ergo si constitutivum essentiae esset realiter distinctum à Filio, & Spiritu Sancto substantivè, non haberet identitatem realem cum Filio, & Spiritu Sancto. Probas antecedens. In eo sensu, in quo unum est realiter distinctum ab alio, in tali sensu distinguitur ab illo; sed in sensu in quo distinguitur, non habet identitatem: ergo in eo sensu in quo unum est distinctum ab alio, non habet identitatem cum illo.

548 Respondeo ad instantiam negando antecedens; ad cuius probationem concessâ maiorem, nego minorem; ad cuius probationem nego maiorem; ad cuius probationem distingo antecedens: in eo sensu in quo unum est distinctum ab alio, non habet identitatem cum illo, in creatis, concedo antecedens: in Divinis, nego antecedens; ad cuius probationem distingo maiorem eodem modo. In creatis verum est, quòd unum non habeat identitatem cum alio, in eo sensu in quo ab illo distinguitur, quia in creatis nihil est distinctum substantivè, quod non sit etiam adjectivè distinctum, propter sui limitationem; at in Divinis solùm id, quod est distinctum

si distinctum adjectivè ab alio, non habet identitatem cum illo; si tamen sit distinctum substantivè tantum, conservat identitatem, quia esse distinctum substantivè est esse idem cum distincto, & in Divinis quod est idem cum distincto ab alio, conservat cum illo identitatem, propter suam illimitationem; sic natura Divina conservat identitatem cum Filio, & Spiritu Sancto, licet sit idem cum distincto, nempe cum Patre.

459 Unde illa propositio, *in eo sensu, in quo unum est realiter distinctum ab alio, distinguitur ab illo*, solum est vera, si faciat sensum adjectivum, in quo etiam verum est, quod careat identitate cum illo, à quo est distinctum; at si faciat sensum substantivum est falsa, & ideo absolute prolata non est vera in Divinis. Itaque in similibus propositionibus observandus est sensus, an sit substantivus, an adjectivus. At unde id dignoscemus? Respondet Munieffa, ex usu PP. & Scholasticorum, ad quorum placitum multæ voces significant, faciuntque unum potius, quam alium sensum. Hæc pro Scotistis. Modò pro AA. tertiæ sententiæ

460 Objicies nonò cum Mag. Zagaglia. Contradictoria in Divinis non verificantur de eodem secundum idem; sed ad hæc salvanda opus non est uti distinctione virtuali: ergo. Probas maiorem. Contradictoria in Divinis verificantur de eodem realiter absoluto, & realiter respectivo; sed quæ verificantur de eodem realiter absoluto, & realiter respectivo, non verificantur de eodem secundum idem: ergo. Probas minorem primi Syllogismi. Entitas Divina, cum sit pelagus omnium perfectionum habet ex se, quod sit realiter absoluta, & respecti-

va : ergo ad illa salvanda opus non est uti distinctione virtuali. Respondeo ad objectionem concessâ maiore, negando minorem ; ad cuius probationem concessio antecedente, nego consequentiam ; quia in tantum entitas illa Divina habet, quod sit absoluta, & respectiva, in quantum dicit distinctionem virtuales absoluti à relativo ; nec enim assignabile est aliquid, à quo id proveniat, nisi à distinctione virtuali maximâ.

461 Instabis. Semel quod illa prædicata non verificentur de eodem secundum idem, non sunt contradictoria physica : ergo opus non est uti distinctione virtuali ad illa salvanda. Respondeo ad instantiam concessio antecedente, negando consequentiam ; quia, quando dicimus distinctionem virtuales maximam salvare contradictoria in Divinis, non dicimus, quod ibi dentur contradictoria in rigore, hoc enim sonaret maximam imperfectionem in Deo, sed solum dicimus, quod darentur in Deo talia contradictoria si ibi non esset distinctio virtualis.

de Castila.

462 Obicies decimò cum Mag. de Castila. Quod natura communicetur, & non Paternitas, salvatur solâ distinctione formali intentionali : ergo necesse non est admittere distinctionem virtuales maximam ad hæc salvanda. Probas antecedens. Talia contradictoria solum sunt contradictoria respectiva ; sed contradictoria respectiva salvantur solâ distinctione formali intentionali : ergo Probas maiorem. Quod natura communicetur importat quid absolutum, & quod non communicetur Paternitas, importat quid relativum ; sed formalitates absoluti, & respectivi petunt distinctis actibus cognosci.

nosci : ergo. Respondeo ad objectionem negando antecedens ; ad cuius probationem nego maiorem ; ad cuius probationem concessâ maiore , & minore , nego consequentiam ; quia aliud est , quòd inter naturam , quæ communicatur , & Paternitatem , quæ non communicatur , detur distinctio formalis , sive respectiva , aliud verò , quòd talis distinctio sufficiat ad salvanda prædicata illa , quæ in sentu physico verificantur. Distinctio Baconica solum salvat contradictoria , quæ talia sunt per ordinem ad intellectum ; alia verò contradictoria , de quibus loquitur , non per ordinem ad intellectum , sed in esse reali physico verificantur , ideoque solâ distinctione virtuali maximâ salvari possunt. Hæc pro tertia sententia. Pro ultima tandem.

463. Objicies undecimò. Si in Divinis daretur distinctio virtualis maxima , daretur etiam Scotica ; hæc non datur : ergo neque illa. Probas maiorem. Scotus vult , quòd , unâ realitate , aliqua formalitas non sit formaliter alia à parte rei ; sed ita verificaretur in Divinis , si ibi daretur distinctio virtualis : ergo. Maior est certa. Probas minorem. Si inter naturam , & Filiationem daretur distinctio virtualis maxima talis distinctio non tantum daretur virtualiter , sed etiam formaliter : ergo verificaretur in Divinis , quòd , unâ realitate , aliqua formalitas non esset formaliter alia a parte rei , quod vult Scotus. Probas antecedens. Si distinctio virtualis daretur inter illa prædicata tantum virtualiter , non magis daretur ibi , quàm distinctio realis physica , quæ tantum virtualiter ibi datur : ergo.

464. Respondeo ad objectionem negando maiorem ; ad cuius probationem concessâ maiore , nego

minorem; ad cuius probationem concessio antecedente, nego consequentiam. Aliu tenim est, quòd Filiatio formaliter non sit virtualiter natura, & aliud, quòd Filiatio non sit formaliter natura; sicut aliud est, quòd Filiatio formaliter distinguatur virtualiter à natura, & aliud, quòd Filiatio distinguatur formaliter à naturâ. Primum verum est, secundum verò est falsum. Verum est, quòd Filiatio formaliter non sit virtualiter natura, seu quòd formaliter distinguatur virtualiter à natura, quia ly *formaliter* non cadit supra *distinguatur* præcisè, testè supra *distinguatur virtualiter*; cum non tam virtualiter detur ibi virtualis distinctio, sed etiam formaliter, imò & realiter actu à parte rei; realiter namque, & formaliter actu à parte rei datur ibi capacitas ad illa contradictoria, in qua consistit distinctio virtualis. Falsum tamen est, quòd Filiatio formaliter distinguatur à naturâ, cum tam realiter, quàm formaliter identificetur cum illa. Unde quemadmodum, data tantum imagine Cæsaris, verum est dicere, quòd detur realiter imago Cælaris, falsum verò, quòd detur realiter Cæsar, quia primum *datur* appellat tantum supra realitatem imaginis, secundum verò supra realitatem Cælaris, ita dicendum in casu proposito.

465 Instabis. Si Filiatio formaliter à parte rei esset distincta virtualiter à naturâ, non esset formaliter indistincta virtualiter à naturâ; sed est formaliter indistincta virtualiter à naturâ: ergo non est formaliter distincta virtualiter à natura. Maior pater. Probas minorem per hunc Syllogismum: *Natura est formaliter à parte rei indistincta virtualiter à naturâ; sed Filiatio formaliter à parte rei est*

est natura: ergo Filiatio formaliter à parte rei est indistincta virtualiter à naturâ. Maior est certa. Minor si negetur, admittitur sententia Scoti. Consequentia videtur innegabilis, concessis præmissis. Respondeo ad instantiam concessâ maiore, negando minorem; ad cuius probationem per syllogismum, concessis præmissis, nego consequentiam, quæ non infertur propter vitium transitum præmissarum, quarum una, nempe prima, facit sensum adjectivum, altera verò facit sensum substantivum, & hoc ex propriis terminis, quos ut capias

466 Adverte, quòd illa propositio, quæ erat maior syllogismi, nempe, *Natura est formaliter à parte rei indistincta virtualiter à naturâ*, tribuit naturæ non solum identitatem cum indistinctâ, sed etiam denominationem essendi indistinctæ virtualiter à naturâ; at altera propositio, quæ erat minor, nempe, *Filiatio formaliter à parte rei est natura*, licet tribuat Filiationi identitatem cum natura, non tribuit denominationem essendi indistinctæ virtualiter à naturâ. Ea propter non sequitur illa consequentia, quæ ex propriis terminis facit sensum adjectivum tribuens Filiationi munus essendi indistinctæ virtualiter à naturâ. Unde solum erit vera talis consequentia, si faciat sensum purè identicum, & substantivum, quasi dicat, quòd Filiatio formaliter à parte rei est idem cum indistincta virtualiter à natura, nempe cum ipsâ naturâ; at hoc non obstante, verum est, quòd Filiatio sit formaliter à parte rei distincta virtualiter à natura; quia non repugnat, quòd sit distincta virtualiter à natura. & quòd simul sit idem cum indistincta virtualiter, sed solum. quòd sit distincta virtualiter, & quòd denominetur indistincta.

467 Objicies duodecimò. Admissâ distinctione virtuali maximâ in Divinis, eo ipso admittitur negatio identitatis formalis: ergo admissâ distinctione virtuali maximâ, admittitur formalis Scotica. Probas antecedens. Distinctio virtualis negat identitatem eo modo, quo datur; sed datur formaliter: ergo negat identitatem formalem. Respondeo ad objectionem distinguendo antecedens: eo ipso admittitur negatio virtualis identitatis formalis, concedo antecedens: eo ipso admittitur negatio formalis identitatis formalis, nego antecedens; ad cujus probationem concessâ maiore, & minore, distinguo consequens modo dicto. Verum est, quòd distinctio virtualis neget identitatem formalem, & realem; cum formaliter, & realiter detur in Deotalis virtus, tamen non negat formaliter identitatem formalem, aut realem, sed negat tantum in virtute utramque identitatem, & ideo non recurrit cum distinctione Scotica nec cum distinctione reali physica. Ex dictis

468 Deduces, distinctionem virtuales maximam non evertere in Divinis illud principium per se notum: *Impossibile est idem simul esse, & non esse*; quia tale principium loquitur de eodem tam realiter, quam virtualiter; non verò de eodem realiter, distincto tamen virtualiter. Quare, licet natura sit Filiatio, & Paternitas, quæ est idem cum natura, non sit Filiatio, semper salvatur veritas principii; quia licet Paternitas sit realiter idem cum natura, distinguitur tamen virtualiter à naturâ. Unde solum est impossibile, quòd idem sumptum secundum idem sit simul, & non sit; sic impossibile est, quod Paternitas sit, & non sit prædicatum relati-
vum

vum, & quòd natura sit, & non sit prædicatum absolutum.

Q U Æ S T I O V.

Utrum Distinctio virtualis Maxima admittenda sit in Divinis inter Intellectum, & voluntatem, ad salvanda aliqua contradictoria physica, sive absoluta?

469 **R**esolutio est negativa, & dedita ex *Bacconius.*
 Doctore in 1. dist. 2. q. 2. art. 4. § 4.
Y. Respondeo quod ubi distinctionem tantum intentionalem admittit inter istas Dei perfectiones essentielles. Doctorem citat, & sequitur Mag. Zaga- *Zagaglia.*
glia tom. 2. disp. 1. sectione 1. §. 4. n. 33. *Y. Ad confirmationem.* Defendunt resolutionem Mag. Lum- *Lumbier.*
bier tom. 1. q. 3. de Voluntate. Ribadan. disp. 4 & 5. *Ribaden.*
 de Volunt. Ramires. disput. 4. & 5. de Scientia Dei. *Ramires.*
 Thyrsus tom. 2. disp. 1. & alij, quos citat, & sequitur *Thyrs.*
 mirabilis Thomas de Munieffa de Essentia, & *Munieffa.*
 Attributis disp. 8, sect. 1. n. 6. Sed antequam resolutionem probem

470 Prænoto primò, quæstionem non procedere de intellectu, & Voluntate Dei libera, sed tantum de intellectu, & voluntate necessariâ. Prænoto secundò, intellectum, & voluntatem necessariam Dei lumi posse essentialiter, vel notionaliter. Loquimur de intellectu, & voluntate essentialiter sumptis, in quo sensu tam intellectus, quàm voluntas habent rationem attributi. Notionaliter verò, habet intellectus respectum realem d.ctivi, voluntas autem respectum realem spirativi. Primus rel-

relatus fundatur ab intellectu ut in Patre; secundus á voluntate ut in Patre, & Filio. Quare, intellectus, & voluntas ut attributa sunt, ipsis correspondent intelligere, & velle, quatenus sunt merè operationes, non ut sunt productiones, & sic distinguuntur distinctione tantum formali intentionali, sicut alia attributa. Si verò intellectus, & voluntas sumantur ut principia notionalia, ipsis correspondent intelligere, & velle, ut sunt productiones, quo pacto distinguuntur necdum formaliter, sed & realiter propter notiones, quas includunt; nam intellectus ita sumptus includit Paternitatem; voluntas Paternitatem, & Filiationem.

Bacconius.

471 Hæc docet Bacconius ibi supra: *Intellectus, & voluntas, ut sunt attributa, & ut sunt principia emanationum in Divinis non sunt eadem, sicut multi imaginantur, sed intellectus, & voluntas ut sunt attributa sunt intellectus essentialis, & voluntas essentialis, quibus correspondent intelligere & velle, ut sunt operationes, non productiones; intellectus autem & voluntas, quæ sunt principia emanationum in Divinis sunt intellectus, & voluntas notionalis, ut puta intellectus, ut est dictivus Verbi, & voluntas ut spirativa Spiritus Sancti, & ideo, quia sunt principia emanationum, non sufficit quòd sint relativa secundum rationem, sed intellectus, & voluntas essentialis non sunt principia aliquarum emanationum: quia si sic, cum sint in personis omnibus, quælibet persona produceret Verbum, & Spiritum Sanctum: solum igitur dicuntur distingui in Deo; quia distinctè ibi repræsentantur in distincto esse intelligibili, & ideo solum dicunt respectus rationis. His prænotatis*

472 Probo resolutionem sic. De intellectu, & voluntate Dei necessariâ nulla verificantur contradictoria physica, sive absoluta: ergo non est admittenda distinctio virtualis maxima ad illa salvanda. Probo antecedens. Si aliqua verificarentur contradictoria de intellectu, & voluntate Dei necessariâ, essent hæc: *Deus intelligit malum, Deus non vult malum*; vel hæc: *Verbum Divinum procedit per intellectum, Verbum Divinum non procedit per voluntatem*; sed prima non sunt contradictoria physica, & secunda non verificantur de intellectu, & voluntate ut sunt attributa: ergo de intellectu, & voluntate Dei necessariâ nulla verificantur contradictoria physica, sive absoluta. Maior est fundamentum partis adversæ. Minor constabit ex solutione objectionum. Consequentia est legitima.

Proponuntur Objectiones, & dissolvuntur.

473 **N**ostræ resolutioni opponuntur Aldrete *Aldrete.*
 disp. 61. de Incarnat. sectione 4. n. 13. *Borrul.*
 Borrul disp. 1. de voluntate lect. 4. Herice disp. 12. *Herice.*
 de voluntate. Isquierdo disp. 31. de Deo Zunnig. *Isquierdo.*
 de Trinitate disp. 3. dubio 6. n. 5. & alii, quos citat, & sequitur Joannes Marin tom. 1, tractatu 7. *Zunning.*
 disp. 2. n. 4. pro quibus objicies primò. Si intellectus Divinus per impossibile existeret separatus à Divina voluntate, posset de illo verificari aliquid in sensu physico, quod non verificaretur de voluntate, & hoc salvaretur per distinctionem realem: ergo etiam de facto id verificari potest per distinctionem virtuales. Antecedens liquet. Probas consequentiam. Quando aliquibus separatis aliquit convenit

venit uni, quod non convenit alteri, hoc provenit à propria ratione uniuscujusque, quæ semper est eadem, sive sint separata sive non: ergo si in illo calu posset aliquid physicè verificari de intellectu, quod non verificaretur de voluntate per distinctionem realem, de facto id verificari potest per distinctionem virtuales. Respondeo ad objectionem concessa antecedente, negando consequentiam; ad cuius probationem distinguo antecedens: quando aliquibus separatis aliquid convenit uni, secundum esse intelligibile, quod non convenit alteri &c. concedo antecedens: secundum esse physicum, nego antecedens. Nego quòd secundum esse physicum conveniat uni ab altero indistincto, vel inseparato, id, quod ipsi conveniret si distinctum, vel separatum esset; quapropter intellectui de facto indistincto, & inseparato à Divina voluntate non convenit id, quod ipsi conveniret si separatus foret à voluntate.

474. Objicies secundò. Deus intelligit malum, & non vult malum; sed hoc salvari non potest sine distinctione virtuali maxima inter intellectum, & voluntatem: ergo. Respondeo ad objectionem concessa maiore, negando minorem, & consequentiam; quia ex eo, quòd Deus intelligat malum, & non velit malum, solum arguitur distinctio formalis intentionalis inter intellectum, & voluntatem; si quidem Deus per intellectum intelligit, & per voluntatem vult, tanquam per rationes formales distinctas in esse repræsentabili, quâ de causâ non requiritur distinctio virtualis maxima, nec formalis Scotica, inter illa attributa; nam ista solum argueretur, si in sensu formali aliquid affirmaretur

de intellectu, non de voluntate; illa verò, si id ipsum verificaretur in sensu reali physico, quod tamen falsum est.

475 Instabis. Ergo in sensu physico convenit voluntati Divinæ velle malum. Probas illationem. In sensu physico verum est, quòd quando intellectus Divinus terminatur ad malum, terminetur etiam voluntas; sed voluntas terminata ad malum vellet malum: ergo. Probas maiorem. Quando aliqua sunt idem physicè, quidquid convenit uni physicè convenit alteri, nisi inter illa intercedat virtualis distinctio; sed intellectus Divinus, & Divina voluntas sunt physicè idem absque distinctione virtuali: ergo in sensu physico verum est, quòd quando intellectus Divinus terminatur ad malum, terminetur etiam voluntas: Probas etiam minorem primi syllogismi. Intellectus Divinus terminatus ad malum intelligit malum: ergo voluntas Divina terminata ad malum vellet malum.

476 Respondeo ad objectionem negando illationem; ad cuius probationem concessa maiore, nego minorem; ad cuius probationem concessa antecedente, nego consequentiam. Diverſa ratio est, quia velle malum non est actus positivus in Deo dicens aliquam perfectionem, sicut intelligere malum. Audiatur Resolutus ubi sup. §. 5. x. Respon- *Bacconius.*
deo ad maiorem: Intellectus, & voluntas; velle, & intelligere sunt idem formaliter secundum quod dicunt perfectionem absolutam, & ideo cum hac determinatione verum est, quòd hæc omnia sunt idem: sed quando accipitur ulterius: intellectui convenit intelligere malum: ergo voluntati velle malum, verum est si velle malum esset actus positivus in Deo

Deo dicens aliquam perfectionem, sicut intelligere, quod falsum est.

477 Unde voluntati Divinæ in nullo sensu potest competere velle malum; quia ex identitate physicâ, & virtuali intellectûs cum voluntate, solum sequitur, quod nihil verificetur physicè de intellectu, quod de voluntate non verificetur secundum actus in Deo repertos, & ideo, loquendo in sensu physico, vel formali absoluto, sicut Deus intelligit malum per intellectum, ita intelligit malum per voluntatem; & sicut amat bonum per voluntatem, ita per intellectum, eo modo, quo per idem principium punit, & miseretur. Velle autem malum, & malum ipsum non sunt perfectiones in Deo, sed potius quid chinæricum, & fictitium; si tamen importarent aliquam perfectionem in Deo, ex identitate voluntatis cum intellectu bene argueretur, quod Deus vellet malum, quando malum intelligeret. Itaque de intellectu, & voluntate Divinâ nullo pacto verificantur contradictoria in sensu physico, vel formali absoluto, sed tantum in sensu respectivo, ideoque ad illa salvanda admitimus tantummodò distinctionem formalem intentionalem, non formalem Scoticam, nec virtuales maximam.

478 Objicies tertio. In Divinis necessario admitti debet distinctio virtualis maxima inter intellectum, & volitionem necessariam: ergo etiam inter intellectum, & voluntatem. Probas antecedens. In Divinis verificantur hæc contradictoria: *Cognitio præcedit volitionem, volitio non præcedit volitionem*: ergo ad illa salvanda necessario admitti debet distinctio virtualis maxima inter intellectum

ctionem, volitionem necessariam. Probas antecedens ex D. Anselmo in Monolog. cap. 48. *Palam D. Anselm. certè est, rationem habenti Deum non idcirco se intelligere, quia se amat, sed ideo se amare, quia se intelligit: ergo.* Respondeo ad objectionem negando antecedens; ad cujus probationem distinguo antecedens: verificantur hæc contradictoria, &c. in sensu reali intentionali, concedo antecedens: in sensu reali physico, nego antecedens; ad cujus probationem dico, quòd sicut autoritas Anselmi non probat distinctionem realem physicam inter intellectiōnem, & volitionem, ita neque distinctionem virtualem maximam, sed tantum intentionalem, quam etiam admittimus.

479 Instabis D. Anselmus probat, quòd Deus re vera, & non solum ex nostro modo concipiendi, ideo se amat, quia se cognoscit, & non è contra; sed hoc posito, debet cognitio re vera præcedere amorem necessarium virtualiter: ergo. Probas maiorem D. Anselmus probat Spiritum Sanctum procedere à Filio; sed Spiritus Sanctus re vera, & non tantum per rationem procedit à Filio: ergo. Probas etiam minorem. Hoc posito, sequitur, quòd à parte rei cognitio sit motrix, & non mota, amor verò sit motus, & non motrix; sed hæc salvari non possunt sine præcedentia virtuali: ergo. Confirmatur illo vulgari axioma: *Nihil volitum quin præcognitum.*

480 Magister Lumbier sup. citatus respondet *Lumbier. n. 125. illam causalem: Ideo Deus amat, quia intelligit* probare solum ex parte intellectiōnis prioritatem logicam, & quòd hæc sufficiat tantummodò ad generationem Verbi. Non enim, inquit, Pater, &
R Filius,

Filius, nec ipsorum relationes habent se ut principium physicum virtualiter produciens, & recipiens inspirationem activam. sed ad se ipsum se habent ut prærequisitum logicè. Ad axioma, *nihil volitum quin præcognitum* respondet seq. n. posse intelligi ly *præ* de prioritatem logicam, de physica autem solum in volente creato. Et n. 122. docet, actu n. attingere unum propter alium absque distinctione virtuali, stare in quoddam modo tendendi specialissimo, & simplici talium actuum ad objectum tangendo unum impræcudibilibiter ab alio; quia sæpe in se non haberet objectum rationem ut attingatur, nisi propter informationem, seu quasi informationem ab alio; sic assentimur Trinitati propter revelationem, cum in suo esse non habeat essentialem rationem ut credatur, nisi vestiatur revelatione. Sic etiam loquitur Munieffa, & n. 12. rem explicat in actu nostro indivisibili, qui simul amat medium, & finem, v. g. de ambulationem propter sanitatem, & non è contra, quin proinde detur prioritas virtualis, in formalitatibus dicti actûs. Hæc ingeniosa sunt, sed non videntur vera, inquit Joannes Marin n. 9. Affert ipse varias instantias, quæ nihil curæ nobis sunt, quia non sistimus in distinctione purè rationis. Quare ex principiis Baconii tutius

Munieffa.

Marin.

481 Respondeo ad instantiam concessam maiorem, negando minorem; ad cuius probationem concessam maiorem, nego minorem intellectam de distinctione virtuali maximam, in quo sensu procedit instantia; quia ad hoc ut objectum ut tactum per intellectum moveatur ad se ipsum attingendum per volitionem sufficit, quod intellectio, & volitio distinguantur formaliter in esse obijcibili, & non est necesse
uti

uti distinctione virtuali maximâ; nec enim contradictio illa est physica, & absoluta, sed tantum intentionalis, & cum addito. Præterea in quantum D. Anselmus ex præcedentia intellectiois probat Spiritum Sanctum procedere à Filio, loquitur de intellectu, & intellectu notionali, non essentiali, juxta supra dicta n. 471. Ad confirmationem dico, axioma illud in Divinis salvari solâ præcedentiâ formali intentionali cognitionis ad volitionem.

482 Objicies quartò. Juxta Sanctos PP. Verbum Divinum procedit realiter per intellectum, non per voluntatem: ergo de intellectu, & voluntate Dei necessariâ verificantur contradictoria physica, sive absoluta, ad quæ salvanda debet necessariò admitteri distinctio virtualis maxima. Respondet Antonius Peres disp. 3. de Trinitate cap. 9. illam loquutionem, *Verbum Divinum non procedit per voluntatem* esse veram, intelligendo Filium non esse genitum ad liberum Patris arbitrium; quia sensus Sanctorum PP. planus erat adversus Arrium dicentem Patrem liberè producere Filium, sicut producit creaturas. Hunc modum dicendi servat etiam Thomas de Munieffa citatus, & addit, quòd, intelligendo id de voluntate necessariâ, non sit vera illa loquutio in sensu reali, sed solum in sensu formali, ex quo non arguitur distinctio virtualis maxima, sed tantummodò distinctio rationis inter intellectum Dei, & voluntatem necessariam. Quemadmodum ex eo, quòd (in opinione identificante realiter potentias inter se, & cum anima) verificetur nos non cognoscere voluntate, sed intellectu, non arguitur distinctio virtualis maxima inter istas potentias, nec inter Milericordiam, & Justitiam Divi-

nam; licèt admittatur, quòd Deus Justitiâ punit, & non Misericordiâ; sicut nec infertur, quòd virtus calefactiva, & illuminativa in sole distinguantur plusquam ratione, licèt calor procedat à sole ut calefactivo, non ut illuminativo. Utraque responsio est ingeniosè excogitata; vera tamen, & expedita solutio constat ex sup. prænotatis n. 470. & 471. ex quibus

483 Respondeo ad objectionem distinguendo antecedens: juxta Sanctos PP. Verbum Divinum procedit realiter per intellectum, non per voluntatem notionalem, concedo antecedens: per intellectum essentialem, non per voluntatem essentialem, nego suppositum, quòd intellectus essentialis, & voluntas essentialis sint principia aliquarum emanationum; aliàs, cùm sic sint in omnibus Personis, quælibet produceret Verbum, & Spiritum Sanctum: solum ergo ut essentialia sunt, ipsis correspondent intelligere, & velle, quatenus sunt merè operationes, & sic distinguuntur tantùm in distincto esse intelligibili; si verò sumantur ut notionales, ipsis correspondent intelligere, & velle, ut productiones sunt, sed hoc pacto distinguuntur nec dum formaliter in esse intelligibili, sed & realiter propter notiones, quas dicunt. Unde nullo modo virtualiter distinguuntur. Ex his

484 Deduces, processionem Verbi esse generationem, non processionem Spiritus Sancti; quia Verbum procedit per intellectum notionalem Patris, & Spiritus Sanctus procedit per voluntatem concordem Patris, & Filii. Ea propter potentia generativa est potentia intellectiva in Patre; potentia verò spirativa est potentia volitiva in Patre,
& Fi.

& Filio. Unde ad generationem Divinam habet Pater habitudinem per intellectum, tanquam per formale principium respectu actûs notionalis, & sic intellectus accipitur relativè, ut docet Bacconius *Bacconius.* in 1. dist. 5. q. 1. artic. 4 §. 4. *¶. sic ergo ad illa verba: Igitur ad generationem Divinam habet hâbitudinem Pater per intellectum ipsum, tanquam per formale principium: sed intellectus ut est formale principium respectu actûs notionalis &c. accipitur relativè.* Hæc pro distinctione virtuali maximâ. Sit modò

Q U Æ S T I O VI.

Utrum in creatis detur Distinctio virtualis Minima?

485 **R**esolutio est affirmativa, & deducta *Bacconius.* ex Doctore in 3. dist. 10. q. 1. art. 7. *¶. Ad argumentum.* Cui subscribit Mag. Garcia *Garcia.* in Megal. dist. 2. q. 1. articulo 4. §. 3. & debet esse certa apud omnes Bacconistas. Ad intelligentiam resolutionis prænoto, distinctionem virtuales minimam in sensu Bacconii esse fundamentum distinctionis formalis intentionalis, quod quidem est de lineâ physicâ, ex quo resultant diversæ cognoscibiles in lineâ intentionali. Hoc prænoto

486 Probo resolutionem sic. In creatis datur simplex entitas fundans negationem identitatis intentionalis; sed in hoc consistit distinctio virtualis minima; ergo in creatis datur distinctio virtualis minima. Probas maiorem. Si in creatis non daretur entitas simplex fundans negationem identitatis

nulla formalitas diceret negationem identitatis intentionalis cum alia; sed hoc est falsum: ergo illud. Maior est certa. Probas minorem. Si nulla formalitas diceret negationem identitatis intentionalis cum alia, animal v. g. non distingueretur in esse obijcibili à rationali; sed distinguitur: ergo. Maior liquet; quia omnis distinctio, eo modo quo est distinctio, negat identitatem ex dictis disp. 1. sectione 1. q. 1. Minor constat etiam ex dictis disp. 3, sectione 2. q. 1.

Proponuntur Objectiones, & dissolvuntur.

487 **N**ostræ resolutioni opponuntur Nominales omnes, quatenus volunt totam distinctionem esse ex parte intellectûs sine ullo fundamento in re ex parte objecti; verùm istorum fundamenta solvuntur infra sectione 2. q. unica. Pro nunc ergo solum propono, & solvo dubia aliquorum, qui fortasè judicabunt distinctionem virtualem minimam à nobis explicatam esse superfluum, supposita distinctione formali intentionali, quam etiam admittimus. Pro istis scrupulosis obijcies primò. Distinctio virtualis minima est superflua, supposita distinctione formali intentionali: ergo. Probas antecedens. Distinctio virtualis minima in tantum admitteretur in creatis, in quantum animal v. g. posset fundare negationem identitatis intentionalis cum rationali; sed hoc fit per distinctionem formalem intentionalem: ergo. Respondeo ad objectionem negando antecedens; ad cujus probationem concessa maiore, nego minorem; quia distinctio formalis intentionalis non fundat negationem

tionem identitatis intentionalis animalis cum rationali, sed est formaliter ipsa negatio, quæ solum fundatur à distinctione virtuali minimâ, quæ nihil aliud est quàm entitas illa hominis physica.

488 Objicies secundò. Vel distinctio formalis intentionalis Baconica est distincta à distinctione virtuali minima, vel non? Si primum: ergo optimè dari potest illa absque istâ. Si secundum: ergo data distinctione formali intentionali, nugatorium erit inquirere, an detur virtualis minima. Respondeo ad objectionem, & dico, distinctionem formalem intentionalem esse distinctam à distinctione virtuali minimâ, tanquam à suo fundamento: quemadmodum ergo esse intentionale rerum existentium dari nequit sine esse physico, licet distinguatur ab illo; ita dari non potest distinctio formalis intentionalis sine distinctione virtuali minimâ non obstante distinctione unius ab alia.

489 Objicies tertio. Si in Divinis daretur distinctio realis physica inter essentiam, & relationes superflua esset distinctio virtualis maxima: ergo semel quòd in creatis detur distinctio formalis intentionalis inter animal, & rationale, superflua est distinctio virtualis minima. Antecedens liquet ex eo, quòd non sint multiplicandæ distinctiones absque necessitate. Probas consequentiam. Sicut distinctio virtualis maxima est distinctio realis physica in virtute, ita distinctio virtualis minima est in virtute distinctio formalis intentionalis: ergo si admissâ distinctione reali physicâ inter essentiam, & relationes esset superflua distinctio virtualis maxima, ita admissâ distinctione formali intentionali inter animal, & rationale erit superflua distinctio virtualis minima.

400 Respondeo ad objectionem concessio antecedente, negando consequentiam; ad cuius probationem nego maiorem; quia distinctio virtualis minima non est virtus distinctionis formalis intentionalis, sed (nota hoc) solum est virtus ad distinctionem formalem intentionalem, seu fundamentum ad illam. Quare datur longa disparitas; quia, cum distinctio virtualis maxima sit virtus, seu equipollentia distinctionis realis physicae, data distinctione reali physica, licet per impossibile, inter essentiam, & relationes, superflua esset distinctio virtualis maxima, quae solum admittitur in Deo ubi mysteria cogunt admittere ad salvanda contradictoria physica, quae omnino excluderentur, supposita distinctione physica reali. Distinctio vero virtualis minima non æquipollet distinctioni reali intentionali, sed solum est fundamentum talis distinctionis, & ideo non est superflua, illa admissa. Ex quibus

491 Deduces contra aliquos Baconistas hallucinatos, distinctionem virtualem minimam, quam admittit Baconius, non posse habere virtutem distinctionis formalis intentionalis, quam si haberet, superflua esset distinctio formalis intentionalis, vel distinctio ista virtualis, supposita intentionali, ut probat obiectio paritate difficilimam distinctionis virtualis maximae, ad quam tenentur ipsi respondere. Assignent ergo in quo consistat ista æquipollentia, vel ista virtus, quam certè non assignabunt, & ideo hallucinantur. Quare distinctio virtualis minima solum dici potest virtus distinctionis intentionalis, dummodo *ly virtus* sit idem ac fundamentum talis distinctionis, quatenus habet virtu-

virtutem fundandi , & radicandi formalitates distinctas in esse objicibili , & repræsentabili.

Q U Æ S T I O VII.

Utrum in Divinis detur Distinctio virtualis Minima?

492 **R**esolutio est affirmativa , & deducta *Bacconius.*

ex Doctore in 1. dist. 2. q. 2. art. 3. §.

1. Et licet hanc resolutionem à nullo Bacconista expressè affirmatam videam , puto tamen à nemine illorum negari posse , qui distinctionem formalem intentionalem admittunt in Divinis, non solum inter essentiam , & attributa, sed inter essentiam , & relationes. Antequam resolutionem probem prænoto , distinctionem virtualem maximam non esse fundamentum distinctionis formalis intentionalis, licet illam admittamus inter essentiam , & relationes, ubi etiam ponimus istam. Fundamentum igitur distinctionis formalis intentionalis est sola distinctio virtualis minima , quæ necessariò debet intercedere inter illa , quæ formaliter intentionaliter distinguuntur. Hoc prænotato

493 Probo resolutionem sic. In Divinis datur distinctio formalis intentionalis non tantum inter essentiam , & attributa, sed etiam inter essentiam , & relationes; sed ubi datur distinctio formalis intentionalis, datur distinctio virtualis minima: ergo in Divinis datur distinctio virtualis minima. Maior constat ex dictis disp. 3. sectione 2. q. 2. & 3. Probo minorem. Distinctio virtualis minima est fundamentum distinctionis formalis intentionalis; ergo,

ergo, ubi datur distinctio formalis intentionalis, ibi datur distinctio virtualis minima. Confirmo resolutionem ex dictis quæst. præcedenti n. 486.

Proponuntur objectiones, & dissolvuntur.

*Alarcon.
Hemel'man.
Uvadingus.
Quiros.*

494 **N**Ostræ resolutioni opponuntur Alarcon tract. 5. disp. 2. cap. 7. Hemel'man vol. I tit. 3. disp. 1. cap. 27. Wadingus disp. 7. de Incarn dub. 4. Quiros disp. 14. & 15. & alii gravissimi Theologi negantes universaliter inter quacunque Dei perfectiones realiter identificatas aliqualem aliam distinctionem, præter distinctionem purè. Verùm istorum objectiones solutæ manent disp. 3. sectione 2. q. 2. &c. Opponuntur etiam aliqui ex nostris Baconistis, quatenus docent fundamentum distinctionis formalis intentionalis, saltem inter essentiam, & relationes, esse distinctionem virtuales maximam, quam cum M. Garcia sic definiunt: *Simplex entitas physica fundans plures formalitates intentionales cum capacitate ad verificanda prædicata contradictoria absoluta, & rigorosa.* Pro istis

Garcia.

495 **O**bjicies primò. Si in Divinis daretur distinctio virtualis minima, maximè, quia esset fundamentum distinctionis formalis intentionalis; sed hoc non: ergo. Maior constat ex supra dictis. Probas minorem. Fundamentum distinctionis formalis intentionalis, saltem inter essentiam, & relationes est distinctio virtualis maxima; ergo non est distinctio virtualis minima. Probas antecedens. Fundamentum distinctionis formalis intentionalis est id, quod in lineâ physicâ fundat diversas cognoscibiles,

bilitates; sed hoc facit distinctio virtualis maxima inter essentiam, & relationes: ergo. Maior est certa. Probas minorem. Distinctio virtualis maxima definitur: *Simplex entitas physica fundans plures formalitates intentionales cum capacitate ad verificanda prædicata contradictoria absoluta, & rigorosa*: ergo. Respondeo ad objectionem concessâ maiore, negando minorem; ad cuius probationem nego antecedens; ad cuius probationem concessâ maiore, nego minorem; ad cuius probationem nego antecedens; quia diversæ cognoscibilitates solum fundantur à distinctione virtuali minimâ, non à distinctione virtuali maximâ, quæ solum debet definiri per æquipollentiam distinctionis realis physicae in ordine ad salvanda contradictoria physica, & rigorosa. Quemadmodum ergo distinctio realis physica non definitur per ordinem ad diversas cognoscibilitates, ita neque distinctio virtualis maximâ, quæ solum debet definiri per æquipollentiam ad ipsam distinctionem realem physicam.

496 Instabis. Distinctio virtualis maxima debet participare rationem communem distinctionis virtualis; sed ista definitur: *Simplex entitas physica fundans plures formalitates intentionales*: ergo. Respondeo ad instantiam concessâ maiore, negando minorem; quia talis definitio potius competit distinctioni virtuali minimæ, quàm distinctioni virtuali in communi, quæ solum definiri debet per virtutem distinctionis realis. Igitur fundare plures formalitates intentionales nec est definitio distinctionis virtualis in communi, nec competit distinctioni virtuali maximæ, sed solum distinctioni virtuali minimæ, quæ est diversa capacitas, quæ in
Deo

Deo reperitur inter quascumque perfectiones realiter identificatas.

497 Objicies secundò. In Divinis non datur duplex distinctio virtualis ; sed tu admittis maximam, saltem inter essentiam , & relationes : ergo debes excludere minimam. Probas maiorem. In creatis non reperitur duplex distinctio virtualis : ergo neque in Divinis. Antecedens constat ex dictis sup. q. 2. & 3. Probas consequentiam. Deus est summa simplicitas , & summa unitas ; creatura neque est summa simplicitas , neque summa unitas ; ergo si in creatis non datur duplex distinctio virtualis, id à fortiori erit verum in Divinis. Respondeo ad objectionem negando maiorem ; ad cujus probationem concessio antecedente , nego consequentiam ; ad cujus probationem concessio antecedente , nego consequentiam. Nam licet Deus sit summa unitas, & summa simplicitas , nec cum summa simplicitate, nec cum summa unitate pugnat , aut repugnat distinctio virtualis, quaecumque illa sit , quia non est distinctio realis physica rigorosa. Admittitur ergo distinctio virtualis maxima in Divinis, ad salvanda prædicata illa , quæ aliunde essent contradictoria, & ad hoc cogimur Fide ; distinctio autem virtualis minima admittitur etiam , quia in illa entitate simplici datur capacitas ad diversas cognoscibilitates in ordine ad intellectum creatum ; hæc verò licet reperiatur in creatis, non proinde reperitur alia ; quia nulla entitas creata , utpote limitata, est capax fundandi contradictoria physica, & rigorosa ut dictum non semel est supra q. 2.

498 Objicies tertio. Distinctio virtualis minima definitur ; *Simplex entitas physica fundans plu-*
res

res formalitates intentionales cum capacitate ad contradictoria formalisalia sive diminuta; sed hoc implicat: ergo. Maior est doctrina à Baconistis communiter recepta. Probas minorem. Implicat contradictio diminuta, & formalisalis: ergo. Probas antecedens. Contradictio ut detur, debet affirmari idem de eodem secundum idem, & in eodem sensu; sed hoc non reperitur in contradictione diminuta, & formalisali: ergo. Maior est doctrina omnium summularum. Probas minorem. In contradictione diminuta, & formalisali v. g. in ista, *animal cognoscitur, rationale non cognoscitur*, non affirmatur, & negatur idem de eodem; cum in linea formalisali animal sit distinctum à rationali: ergo.

499 Aliqui Baconistæ sæpe hallucinati impugnant hoc fundamento definitionem distinctionis virtualis minimæ traditæ à Mag. Garcia, dicuntque, prædictam definitionem esse contra præcepta, & regulas summularum. Verum ex hoc capite malè impugnatur illa definitio; siquidem quando Mag. Garcia distinctionem virtualem minimam *Garcia.* definit: *Simplex entitas physica fundans plures formalitates intentionales cum capacitate ad contradictoria formalisalia, sive diminuta*, sensus non est, quòd detur ibi contradictio diminuta, & formalisalis, sed quòd daretur nisi intercederet distinctio formalis intentionalis; quia tunc *cognosci*, & *non cognosci* verificarentur de eodem secundum idem, & in eodem sensu. Unde quemadmodum contradictoria absoluta in Divinis non verificantur de eodem secundum idem, sed solum ita verificarentur si ibi non esset distinctio virtualis; ita contradictoria

contradictoria formalisalia verificarentur si ibi non esset distinctio formalis intentionalis. Et si, hoc non obstante, non impugnant definitionem distinctionis virtualis maximæ explicatam per capacitatem ad contradictoria absoluta, hallucinantur dum ire intendunt contra definitionem distinctionis virtualis minimæ, ex eo quòd definiatur per capacitatem ad contradictoria formalisalia.

500 Aliâ viâ impugno ego illam definitionem distinctionis virtualis minimæ, supposita definitione distinctionis virtualis in communi à nostris communiter recepta. Distinctio virtualis minima, per vos, est membrum distinctionis virtualis in communi; sed hoc posito malè definitur. *Simplex entitas physica fundans plures formalitates intentionales cum capacitate ad contradictoria formalisalia sive diminuta*: ergo. Probo minorem. Membrum alicujus divisionis debet addere aliquid supra rationem communem divisam; sed distinctio virtualis minima hoc modo definita, nihil addit supra rationem communem divisam: ergo. Respondent addere capacitatem ad contradictoria formalisalia, sive diminuta, quam non dicit distinctio virtualis in communi, quæ solùm definitur: *Simplex entitas physica fundans plures formalitates intentionales*. Sed contra. Implicat simplex entitas physica fundans plures formalitates intentionales, sine capacitate ad contradictoria formalisalia: ergo. Probo antecedens. Implicat simplex entitas physica fundans plures formalitates intentionales, sine capacitate ad hoc, ut una cognoscatur, non cognitâ aliâ; sed capacitas ad hoc, ut una formalitas cognoscatur, non cognitâ aliâ, est capacitas ad contradictoria forma-

formalitalia: ergo. Maior, & minor, sunt mihi ex terminis notæ, præcipuè in sententia Baconii. Consequentia est legitima. Hinc in forma

501 Respondeo ad objectionem propositam n. 498. negando maiorem, propter rationem n. præcedentis. Unde definitio distinctionis virtualis minimæ solum potest explicari per negationem virtualem identitatis intentionalis, dummodò hîc negatio virtualis sit idem ac negatio fundamentalis, seu entitas simplex negans fundamentaliter identitatem intentionalem, quæ formaliter negatur per distinctionem formalem intentionalem. Si recusent Adversarii, distinctionem virtualem minimam sic explicatam recurrere cum definitione sup. rejectâ, facîle in hoc conveniam, dummodò distinctio virtualis in communi non definiatur: *Simplex entitas physica fundans plures formalitates intentionales*; non enim aliter definitionem distinctionis virtualis minimæ sup. traditam rejicio, nisi in quantum suppono illam definitionem distinctionis virtualis in communi. Ex dictis

502 Deduces, distinctionem virtualem in communi definiri hîc modò: *Virtualis negatio identitatis realis*. quæ quidem ratio communis participatur ab utraque distinctione virtuali, maxin â scilicet, & minimâ, licet non æqualiter; non enim, divisio distinctionis virtualis in maximam, & minimam est univoca; cùm gradus divisus intrinsecè, & essentialiter non includatur in utroque membro dividente, sed solum in distinctione virtuali maximâ, quæ est virtus, idest, æquipollentia distinctionis realis physicæ, non sic distinctio virtualis minima, quæ est virtus, idest, fundamentum distinctio-

nis realis intentionalis. Cohærenter ergo ad distinctionem virtualem in communi sic definiri debet distinctio virtualis maxima: *Virtualis negatio identitatis realis physicae*. Distinctio tandem virtualis minima sic: *Virtualis negatio identitatis realis intentionalis*. Ex satis de difficili distinctione virtuali, tam maximâ, quàm minimâ.



S E C T I O II.

De Distinctione Rationis.

Q U Æ S T I O U N I C A.

*Utrum Distinctio Rationis sit etiam ex parte ob-
jecti?*

503

Resolutio est affirmativa, & deducta ex Doctore in 1. dist. 2. q. 2. art. 3. §.

Baconius.

1. In hac conveniunt omnes Baconistæ, Thomistæ, Scotistæ, & Ægidiani, licet in modo explicandi differant. Antequam resolutionem probem, prænoto primò, distinctionem rationis aliam dici rationis ratiocinantis, aliam rationis ratiocinatæ. Distinctio rationis ratiocinatæ, de qua in præsentì, dicitur *rationis*, quia per rationem excogitatur, & *ratiocinatæ*, quatenus fit ex occasione, quam res ipsa præbet, scilicet, quando res aliqua virtualiter multiplex in re excogitatur pluribus conceptibus inadæquatis; hac autem distinctione rem inadæquatè consideramus secundum ea, quæ realiter il-

li conveniunt; & per hoc differt à distinctione rationis ratiocinantis, in qua aliquid fingitur in extremis, quod ipsis realiter non convenit. Resolvimus ergo, distinctionem rationis ratiocinatæ habere fundamentum intrinsecum, quod reperitur ubi sunt in objecto plures formalitates, quarum una præcindit ab alterâ. Hinc

504 Prænoto secundò, præcisionem alteram esse formalem, objectivam alteram. Præcisio formalis tenet se ex parte intellectus, & tunc datur, quando idem intellectus attingit unum non attingendo aliud, seu quandò, adhuc in eodem objecto, attingit unam rationem, non attingendo idem secundum aliam. Præcisio objectiva tenet se ex parte objecti, & tunc datur, quandò objectum ita se intellectui objicitur secundum unam rationem, & non secundum aliam. Unde non solum falluntur, qui putant, præcisionem objectivam inter formalitates esse solam denominationem extrinsecam, sed etiam qui opinantur præcisionem objectivam includere necessariò actum intellectus præcindentem; potest enim præcisio esse ex parte rei antecedenter ad actum intellectus, ut bene, & non sine gravi fundamento advertit Mag. Lumbier. tom. I. *Lumbier.* q. 3. de voluntate art. 3. n. 71. his verbis: *Hoc quod est præcindere non solum esse per intellectum, sed etiam posse esse à parte rei antecedenter ad nostros conceptus.* Igitur præcisio objectiva, quam admittimus non differt à nostra distinctione, & ideo, hâc suppositâ, careret loco prælens quæstio, nisi excitaretur, tum ut titulo sectionis satis factum iri putemus, tum ut alias objectiones sub his terminis solvamus. His prænotatis

505 Probo resolutionem, & primò ex eo, quia datur præcisio objectiva inter formalitates ejusdem entitatis; sed hæc est fundamentum intrinsecum distinctionis rationis ratiocinatae: ergo. Probo maiorem. Præcisio unius formalitatis ab alia datur eo modo, quo una existit non existente alia; sed formalitas animalis v. g. existit in esse cognoscibili, non existente in esse cognoscibili rationali: ergo. Maior est certa. Probo minorem. Si animal non existeret in esse cognoscibili, non existente in esse cognoscibili rationali, non posset cognosci animal, quin cognosceretur rationale; sed potest: ergo. maior liquet. Probo minorem. qualibet res potest cognosci, quin cognoscatur id, quod est extra suam essentiam; sed formalitas animalis est extra essentiam rationalis: ergo. Maior est certa. Minor patet ex diversa definitione utriusque in esse obijcibili.

506 Probo secundò eadem resolutionem exemplo vulgari hominis à longe venientis, in quo tantum cognoscitur formalitas animalis, non cognita formalitate rationalis, quanvis illud animal sit cum illo rationali identificatum. Respondent Adversarii, quòd in eo casu, quanvis rationale non cognoscatur clarè, cognosci semper saltem confusè. Sed contra 1. ergo animal cognoscitur clarè, & rationale non cognoscitur clarè: ergo differunt in esse cognoscibili. Contra 2. Quandò Philosophus cognovit Deum latebat ei Trinitas in objecto, non minus quàm rationalitas occulta manet in casu relato: sed nemo hucusque dicit, Philosophum propriè cognovisse Trinitatem: ergo neque cognoscitur rationale propriè, quando animal cognoscitur.

Con-

Confirmo resolutionem ex supra dictis disp. 3. sectione 2. q. 1. n. 295. & 297.

Proponuntur Objectiones; & dissolvuntur.

506

Nostræ resolutioni opponuntur Nominales, quos sequitur Mag. Bonalpes in *Bona Spes*. log. tract. 1. de Ante univ. disp. 2. de distinct. dub. 5. resolut. 2. & 3. & tract. 2. de univers. disp. 1. de univers. in genere dub. 6. n. 100. Et Gaurinus in *Guarinus*. log. disp. 4. de univers. in communi expens. 4. *Prima conclusio*. Pro his omnibus objicies primò. In tantum daretur præcisio objectiva, in quantum animal cognosceretur non cognito rationali; sed hoc est falsum: ergo illud. Maior est fundamentum resolutionis. Probas minorem. Quando animal cognoscitur, rationale est realiter cognitum; sed quod realiter est cognitum, cognoscitur: ergo quando animal cognoscitur, falsum est, quod non cognoscatur rationale. Probas maiorem. Quando animal cognoscitur, rationale identificatur realiter cum cognito; sed quod identificatur realiter cum cognito est realiter cognitum: ergo. Probas maiorem. Quando animal cognoscitur, rationale identificatur realiter cum animali; sed animal est cognitum: ergo quando animal cognoscitur, rationale identificatur realiter cum cognito.

508 Respondeo ad objectionem subtilem concessâ maiore, negando minorem; ad cujus probationem nego maiorem; ad cujus probationem nego maiorem: quando animal cognoscitur, rationale identificatur realiter cum animali in lineâ physicâ, concedo maiorem:

iorem: in lineâ intentionali, nego maiorem; & distinguo minorem; sed animal est cognitum in linea intentionali, concedo minorem: in linea physica, nego minorem, & consequentiam. Verum est, quòd rationale sit physicè animal, quando animal cognoscitur; (puta in homine) falsum tamen, quòd sit intentionaliter animal. Unde (nota benè) aliud est dicere, quòd rationale identificetur physicè cum animali; aliud, quòd identificetur physicè cum cognito. Verum est, quòd identificetur realiter physicè cum animali, quia illa entitas hominis est eadem in sensu physico; tamen non identificatur physicè cum cognito; quia cognitum dicit lineam intentionalem, in qua rationale est distinctum ab animali.

509 Responderi etiam potest, rationale solum esse cognitum in sensu substantivo, quando animal cognoscitur; non esse tamen cognitum in sensu adjectivo. Esse cognitum in sensu substantivo, nihil aliud est, quàm habere identitatem cum cognito; at esse cognitum in sensu adjectivo, est habere denominationem essendi cogniti. Igitur non est concedendum, quòd rationale cognoscatur, quando animal cognoscitur, licèt verum sit, quòd rationale sit, in sensu explicato, realiter cognitum; quia, quòd sit realiter cognitum potest facere sensum substantivum; quòd autem cognoscatur facit sensum adjectivum.

510 Instabis. Ergo cognitio, qua animal denominatur cognitum, non denominatur cognitum rationale; sed hoc est falsum: ergo. Illatio sequitur ex dictis. Probas minorem. Si hoc verum esset, sequeretur, cognitionem non attingere animal
prout

prout est à parte rei ; sed hoc non : ergo. Probas sequelam maioris. Animal à parte rei est rationale : ergo si cognitio , qua animal denominatur cognitum , non denominaret cognitum rationale , cognitio non attingeret animal prout est à parte rei. Probas etiam minorem. Si cognitio non attingeret animal , prout est à parte rei , talis cognitio attingeret objectum fictum ; hoc non : ergo neque illud.

511 Respondeo ad instantiam concessâ illatione , negando minorem ; ad cujus probationem distinguo maiorem : si hoc verum esset , sequeretur , cognitionem non attingere animal , prout est à parte rei , idest , non attingere animal secundum omne id cum quo est identificatum à parte rei , concedo maiorem : idest , non attingere animal verè , & realiter , sed chimæricè , nego maiorem : ad cujus probationem concessio antecedente , distinguo consequens modò dictò. Igitur cognitio attingens animal , aliquid verum , & reale attingit , quanvis non attingat omne id , cum quo realiter physicè identificatur ; intellectus namque optimè potest restringere se ipsum ad cognoscendum objectum secundum aliquam ipsius formalitatem , cum subjiçatur voluntatis imperio quoad actus secundos. Accedit , quòd cognitio non tendit in objectum prout est in lineâ physicâ , sed prout est in lineâ intentionali , in qua animal non est rationale , & sic cognitio tendens in animal , tendit in objectum prout est à parte rei.

512 Replicabis. Cognitio tendens in animal , & non in rationale , tendit in objectum aliter atque est à parte rei in lineâ physicâ : ergo tendit in

objectum chimæricum. Respondeo ad replicam distinguendo: antecedens: cognitio tendens in animal, & non in rationale tendit in objectum aliter atque est à parte rei in lineâ physicâ, adæquatè, concedo antecedens: aliter atque est in lineâ physicâ inadæquatè, nego antecedens, & consequentiam. Est dicere, non omne, quod est à parte rei physicè, attingi ab eadem cognitione, cum quo stat, quòd omne, quod a cognitione attingitur detur à parte rei physicè, & si tantùm inadæquatè attingatur.

513 Urgebis. Animal non potest attingi, nisi chimæricè, quin attingatur animal: ergo non nisi chimæricè attingitur, si non attingatur rationale. Antecedens patet ex implicantia terminorum. Probas consequentiam. Non minus illud animal, quod attingitur, est animal, quàm est rationale: ergo. Respondeo ad urgentiam concessio antecedente, negando consequentiam; ad cujus probationem distinguo antecedens: non minus illud animal, quod attingitur, est animal quàm est rationale; in lineâ physicâ, concedo antecedens: in lineâ intentionali, nego antecedens: in linea intentionali, animal non est rationale, ideoque non chimæricè, sed verè attingitur animal, licèt non attingatur rationale.

514 Objicies secundò. Quando aliquid de subiecto prædicatur, utique de illo prædicatur quidquid prædicatur de prædicato; sed de rationali prædicatur animal, & de animali prædicatur cognosci: ergo de rationali prædicatur cognosci. Respondeo ad objectionem distinguendo maiorem: Quando aliquid, &c. in eo sensu, in quo prædicatur de prædicato, concedo maiorem: in diverso sensu, nego maiorem. Deinde distinguo minorem: de rationali præ-

prædicatur animal, in lineâ physicâ, & de animali prædicatur cognosci, in lineâ intentionali, concedo minorem: de rationali prædicatur animal, in lineâ intentionali, & de animali prædicatur cognosci, in lineâ physicâ, nego minorem, & consequentiam.

515 Quanvis de rationali prædicetur animal, & de animali cognosci, non sequitur, quòd de rationali prædicetur cognosci, cùm animal prædicetur physicè de rationali, & cognosci tantùm intentionaliter. Unde regula illa Aristotelica, *cùm quippiam de quoppiam prædicatur ut de subiecto ea quæ de prædicato dicuntur, dicuntur etiam de subiecto* est vera, dummodò non varietur suppositio, & servetur quantitas distributionis. Patet in eodem animali, de quo prædicatur ratio generis, quæ de homine non prædicatur, licet de illo prædicetur animal; & hoc non aliò ex capite, nisi quia genus prædicatur de animali, prout animal fundat logicam intentionem, in quo sensu non prædicatur animal de homine, sed tantùm ut est vivens sensitivum. sicut etiam, quia variatur appellatio de prædicatione identicâ ad prædicationem formalem, non valet dicere. *Pater est Deus, Deus est Filius: ergo Pater est Filius.* De his Resolutus in 3. dist. 9. q. 1. art. 2. §. 2. ¶. Item Baconius. *probo*

516 Obiicies tertio. Aliquod animal non præcindit objectivè à rationali: ergo non est universaliter verum, quòd detur præcisio objectiva inter animal, & rationale. Probas antecedens Ubi datur identitas objectiva dari non potest objectiva præcisio; sed aliquod animal identificatur objectivè cum rationali; ergo aliquod animal non præcindit

objective à rationali. Maior est certa. Probas minorem per hunc syllogismum rectè complicatum in *Darapti*: *Omnis homo est objective rationale, omnis homo est objective animal: ergo aliquod animal est objective rationale*. Modò sic. Præmissæ istius syllogismi sunt veræ; sed consequentia negari non potest: ergo aliquod animal identificatur objective cum rationali. Maior liquet. Probas minorem. Negatâ illâ consequentiâ erit vera illius contradictoria; sed contradictoria non est vera: ergo.

517 Maior patet ex eo, quòd duæ propositiones contradictoriæ non possint esse simul veræ, nec simul falsæ. Probas minorem. Contradictoria propositionis, quæ est consequentia illius syllogismi, est hæc propositio, *nullum animal est objective rationale*; sed ista propositio non est vera: ergo contradictoria non est vera. Maior est certa. Probas minorem. Si esset vera ista propositio, *nullum animal est objective rationale*, sequeretur, nullum hominem esse objective rationale, contra id, quod supponitur jam concessum in maiore illius syllogismi; hoc non; ergo talis propositio non est vera. Probas sequelam maioris. Ista propositio est vera, *omnis homo est objective animal*: ergo si etiam esset vera alia, nempe, *nullum animal est objective rationale* sequeretur, nullum hominem esse objective rationale, per hunc syllogismum in *Celarem* constructum ex talibus præmissis, nempe, *nullum animal est objective rationale; omnis homo est objective animal: ergo nullus homo est objective rationale*.

518 Respondeo ad objectionem, in qua magnum

num reperitur accumen, negando antecedens; ad
 -cujus probationem, concessâ maiore, nego mino-
 -rem; ad cuius probationem per syllogismum in
 Darapti dico, præmissas esse veras dum faciunt
 hunc sensum, *omnis homo est objectivè includens
 rationale; omnis homo est objectivè includens ani-
 mal;* sed tunc solum sequitur ista consequentia: *Er-
 go aliquod includens objectivè animal est includens
 objectivè rationale*, quæ est vera, quin destruat
 objectiva præcisio. Ratio cur ex præmissis addu-
 ctis debet inferri ista consequentia, & non alia,
 est, quia ex connexionem partium cum toto non
 infertur earum connexio inter se; cum autem ra-
 tionale, & animal dicantur de toto, nempe de ho-
 mine, in quo includuntur, non est bona consequen-
 tia illa in qua rationale dicitur de animali, sed ista:
*ergo aliquod quod est objectivè animal, seu inclu-
 dens animal est objectivè rationale, seu includens
 rationale*. Ea propter ex istis præmissis: *Omnis ho-
 mo albus est albus; omnis homo albus est homo*, non
 infertur: *ergo aliquis homo est albus*, sed: *ergo ali-
 quid quod est homo est album*. Similiter ex istis: *Chri-
 stus est homo; Christus est Deus* non infertur legitime:
ergo Deus est homo, sed: *ergo aliquid quod est Deus
 est homo*. Unde fallô judicant aliqui dicentes, quòd,
 admissis præcisionibus objectivis, everteretur vix
 syllogistica; nam si rectè examinentur syllogismi,
 seu potius paralogismi ab ipsis efformati, variatio
 manifesta invenitur.

519 Objicies quartô. Entitas hominis est indi-
 -visibilis: ergo non potest attingi animal absque ra-
 -tionali. Antecedens constat. Probas consequentiam.
 Si posset attingi animal absque rationali, non at-
 tingeretur

tingeretur totus homo ; sed qui attingit indivisibile, totum attingit : ergo ex eo , quòd entitas hominis sit indivisibilis non potest attingi animal absque rationali. Respondeo ad objectionem distinguendo antecedens : entitas hominis est indivisibilis in lineâ physicâ , concedo antecedens : in lineâ intentionali , nego antecedens , & consequentiam ; ad cujus probationem concessâ maiore , & minore , nego consequentiam , quia cognitio attingens animal non attingit animal physicè , sed intentionaliter.

520 Objicies quintò. Objectum in se non potest esse præcisum : ergo non datur præcisio ex parte objecti. Probas antecedens. Objectum solum extrinsecè cognoscitur : ergo solum est extrinsecè præcisum. Antecedens est certum. Probas consequentiam. Objectum in tantum est præcisum in quantum cognoscitur : ergo si solum extrinsecè cognoscitur , solum est extrinsecè præcisum. Respondeo ad objectionem negando antecedens ; ad cujus probationem concessio antecedente , nego consequentiam ; ad cujus probationem distinguo antecedens : objectum in tantum est præcisum extrinsecè , in quantum cognoscitur , concedo antecedens : in tantum est præcisum intrinsecè , in quantum cognoscitur , nego antecedens. Unde præcisio intrinseca stat ex parte objecti antecedenter ad actualem cognitionem.

521 Objicies sextò. Repugnat , quòd objectum cognoscatur , & non cognoscatur , adhuc secundum diversas formalitates : sed hoc sequeretur admissis præcisionibus objectivis : ergo. Probas maiorem. Repugnat , quòd intellectus assentiatur , & dissentiat objecto , adhuc secundum diversas formalitates :

tates: ergo etiam, &c. Antecedens est certum. Probas consequentiam. Oppositio contradictoria est maior oppositione contrariâ: ergo si repugnat assensus cum dissensu, adhuc secundum diversas formalitates, ita, imò a fortiori, repugnabit, quòd objectum cognoscatur, & non cognoscatur, adhuc secundum formalitates diversas.

522 Respondeo ad objectionem negando maiorem; ad cuius probationem concesso antecedente, nego consequentiam; ad cuius probationem concesso antecedente nego consequentiam. Disparitas est, quia oppositio contraria ut detur, necesse est, quòd res sit aliquid, & simul oppositum exclusivum ipsius: cum ergo hoc non habeat locum in formalitatibus, quæ in eadem entitate compatiuntur, ideo de eadem entitate nequit verificari contraria oppositio, adhuc secundum diversas formalitates; at oppositio contradictoria, licet sit maior contrariâ, ut detur, sufficit, quòd res secundum unam formalitatem dicatur talis, & talis non dicatur secundum aliam v. g. quòd homo dicatur cognitus secundum animal, & non dicatur cognitus secundum rationale, quod non repugnat; cum tales formalitates sint distinctæ in esse obijcibili; neque enim ista est contradictio rigorosa propter extremorum distinctionem.

523 Objicies septimò. Animal, quod est in homine non potest cognosci absque rationali: ergo non potest præcindi à rationali. Probas antecedens. Animal, quod est in homine est animal hominis, seu animal humanum; atqui animal humanum non potest cognosci absque rationali: ergo. Respondeo ad objectionem negando antecedens; ad cuius probationem

bationem [concessâ maiore , distinguo minorem : animal humanum non potest cognosci absque rationali , si sumatur ut humanum reduplicativè , concedo minorem : si præcisè sumatur ut vivens sensitivum , nego minorem , & consequentiam. Ratio est , quia animal sumptum reduplicativè ut humanum , nihil aliud est quàm homo , qui certè cognosci nequit absque rationali ; at verò animal præcisè ut vivens sensitivum , non est homo , quia ut vivens sensitivum reperitur in bruto , in quo non reperitur rationale.

524 Instabis. Ergo animal ut humanum non potest cognosci absque rationali ; sed animal in homine non potest cognosci nisi ut humanum : ergo animal in homine numquam potest cognosci absque rationali. Respondeo ad instant. concessâ illatione , negando minorem subsumptam , & consequentiam : multoties enim accidit , quòd intellectus noster in homine attingat animal , & non rationale , toties quoties homo videtur à longe ambulans , & sic non attingit animal ut humanum , licèt attingat animal in homine , seu animal hominis.

525 Objicies octavò. In eodem rationali non præcindit objectivè ratio contrahens genus à ratione constituyente speciem : ergo in eodem homine nequit præcindere animal à rationali. Respondeo ad objectionem concessò antecedente , negando consequentiam. Disparitas est , quia rationale in tantum constituit speciem , in quantum contrahit genus , cum ergo non reperiatur , nec reperiri possit contractio generis absque constitutione speciei , ideo non datur præcisio ; at hæc ratio non militat in animali hominis erga rationale ; cum ab illo formaliter

maliter differat in esse cognoscibili ; & reperiatur sine rationali.

526 Instabis. Negari saltem non potest, quòd contractio animalis reperiatur abique constitutione determinatæ speciei; atqui, hoc non obstante, in eodem rationali nequit præcindi objectivè contrahere animal à constitutione determinatæ speciei : ergo licèt animal reperiatur abique determinatâ differentiâ, non inde potest in eodem homine præcindi objectivè à rationali. Respondeo ad instant. concessâ maiore, negando minorem in qua est accumen instantiæ, & consequentiam. Igitur in eodem rationali, licèt non possit præcindere ratio contrahendi genus à ratione constituendi speciem; potest tamen ratio contrahendi genus præcindere à ratione constituendi speciem determinatam. Ratio mihi est quia in rationali potest præcindere illa ratio per quam cum irrationali convenit, à ratione per quam ab illo differt; cùm autem rationale cum irrationali conveniat in ratione contrahendi genus, & differat in ratione constituendi determinatam speciem, nempe humanam, ideo in eodem rationali potest una ratio ab alterâ objectivè præcindere.

527 Replicabis. Quia in rationali ratio constituendi speciem humanam numquam reperitur sine ratione contrahendi genus, ratio contrahendi genus includitur formalissimè in ratione constituendi speciem : ergo, quia in homine animal numquam reperitur sine rationali, rationale non præcindit objectivè ab animali. Respondeo ad replicam distinguendo antecedens : quia etiam, concedo antecedens : quia solum, nego antecedens, & consequentiam. Ratio adæquata, & totalis qua prop-

ter ratio contrahendi genus includitur formalissimè in ratione constituendi speciem humanam, non est præcisè, quia ratio constituendi speciem humanam numquam reperiatur sine ratione contrahendi genus, sed quia de ratione constituendi speciem, quæcumque illa sit, est contrahere genus; at quavis animal hominis sit physicè rationale, tamen sine rationali reperitur saltem in esse objicibili; cum habeat essentiam diversam à rationali.

528 Objicies nonò. Semel, quòd objectum delectabile sit intrinsecè malum nequit voluntas amare objectum secundum rationem delectabilis, quin amet secundum rationem malitiæ: ergo semel, quòd animal sit intrinsecè rationale, ut est in homine, nequit præcindi à rationali. Respondeo ad objectionem distinguendo antecedens: Semel, quòd objectum, &c. Si proponatur voluntati ut malum, concedo antecedens: si non proponatur ut malum, sed præcisè ut delectabile, nego antecedens, & consequentiam; quia in nostro casu animal non objicitur ut animal humanum, sed ut præcisè est vivens sensitivum, ideoque præcindit objectivé à rationali.

529 Objicies decimò. Unio non præcindit objectivé à suis extremis: ergo neque animal à suis differentiis. Respondeo ad objectionem concessio antecedente, negando consequentiam. Disparitas est; quia unio est essentialiter vinculum duorum, & cum nihil possit præcindere à sua essentiâ, inde unio à suis extremis præcindere non potest, quæ de causâ, cognita unione, cognoscuntur extrema saltem indirectè; at verò animal in lineâ objicibili non est essentialiter rationale, sed est à rationali formaliter

maliter intentionaliter distinctum, & si physicè habeat identitatem cum illo.

530 Objicies undecimò. Color non præcindit objectivè à sua differentia specifica in esse objicibili ad visum: ergo neque animal à rationali in esse objicibili ad intellectum. Respondeo ad objectionem concessio antecedente, negando consequentiam. Disparitas est, quia si color præcinderet objectivè à sua differentia specifica in ordine ad visum, posset visus patrare formaliter universale, quod est fallum; quia visus quantumvis aliquando attingat colorem, quin discernat inter unum, & alium, id ex eo provenit, quòd debiliter colorem attingat; quare solum occasionaliter præcindit visus propter sui debilitatem, quia saltem tenuè, & remisè semper discernit inter colorem, & colorem; at verò, quòd intellectus præcindat formaliter, & faciat formaliter universale verum est, ideoque non est assignabilis ratio convincens contra præcisionem objectivam in ordine ad intellectum inter animal, & rationale

531 Objicies duodecimo, & ultimò fundamento principali partis adversæ. Admissis præcisionibus objectivis, verificarentur prædicata contradictoria de eadem indivisibili entitate, qualia sunt *cognosci, & non cognosci*; sed hoc repugnat: ergo. Maior est certa. Probas minorem. Repugnat, quòd de eadem indivisibili entitate verificentur hæc contradictoria, *produci, & non produci, existere, & non existere*: ergo etiam &c. Hæc objectio videtur insolubilis Mag. Bona spei in log. tract. 1. de Ante univ. d. 1p. 2. de distinctionibus dub. 5. à n 194 usque ad n. 207. cujus sunt hæc verba: *Velis nolis ad-*


Bona Spes.

admittere debes paritatem inter produci, & non produci ex una parte, concipi, & non concipi ex alia. Tamen genuina solutio constat ex supra dictis hac eadem disp. sectione 1. q. 3. n. 435. Solùm addo hic alia verba Mag. Lumbier tom. 1. de Essentia, & attributis q. 14. art. 6. n. 794. ubi inquit: Et enim longa disparitas: produci enim, & non prodaci sunt de entitativo in quo animal, & rationale sunt idem; & de eodem, eodem modo quo est idem, repugnat forma, & carentia. At cognosci, & non cognosci sunt de linea intelligibili in qua animal, & rationale non sunt idem, sed intelligibiliter, & metaphysicè diversa: & sic forma, & carentia non sunt secundum idem, quia animal perfectè noscitur, rationale autem per sensationem, nec confusè, sed penitus non cognoscitur. Ex dictis

532 Deduces primò, non repugnare illa contradictoria, *cognosci, & non cognosci*: cùm verificentur de eodem non secundum idem, sed secundum diversas formalitates. Nec inde admittas circulum vitiosum; nam, quærenti, quare detur præcisio objectiva, respondebis, quia una formalitas potest cognosci non cognitâ aliâ. Roganti mox, cur una formalitas cognosci potest, non cognitâ aliâ, non respondebis, quia ibi est præcisio objectiva, (nam hoc jam esset vitiosè circumire) sed, quia habet essentiam diversam in linea intelligibili.

533 Deduces secundò, præcisiones objectivas non tantum habere locum in creatis, sed etiam in Divinis; dummodo prædicata quidditativa Dei non considerentur secundum esse absolutum; quod habent in se, sed tantum secundum suas rationes formales respectivas, seu repræsentativitates, quas
fui-

fundant ex natura rei per ordinem ad intellectum. Opus non est in his amplius immorari, quia quod circa distinctionem formalem intentionalem diximus disput. 3. sectione 2. q. 2. & 3. id ipsum militat etiam circa objectivam præcisionem. Et hæc pro distinctionibus.





DISPUTATIO V.

DE QUIDDITATE, ET QUOTUPLI- citate Identitatis.

S E C T I O I.

De quidditate Identitatis.

Q U Æ S T I O U N I C A.

In quo consistat Identitas?

Bacconius.
Zagaglia.

534



RESOLUTIO est : Identitas consistit in positivo. Deducitur ex Doctore in 1. dist. 33. q. 1. art. 2. §. 4. quem citat, & sequitur Mag. Zagaglia. tom. 2. tracta-

tu 2. disp. 2. sect. 1. §. 1. n. 8. ubi hæc habet : *Summa opinionis ejusdem (Bacconii) est, quod unum, vel idem non dicit formaliter indivisionem, & privationem, sed positionem, sive positivum.* Idem ex eodem docet Mag. Aymus in Metaph. p. 1. dist. 2. §. 2. q. un. art. 2. x. *Resolutio. 2. unitas secundum se.* Concurrent

Aymus.
Mastrius.
Guarinus.

currunt in hanc eandem opinionem Mastrius in Metaph. disp. 6. de passionibus entis q. 7. art. 1. n. 141. Guarinus in Log. disp. 3. de Identitatibus, & Distinctionibus expens. 1. x. *Prima conclusio.* Antequam resolutionem probem, prænoto, identitatem opponi contradictoriè distinctioni; unitatem verò opponi contrariè multitudini, licet identitas in unitate fundetur. Unde sicut distinctio dicit negationem identitatis, ita multitudo dicit privationem unitatis: identitas tamen in rei veritate non dicit negationem distinctionis, nec unitas negationem multitudinis; quia juxta Baconium universaliter est verum, quod in quacumque divisione sola imperfectior differentia habet rationem privationis in rei veritate. Hoc prænotato,

535 Probo resolutionem, & primo sic. Distinctio opponitur contradictoriè identitati; sed distinctio importat formaliter negationem: ergo identitas formaliter consistit in positivo. Maior, & minor constant ex dictis disp. 1. sectione 1. q. 1. consequentia est bona. Secundò sic. Identitas dicit formaliter perfectionem; sed perfectio est quid positivum: ergo. Tertio sic. Negatio ex suo conceptu dividit, privat, & expoliat aliquid de aliquo; sed identitas nec dividit, nec privat, nec expoliat, imò è contra unit, & conjungit: ergo identitas non in negatione, sed in positivo consistit.

Proponuntur Objectiones, & dissolvuntur.

536 **N**ostræ resolutioni opponuntur Mauritius in Epitom. Formalit Augustinus Laurætius *Mauritius.*
in Metaph. tract. 1. disp. 7. sectione 5. n. 198. & alii *Aug. Laur*
T ij di.

dicentes, identitatem consistere in negatione distinctionis, pro quibus objicies primò. Distinctio consistit formaliter in negatione identitatis: ergo identitas consistit formaliter in negatione distinctionis. Antecedens constat ex dictis disp. 1. lectio. ne 1. q. 1. Probas consequentiam. Oppositorum eadem est ratio; sed distinctio, & identitas opponuntur: ergo si distinctio consistit in negatione identitatis, identitas consistit in negatione distinctionis. Respondeo ad objectionem concessio antecedente, negando consequentiam; ad cujus probationem distinguo maiorem: oppositorum eadem est ratio, in aliquibus, concedo maiorem: in omnibus, nego maiorem. Implicat, quòd sit eadem omnino ratio oppositorum, præcipuè contradictoriorum, quorum unum necessariò debet esse positivum, & alterum negativum; aliàs non opponerentur contradictoriè: cùm ergo distinctio, & identitas contradictoriè opponantur, simel, quòd distinctio dicat formaliter negationem, oportet, quòd identitas sit aliquid positivum.

537 Objicies secundò. Sicut se habet unitas ad multitudinem, ita se habet identitas ad distinctionem; sed ex eo, quòd multitudo dicat negationem unitatis, unitas dicit negationem multitudinis: ergo ex eo, quòd distinctio dicat negationem identitatis, identitas debet dicere negationem distinctionis. Respondeo ad objectionem datà maiore, negando minorem; quia unitas in rei veritate non dicit negationem, sed aliquid positivum, licet multitudo importet privationem unitatis. Ratio est, quia unitas est perfectior multitudine, ut per se patet, & in qualibet divisione sola imperfectior differentia


dicat privationem formaliter, ut docet Baconius *Baconius.*
 loco sup. v. Ad propositum his verbis: *Quia uni-*
versaliter est verum, quòd in omni divisione imper-
fectior differentia habet rationem privationis in
rei veritate; sed cùm dividitur substantia in cor-
poream, & incorpoream, incorporeum est perfectior
differentia ut per se patet: igitur corporeum in rei
veritate est privatio respectu incorporei, & incor-
poreum est solùm privatio secundùm famositatem no-
minis: sed in proposito, cùm ens dividitur in unum,
& multa, per se patet quòd ratio unius est perfe-
ctior, quàm ratio multitudinis, sicut simplex com-
positio. Igitur unum dicit privationem solùm secun-
dùm nominis famositatem. & multitudo secundùm
rei veritatem. Dixi sup. data maiore; quia unitas,
& multitudo solùm contrariè opponuntur.

538 Objicies tertio, & erit instantia præce-
 dentis objectionis. Unitas est carentia plurium en-
 titatum; sed carentia plurium entitatum dicit ne-
 gationem multitudinis: ergo unitas dicit negatio-
 nem multitudinis. Respondeo ad objectionem di-
 stinguendo maiorem: unitas est carentia plurium
 entitatum, quoad modum significandi, concedo
 maiorem: quoad rem significatam, nego maiorem.
 Unitas quoad rem significatam solùm consistit
 in simplicitate, & est aliquid positivum oppositum
 contrariè multitudini, ut docet Philosophus 10.
 Metaph. cap. 4. ubi de uno, & multo hæc habet: *Aristoteles.*
Cùm autem oppositiones quatuor sint modi, & bo-
rum alius secundùm privationem dicatur, contra-
ria erunt propter hoc. Unde non fit bonum argumen-
tum ab unitate ad identitatem; quia unitas, & mul-
titudo sunt positiva, & contrariè tantùm opposita,

licet multitudo dicat privationem unitatis; identitas verò,] & distinctio non sunt positiva, sed sunt opposita contradictoriè, ideoque opus est, quod identitas sit quid positivum, distinctio quid negativum. Ex his

539 Deduces, identitatem describi posse in hunc modum: *Affirmatio unius de alio*. Advertetamen, nullam excogitari posse veram, & rigorosam identitatis definitionem; quia omnis definitio identitatis, quæcumque illa sit, semper includit verbum *est* vel explicitè, vel implicitè, adeoque includit identitatem ipsam. Unde meritò D. Augustinus super Psalm. 121. *Id ipsum* (inquit) *quomodo dicam, nisi id ipsum*.

D. August.



S E C T I O II.

De Quotuplicitate identitatis.

Q U Æ S T I O U N I C A

Quotuplex sit Identitas?


540 **R**esolutio: Duæ tantum sunt identitatis species, altera ex naturâ rei, rationis altera, quæ ulterius subdividi possunt, proportionè servatâ, sicut species distinctionis, de quibus disp. 1. sectione 2. Unde generaliter loquendo, species identitatis sunt tot, quot sunt distinctionis species. Ut tamen in hac re vitetur confusio, quæ ex tot identitatis speciebus oriri potest; adver-

adverte, duplicem tantum identitatem, pence extremorum identificatorum differentiam, distingui specialiter à Philosophis cum Aristotele 5. Metaph. cap. 9. textu 16. Altera est illa, qua res est eadem in se ipsa, seu respectu sui ipsius, quo tantum modò dicitur Socrates v. g. idem numero secum. Altera illa est, qua plura objecta realiter physice distincta, dicuntur idem ratione alicujus prædicati omnibus communis, quo pacto dicuntur idem Socrates, & Plato in ratione hominis. Prima identitas dicitur realis physica; secunda verò realis intentionalis. Unde sicut non repugnat, quòd distinguantur intentionaliter, quæ identificantur physice, ita nec quòd inter physice distincta detur identitas intentionalis.

541 *Quod autem pertinet ad usum vocum (verba sunt P. Suares, observatione dignissima, disp. 7. Suares, Metaph. sectione 3. n. 3.) est observandum convenientiam hanc plurium rerum in ratione communem in substantiis retenuisse nomen identitatis, simpliciter loquendo, ex accomodatione usus, & quasi per antenomasiam; in qualitatibus verò vocari similitudinem; in quantitate verò vocari æqualitatem, quanvis hæc vox non tantum significet convenientiam in essentiali ratione in magnitudine.*

542 Si tandem scire cupis, quale sit adæquatum signum identitatis realis, respondeo, esse inseparabilitatem aliquorum tam actualem, quam potentialem, & proportionalem; cum enim distinctio contradictoriè opponatur identitati, circa istam discurrere oportet, proportionem servatâ, ac circa distinctionem, ut identitas per oppositum clarius elucescat. Sic que huic disputationi, & insimul

toti tractatui , ultimò manum imponimus , hæc
iustificere putantes pro notitia distinctionum , &
identitatum. Utinam scripta hæc usque ad mini-
mum lota cedant in Dei laudem , purissimæque
Virginis **MARIÆ** , **D. Joseph.** **D. Joachimi** , **D. An-**
næ , **Sanctorumque** Parentum meorum **Eliæ** , &
Elisei , omniumque in felicissima sede regnantium.





INDEX

RERUM PRINCIPALIU.

Numerus indicat paragraphum.

A

Actio.

Non identificatur realiter cum subiecto,
n. 204.

Actus.

Actus Dei liberi possunt separari ab entitate necessaria quoad terminationem, n. 84.

Attributum Divinum.

Quid sit? n. 249.

Attributa non dicunt in Deo multipliciter absolutam, sed tantum respectivam, n. 258.

Unum attributum includit aliud in lineam physicam, & absolutam; non tamen in lineam respectivam, n. 270.

Attri-

Attributa transcendentalia in quæ differunt ab aliis attributis? n. 369.

Nullum in Deo reperitur attributum, quod non dicat ordinem ad intellectum, n. 371.

C

Capacitas.

C Apacitas prædicatorum contradictoriorum non est signum adæquatum, & convertibile cum distinctione reali, n. 103.

Causa.

Idem non potest causare se ipsum, n. 49.

Potest nihilominus esse causa sui ipsius quantum ad firmitus esse, num. 167.

Circulus.

Non committitur in Divinis ex vi distinctionis virtualis, n. 452.

Nec in creatis ex vi præcisionis objectivæ, n. 532.

Compositio.

Non datur in Deo, adhuc intentionalis, n. 349.

Constitutivum.

Constitutivum formaliter tale recurrit cum distinctione

Contradictoria.

Alia dicuntur absoluta, alia intentionalia, n. 405.

Contradictoria intentionalia non sunt contradictoria in rigore, n. 435.

Corruptio.

Corruptionis diversitas non est signum adæquatum, & convertibile cum distinctione reali, n. 94.

D

Deus.

Est infinitus in genere perfectionis Divinæ, propter identitatem cum Divinis perfectionibus, in genere verò perfectionis creatæ propter eminentiam, quam habet n. 60.

Non dicitur odio habitus per actum Contritionis, licet ad ipsum terminetur odium, num. 422.

Deus intelligit malum, & non vult malum, n. 474.

Divinum.

Ut aliquid concipiatur Divinum opus non est, quod concipiatur importans simpliciter infinitatem, n. 352.

Dis-

Differentia.

De ratione differentiae ut sic est facerem differere ; de ratione verò differentiae formalis est facere rem formaliter differre, n. 29.

Differentiae entis non possunt distingui formaliter intentionaliter adaequatè ab ente , num. 313.

Potest nihilominus ens distingui adaequatè intentionaliter à differentiis n. 314.

Distinctio.

Consistit formaliter in negatione identitatis , n. 1.

Definitur : *Negatio identitatis unius cum alio*, n. 3.

Dicit necessariò multiplicitem in rei veritate , n. 34.

Assignantur illius divisiones , n. 36. usq. ad n. 48.

Ut detur distinctio positiva non sufficit, quòd in uno ponatur aliquid positivum , quòd non reperiatur in alio , sed oportet , quòd in utroque extremo reperiatur aliquid positivum , n. 42.

Distinctio Realis.

Reperitur inter producem , & productum , causantem , & causatum , n. 49.

Etiam si producem sit accidentale , n. 56.

Non datur distinctio realis inter totum , ut partes unitas , n. 58.

Non arguitur distinctio realis in Divinis ex oppositione

positione producendi, & non producendi,
num. 59.

Distinctio realis arguitur inter illa, quæ sunt in
rebus realiter distinctis n. 60.

Etiam inter illa, quæ sunt separabilia, n. 73.

Signum distinctionis realis quale sit? Vide *Signum*.

Distinctio Modalis.

Non reperitur inter eandem rem ut modifica-
tum, & non modificatam, ut vult *Ægidius*,
n. 44.

Est propriè distinctio realis n. 188.

Non est maior distinctione reali, n. 209.

Distinctio Gradualis.

Non est modalis, n. 206.

Est realis propriè, n. 207.

Datur inter essentiam, & existentiam creatam,
n. 108.

Reperitur etiam inter naturam substantialem
creatam, & subsistentiam, n. 154. Vide V.
Essentia creata, & V. *Subsistentia*.

Distinctio formalis Scotica.

Non datur inter gradus metaphysicos creatos,
n. 217.

Est minor distinctione reali physica, & maior
distinctione rationis, n. 219.

Non datur distinctio Scotica inter essentiam, &
attributa, nec inter attributa ad invicem com-
parata, n. 247.

Nec

Nec inter essentiam Divinam cum relationibus comparatam, n. 271.

Distinctio formalis Baconica.

Est minor distinctio reali physicâ, n. 292.

Non est tantum fundamentalis, sed formalis ante intellectum. Ibidem.

Non differt à Scotica in eo, quod ista sit de linea physica, illa non n. 293.

Assignatur distinctio, n. 294. & 308.

Distinctio formalis Baconica non consistit in diversa cognitione, sed in diversa cognoscibilitate, n. 302.

Datur inter gradus metaphysicos creatos. 289.

Etiam inter essentiam Divinam comparatam cum attributis, & inter attributa ad invicem comparata, n. 339.

Talis distinctio in Divinis solum dicit respectum ad intellectum creatum, non ad Divinum intellectum, n. 341.

Ex distinctioe formali intentionali in Deo reperiata non sequitur compositio, adhuc intentionalis, n. 349.

Datur distinctio formalis intentionalis Baconica inter essentiam, & relationes Divinas, n. 374.

Non salvat contradictoria physica in Divinis, sed tantum intentionalia, n. 379.

Distinctio formalis intentionalis, quam admittit Baconius, est distinctio D. Thomæ, licet non ita explicetur à Thomistis, sicut à Baconistis propugnatur, n. 394.

Di-

Distinctio Virtualis.

Assignatur conceptus distinctionis virtualis in communi, n. 502.

Distinctio virtualis non est maior distinctione reali, n. 395.

Solum est realis in virtute, ideoque dicit virtuale tantum negationem identitatis realis, Ibidem.

Non habere identitatem virtualem cum aliquo non recurrit cum distinctione virtuali, nisi in rebus physicè identificatis, n. 418.

Distinctio virtualis maxima.

Quomodo definiatur? n. 502.

Non admittitur in creatis ad salvanda contradictoria physica, n. 404.

Nec ad salvanda contradictoria intentionalia, n. 431.

Salvat contradictoria physica in Divinis, n. 440.

Facit quod munus unius non sit munus alterius, n. 441.

Admissa distinctione virtuali maxima in Divinis, adhuc salvatur tota veritas Concilii Florent. Caventis inter essentiam, & relationes distinctionem quamcumque veram, & rigorosam, n. 444.

Quomodo possit unum esse distinctum in Divinis, quin distinguatur n. 458.

Ex distinctione virtuali in Divinis non arguitur distinctio Scotica, n. 464.

Di.

Distinctio virtualis non evertit principium illud: *Impossibile est idem simul esse, & non esse*, n. 468.

Non est admittenda distinctio virtualis maxima inter intellectum, & voluntatem Divinam ad salvanda contradictoria absoluta, n. 469.

Distinctio virtualis minima.

Quid sit? n. 502.

Datur in creatis, n. 485.

Non habet virtutem distinctionis formalis intentionalis, sed solum est virtus ad illam, n. 491.

Distinctio virtualis minima etiam in Divinis reperitur, n. 492.

Sola distinctio virtualis minima est fundamentum distinctionis formalis intentionalis tam in creatis, quàm in Divinis. Ibidem, & n. 495.

Distinctio rationis.

Quid sit? n. 39. & 40.

Datur etiam ex parte objecti, n. 503.

E

Eus.

ENs intentionale formale mediat inter esse physicum, & rationis purè, n. 337.

Enti-

Entitas.

Entitas Corporis, & Sanguinis Christi non re-
producitur absolute, sed eorum dumtaxat
præsentia sub speciebus panis, & vini, n. 52.
Eadem entitas physica potest esse multiplex in
linea intentionali, n. 290. & 291.

Esse intentionale.

Resultat ab esse physico, n. 338.
Sed opus non est, quod detur diversum esse phy-
sicum ut detur esse intentionale diversum,
n. 305.

Essentia Divina.

Non importat unitatem transcendentalem for-
maliter in esse conceptibili, n. 368.
Solum est de Conceptu Paternitatis in esse rei,
non in esse objecibili, n. 385.
Est simpliciter infinita non solum in esse rei,
sed etiam in esse objecibili; verum non inclu-
dit in suo conceptu omnes perfectiones Di-
vinas formaliter, n. 390.

Essentia creata.

Distinguitur ab existentia gradualiter, n. 108.
Essentia possibilis quando transit ad actum, so-
lum immutatur in essendo, non in essentia,
n. 131.

Essentia actualis non distinguitur realiter phyfi-

cè ab actuali existentia, n. 150.

Essentia actualis, sumpta reduplicativè, nec gradualiter distinguitur ab actuali existentia; secus verò si specificativè sumatur, n. 152.

Essentia possibilis nec physicè, nec gradualiter distinguitur ab existentia possibili. Ibidem.

F

Formæ.

H Abent essentialiter quod aliis dant, etiam accidentaliter, n. 4.

Præstant suum effectum vel adæquatum, vel inadæquatum in subjectis, in quibus reperiuntur, n. 427.

Fundamentum.

Fundamentum distinctionis Baconicæ aliud dicitur proximum, aliud remotum, n. 336.

G

Generatio.

G enerationis diversitas non est signum adæquatum distinctionis realis, n. 94.

Gradus.

Gradus metaphysicus quid sit? n. 218.

Quo-

Quomodo desumantur à partibus physicis? n.
241.

I

Idem.

Non potest simul esse, & non esse, sumptum secundum idem; secus si aliter sumatur, n. 279.

Potest idem in Divinis affirmari quoad esse, & negari quoad munus de eadem entitate, n. 449.

Ex eodem in quantum idem potest resultare non idem, n. 359.

De nulla entitate creata potest idem prædicatum affirmari simul, & negari cum veritate, n. 406.

Identitas.

Consistit in positivo, n. 534.

Sic describitur: *Affirmatio unius de alio*, n. 539.

Quotuplex sit? n. 540.

Potest excludi maior identitas, quin excludatur minor, n. 399.

Identitas, sive indistinctio virtualis est maior reali, n. 400.

Quale sit signum adæquatum identitatis realis? n. 542.

Intellectus.

Potest dici formaliter multiplex à multiplici cognitione, n. 303.

Intellectus, & voluntas notionalis in quo differant ab intellectu, & voluntate essentiali? n. 470.

L

Lumbier.

Elogium, n. 225.

Libertas.

Libertas contradictionis, & contrarietatis in quo differant? 428.

M

Malitia.

Malitia formalis peccati consistit in privato juxta Bacon. n. 408.

Materia prima.

Essentia materiæ primæ non distinguitur gradualiter ab existentia, n. 121.

Mysterium Incarnationis.

Non salvatur sola distinctione virtuali internaturam, & subsistentiam creatam? n. 180.

Modus.

Distinguitur realiter à sua realitate, n. 77.

Non potest existere independentem ab illa, num? 196.

Mo-

us translationis sumatur, n. 187.
Vide V. *Natura*.

Subsistentia.

Distinguitur realiter gradualiter à natura, num.

154.

Differt à supposito, & Persona, n. 157.

Non est effectus agentis, n. 185.

Non est modus naturæ, n. 186.

T

Transcendentalia.

N On impedit quòd conceptus transcendens
possit adæquatè distingui formaliter in
esse objicibili á suis differentiis, n. 311.

V

Verbum Dmivinu.

P rocedit realiter tam per intellectum, quàm
per voluntatem essentialem, n. 483.

Processio Verbi est generatio, non processio

Spiritûs Sancti, n. 484.

Et quare? Ibidem.

Non est tertia entitas, aut modus distinctus à materia, & forma, n. 411.

Unio hypostatica quare dicitur omnium maxima? n. 398.

FINIS LAUS DEO.



